

*image
not
available*





LXII-B.24-5

BIBLIOTECA NAZ.
Vittorio Emanuele III

LXII

B

24

NAPOLI

76.2. et 3.





S
IS

E

ES

EX
TE-
SE-
DO-
IN-
ET


O,


M;



*Cam potuimus nolimus
 scire non possumus
 sapienter Phryges.*



*Perdam Vo
 ne perdar à V*



INTERAT. PIZELIO.

2
FELIX LITERATUS
EX
INFELICIUM PERICULIS
ET CASIBUS,
SIVE DE
VITIIS LITE-
RATORUM
COMMENTATIONES
HISTORICO-THEO-
SOPHICÆ,

QUIBUS INFELICIUM EX
ANIMO, H. E. VITIOSORUM LITE-
RATORUM CALAMITATES ET MISE-
RIÆ, CONQUISITIS EXEMPLIS ET DO-
CUMENTIS SELECTIORIBUS EXPONUN-
TUR, ATQUE ERUDITIS, AD VERÆ ET
IMPERTURBATÆ FELICITATIS SEDEM
TENDENTIBUS VIA TUTISSIMA
OSTENDITUR.

AUTHORE
THEOPHILO SPIZELIO,
D. V. I. E. A. M.

AUGUSTÆ VINDELICORUM,
APUD THEOPHILUM GOEBELIUM,
LITERIS KOPPMAYERIANIS.

M DC LXXVI.

CELSISSIMÆ
SANCTISSIMÆQUE
TER-OPTIMI TER-MAXIMI
NUMINIS
MAJESTATI,
BEATÆ, ITEM ÆTER-
NITATI,
ATQUE PERPETUÆ
LITERATORUM
HOMINUM FELICI-
TATI

OPUS HOC SACRUM ESTO!

PRÆFATIO.

NE, neque Cognitio sine verâ VITA tuta est, ideoque in propinquo utrumq; fuit plantatum.
Et Magno Ambrosio enunciante, multò
fatius est VITAM Bonam (qua etiam sine doctrina habet gratiam) possidere, quam doctrinam sine vita, qua nullam habeat INTE-
GRITATEM! Ecquis eum Doctorem,
ARBOREM vocare dubitaret dignam
quæ DEO consecratur, qui LIN-
GUAM in FOLIIS, COR autem
in FRUCTIBUS exprimat, adeoq; juxta
Servatoris ipsius monitum & exemplum
FACERE pariter ac DOCERE labo-
ret, neque eorum inscribus sit albo, qui-
bus olim exprobratû fuit, quod DEUM
LABIIS duntaxat suis (CORDE autem
averso) honorarint. Etiam quem Chri-
stianum nonnulli dixêre SENECA,
præclarè docuit, veram Sapientiam non
in VERBIS solùm, sed in REBUS etiam
consistere, non in hoc adhiberi, ut cum
)?(2 aliquâ


AD LITERAT. FELIC.

aliquâ oblectatione consumatur dies, ut dematur otio nausea, sed quæ animum formet ac fabricet, vitam disponat, actiones regat, agenda & omittenda demonstret. Quid, quod toto de brevitate vitæ libro ostenderit, hanc unam esse vitæ extendendæ rationem, quam omnes brevissimam querantur, si cæteris rebus omissis publicis privatisque, quas vel vanas, vel exitiosas (etiam quæ tutissimæ videntur) exitus probet, omnem ætatem **SAPIENTIÆ** studijs impendamus, **NOBIS**que ipsis vivamus, cui uni curæ Paullinum suum, relictis publicis, quibus detinebatur negotijs, voluit occupari. Nos verò cœlesti beneficio sanctioribus imbuti placitis, ad **BEATIOREM** longè, solisque fidelibus promissam adspirantes **IMMORTALITATEM**, affatim vitæ hujus, tot miseriarum turbini-
bus agitata brevitem compensatam,
puta-

L I T E R A T I S E X
A N I M O F E L I C I B U S

S. P. D.

A U T H O R !

 On invenère prisci Sa-
crorum Ægyptiacorum An-
tistites, cui convenientius
PERSEAM arborem (cu-
jus FOLIA LINGUÆ figuram refe-
runt, FRUCTUS CORDIS,) dedica-
rent, quam Sermonum NUMINI, opti-
mè judicantes, COR VIRI SAPIEN-
TIS pariter ac LINGUAM divino
consecrandam ministerio, atque pro-
fundiori rerum cognitioni sociandum,
esse omne melioris vitæ institutum. Num
sanctius quicquam monito isto hierogly-
)?(phi-

AD LITERAT. FELIC.

phico mystæ enunciare, anne salutaris
præceptum alumnorum suorum auri-
bus & animis inclamare potuissent? Ast
longe evidentius, disertiusque CHRI-
STIANA PHILOSOPHIA ostendit,
NON LINGUA SOLUM, SED
VITA etiā moribusq; philosophandum;
qui secus faciant, illos non PER SEÆ,
sed arboribus similes esse SODOMITI-
CIS. quæ pulchram quidem maturitatis
præ se ferant speciem, levi tamen com-
pressæ tactu, illicò in favillas fatiscant &
cineres, atque ut ipse Dominus ait, deal-
batis respondeant sepulchris. Quid quod
universi hujus Conditor Maximus, nobi-
le ejusdem documenti symbolum in ter-
restri Paradiso constituturus, SCIEN-
TIÆ LIGNUM proximè LIGNO
VITÆ duxerit plantandum. *Neque
enim VITA* (uti præclare Justinus Martyr
scripsit ad Diogenem) *sine COGNITIO-*
NE,

P R Æ F A T I O.

illius VOLUPTATIS intuitu atque respectu, quæ Literatis ex sinceræ PIETATIS Virtutisq; Christianæ exercitio maximâ beatitatem conciliat. Talia eam excipiunt oblectamenta, quæ etiam sæpius repetita neutiquam displiceant, nullumque unquam fastidium habeant finitimum.

Et cum ad imperturbatæ hujus FELICITATIS sedem tendentibus LITERATIS, paucis ab hinc annis, opellâ peculiari (quæ sub PII SECESSUS* titulo prodijt) quoddam veluti calcar addiderim, atque ERUDITI HOMINIS, à profanæ doctrinæ & vitæ vanitate, ad sinceram veramque PIETATEM exposuerim manuductionem, quâ sc. ratione illi, qui pridem cum cæteris seculi mancipijs otiosè fuerint negotiosi, latèque hinc inde sint evagati, ad se ipsos tandem accedere propius, secum habitare felicius, inque

* Edit. 1669. Aug. una cum Ep. de Atheismo eradicando.

AD LITERAT. FELIC.

inque PIO quodam SECESSU, velut in
egregio veræ sapientiæ arcano abscon-
diti, res & curas hominum profanè li-
teratorum tutius intueri, DE Oque
optatius servire possint; Animus nunc
est novo (utinam non supervacaneo!)
Opere, Literati Orbis incolas ad celsiora
nitentes, & VITÆ FELICIORIS ty-
rocinia (post superatos plusquam Her-
culeos labores, exhaustas verè omnes
corporis animique vires, immensa deni-
que tædia devorata) ponere optantes
sui admonere officij, & ad hostes illos do-
mesticos debellandos, pestesq; VITIO-
RUM execrabiles exterminandas profligandasque invitare pariter ac incitare:
ne scilicet doctrinâ literisque humanio-
ribus exculti mortales, gravi illâ passio-
num, affectionum & inclinationum per-
versarum (quas antiquus hostis in eos
veluti proditores quosdam suscitare so-
let)

PRÆFATIO.

putabimus, si è seculi hujus tenebris, atque infinitarum vanitatum abyſſo, per Christum in admirabile Divinæ Sapien- tiæ lumen, atque felicissimum cœlestis gloriæ Paradisum transferamur.

Magnæ sunt fateor LITERATI HO- MINIS ex assidua studiorum tractatio- ne voluptates, siquidem præ his vix ullæ aliæ ipsi arrideant, non epulorum aut lu- dorum, aut aliarum quarumcunque ille- cebrarū delitiæ, imò nihil propemodum delectabilius fingi possit, quam immotæ studiorū suorum axi inhærens literatus. Mente siquidem universum permeat Or- bem, quidquid uspiam præclarum & ex- cellens est, intelligentia inspicit, Regno- rum ortus, progressiones, inclinationes- que, ex eruditione, tanquam è specula- contemplatur, videt tot naufragia sine metu, tot bella spectat sine periculo, ab- ditiora terræ viscera sine fatigatione ri-

AD LITERAT. FELIC.

matur, ingreditur Principum ædes sine repulsa, subit Templorum Sacraria sine sacrilegio, Sapientum consilijis interest absque censura. E Stoa pro lubitu in Academiam transit, ex Academia in Lyceum, Zenone, Socrate, Platone, Aristotele, Pythagorâ, Epicteto, Seneca, cæterisque insignibus Viris utitur familiarissimè. Libris circumfusus, delibat quidquid est in Grammaticis accuratum, in Epicis amœnum, in Tragœdis sententiosum, in Comœdis festivum, in Lyricis excultum, in Satyra falsum, in epigrammate acutum, in fabulâ ingeniosum, in panegyri elegans, in historia varium, in eloquentia sublime, in Philosophia reconditum, in Medicina necessarium, in Jurisscientia utile, in Mathematicis admirabile: Quantumvis igitur ingens ea sit quæ Virum solidè doctum comitatur delectatio, nihili tamen reputanda est
illius

PRÆFATIO.

let) mole in terram defigantur, æternæque tandem dentur internecioni, sed Divinæ potius GRATIÆ radijs collustrati, ad veram sinceramque PIETATEM convertantur, deq; tenebrarum filijs, sempiternæ Lucis hæredes efficiantur. Navigationem quandam toto hoc opere confecturus, Argonautis LITERATIS, horrendarum procellarum, vitiosorumq; fluctuum impetu abreptis, seriæ solidæq; POENITENTIÆ anchoram ostendere constitui, ut perspectis tot eruditorû hominum periculis & casibus, cognitis tam funestis exitiosisque vitiorum scopulis, totque piratarum spiritualium fraudibus insidiisque exploratis, deinceps NAVIGATIONEM suam, h. e. SE IPSOS regant prudentius, cogitantesque, quâ sæpè vi ac impetu ab adversarijs ad casum sint concussi, & ex casu in præcipitium, MALA sua, h. e. peccata,

AD LITERAT. FELIC.

gravioraque paroramata sibi frequenter
revocent ad animum, & conscientiam
perperam gestorum habeant ante oculos,
tum ritè poenitèdo ad DEUM accedant,
& salutari horrore perculsi, maximarum-
què illarum procellarum ac belluarum
Marinarum, IMPIETATIS scil. SU-
PERBIÆ, CENODOXIÆ INVIDIÆ,
CONTENTIONIS, MALEDICENTIÆ,
AMBITIONIS, AVARITIÆ, NO-
XIÆQUE CURIOSITATIS faucibus
erepti, ad divinæ misericordiæ, Christi
Salvatoris merito partæ aram confu-
giant, ei que soli confisi, ac libertati pri-
stinæ restituti, æternam cœlesti ope evi-
tent confusionem. Non mihi in hoc ope-
re adornando consilium, alienam sca-
biem satyrico perfricare sale, non carpe-
re quempiam temerè aut lædere, non
institui summos ac de publica & literaria
re meritissimos Viros atro notare carbo-
ne;

PRÆFATIO.

ne: Prorsus enim anous essem, si quam
libro hoc conor evertere quorundam
profanè doctorum malignitatem, con-
vitijs ipse sustentarem. Convitijs inquam
omissis, **VITIIS** potius **HOMINUM LI-
TERATORUM** sacrum indicare bel-
lum, easque pestes suis coloribus depin-
gere constitui. *Siquidem* (scitè dicente
Paschali) * **NOTITIA VITIORUM**,
*omniū saluberrima cognitio, eaq; altissime in-
spicere, idem prorsus sit atque odisse; Vitia ve-
rò odisse sit ipsam amplecti VIRTUTEM, h.e.
esse in confinio, mox in gremio VERÆ FELI-
CITATIS.* Et cum **EXEMPLIS** primū,
dein **DOCUMENTIS** selectioribus **IN-
FELICIUM EX ANIMO**, h.e. **VITIO-
SORUM LITERATORUM** miseras
& calamitates duxerim exponēdas, ope-
ram intēdi diligentiozem, ne quicquam
in cerebro natum, aut ambiguo rumore
relatum obtruderetur, verum probatissi-

)??(2

mo-

* Paschal. Præf. lib. de Character. Virtut. & Vitiis.

morum authorum suffragijs sive testimo-
 nijs stabilirentur omnia, atq; quam dili-
 gentissimè caveretur, ne eruditi homi-
 nes, præter rem culpamve suam temera-
 tæ virtutis admissæque vitiositatis obe-
 lo notentur, & sive Impietatis atheismiq;
 sive Superbiæ & Cenodoxiæ, sive Invi-
 diæ, Contentionis & Maledicentiæ, sive
 Ambitionis, Avaritiæ ac noxiæ Curiosi-
 tatis veru iniquè transfigātur. Quod ab
 alio quovis ipsi optamus, ait non nemo, vel
*stetamus officium, nimirum ut post fata etiam
 fama persistat integra, & ab hostium vindice-
 tur injurijs, hoc nos quoque Viris de publicâ
 & literariâ re meritissimis ex animo præste-
 mus, & graviter quidem, ne parum seriò id e-
 gisse videamur.* Ea verò potissimū cura me
 versavit atque cogitatio, ut doli frau-
 desque (quibus callidus ille veterator
DOCTISSIMIS etiam **HOMINIBUS**
 hæctenus imposuit) fideliter detegantur,

PRÆFATIO.

ac INFELICIBUS quibusdam, & in corruptæ inquinatæq; eruditionis Republicâ etiamnum degentibus Literatis, viatutissima ad VERÆ & imperturbatæ FELICITATIS metam ostendatur, denique ut malè (ad animum quod attinet) se se habentibus, remedia præscribantur, quibus à præsentissimo mortis periculo (divinâ adspirante clementiâ) liberari queant. Quod ut aliquousque exequer, nulla non vitæ Literato-Christianæ instituta duxi delibanda, ea ubique profectus, quæ nō uni Literatorum Ordini, unive Doctorum hominum familiæ, sed cunctis omninò conveniant, quemadmodum architecti eâdem norma plurimas erigere domos; iisdem sanitatis præceptis, omnium curare morbos, vel firmare valetudinem Medici assueverunt. Et verò, haud secus ac si quis de vitæ diurnitate scriberet, id spectans, ut ejus

AD LITERAT. FELIC.

tuendæ & prorogandæ rationem com-
monstraret, ineptè prudentiorum judi-
cio faceret, si de vita, de tempore, de du-
ratione multa Philosophorum in morem
differeret; ad rem verò suam aptissimè, si
de cibis, de diætâ, de otio, laboreque ad
valetudinem conferente, malè affectorū
bono disputaret; Ita hoc in argumento
apprimè vitandū duxi, ne de **VITIIS LI-
TERATORUM**, Scholasticorū in mo-
rem subtilius dicerem, sed potius tū in ex-
cutiendis pestiferis morborū mysticorum
seminarijs, tum opportunis etiam **REME-
DIIS** præscribendis diutius morarer;
operamque collocarem fructuosiore. Haud
equidem me latet, quam grave hoc
opere volvam saxum, quamque arduum
susceperim onus, utpote in visū Mundo,
ejusque Principi diabolo, cujus fraude &
malitia plerumq; accidit, ut optato pro-
gressu careant, quæ **DEI** pietatisq; pro-
pagan-

PRÆFATIO.

pagandæ causâ suscipiuntur. Certo certius autem mihi persuadeo, non defuturum meditato operi consilioque successum, quem rebus suis SS. Numen dare solet, licet id non semper fiat modo & tempore à nobis efflagitato. *Quisquis DEVM ejusq. honorem sincere amaverit, & spreto fortiter furore favoreque humano, gradu inflexo perrexerit, is ad sinistra neutiquam delabatur, sed suprema FELICITATIS Christiano-LITERARIÆ fastigium tandem aliquando conscendet, sempiternâ gavisurus BEATITATÊ.* Quem ipsum immarcessibilem laborum certaminumque suorum fructum tempore suo percipient, atque HOMINUM ex ANIMO felicissimorum elogium, certo certius consequentur LITERATI singuli, si execrandis illis, quas toto hoc opere detestati sumus, eruditi Orbis pestibus sanâi dent repudij libellum, inque pietatis virtutisque sinceræ palat-

AD LITERAT. FELIC. PRÆFATIO.

palæstra studio ac labore indefesso se se
exerceant. **DEUM** ipsum sic trahent ad
se, ejusque clementia ac benignitate **FELI-
CITATIS** supremæ apicem rectissi-
mè attingent. Divites sic erunt satis, satis
docti, clari satis, denique in ipsâ infelici-
tate sua (si quæ ijs in seculo obtingat) **FELI-
LICES** satis atque **BEATI**. **DEUS** fons
omnigenæ prosperitatis ipsis erit omnia,
Pax, gloria, thesaurus, gaudiumquè sem-
piternum. Accipite igitur **O FELI-
CISSIMA PECTORA**, hæc bono ve-
stro conquilita, & ad classes suas redu-
cta, nec non **LITERATORUM HO-
MINUM** moribus expoliendis adaptata
monita Theosophica, quæ si sint ad ani-
morum vestrorum emolumentum, in-
terpretabor me in hoc quali quali opere
parando operam neutiquam perdidisse.
Valete, & si libitum est, subsequentem de
prima Infelicitatis literariæ origine, ejus-
que remedio Dissert. legite. **DIS-**



DISSERTATIO PRÆLI-
MINARIS

DE

PRIMA INFELICI-
TATIS LITERARIÆ ORIGI-
NE, EJUSQUE OPORTUNO
REMEDIO.

I.

A Nimum non semel co-
gitatio subiit, unde tantum
fortunæ erga VIROS LI-
TERATOS odium, ut à
longo seculorum decurso
tempore assidua in eos calamitatum &
miseriarum fulmina emiseric, plerosque
gravi egestatis subjecerit jugo, quosdam
duriori excruciarit carcere, alios in exili-
um egerit, nonnullos injuriis innumeris
affectos horrendæ tandem dederit inter-
necioni, adeoque universum ferè Orbem
eruditum tantis cladibus insignem effe-
cerit,

A

Jo. Pierius Valer. in lib. de infelic. liter. ed. Helmst. 1664.

cerit, ut nihil ferè in eò lætabile unquam sit deprehensum. Molestum equidem foret, arduumq̃ve nimis, omne infelicitatis literariæ excutere seminarium, atq̃ve miserandas maximorum etiam Ingeniorum commemorare ruinas. Non paucos ex solâ ITALIA Pierius recensuit sui propè temporis Viros, præclaris animi dotibus, pariter ac fortunæ novercantis ludibriis illustres. Plures Pieriano pegmati doctissimus adposuit Toldius. Innumeros uterq̃ve scriptor sive data operâ, sive invito silentio prætermisit. Non paucos equidem hoc ipsum, quo vivimus, ævum novit viros doctrinâ meritisq̃ve in Rempublicam literariam graves, qui fato lugubri à felicitatis throno deturbati, pro spectatis eventibus prosperis, calamitates gravissimas & fulminantes miseras aspexêre, & qui (ne ullum infelicitatis genus à literatis abesset) etiam suas, sibimet invisas projecêre animas. Quod si verò in prima deploratæ, atq̃ve tot illustribus documentis compertæ infelicitatis incunabula, sive malorum literatos viros exercentium causam palmariam inquisiverimus, quam-

quamobrem sc. tot ab Orbe condito & restituto eruditorum myriades, graves adeo tempestates subierint, & vitæ non minus quam famæ, fluxæ felicitatis pariter ac beatæ æternitatis tristem passæ sint jacturam, ipso meridiano Sole clarius elucescet, plurimos Musarum filios culpâ non nisi propriâ tantæ miseriæ barathrum incurrisse, atq; ob pudendas animi sui labe iratam habuisse Nemesein, cum (ipso Platone enunciante,) *summa ingenia, summis plerunq; VITIIS laborent.* Tanta profectò peccatorum in Orbe literato magnitudo semper fuit, tantaqve frequentia, ut concatenatâ quasi sordium atqve impuritatum serie SS. Numinis Majestatem laceraverint læserintqve doctorum hominum innumeri, ejusqve justitiam in temporale non minus quam sempiternum sui exitiû ac perennans supplicium provocarint.

II. Non sine curâ studioqve singulari *Johann. Bisselius Illustr. Ruinar. Dec. III, p. 622. seqq.* Vir nostrâ ætate celebris notavit præstantissimorum quorundam, & poetica cum primis facultate illustrium hominum miserabiles ruinas, verum iis probe perspetis, liquido constabit, plerosque malo suo

culpave propria extremam incurrisse calamitatem, cum in tractandis quidem excolendisqve literarum studiis illi fuerint assidui, nullam tamen sive pietatis & Religionis, sive honestatis pudorisqve habuerint rationem. Si ullius unquam viri Literati vita calamitosa, ipsius HOMERI fuit ferè universa, ut plane cento quidam & pannucia dici possit infelicitatis, *invidiâq; fortune* (quod Pausanias conqvestus est) *materies ac theatrum* humana dignum commiseratione, siquidem non solum cum extremâ paupertate semper sit confictatus, verum luctuosissimam etiam luminum suorum jacturam subierit, ideò miser, quia *Cæcus*, & ideò inferior quia simul *semper mendicus*, ideò autem miserimus, quod fortunæ suæ pessimæ faber ipse fuerit, ob idololatriam pariter ac impias & detestandas de divinitate assertiones etiam de gentilium quorundam sententia gravissimè punitus. Non solum inquam propterea tam miser ille exitit, quod teterrimos cacodæmonas aut certè opera manuum humanarum aurum & argentum artisqve inventionem DEOS
appel-

appellaverit, cujusmodi idololatrias sapientia Salomonis *Infelices* pronunciavit; verum quod scripta protruserit pudendis execrandisqve narrationibus contaminata, Deos induxerit ac Divas inter se rixantes, pugnantes, vulnera miscentes, imò detestanda quæque mentis humanæ facta cogitataqve Divinitatis cujusdam characterē insignire non dubitarit, deniqve stuprorum adulteriorumqve Jovis enarratione plurimum jam olim nocumenti intulerit juvenibus, qui lectis auditisqve Deorum ac Jovis ipsius tot stupris ad paria ut plurimum sunt provocati, cum Chærea illo Terentiano gestientes, *DEUM in hominem se convertisse, consimilemq; ludum jam olim luisse; fucum ab eo factum esse mulieri per scelus clanculum.* At Dii boni! quæ *DEUM*? nimirum illum, qui templi cæli summa sonitu concutit. Is fecit hæc; Ego non facerem hæc eadem homuncio? Taliū itaqve nequitiarum Dux Homerus, tametsi nec idola coluisset, neqve cœlestia profanasset, meritas vel eo solum nomine dedit poenas, quod lectorum mentes & aures exempli scriptionisq; pravitate co-

*Sapient.
XIII.v.*

10.

*Terent.
Eunuch.
Act. III.
Sc. 5.*

Conf.
Gene-
brard.
lib. I. in
ann. m^{di}
di 3186.

inquinavit, ac ejusmodi divinitati affinxerit scelera, quorum imitatione plurimi in perniciem sempiternamque calamitatem sunt detrusi. Et sanè quantam Melesigenes ille ob pudendam in scribendo procacitatem, ruinam ac jacturam adierit, ipse Pythagoras (profanæ licet sapientiæ magister) innuere voluit, dum Homeri & Hesiodi animas apud inferos ex arbore suspensas, ac serpentibus undique circumplacitas esse, gravissimasque ac sempiternas ex morso poenas luere nescio quo revelante dæmone commemoravit. Et cum *alii in illis regionibus sedere Homerum tradiderint. unde negetur reditus*, vel ut christiāe magis dicamus, ubi conscientia malæ verme rodūtur impii, quis dubitaret, illum post fata calamitatem subisse omnium gravissimā (quæ scilicet animæ est,) ruinarumque; in supremum apicem & infaustam coronidem attigisset. Nec minus horrendum consimilis iufelicitatis exemplum & documentum post Homerum, is, cujus modo meminimus, HESIODUS dedit, qui eādem qua Melesigenes patriā exortus, cum ob inopiam & æs alienum relictis Jonibus & Æolide, A-

scram,

scram, Bocotorum in Græcia exile oppidum commigrasset, ibi *Theogoniam* suam, seu Deorum, Dearumque natales origines, opera diesque; Mulierum item Heroidum indicem, & Herculis aspidæ seu scutum conscripsit. Ast cum suæ in scribendo honestati neuiquam vitæ integritatem sociarit, nec recordatus sit verborum Theogoniæ suæ quolibet oraculo Delphico veriorum; *Feminam structam esse malum hominibus; Malum pulcrum pro bono, dolum arduum & inexplicabilem perniciosum genus, & noxium valde damnum* &c. cum inquam verborum immemor horum Hesiodus in Ctemenem Locrensem in Græcia puellam in luco qui Nemeo Jovi sacer erat incidisset, eamque licet non repugnantem vitiaffer, tantam culpa sua incurrit fratrum puellæ Amphiphanis & Ganyctoris indignationem, ut ab illis (ad Simeonis & Levis exemplum) propter vitium sorori illatum sævienti- bus, in promontorio per insidias exceptus, colligatusque de rupis editissimæ vertice præceps in mare sit datus, cadaver postea piscatoriis extractum fuscinis Locris ter-

*Hesiod.
in Theo-
gon.*

ræ mandatum. Sed & alia nobilissima
 Græciæ Latiiq; ingenia miserè quondam,
 licet non de rupibus, collapsa tamen sunt,
 & in extremæ perditionis barathrum ma-
 lo & flagitio suo deturbata. Periiit hoc
 modo Lyricorum ille princeps *Anacreon*
Tejus, vir carmine vitaqve veneri juratus,
 ac lascivus, detestabiliqve puerorum con-
 suetudine contaminatus, periit inquam,
 uvæ passæ strangulatus acino, quippe cui
 merum nimium in omni vita sæpius col-
 lum ad prava detorserat. Periit non mi-
 nus miserè Lyricorum alius *Aleman Sardi-*
ensis, ex quo nomen & origo versibus Alc-
 maniis, & scatentibus è corpore vermicu-
 lis ingenii sui scriptionumqve luit sordes,
 ab illis morsu morteqve consumtus. Fœ-
 dum quoque interitum veluti vitæ fœdi-
 oris stipendium accepit Menander, octo-
 ginta fabularum compositor, propter in-
 sanum infeminas ardorem distortissi-
 mus, tandem in Acheruntem (dum exiguo
 nataret in rivo) è populi, scenis ejus ap-
 plaudentis favoribus, ipsaqve Ptolemæo-
 rum Regum amicitia miserè delapsus. Ac
 licet non ita dignum exitio fuerit Euripi-
 diæ

Conf.

Plin. lib.

VII. c. 7.

dis caput, à canibus tamen Archelai Macedonum Regis intempesta nocte discerptus, ingenti Athenarum luctu interiit.

Qui tanta cum gloria canem aliquando futu- Bissel. l. 1.
ram Hecubam esse cecinit, & canini funeris c. p. 670.
epigramma sortituram fore, canes ipsos habu- Conf.
it sepulcrum, avidis eorum ventribus absor- Eurip.

ptus, potuit vel mortuus, ultima sibi sua, ad finem
quam in naves ablegat Hecuba verba succine- Tragœd.
re: DURA MORIENDI NECESSITAS! qua Hecubain-
scribitur.

Quam etiam experti olim sunt Comici inanis gloriæ vento agitati, utpote Philistio Nicæus, Socratis æqualis, quem futile gaudium è victoria theatricorum adversus æmulos successuū conceptum extinxit, ut & *Philippides*, quem infrænis ob reportatam publici plausus palmam lætitia suffocavit. Nec eos, qui alienis in claudibus humanam ostenderunt miseriam, domestica calamitas præterivit, veluti *Sophoclem*, bolo cibi obstrangulatū, *Æschylū*, jactu silicis interemptum, dum pro mœnibus urbis Siculæ inambularet; *Oppianū* Cilicem, pestilenti carbone suffocatum, *Aristonem* fame ab Atheniensibus necatum, quod satyricè nimis mores eorum

perstrinxisset; *Terentium* Afrum, interitu spontaneo obmersas naufragio centum & octo fabulas suas è medio sublatum; *Titum Lucretium Carum*, tanto furore agitaturn, ut ipse quoque manum à librorum suorum lima semotam sibi admo-
 verit, fatalem in gladium incumbens.

Biff. l.c. *Ejus cruorem desperatum pollinctor, carmi-
 num verò residuam maculam, sponsia fertur
 Ciceroniana revisionis abstersisse.*

Omni-um autem teterrimum fuit Empedoclis Agrigentini exitium, quoniam scelestissimo sacrilegæ gloriæ venatu quæsitum fuit & consummatum. Nam intempesta se nocte demens ille stolidusque literator in ardentissimam *Ætnæ* montis voraginem dejecit, ut cum postridiè comparere desiisset, à Siculis crederetur ad DEOS translatus DEUS, sed repulsa regestaque medio decidentis lapsu vi flammarum, una de crepidis ferreis, & Empedoclis suis-

Vid.
Lactant.
lib. III.
de falsa
sapient.

se deprehensa, conjectura mota fuit spectantibus: *In qualemnam cælum novus hic DEUS abiisset? Loquebantur vestigia iter.*

III. Longum equidè foret commemorare singulos sive veteris sive recentioris ævi custo-

custodes literatos, qui vel à fatuis umbratilis gloriolæ igniculis decepti, vel aliis vitiorum pravorumque affectuum turbini-
bus abrepti, adeoque nonnisi sua culpâ à summæ prosperitatis sede deturbati, extremam subierunt infelicitatem. Quot præstantes doctrinâ literisque viri (in operis nostri decursu notandi) Patrum avorumque nostrorum memoria vitam miserè peractam exitu æque lugubri obsignarunt! Quot Musarum antistites insolentissimo suo supercilio, & inusitata audacia priscos, atque damnificis umbrarum gentilium tenebris obnuptos Philosophos supergressi, in perpetui exitii puteum inciderunt! Stupendum sumeque horrendum ejusmodi infelicitatis literariæ exemplum præbuit *Antonius Ursem*, qui postea Codri cognomen assumpsit, Grammaticorum ævo suo (nimirum seculo decimo quinto ad finem vergente) doctissimus, qui cum teste Barth. Bonon. in ejus vita, Forolivii habitans cubiculum sortitus esset in penitioris palatii parte adeò tenebricosum, ut vel de die beneficio lucernæ indigeret, eamque per imprudentiam (negotiorum

*Barth.
Bon. in
vita Co-
dri.*

tiorum gratia in forum egressus) inextinctam reliquisset, accidit ut ignis chartarum fomento coalitus, omnia ejus consumserit parata prælo opera, clademque intulerit viri Museo (in cujus sublimiori parte antea memorabile hoc epigramma calaverat : *Studia lucernam olentia benè olent,*) planè irreparabilem. Sic itaque cum omnia ejus periissent monumenta, (quæ inter præcipuum locum habuit liber, quem *Pastoris* titulo composuerat,) Codrus veluti furore concitus, ad regiam usque præcipiti gradu ire perrexit, proque cubiculi foribus astans, animi impotentissimi horrendum hoc dedit documentum: *Quod nã ego, dicebat, tantum scelus concepì Christe, quem ego tuorum unquam læsi, ut ita inexpiabili in me odio debaccheris ; Audiea* (pergebat ad quoddam conversus simulachrũ) *qua Tibi mentis compos & ex animo dicam. Si forte cum ad ultimum vitæ finem pervenero supplex accedam ad Te opem oratum, neve audias. neve inter tuos accipias oro, cum infernis diis in aeternum vitam agere decrevi. Ac licet adstantes insanientis Codri furorem lenire sint conati; surdo tamen narra-*

narravêre fabulam, oleumqve consumse-
re & operam. Adeò insuper ira & indi-
gnatio hominem oppresserat, ut extra
portam urbis egressus, amentiaë frenos
non ante imposuerit. quam in vastum se-
se nemus proripuisset, ingentiqve cum
molestia ibi totos dies transegisset. Sed
ultimâ tandem aliquando appropinquan-
te horâ miser ille oculis ac manibus ad
cælum sublatis; *Qui cælum incolis (ex-
clamavit) fer quaso opem peccatori, nolâ
me, qui tuum in sinum confugio supplicem re-
jicere. Si unquam peccantem hominem vo-
ti reum fecisti, sic mihi extrema oranti de-
xtram ab alto porrigas oro.* Ad hunc verò
modum se animamqve suam DEO com-
mendans, qvendam conspexit ingentis
staturæ virum, capite raso, barbâ ad ter-
ram usque promissâ, ardentibus oculis, fa-
ces utraqve gestantem manu, ac toto cor-
pore tremebundum, quo viso in hæc à pa-
vore dictata verba erupit: *Quis nam tu
es, qui solus furiali habitu ea noctis parte,
quâ mortales somno premuntur deambulas, no-
li ad me qui DEI amicus sum infestus acce-
dere, effare quid quaras, quo ire pergas?*
Hæc

Hæc cum dixisset, è strato profiluit, quasi illum in se irruentem vitaturus. Utrum extremum hoc evaserit periculum, & post tantam tempestatem in perpetuæ felicitatis portum sit delatus, dicere non habemus, nisi quod extremi ejus ad discipulos sermones, ex charitatis debitæ lege meliora quæque de eo sperare nos jubeant. *Nihil aliud (ajebat) vobis mando, nisi ut DEUM in primis colatis, vitam perficiendo bonam usque ad senectutis limen, quod si feceritis invenietis verissimum esse illud Furii Camilli Dictatoris: Omnia prosperè advenisse divina sequentibus Numina, adversa spernentibus. Mementote diebus singulis mortales vos esse, hanc humanam vitam nihil omninò arbitantes. Quicquid verò de Urceo (ad salutem quod attinet sempiternam) sic statuendum, ex insignis cujusdam Theologi indicio constat, secundo & quadragesimo ævi currentis anno illustrem doctrinam & literis hominem, cujus ubique celebrantur monumenta, varioque extant idiomate, paulò ante suum ex hac vita abitum abominandæ desperationis subiisse aleam, inque istas extremæ amentię voces*

*May-
fart. So-
dom. in-
fern. lib.
I. cap. 2.*

ces erupisse: *Peccatum (eheu!) in Spiritum Sanctum commisi, nulla prorsus mihi venia consequenda spes; Dæmones mox miseram auferent animam, atq; sempiterna eam dabunt internecioni! Atq; ut liquido vobis (ita circumstantes sanioraq; consilia suggerentes viros Theologos est allocutus,) constet me ad tartaramox descensurum, en denuncio, jamjam fatalem imminere horam, hoc ipso momento mihi ex vita esse excedendum, atq; degendum cum dæmonibus. Dicum factum, mox enim infelicissimam ille efflavit animam, cruciatibus sempiternis affligendam. An non melius illi fuisset omni fama caruisse, quam cum magna misere adeo æternumq; periisse?*

IV. Nec minus constat literatos alios sub postremam vitæ lineam tantum non in furias versos fuisse, rerum tandem ac remedium omnium extorres, intestinis corporis cruciatibus eo redactos fuisseurbationis, ut sive forficis, sive cujuscunque ferramenti tumultuario ministerio dissecto sibi ventre, viscera pariter ac animam effuderint, omniumq; post fata execrationi expositi fuerint, qui vivi nullum

Jo. Pi-
er. Valer.
lib. 1. de
infelic.
liter.
p. 78.

lum sive in dicendo sive in scribendo pudorem præ se tulere. *Gravissimum est* (scilicet ait Pierius) *in exilio & egestate laborantem* (literatum scilicet) *morbo etiam absumi. Miserrimum longa alicujus valetudinis incommodo cruciari, infelicissimum trucidari; sed eorum ego sortem omnium teterrimam & arumnosissimam existimo, qui se tam miseros judicarunt, ut sponte sibimet injicerent manus. Sic Demosthenes, sic Cato, sic apud veteres clari plerique Viri vitam finire, quod illis tamen vel laudi, vel saluti attributum est, & fortiter perisse dicti; nobis qui sanctius instituti sumus, nihil a quoque perniciosum existimatur. Atque hanc ipsam pudendam αὐτοκτενίας luem tantoperè in Italia ævo suo vigiuisse idem Pierius notavit, ut Florentiæ solùm TRES insignis doctrinæ elogio conspicui viri tali percussi insania semetipsos suffocarint. Laurentius videlicet Laurentianus, quo non elegantior quisquam Philosophiæ studia à Ciceronianis temporibus ad hæc usque secula sit interpretatus; Petrus Leon, artis medicæ peritissimus, literisque politioribus non mediocriter excultus, variarumque re-*

rum

rum cognitione nobilis; & *Johannes Baptista Albinus*, legum exquisita peritiâ illustris; hanc inquam infelicissimorum literatorum trigam sponte sua in altissimos aquæ puteos desiliisse, adeoque miserrimo mortis genere periisse laudatus *Pierius* commemoravit. Nec præter rem hoc loco ad animum nobis revocamus. funestum illum casum, infelicissimumque ex hac vita exitum, quem sortitus est ille Poëtarum & Comicarum ævo superiori decantatissimus *Nicodemus Frischlinus*. Postquâ is ob neglectum inscribendo dicendoque; pudorē obligatis oculis *Uracum* (perverus tam Ducis *Würtembergi* ci arcem) traductus, arctiori que mandato esset custodiæ, frustra que; precibus multis flagitasset liberationem, tanto furore est agitatus, ut cum extremo etiam vitæ periculo fuga sibi consulere carceresque evadere sit conatus. *Parato enim ex conscis-* *Conf.*
sis lintheaminibus, lodicibus ac mantilibus *Melch.*
funè, cum conclave ipsum undique, esset clau- *Adam.*
sum per fornacem ferream effractam erepsit, *vit. Phi-*
& funem ligno transverso in fenestra mu- *los. Germ.*
ri ubi omnium altissimum erat precipitium *p. 265,*

alligavit, deceptus à luna sublustri, sed mox desertus ab illo adminiculo, in petram ex alto muro, de petra in aliam petram, de hac in arbusa, præcipitavit, (singula interval- la singulis domibus editioribus fuerant al- tiora,) sicq; horrenda brachiorum, manu- um, costarum, capitis, pedum confracti- one facta, miserrima morte, calamitatibus, quibus diu premebatur infelicissimum colopho- nem imposuit. Licet verò successu felici- ori è vinculis suis ætate nostra elapsus sit

Erythr. Thomas ille Campanella, postquam & ipse durissimi carceris per quinque & viginti Pinacoth annos pœnam omnibus confectus miseri- 1. p. 43. is perculisset, quæstio tamen de eo quinq; & triginta horis dirè ac crudeliter habita tanta ei attulit tormenta, ut ex venarum arteriarumque immani diffractione gra- vissimam subierit calamitatem. Nec talium ingeniorum deessent exempla, ex quibus clarissimè constaret sæpe literatos ex hoc, unde ad tempus floruere, tandem exaruisse, ex quo resplenduere, ex co- dem miserè periisse, post impensos labo- res usque ad sudorem, post evolutos scri- ptores usque ad pallorem, post exhaustas
omnes

omnes animi & corporis vires nil nisi urnam pulveris, ipsamque (speratæ gloriæ loco) infamiam perpetuam lucratos fuisse, adeoque palmarios exitii sui architectos extitisse. Sæpè ingratissimus carnalium literatorum grex, DEI ejusque beneficiorum omninò immemor, pertinaci adeò affectu in profunda animi cœcitate cervicibus usque adeò duris perseveravit, ut diabolicæ illius tyrannidis fræna excutere, sœvique CHRISTI jugo collum subdere nulla prorsus ratione voluerit. Quidam politioris literaturæ principes, nullam priscis Oratoribus latinis in Romanâ facundia, nullam in lepore Græcis reliquissent prærogativam, nisi tantæ eloquentiæ flumen paulatim in vitiorum paludes abire permisissent, turpiter ingenii doctrinæque suæ inquinassent dignitatem, atque nimio sese inutilique studio macerantes, cum Musis vires, spiritus, vitam denique & ipsam animam decoxissent.

V. Et sanè si quis tumultuosum literatorum quorundam consideret genium, curarum multiplicium procellas,

horrendos eruditarum mentium motus, invidiâ, æmulationeque urgente concitatos; si quis infinitarum molestiarum (doctos prementium) seriem sibi ob oculos ponat, denique spei ac metus, voluptatis atque doloris pugnantes semper apud illos distractamque naturam diligenter animadvertat, mirabitur maximè, qui fieri possit, ut ab uno eodemque eruditi hominis animo factus sæpè extiterint genere adeò discrepantes, indole adeò varii, solūmodò in parentis sui cruciatus angores atque misérias jugiter consentientes. Quod cum vidisset in Platonis Phædone Socrates, nulla que satis idonea ratio suppeteret, nescio quo fabulatore advocato, innocentissimum Numen duxit inculpandum, quippe quod pugnantes tanto perè in animo hominis eruditi concitet affectus, mentes distrahat, atque ita divellat, ut eo dissidio in diem magis ac magis recrudescente, infelicissimus ex solo animo ille efficiatur, quâ ipsa calamitate nihil funestius fingi possit aut excogitari, cum unus idemque animus tunc area bellantibus fiat, & præmium belli, & victori præda, & victo

victo sepulchrum. At verò si sapientis-
 simo Ebræorum Platoni, Philoni scilicet, de *Philo*
 Hominis (docti cum primis) infelicitate *Sacr.*
 differenti auscultemus, liquidò constabit *allegori-*
 omnium ærumnarum, quæ pro miserâ *ar. lib. 1.*
 & inconstanti vitæ hujus conditione ob-
 tingant causam atque rationem non nisi
 ex ipsiusmet malè affecto, atque huc & il-
 luc disjecto animo esse derivandam. Ni-
 mirum cum prava cupiditas cereum ani-
 mum violenter adorta, in eodem turpes
 quasdam imagines relinquat impressas,
 mirum non est, quod miser ejusmodi ac
 verè calamitosus literatus, affectuum su-
 orum tyrannide de tranquillo statu de-
 turbatus, nullisque non malæ mentis fu-
 roribus agitatus, mox impotenter irascens,
 mox perditè concupiscens, mox desperatè
 metuens, extremam tandem incurrat
 perditionem. Ut proin benè dixerit D.
 Augustinus, unicuiq; (etiam literato) su- *August.*
 am cupiditatem gravissimam esse tempesta- *Serm.*
 tem, & aureus ille Orator Christianus Jo- *XIII. de*
 hannes Chrysostomus sapientissimè pro *verbis*
 nunciarit, NEMINEM (etiam in docto- *Domini.*
 rum cœtu) LÆDINISI A SEMET I- *Johann.*
Chrysost.

pecul.
quod ne-
mo lada-
tur nisi à
se ipso.
opp. Tom.
V. fol.
750. c-
dit. Ba-
fil.

PSO. *Indubitata* (ait ille) *sensentia te-
nere debemus, quod si quis laditur, à se-
metipso ladatur, nec ab ullo alio, etiamsi sint
innumeri qui noceant. Et si omnes qui ter-
ram & mare habitant, conveniant ad lade-
dum, nocere nequaquam poterunt ei, qui à
semetipso non laditur. Verum ego & am-
plius adhuc quid assignare tentabo, QUOD
ILLI SOLI LÆDANTUR, QUI LÆ-
DUNT, & nulli alii noceat noxa, quam cæ-
teris inferunt, nisi ipsis qui inferunt. Haud
abs re Veteres animum humanum *Æolia*
(quæ patria ventorum est) nomine desi-
gnarunt, ex quâ scilicet erumpentes vari-
arum perturbationum venti, fluctus &
procellas horrificas suscitent, omnemque
tranquillitatem in tempestatem vehemen-
tissimam commutent. Et quemadmo-
dum ex innumerabili ventorum multitu-
dine quatuor præcipuè seliguntur, qui ex
adversis Mundi cardinibus nominantur
CARDINALES; ita præ cæteris animi
malè dispositi affectionibus, quædam tan-
quam præcipuæ notantur à sapientiori-
bus, quarum vel permissione vel confli-
ctu totus (eruditi etiam) hominis animus
con-*

concuti soleat, nimirum ut Seneca Tragædus scitè non minus quam notanter ait:

*Variamq; nunc huc IRA nunc illic AMOR Seneca
Deducit, anceps estus incertam rapit in Me-
Ut seva rapidi bella cum venti gerunt dea.
Utrinq; fluctus maria discordes agunt
Dubiumq; pelagus fervet, haud aliter mentis
Cor fluctuatur, Ira pietatem fugat
Iramq; Pietas.*

Haud aliter inquam impotentes illi motus suorum malorum alluvione animos nobiliores doctrinâque varia excultos ita inundant, ut continuis ii intemperiiis agitentur, ve efferantur gaudio, fastuque, vel metu deprimantur, vel inflammentur iracundiâ, vel invidiâ contrabescant, vel denique omni furiarum aut furorum incur-su divexentur.

VI. Singularem sanè observationem ea merentur, quæ famigeratissimus Anglorum Regis Cancellarius Franciscus Baco Verulamius de præcipuis literariæ infelicitatis causis (ipsorummet scil. eruditorum flagitiis) alicubi tradidit, præclare ostendens, omnium gravissimum literatorum

*Fr. Baco
Vern-
lam. in-
itio librr.
de anglo.
scientiar.*

hominum errorem in deviatione ab ultimo doctrinarum fine consistere. *Appetunt enim [inquit] homines scientiam alii ex insita curiositate & irrequieta, alii animi causa, & delectationis, alii existimationis gratia; alii contentionis ergo, atq; ut in differendo superiores sint; pleriq; propter lucrum & victum: Paucissimi ut donum rationis divinitus datum in usu humani generis imendant. Planè quasi in doctrina quæreretur lectulus, in quo tumultuans ingenium & astuans requiesceret: aut xystus sive porticus, in quo animus deambulare liber & vagus; aut Turris alta & edita, de quâ mens ambitiosa & superba despectaret, aut arx & propugnaculum ad contentiones & praelia; aut officina ad questum & mercatum: Et non potius locuples armarum & gazophylacium ad opificis rerum omnium gloriam & vitam humane subsidium. Hoc enim illud est, quod revera doctrinam & artes condecoraret, & attolleret, si CONTEMPLATIO ET ACTIO arctiore quam adhuc vinculo copularentur, quæ certè conjunctio talis foret, qualis est supremorum duorum planetarum syzygia, cum Saturnus quietis & contemplationis Dux cum Jove Duce Societatis agendiq; conspirat. Quanquam cum de praxi & actione loquor, nullo modo ad doctrinam professoriam & lucrosam innuo. Neq; enim me fugit, quanto perè hoc ipsum progressionem doctrinae & amplificationem moretur. Perinde quidem, ut aureum malleum ante oculos Atalanta projectum, quod ut col-*
lat

*Lat dū fleētis se, cursus interea impeditur. -- Sed quē-
 admodum cælum & terra simul cōsp̄rant, & cō-
 sentiunt ad hōminum tuendam vitam atq̃, juvan-
 dam, ita sanē hic finis esse debet Philosophia, ut reje-
 ctis vanis speculationibus & quicquid inane ac steri-
 le est, conservetur quicquid solidum est ac fructu-
 osum; ut hoc pacto scientia non sit tanquam scor-
 rum ad voluptatem, aut tanquam ancilla ad quæ-
 stum, sed tanquam sponsa ad generationem fructum
 atq̃ solatium honestum. Haftenus sapientissi-
 mus Baco, qui pro insigni mentis suæ acu-
 mine probe apprehendit, horrendam il-
 lam (quā literatorum plurimi tenentur)
 tyrannidem non aliunde originem trahē-
 re, quam ex putido illo malorum omni-
 um fonte, omnigenæque virtutis pessimo
 hoste, PHILAUTIA scilicet, seu præpo-
 stero & damnifico amore sui, cujus impe-
 rio obsequentes literatorum plurimi, ni-
 hil in actionibus suis quærunt præter com-
 moda, honores, divitias laudesque propri-
 as; ast sp̄c suā frustrati, & ab adversariis
 cum infamia dejecti, vix aliquam inveni-
 unt requiem, sed mente modoque incon-
 dito circumagitantur, continuisque ira-
 cundiæ motibus turbantur, donec perpe-
 tuæ tradantur perditioni. Nihil equi-*

dem virtutibus pariter ac emolumentis li-
teratorum hominum magis adversatur,
nihil graviores in animis ipsorum conci-
rat tempestates, vitiorumque omnigeno-
rum pestilentiora spargit semina, quam
AMOR PROPRIUS, quippe quo non mi-
nus ad illicita quærenda appetendaq; ma-
ximo ardore illi impelluntur, quam à san-
ctioribus alienantur institutis, cumque
DEUS vellet mentes ejusmodi præcellen-
tiores ab humilibus vitæ hujus rebus tol-
lere ad cœlestia, ipsæ tamen totæ hærent,
philautiæ glutino detentæ, haudquaquam
pravas suas cupiditates abjicientes, aut pe-
stifera vitiorum eradicantes zizania, sed
potius cumulatissimè cuncta carnis desi-
deria adimplentes. Quid quod fallaci i-
sto & claudicante charitatis propriæ pede
omnia metientes, de proximo suo haud
aliter sint solliciti, quam ut sibi eum sub-
jiciant, & ad sua duntaxat commoda illo
ejusque rebus pro animi libidine tanquam
propriis bonis utantur. Tantas scilicet,
tamque altas nefandus ille **SUI AMOR**
in plerisque egit radices, ut mutæ dile-
ctionis, atque charitatis proximo debitæ
nul-

nullam prorsus habere velit rationem. Nec mirum adeò, quod ex putidissimo illo, foetorisque avernalis pleno puteo, impetu quodam maximo prorumpat immensa illa peccatorum sive vitiorum coluvies, quæ torrentis instar rapidissimi huc usq; tantum non universum Orbem eruditum inundavit, & ceupelagus procellis fluctibusque exæstuans, ingenia etiam nobilissima occupavit, submersit atque suffocavit. Impedit quippe pestilens ille *amor sui* & propensio ad propria intellectum, ne vitæ melioris documenta homo alioquin doctissimus percipiat, vocantisq; Domini nutibus atque monitis respondeat, quin potius in transgressionibus ac prævaricationibus suis vivere pergat, se suaque continenter anquirens, omnia perrepens, percurrens, & perlustrans, ut reperiat quæ sibi grata, sibi commoda, sibi jucunda appareant, eaque ut consequatur, totis laboret viribus, etsi DEUS id quod agit, sæpissimè nolit, nec ipsi ea quæ habet dona ex gratiâ largiatur, siquidem voluntas, amor & gloria ejus ipsi in omnibus obsistant, atque de perpetua etiam ejus

ius salute actum omninò videatur. Cupiditas enim illa præposterusque sui amor mentis humanæ tenebras ita sæpè condensat & quasi conspissat, ut semetipsos neutiquam cognoscant excœcati mortales, de miserrimo suo statu necquicquam suspicari, imò ne centesimam quidem desperatæ suæ miseriæ partem vel imaginando assequi valeant, nec frequenter solum facileque labantur, verum quod vitii reverà est, virtuti summæ adscribere minimè dubitent. Hoc ipsum probè considerans Magnus ille Basilius, vitiorum portas, contiguas dixit virtutum aditui, tantamque esse virtutibus ac vitiis cognationem judicavit, ut ægrè internoscantur, & vitium sæpè specie & umbra virtutis imponat incautionibus. En verba notatu dignissima!

*Basil.
M. lib.
de verâ
virginitate.
Conf. de
ead. virtut.
& vitior.
cognati-*

Proxima & veluti contiguâ januis Gentiles quoq; ajunt vitia esse virtutibus. Qualibet virtutis janua, simillimam in vitia ferentem utrinq; speciem aperit, ut qui ad virtutem ingredi nititur, ejus primum janua assistens, dum hanc sepulsare arbitrat, apertâ sibi hinc aut inde, alterâ ex vitiorum januis, deceptus maximâ similitudi-

ne ingrediatur veluti virtutis domum ; deinde cunctis ejus errorem irridentibus, ipse quoque & tempore & experimento commonitus, discat, non solum ab eâ se virtute, cujus aliquando januam pulsare videbatur esse remotissimum ; verum ne limina quidem ejus unquam attigisse, neq̃ ipsi janua, ut prius videbatur, adstitisse saltem aut pulsasse. Audiamus & Senecam de eâdem virtutum vitiorumque cognatione egregiè dissertentem : Mala interdum speciem honesti obtulerunt, & optimum ex contrario nuntuit, sunt enim, ut scis, virtutibus vitia confinia, & perditis quoq̃ ac turpibus recti similitudo est, sic mentitur prodigus liberalem. Sic Seneca literatus sui amans, superbus, ambitiosus, fatuosque umbratilis gloriolæ igniculos infectans mentitur virum strenuum, generosum, indefessum publicisque intentum emolumentis ; Iracundus verò litigiosus, maledicus, rigidus injuriarum ultor, aut aliter vitiosus Doctor, hominis cordati, severi, atque singulari spiritûs libertate præditi præ se fert imaginem, licet omni sinceræ virtutis ornatu destitutus, & à splendidâ illâ munitissimâque arce longis-

*one Na-
zianz.*

*in Orat.
de laud.*

*Bas.
Chrysost.
hom. 28.*

in Acta.

*it, Hie-
ronym.*

*Dial. ad-
versus*

*Lucifer.
& Dial.*

*3. advers.
Pelag.*

*Sic Seneca
Ep. CXX.*

gis-

gissimè sit remotus, cujus aliquando januam (ut Basilius modo dixit) pulsasse videbatur. Ingerit quippe sese erudito etiam pectori vitiositas, non janua recepta, sed pseudothyro intromissa, ac sicuti latens prædator per occultos tramites ambulans, omnesque humani pectoris latebras ita perscrutans, ut his inquinatis, & inde virtute explosa tandem ibi regnum possideat, totumque hominem literatum suo agitet arbitratu. Et cum prava isthæc vitiositas dotem illam cœlestem, virtutem nimirum solidam exturbet, miser ille veluti viribus cunctis destitutus, jacet emortuus, ejusque cor corruptio ad eam enormis permeat intimèque penetrat, ut gravissima inde *Animi* ægritudo extremaque infirmitas infaustam suam trahat originem.

VII. Sicuti ad cujusvis hominis constitutionem duo quædam admirabili conjunctione consentiunt, CORPUS nimirum atque ANIMUS, in quorum nexu DEI potius quam naturæ manu vitæ totius ratio est posita; ita vix graviolem LITERATUS incurrere posset calamitatem, quam si utrobique, corpore æque ac
 animo

animo miser reddatur. Jam verò nemo est qui nesciat, quot quantisque eruditorum hominum corpora exposita sint periculis atque ægritudinibus; siquidem non unus, non duo, non decem morbi tantum doctis insidientur, multi eorum assidue meditando, legendo, scribendo, totumq; vitæ tempus studiis ac lucubrationibus terendo robur suū ita exhauriant, ut non palleant solum, verum *malo hypochondriaco* morbisq; aliis miserè tandem contabescant, nec tam labefactando corpus, quam planè absumendo funditusq; destruendo vitam suam conterant atque pessumdent. Non multum aberravit eleganti sua allusione ille, qui MINERVAM diſtam, quod MINUAT NERVOS, seu vires ac spiritus callidè existimavit. Alius non minus ingeniosè enunciavit, literatos, chartas (sive libros) assiduâ versantes manu, in viros tandem *chartaceos* h. e. infirmos atque valetudinarios evadere, & tam diu literarum invigilare studiis, donec corpus cacochemicum cachecticumq; tandem istius diligentia merces existat. Placet de hac ipsa eruditorum hominum miseria & calamita-

D. G.
Francus,
in diff. de
studio-
rum no-
xâ, p. 7.

lamine (ut ita dicamus) corporali quenda-
dam audire Medicorum filium, in rem
nostram præclare differentem ad h. m.,
*Antiqui artis nostri Conditores sapientissi-
mi admodum benè in sanguine animalis vi-
tam consistere arbitrati sunt, quos felicius se-
quuntur interpretanturq; recentiores. San-
guis etenim à primordio insitus, per nova ali-
menta ore assumpta in ventriculo concocta, se-
parata in intestinis, & specie chyli per venas
lacteas ad cavam venam delata, sanguiniq;
venoso ob perennem circulationem à partibus
versus cor redeunti admista, inibi beneficio
pulsus ita incorporantur, & ut cum Plautina
loquar Musa, incordiantur, ut calore ζυμώσει,
mixture, motu atq; repetita coctione natu-
ram sanguinis planè induant, & ita ceu no-
vus sanguis per arterias promiscuè ad omnes
partes propellantur, qui quum aliquoties cor-
dis repetat focus, perfectior fieri nunquam
non potest, atq; spiritibus locupletior. Hinc
& novo apud Medicos venit nomine, voca-
turq; SPIRITUS VITALIS, hic verò nihil
aliud est, quam sanguis subtilissimus, atque
quantum fieri potuit, enucleatè elaboratus. --
Cum verò LITERATI à teneris vitam vi-
vant*

vant sedentariam, sanguis verò capiat vitium, sicut

- - - ni moveantur aquæ :

Rursus cum iisdem studiis, lucubrationibus vigiliisq., atq. multis cogitationibus plurimum spirituum animalium absument, qui dein in lympham seu aquam resolvuntur, non erit mirum, si massa sanguinea primo vitalibus dein animalibus privetur spiritibus. Defectum istum spirituum necessario insequitur lymphæ copia, qua si reliquo accedat sanguini jam dum valde pauperi ac consumato, eundem facit catarrhis ichoribusq. abundantissimum, nutritioni functionibusq. reliquis ineptum, ut taceam dein cessare, vel ad minimum tardiores fieri aut depravatam *χυλοποίησην*, & ita in herba quasi perire corporis actionumquestrarum integritatem atque refectionem. Inde in fausto sidere largissima messis omnium penè morborum propullulat, quia totius sanitatis fundamentum evertitur, alimentumque depravatur. Hinc & partium tenor, robur, usus, & ut paucis multa; omnia vel imminuuntur, vel depravantur, vel cessant planè. Adeò nocent studia! - - Esto verò chylus crassior distribuatur, perveniatque ad

cor, vitium tamen prima concoctionis vix corrigetur in secunda, minus in tertia. Quare crudior, crassior, magisque feculentus sanguis ad partes ubi pervenit, sive exeundo in arteriis, sive redeundo in venis minimis, faciles parat atque patrat obstructions, inde dolores varii, capitis, dentium, aliarumque partium, nutritio impedita, tabitudo maximusque mali monstrosi atque πολυμόρφος dicti HYPOCHONDRIACI atque scorbutici fomes. Ut silentii peptō involvam alias mesenterii, pancreatis, folliculi fellis, (unde icterus) hepatis, lienis (unde scirrhi) renum & vesicæ (unde calculi,) caterarumq; partium obstructions; Inde calor quasi reverberatur, uti Chymici loqui amant, fiuntq; subitanei calores. Calore insuper p. n. aucto non possunt non exoriri varia febres, hectica, tertiana atq; ardentes, cordisq; palpitationes & anxietates. Adeo nocent studia! — Nec minus inflammationes & turbationes nascuntur in variis corporis partibus, ut in capite ejusque partibus, e. g. phrenitis, melancholia, mania, vertigo, noctambulatio, insomnia horrenda, pavores: in collo angina, lingua asperitas, in ventriculo sitis immodica; in tho-

ce pleuritis, peripneumonia, & qua sapissima est, phtisis pulmonumque exulceratio, hancque presso pede sequens tabes atque atrophia. Addeò nocent studia ! Quandoquidem igitur misera satis sit Literatorum (ad corpus quod attinet) conditio, multò tamen miserabilior atque perniciosior sæpè est eorum quoad ANIMUM habetudo, si nimirum modo his, modo illis depravatæ mentis tempestatibus infestentur, si Animi sui compositionem pestilenti VITIORUM atque perturbationum summè noxiarum æstu agitari, abripi atque absorberi patiantur ; *Si Virtuosi sanguinis* perniciosam contrahant corruptionem, ac verè *Vitalis illius Spiritus* (Sancti videlicet, corda piorum recreantis, impiorum verò deserentis,) summè miserabilem subeant jacturam. Hinc piarum meditationum cogitationumque veluti *animalium spirituum* suffocatio, hinc cervicosa animi durities ; *Venarum* (pietatis) *lactearum* obstructions, febres vitiorum *hectica*, inflationes (ex fastu) frequentiores, *sitis* (honorum & dignitatum) immodica, *calores* cumprimis *subitanei*, inflammationes (ad i-

ram, odium, contentionem) continuæ, *linguæ* (maledicæ) asperitas, *angina* (argentariæ videlicet, ex infrunito nummorum appetitu progenitæ) horribile tormentum, atrocissimæ cordis vitiosi palpitaciones, livoris nefarii verè *phthisica* malignitas, pectorum pulmonumqve (ex præposito vindictæ studio) exulceratio, hancq; pressio pede sequens tabes atque atrophia sempiterna. Sint licet gravissimæ passionēs literatorum HYPOCHONDRIACÆ, (quas haud inscitè non nemo collegium ac synodum quandam morborum literatos divexantium nuncupavit,) adeò ut ineffabilis hinc corpori nostro pernices succrescat, & latens illa perpetuaq; viscerum exustio miseriam, afflictionem, imbecillitatem ac corruptionem summè noxiam concitet; multò tamen graviora damna atque incommoda, extremæque infelicitatis fomitem ex mystico illo literatorum MALO HYPOCHONDRIACO (inveterata scilicet, sæpèque incorrigibili delinquendi assuetudine) contrahunt ANIMI, cum gravi illo laborantes malo semper vivant afflictissimi, eorumque

rumque restitutio spiritualis perpetim ambigua dubiaque esse videatur. Non inusitata classicis quibusdam authoribus est phrasis, quâ MALUM FACERE innuitur de seditiosis rebellibusque mortalibus, qui præcepta legum violant, & publicam turbant tranquillitatem. Idem profectò præstant hypochondriacorum illorum, siue vitiosorum literatorum viscera & pe-
 ctora, *malum* utique isto faciunt sensu; *Mesenterium* etenim ipsis (pariter ac hypochondriacis) est rebelle, *lien* non absq; calamitosa molestia seditiosus, reliquæ tandem partes naturæ legumque præscripta cancellosque pessimè transgrediuntur, donec non corporis modo, sed animæ etiam extrema perniciēs subsequatur.

IIX. Utinam malè ad eò affecti, tantisque cruciatibus expositi, æternumque (si curari nolint) exponendi literati, quod huc pertinet saperent ac intelligerent, prævidentes pariter ac sollicitè præcavescentes novissima ! Utinam salutis animarum suarum perpetuæ non minus consulerent quam optatæ Corporum (fluxæ tamen fallaciq;) incolumitati, ne c

ea quæ ad salubritatem faciunt remedia respuerent. Quo rectius pernovère morbum suum, eò propiores erunt medelæ si-ve curationi. Ad quam (utut difficilis valdè propter symptomatum congeriem ea sit,) curâ singulari aptabunt omnia, quæ veterum pariter ac recentiorum Hierosophiatorum pharmacopolia suppeditant. Et cum haud sufficiat, ut quam graves acutosque dolores afferat ægritudo intelligatur, si nulla medendi observetur ratio; hinc non pestifera solùm vitiorum (animos infestantiũ) seminaria à literatis, de restitutione sua sollicitis sunt excutienda, verum damna ipsa oportunis prævertenda remediis, donec divinâ opitulante gratia pristinæ restituantur integritati, atque *Literatorum* (si non è corporis, saltem ex ANIMI constitutione) verè felicium elogio gaudere possint. Utut malè affecta ad vitæ usque terminum circumgestent corpora, nihil tamen inde perpetuæ eorum decedet prosperitati, si nobilissimi in caduca corporis casulâ diversantis hospitibus, ANIMI videlicet justam habuerint rationem. Si lecto semper teneantur affi-

xi, faciant ne teneatur simul animus, tam longè aberunt à sensu dolorum præsentium, quam longè animus à corpore abscedet. Tugurioli istius (quod circumferimus) coagmentatio vel calore vel frigore, vel alia quapiam vehementi impulsione labefactetur & frangatur, infinitæque ægritudines occupatas à se corporis partes vehementer exerceant; quid tum? dummodo Animus gravissimis illis vitiorum careat miseriis, funestisque cupiditatum & perturbationum angoribus liberatus instar heliotropii cujusdam ad Solem h. e. Deum ipsum obvertatur, originisque suæ memor còtendat continuè. *VIRTUS* (ut præclare Seneca) *tantum bonum est, ut istas accessiones minutas non sentiat, brevitatem a-* Seneca
vi & dolorem, & CORPORUM varias of- id. Epist.
fensiones. Illud est (scribit idem notanter 271
alibi) quod imperitos in vexatione corporis
malè habet: Non assueverunt animo esse
contenti. Multum illis cum corpore fuit, idè
vir magnus ac prudens animum deducit à cor-
pore, & multum cum meliore & divinâ parte
versatur; cum hac querula & fragili quan-
tum necesse est. Innuit quippe (nonne-

*Dant
Erat in
charact.
lis part.
I, p. 73.*

mine observante) Seneca, circino similem
esse sapientem (h. e. felicem literatum,)
qui defixo in centrum pede uno, propius
longius circulos circa illud describat; do-
cetq; sapientem ejusmodi virum tanto læ-
tius frontem explicare, quanto immani-
us dolor incrudescat. Etsi verò vera lite-
rati hominis felicitas neutiquam omnem
extingvat humanitatem, absolutumque a-
deò sibi cum priscis illis philosophis sumat
in omnes affectus animique perturbatio-
nes imperium; sollicitè tamen cuilibet piè
literato cavendum, ne tempestatibus ma-
lorum morborumque ingruentibus, de
tranquillæ mentis optatæque felicitatis
sede deturbetur, suorumque affectuum
miserum tandem fiat mancipium. Viden-
dum ipsi, ut in corpore prostrato erectam
semper mentem habeat, membrisque di-
stractis nobili illa affectuū gaudeat com-
positione. Scire volenti, quâ arte id
fiat potissimum, ? respondemus, ANI-
MUM magis magisque esse excolen-
dum nullis non virtutis pietatisque since-
ræ exercitiis, ipsique adeò conversationi
spirituum sanctiorum in coelis esse præpa-
ran-

randum. Sicuti lana, priusquam ultimum illum optimumque colorem combibat, succis quibusdam aliis est imbuenda; sic animus virtutum & literarum meliorum purpura prius est tingendus, quam ultimum felicitatis imperturbatae indelebilem colorem ille consequatur. Pessum dēē esto, studia vires, consumant lucubrationes sanguineum vitæ nectar, attamen quod corpori decedit, id centies imò milies perpetuæ illi adcrefcet felicitati.

IX. Cæterū hæc iis solūm cognita fiet literatis, qui è regno tenebrarū & caliginis, ut Scriptura loquitur ad Regnū lucis feliciter sunt translati. Licet & ipsi quondam dæmonis fraude in istam corruptæ inquinatāq; eruditionis Rempubl. devenerint, cura tamē eos cogitatioq; versabit assidua, quomodo vicissim sordibus & oneribus tam pudendis purgentur, cavebuntq; diligentius, ne deinceps in via Domini lapidibus adeo noxiis (VI ILLIS puta in Orbe erudito ubiq; regnantibus, innumerisq; male doctorum imò maledictorum *scandalis*) offendantur. Et cum pro DEO pro Christo disputare etiam diabolus possit, multi-

que hæcenus pro illius Majestate adversus infideles dimicarint flagitiosi Doctores; hinc omnes sacrosanctæ illius Disciplinæ candidati eò tendent strenuè, ut Christum sciant, pariter ac vitam in ipso gratam acceptamque DEO transigant, ejusque spiritu agitati, in splendidam ipsius imaginem magis magisque transformentur, ejusque præsentia unione gloriaque æternum perfruantur. Cujus supremæ felicitatis consequendæ desiderio si literatus divinæ gratiæ radiis collustratus teneatur, opera porro illi navanda est satis ardua, ut detestando AMORIPROPRIO tum crassiori tum subtiliori, cuncta corporis spiritusque dona ac bona inficienti ac conspurcâti mittat nuntium, cunctantem verò illum & pro pertinaciâ suâ renuentem ita ex cruciet divexetque, donec impuram suam tandem aliquando efflet animam, vocato in subsidium Sancto illo spiritu ut Rationem naturalem ceu corruptam, carnalem, Deoque inimicam non refrœnet tantum, cohibeat ac reprimat, verum etiam protinus enecet & destruat, atque pestilentissimæ PHILAUTIÆ loco saluberrimam cordi ad

ad DEUM convertendo AUTOGNOSIAM, sive accuratam SUI COGNITIONEM instillet. Etenim veræ virtutis principium hoc esse, ut quisque sciat se obnoxium vitiis, etiam damnificis umbrarum tenebris obnupta gens quondam ex Apolline, Cræsum de consultissimo ad felicitatem itinere instruente, assiduamq; sui cognitionem commendante intellexit. Nulla quidem in Orbe Christiano vani Apollinis est auctoritas, sed amplioris multò luminis fulgor nos eò deducit, ut videamus, illâ ipsâ, nec alia viâ, ad veram (Duce DEO) perveniri posse felicitatem, si nimirum naturam acindolem nostram ad lapsus aptatam & proclinantem, inque mala jugiter ruentem aspiciamus, & conscientiam perperam gestorum habeamus ante oculos, tum ritè pœnitendo ad DEUM accedamus, cordeque contrito ad cœlestis misericordiæ (Christi Salvatoris merito partæ) aram confugientes, arcanos cordis recessus coram SS. Numine adaperiamus, atque ad plurimorum piè-literatorum exemplum, vitam pessimè aliquando actam deploremus, pariter ac curâ studioque singulari

*Basil. M.
in Epist.
LXXIX.
ad Eu-
sthat.
Sebast.*

gulari emendemus. Hoc etenim post se-
riam sui cognitionem, vitæque miserabi-
lis deplorationem cum primis sibi curæ fu-
isse felicissimus ille literatorum Basilus a-
licubi testatus est, *ut MORUM IN-
STITUERET CORRECTIONEM*, quos
*per diutinam consuetudinem cum improbis
contractam perverterat.* Sic etiam nos à
doctrinæ & vitæ profanæ vanitate ad sin-
ceram pietatem atque virtutem conversi,
operam continuæ demus sanctificationi,
DEOque deinceps placere studentes, cun-
ctis ejus (quantum fieri potest) obediamus
mandatis, summè caverentes, ne novam SS.
Numinis spontè incurramus offensionem.
Ea nimirum (ut alibi diximus) divini a-
moris vis, ea Spiritus sancti voluntatem
humanam internosque affectus commo-
ventis est operatio, ut unà cum illo con-
versi literati animum virtutum amicarum
chorus confestim subeat, ut qui paulò an-
te arrogans, superbus, sui amans, ambitio-
sus, singularis, avarus, intolerabilis, litigi-
osus, invidus, iracundus aut aliter vitiosus
literatus cernebatur, idem nunc velut al-
ter homo & antiquis exutus vitiis, sui con-
tem-

*Conf. pi.
um liter-
ati hom.
secess. p.
117.*

temptor, modestus, benignus, prudens, verax, demissus, pacificus, benevolus, mansuetus, humilis, aliisque virtutum ornamentis clarus & cunctis charus agnoscat. Sic cœlesti beneficio Doctoris divino amore flagrantis animus arboris instar erit, in quam omnigenæ virtutes insitæ, magis magisque pullulabunt, nullique non FIDEI sinceræ fructus dulcissimi provenient. Quis cum sapientissimo Philone non diceret *gratulandum esse* felicibus ejus modi literatis *haud secus ac si* (quæ verba ejus dignissima sunt notatu) *post cæcitatem visum recepissent, ex altissimis tenebris adducti ad lucem clarissimam.* Tanta (pergit) *est vis resipiscientiæ, rei vehementer necessaria!* Postulat autem resipiscentiæ non solum correctionem opinionis, quæ creaturis tribuebat honorem Creatori debitum, verum etiam officiorum, studiorumq̃, **MUTATIONEM IN MELIUS**, ut relictis inconditi vulgi moribus, transeat ad benè constitutam ornatamq̃ optimis legibus Rempublicam, hoc est ex ignorantia migretur in scientiam rerum quas ignorare non decet, ex imprudentia in prudentiam, ex incontinentia in tem-

*Philo
lib. de
charit.
sub fin.*

perantiam, ex injustitia in justitiam, ex timiditate in fortitudinem. Bonum enim utile quod fuerit ad virtutem transfugere deserta malitia velut insidiosa Domina, solent etiam pietatem comitari virtutes cetera, à quâ non magis divelli possunt, quam umbra à corpore quod in Sole versatur. Proinde quotquot ad nostram religionem (seu potius ad veram sinceramque pietatem Christianam) se conferunt, statim fiunt sobrii, continentes, verecundi, mites, jucundi, humani, graves, justi, magnanimi, veritatis amatores, contemptores voluptatum ac pecunia; quandoquidem è diverso, quicumque à sacris legibus deficiunt, eos videre licet intemperantes, imprudentes, injustos, leves, pusillanimos, irritabiles, mendaces, perjuros, cupediis, potationibus venereisque rebus deditos, ventri pendentes tributa, cum gravi corporis animique dispendio. Itaque perpulchrè precipitur, ut discamus vitam componere, & ex perturbatione in meliorem statum reformare. Et post alia: Pulchrè nobis attestatur illud scripturae oraculum: Fædus fecisti hodiè cum Domino ut sit tibi DEUS, & ipse fædus hodiè fecit tecum, ut sis ei populus; pulchra sanè permutatio,

tatio, homine (literato) properante ad cultum DEI, DEO quoque sine dilatione admittente supplicem & occurrente accedenti ad se sincero animo. Talis porro cultor & deprecator, etiamsi unus homo fuerit, ipsius DEI existimatione non minus honoratur, quam totus populus, id quod & aliàs usu venit, quemadmodum enim in navi gubernator confertur cum omnibus vectoribus, eodem modo Vir sapiens totius gentis dignitatem obtinet, quippe qui pietatem habeat pro munimento inexpugnabili. Hactenus ille Ebræorum doctissimus Philo. Magis verò agnovère experitiq̃ sunt supremam hanc literati hominis felicitatem, quotquot gratiæ verbiq̃ divini luce collustrati de deferendâ profanæ noxiæq̃ doctrinæ Republicâ (in quâ magna eruditorum hominum pars declivi naturæ impetu in vitiorum lutum prona spiritum trahit anxium, nihilq̃ celeste ac divinum sapit) seria huc usque agitavère consilia, eamq̃ duntaxat quæ siverè & excoluère scientiam, quæ non nisi veram solidamq̃ spirat pietatem, quæ non fucata, ac inutilium rerum micis fatua, sed constans apparet & utilis, nec
otio-

otiosas & spinosas magis quam fructuosas, plusque futilitatis quam utilitatis habentes sectatur quæstiones, sed divina potius mysteria & cœlestia oracula avidissimè æmulatur, quæ sinceræ charitati sociata & humilitati, alumnos suos non inflat aut reddit turgidos, sed auræ benignioris perflat suavitate, veterèque dejecto homine cultorem suum è faucibus diaboli mundiçue ereptum, ab ejusçue corpore avulsum Servatoris corpori per infusam fidem inserit, arctissimoçue & individo nexu conjungit. *Nihil enim necesse*

Erasm. *est* (præclare alicubi scribit Erasmus) *ut*
in adhort. *quis tot anxiiis disciplinis instructus accedat,*
ad stud. *simplex cuivis paratum est viaticum, tantum*
Philos. *(litteratus supremæ illius scientiæ amore*
Christian. *captus) pium ac promptum afferat animum, &*
Tom. V. *imprimis simplici puraque praditum FID E.*
opp. fol.
 117.

Hæc autem vera demum FIDES est, quâ piè jam doctus creaturam corde affectuq; transcendere occipit, sensusçue & rationem propriam despiciens, ac infra se relinquens, totus defertur in DEUM, divina ejus verba, promissionesçue veras intuetur, admiratur, credit, corde fovet, ac in-

timè

timè & animitus denique amplexatur, cumque in JESU CHRISTO lateant omnes divinæ veritates, omnesque parili modo ex ipso promantur ac pateſcant, imò omne DEI conſilium omniaque ſalutis media per ipſum ſint reclusa, hinc ſpiritus ille fidei vivæ ipſum Salvatorem tanquam potiffimum objectum cognoscendum, credendum, amplectendum ſequendumque proponit, virtuteque ſua efficit, ut piè literati omnes ſapientiæ theſauros in eo reconditos inveniant, eisdemque ad animæ ſuæ ſatietatem paſcantur atque fruantur. Ideò enim ille quod noſtrum erat aſſumſit, ut nos viciffim quod ipſius eſt accipiamus; ideò Doctor doctorum factus eſt, atque communis Præceptor, ut nos in illo & ex illo ad ſalutem ſempiternam edocti, ſapientes evaderemus, atque ſæviſſimo tyrannidis diabolicæ jugo excuſſo, DEO deinceps, PROXIMO, NOBISQUE IPSIS vivamus, nec verbis ſolùm, ſed re & opere ipſo oſtendamus, veram libertatem non in peccandi licentiâ, veram ſapientiâ non in philoſophicis argutiis, in gentilibus fabulis, in verborum ampullis & calami-

stris, sed in Christo (utpote omnigenæ felicitatis fonte unico,) esse inveniendam ; Utcumq; pulchrum sit audire DOCTUM, pulchrius tamen haberi PRUDENTEM, PULCHERRIMUM autem ESSE PIUM. Hoc nimirum præcipuum est supremæ illius sapientiæ axioma, atque scientiæ, quæ omnem humanam eruditionem stultam reddidit, principium æque ac fundamentum palmarium. Splendor enim illa est æternæ lucis, & divinæ operationis bonitatisq; exactissima imago, non mortua quidem aut insensata, sed viva, mobilis & actiosa, quippe cui inest spiritus intelligens, sanctus, simplex, multiplex, subtilis, impollutus, perspicuus, amans boni, acutus, beneficus, humanus, stabilis, certus, omnia intuens & permeans, ipso Sole speciosior, omnemque stellarum superans claritatem. Non alium DEUS literatum diligit, nisi hoc spiritu impolluto præditum, atque cum vera ista sapientiâ habitantem. Quæ si rectius perpenderent quidam doctrinæ non minus quam vitæ profanæ magistri, longè aliter mores componerent, nec in naturam suam ita abire pate-

paterentur malitiam, ut non admonitioni ulli, nec DEI ipsius comminationi cedendum existiment, adamantina gestantes adversus bonum pectora, malleum & incudem officinæ cœlestis contemnentia, & cum profanis seculi mancipiis ducentia jugum. At verò cœlesti illo FIDEI veræ dono præditi, nullis amplius persvaderi se sinunt diabolicis susurrationibus, non corruptissimis seculi offendi exemplis, verum omnem mundi luxuriam ejusque vanitatem corde ore & opere abjicientes, apertè christianam pietatem *suique abnegationem* profitentur, diabolum masculè profligant, Mundi præstigias, pariter ac carnis imposturas turgidam illam sapientiam omnemque scientiam infantem, atque indissolubilibus acerrimarum contentionum modis implicitam, obduratam denique peccandi malitiam sacro quodam prosequuntur odio, & ad bonum omne alacres & parati existunt, neque de applausu aliorum, laudeque propria adaugendâ amplius sunt solliciti, sed crucem & tribulationem hilari fronte excipere, & nulla non impij mundi odia atrocesque cruciatus tolera-

re gestiūt. Quamprimū enim supereminens Christi cognitio, quæ omnibus mundi scientiis, honoribus deliciis atq; divitiis est superior, semel iis indita donataq; fuerit, non solum illi vana profanaq; omnia generose despicient, atque cum Apostolo reputabunt pro stercore, verum nihil non alacri magnoque animo ac corde libero propter Christum sunt relicturi, imò perdituri etiam, dummodo ei soli servire, perpetimque adhærescere queant. Atque ita divinus ille ignis in coelestibus eorum animis tantoperè flagrabit, ut non amplius inibi regnare queat prava cupiditas, inordinatusque *sui Amor*, ex animæ fundo reapse ejectus. Quicquid illo urgente olim propter se, idque per grande nefas fecere ac operati sunt *liberati* à servitute peccati *literati*, postea pro DEO spontè & alacriter facient, quin imò ea absque ullo ferè labore & difficultate perficient, quæ quondam ne cogitando quidem assequi potuere, haudquaquam affectuum suorum & inclinationum corruptarum motus sequentes, sed Regis Dominiq; supremi sacro-sanctos instinctus observantes, e-

jus.

jusque voluntati cuncta desideria promptè subjicientes imò omnes appetitus suos, si flecti, si cohiberi, si compesci nolint, penitus abnegantes, frangentes, rumpentes, atque se suaque pereandem illam FIDEM Christo ita dicantes, dedicantes ac consecrantes, ut jam non amplius suis litare commodis, *nec sibi ipsis vivere velint, sed* II. Cor. V. *ei solum, qui pro nobis vixit, obiit, nobisque tandem resurrexit.* Hoc fundamentum vitæ Christiano-literatæ est solidissimum, hæc supereminens illa SCIENTIA CHRISTI, altissimaque & Terræ sapientibus ignota Philosophia, SCIRE nimirum & SEQUI Christum crucifixum, seipsum odisse, & quicquid Orbis profanè doctus amat magnique æstimat, honores præsertim, gloriam, laudesque proprias, nullasque non corporis animique voluptates altissimo despicere supercilio. Durum quidem hoc est, & mundo carnique summè contrarium principium, ast si rectè intelligatur, ipsoque opere comprobetur, insigni adeò fructu sese commendat, ut eo ipso imbutus, eodemque pectoris verè Christiani caractere ornatus literati hominis animus,

nimus, nulla amplius necessitate affligi turbarique, nulla vitæ hujus calamitate tangi, nullis turbinibus dejici, nulloq; tempestatum impetu de altissimæ tranquillitatis sede deturbari possit.

X. Et cum ad optatæ hujus felicitatis metam tendentibus literatis, præter largissimam divinæ gratiæ & benignitatis scatebram, præter bonam naturæ indolem, animique ad meliora & honestiora quæque insignem propensionem, (ne scil. pravæ inclinationis ductu in mala illi ruant jugiter, atque horrendæ vitiorum tyrannidi tandem subjiciantur,) rectâ apprimè opus sit INSTITUTIONE, & fideli manu ducti-
Sen. lib. de brev. vita. one, quam haud abs re Seneca primam secundam & tertiam vitæ beatioris partem nuncupavit, quâ deficiente vera deficiat vita; Pythagorici verò fontem dixerunt, unde omne bonum proveniat: hinc cura doctioribus & melioribus intendenda est palmaria, ut *instructiōe* salutari via ad veræ felicitatis literariæ arcem recta simplex & aperta, licet principio difficilis imperitioribus ostendatur, effusâque manu ea spargantur semina, quæ suo tempore re-
voca-

vocentur ad frugem. Tantum pondus *institutionem* habere ad vitæ in melius im-
 mutationem Plato asseruit, ut sine illa ina-
 nes judicaret omnes rectè conditas leges, *Plato in l. de Rep.*
 cunctaque virtutis dictamina. Constat
 hominem literis in juventute mediocriter
 tinctum Proteo similem esse, omnibus pla-
 nè formis suscipiendis oportunitum, unde ne
 (in fulgidam doctrinæ lucem suscipien-
 dus,) vitiorum tenebras induat, & earum
 gravi quasi pondere pressus miserè submer-
 gatur, rectâ muniendus est institutione,
 cujus adjumento sponte ruens natura à
 præcipiti loco retrahat pedem, ejus robo-
 retur imbecillitas, vitaque ipsa velut pro-
 cellosum mare, Syrenum etiam cantibus
 infestum, feliciter transigatur. Quem
 primum facile atque præcipuum veri phi-
 losophi characterem olim Psellus (de phi-
 losophiæ definitione differens,) esse judi-
 cavit, scil. *ut is imperfectarum curam gerat*
animarum, easdemque ad perfectionem per co-
gnitionem (uti ipse quidem loquitur) *de-*
ducat; eo characterè cum primis illi con-
 spicui sint doctores, qui Verorum, h. e.
 Christianorum Philosophorum adimplere

Bern.
tractat.
de pass.
Domin.
cap. 10.

partes, divinæ gratiæ radiis collustrati
summoperè laborant, *siquidem* (non pro-
fano quodam Psello, sed piè-literato Ber-
nardo monente) *efficax signū vera & pura
sit charitatis, ut hi, qui spirituali dilectione
connectuntur, mutuò calefiant, & per veram
charitatem alterutrum ad exercitia spiritua-
lia accendant.* Quidni gaudeat piorum ac
DEUM sincerè amantium quilibet, ubi mi-
nisterio suo plures ad dilectionem & cul-
tum sincerum ejus, quem ipse ardentissimè
amat, omni animi nisu accesserint. Cum-
que exploratum sit omnibus, absque vitæ
probitate, rectæque morum institutione
difficillimè tot illecebrarum demulcenti-
um, tot adversariorum incurfantium insi-
dias evitari posse aut declinari, hinc cunctis
ad optatæ prosperitatis sedem tendentibus
literatis nulla nō SALUTARIS INSTRUCTIO est
admittenda, vita perperam antea cū corri-
genda, motusque à pravo appetitu jugiter
erumpentes validius coercendi, donec flu-
ctibus malæ assuetudinis semper jactata na-
vis, optatam tandem serenitatem, veramq;
vitæ securitatem pariter ac felicitatem
consequatur. Neque verò fieri potest ut
eam

eam obtineat Literatus, nisi qui à VITIORUM foeditate immunis est, & suæ spon-
tis, aliud omninò illi agendum, aliter
vivendum, imò aliud longè quam quod
vulgò solet cogitandum, multa negli-
genda, multa contemnenda aliqua naturæ,
aliqua & consuetudini vis inferenda est.
Et cum multas nobis vel illecebras vel di-
verticula communis illa Parens omnium
objecerit, plerisque abstinendum. Alios
superbia, quosdam invidia & avaritia af-
flavit, si qui sunt literati qui multum agere
sibi videntur, hi ambitiosi sunt, istisne verò
tantum superesse temporis existimemus,
ut vel discant, vel sapiant rectius, si sapi-
entiæ veræ vacarent studio, non à vitiis
modo, sed & ab opinione omni populari-
que errore mores suos sejungerent, utque
discere optima possint, ante vacuum tot
instantibus scientiis animum facerent, tum
virtutis pietatisque sinceræ studio cura sin-
gulari invigilarent.

XI. Ad vim verò ac splendorem e-
jusmodi magis spirituales eruditæ conci-
liandum, plurimum forsitan conferret
COLLEGIORUM quorundam in civita-
D 5 tibus

tibus & Academiis illustrioribus institutio, atque pia fundatio societatum, quarum membra frequens illa cura versaret atque cogitatio, quomodo majora indies verus DEI cultus capere incrementa, extirpatisque pestiferis VITIORUM zizaniis PIETAS sincera plantari queat. Nimirum curâ studioque singulari viris quibusdam zelo pio flagrantibus eò esset laborandum contendendumque, uti ad fidem veram vivamque, ac inde profluentem DEI amorem, ejusque præceptorum observantiam invitarentur pariter ac incitarentur ceteri, hostisque infernalis perniciosi conatus magis magisque retundi & sufflaminari possint. Et licet cum maximis initio difficultatibus conjunctum foret salutare ejusmodi institutum, nec quicquam robustus ille armatus (infami desidiosorum quorundam, atque juratorum pietatis hostium cætervâ stipatus,) ad illud destruendum impediendumque esset intermissurus, quinimò labore indefesso semper eò laboraturus, ut gravissimis vitiorum ponderibus mortalium miserrimi in terram defigantur, spissisque immergi tenebris, gratiæ & amo-

amoris cœlestis lumine æternũ destituantur ; attamen Ter-maximum Numen assiduis compellatum precibus , pia illa, gloriæque suæ studiosissima pectora (velut è machina) benignissimè respiceret, atque optatissimum meditato operi successum largiretur. Incredibiles sanè Collegiorum ejusmodi institutio haberet utilitates, fructusque nunquam marcescentes communitati fidelium conciliaret. Non ignoramus nobilis cujusdam Societatis Germanicæ (quæ FRUGIFERA dicitur) satis felicem progressum, quam brevi scilicet temporis spatio instituta sit illa, pariter ac ad stuporem usq; adaucta , præsertim cum ipsi Principes viri albo illius essent inserti ; Quidsi igitur de magis salutari consociatione quidam pio zelo flagrantes DEOq; sacrati literati seria agitarent consilia, SOCIETATEM sumè FRUGIFERAM invicem ineuntes, cœlestique nixi præsidio, talem fundantes congregationem, in quâ verè christiana, verè Evangelica de PRO-PAGANDA FIDE, pietateque disseminandâ agitarentur consilia, curaque singulari ea conquirerentur, quæ ad promovendam

*Ch. Ravi
us in A-
mica ad-
monitio-
ne, quam
spolio O-
rientis, si-
ve Catal.
MS(R,
Orient.
attexnit.*

dam animarum salutem, technasque dia-
bolicas sufflaminandas maximè conduce-
rent. Haud abs re non ita pridem quidam
multijuga eruditione conspicuus Vir opta-
vit, ut *Collegium* aliquod *Orientale* de pro-
paganda fide sincera institueretur, quo sum-
ptibus non adeo magnis sex ad minimū ex-
citatoris ingenii Juvenes, eā lingvarum,
Hebrææ, Chaldæo-Syræ, Rabbinicæ, Ara-
bicæ, Persicæ, Turcicæ ac Æthiopicæ co-
gnitione imbuantur, nec minus eā Sacra-
rum literarum dogmatumque ecclesiasti-
corum instruantur peritiâ, ut bini eorum
ad Synagogas Judæorum, bini ad Turcicas
sedes, bini ad damnificis idololatricarum
umbrarum tenebris obnuptas gentes, lu-
crificandosque per DEI gratiam infideles
ablegari, & quaternis semper annis cum
novis aliis commutari possint, prioribus
sex ad functiones Ecclesiasticas vel Acade-
micas adhibitis: Quidni cunctis DEUM
ejusque gloriam sincerè adamantibus arri-
deret, multoque usu sese commendaret ta-
lis consociatio fidelium, quorum curâ sol-
licitoq; ministerio multi, nomine quidem
Christiani, ast Judæis, Turcis, gentilibusq;
cunctis

cunctis longè deteriores mortales conver-
tantur, in melius mutantur, deque ipsis di-
aboli filiis, filii Trin. unius DEI (ejus aspi-
rante gratia) efficerentur, laudes illi sem-
piternas decantaturi. Cæterum res ipsa
loquitur, in *frugiferas* ejusmodi *Societates*
recipiendos esse non alios, quam probitate
& zelo divino eximios Viros, quos (quo fi-
delius illud unum pietatis curent negoti-
um) nullo lucro aut stipendio, solâ autem
operis dignitate & fructûs egregii expecta-
tione allici velim & occupari. Sin verò
aliæ operi tanto injiciantur remoræ, mo-
menti que majoris obveniant difficultates,
initia illius circulo facienda essent brevio-
ri. alia atque alia piè doctorem exquiren-
da vota, judicia sententiæ, cum primis au-
tem instruendi de fructuoso adeò conatu
in christianis orr orthodoxisque Academiis ef-
sent Sacrosanctæ Theosophiæ Candidati,
monendique strenuè, ut non minus vitæ
morumque integritati, quam doctrinæ re-
ligionisque puritati studeant, frequentius-
que ea meditentur, quæ ad divinæ gloriæ
incrementum, & proximorum in viam sa-
lutis reversionem quoquo modo facere
possint.

possint. Et cum abunde constet, nullum DEO gratius acceptiusq; officium præstari posse, quam quod pietatis sinceræ amore studioque suscipitur, idcirco nihil magis animo versandum esset omnibus, quam quâ ratione christiani hujus Sacerdotiî partes ritè adimpleri, cunctique à virtutis semita aberrantes, ad sempiternæ salutis viam revocari queant. Hoc equidem zelo, hoc igne cum primis incensos esse oportet eos, qui Christum prædicare aliis, cœlique divitias promittere fidelibus constituerunt. Illi aliquando cum fructu omnique impetio (ut Apostolus loquitur) arguere poterunt, qui de BONO EXEMPLO doctrinæ salutiferæ sociando apprimè sunt solliciti, siquidem *divinarum literarum explanatio* (dicente Theodoro) *opus habeat anima à la-*
be notabili purgatâ, tum mentem desideret a-
gilem, & veluti pennis præditam, qua in ipsa
spiritus penetralia ingredi possit. Cumque magna adeò sit imò maxima vis EXEMPLI, nemoque major & fructuosior virtuoso Doctore existat, hinc opera strenua navanda non monitoribus solùm, ut de bono exemplo doctrinæ salutari sociando
 sem-

Theodor.
 præf. in
 Cant. T.
 1. opp. f.
 983.

semper sint solliciti, artemque illam artium tradituri, ejusmodi exemplaria proponant, ad quæ alii vitam moresque rectè componere queant; verum discantibus cum primis, & ad supremæ illius felicitatis apicem seriò tendentibus curandum sedulo, ut omnem improborum fugiant consuetudinem, & à noxio coetu prorsus recedant, utque malos socios evitando, ipsam evitent improbitatem. *Etiam pacata antea*

maria (ait scriptor quidam egregius) *si socii accedant interturbantes venti statim in iras insurgunt, & nocituræ minas, quin etiam pacatissima flumina, quorum lentitudo oculis ipsis eripit cursum, si incubent venti, statim exurgunt in fluctus, & mansueta illa elementa, quæ ovium instar ignorare motus videbantur, in leoninas exasperantur iras. Non igitur eorum consuetudine Vir benè moratus debet oblectari, qui facili negotio in iras, odia, (fastum, ambitionem invidiam, contentionem aliosque vitiorum ignes) exardescunt, impellunt siquidem malorum consuetudines ad pœnitenda, & sæpè etiam cogunt ad ea, quæ nullam admittunt emendationem, nullis quæ lacrymis elui possunt, cum semper serue*

Josephus Maria: vigl. in Proteo ethico-pol. p. 207.

posse

post sanguinem mæror sit. Posthabito itaque spretoque malorum consortio bonis potius se jungat, atque non nisi laudabilia virtutum exempla sibi proponat veræ felicitatis candidatus. BONOS imitare (præclare ait Cyprianus) si potes, si sectari non potes, collatæ certè & gratulare melioribus, fac Te illis adunata dilectione participem, fac te consortio charitatis & fraternitatis coheredē. Sed utinam hodiè in erudito Orbe non obtineat, quod Cyprian⁹ hunc in modum est detestatus: Esse jam inter nocentes innoxium, crimen est, malos quisquis non imitatur offendit! Ea quandoque est inter profanè doctos virtutis ejuratio, ut inclytæ pietatis Viros gravissimis vexare contumeliis, ipsaque sancta malignis sermonibus violare illi non dubitent. Multicorū, quorum similitudinem desperant, (Apuleius dicente) affectare conantur similitatem. Diligendi potius cum reverentiâ & imitandi studio Viri sunt virtute singulari illustres, cum (teste Symmacho) quadam scintilla sapientia sit virtutum luminibus applicari. Memorat de se C. Plinius, quod cum in Syria tribunus militaret, Artemidorum arcta

Symmach. l. IX. ep. 9. Plin. l. 3. epist.

arcta familiaritate fuerit complexus, forcerumque ejus Musonium cum admiratione dilexerit, insignes eâ tempestate sapientiæ Antistites : *Idq̃ primum* (inquit) *nonnullius indolis dedi specimen, quod Virum aut sapientem, aut proximum similemq̃ sapienti intelligere sum visus.* Et merito : Nam idem ille Plinius maturiore jam ætate magis admirari se virtutes Emphratis ait, quia magis eas intelligeret. *Ut enim de pictore, sculptore, fictore, nisi artifex judicare, ita nisi sapiens, perspicere non potest sapientem.* Itaque pro certo & indubio felicitatis subsequetur indicio habeant literati, si Viros summa virtute conspicuos, non quos damnificis umbrarum tenebris obnupta gens olim est admirata, sed quos Christiana huc usque pietas commendavit, cum ingenti quadam dignatione in animos admittant, tantis nominibus semper assurgant, & quidem (ut de sese affirmavit Seneca) *cum similitudinis desiderio & affectatione.*

*Sen. de
vit. beat.*

XII. Neque verò aliorum solum instituta exempla que laudatissima literato ad insignem illam felicitatem aspiranti, cum quadam similitudinis affectatione probe
E consi,

consideranda, sed strenuè etiam IPSI (uti Christiana jubet Philosophia, nosque jam supra monuimus) adversus VITIA & immodicas cupiditates decertandum, hostisque infernalis (auxilio cœlesti) nefariæ semper reprimendæ sunt suggestiones. A vitiis enim remotus, statim virtuti erit vicinior, recedens ab illis, propius ad has accedet, ipsique DEO magis magisque appropinquabit. Quod si verò Vir literatus seriū secum de expellendo omni vitio agitet consilium, fixumque illi sit hostibus tam atrocibus sacrum indicere bellum, non levi equidem brachio, non molli articulo, sed toto totius animi conatu, omni intellectu (divinæ gratiæ radiis collustrati) industriâ, cunctis ingenii nervis, generoso proposito animoque excelso. Quod agit, agat masculè non minus quam sollicitè, ad exemplum Magni illius Doctoris Hipponensis, Augustini, qui notanter de se alicubi; *Multa* (scribit) *ago in cogitationibus meis, pugnans adversus malas suggestiones meas, & habens conflictationem diuturnam, & propè continuam vim cum tentationibus inimici, subvertere me volentis. Gemo ad DEUM in infirmitate*

*August.
Conc. III
in Ps. 36.*

te mea, & novit quid parturit cor meum ille, qui novit partum meum. Nimirum in tentationes superbæ, ambitionis, gulæ & luxuriæ egregius ille Christi athleta pugnavit, ope cœlesti eradicans, evellens, destruens ac perdens quicquid ex semine malarum cupiditatum propullulavit. Hoc itaque sibi (quod imitetur) piè literatus proponet exemplar, hanc hominis ad DEUM tendentis spiret indolem, atque pravis suis affectionibus pari solertia bellum inferat, cum primis autem VITIIS eruditorum detestabilibus IMPIETATI, SUPERBIÆ, INVIDIÆ, AMBITIONI, CURIOSITATI IMMODICÆ, MALEDICENTIÆ, CONTENTIONI, AVARITIÆ, cæterisque mox fusius commemorandis ac depinçendis monstris, sancti de repudii libellum. Sin illa redire, & pristinam animi sedem occupare conentur, pugnet eò fortius, atque ne tandem aliquando hosti succumbat, diligentissimè caveat: Est illa mascula vox Trajani Ducis Christiani & invicti ad Valentem Imperatorem: *DEUM semper sequitur victoria, & ad eos accedit, quibus DEUS se Ducem prabet.* Ita

Theodor.

lib. IV.

hist. 6. 29.

Ovid. 7.
meta-
morph.

est ô literati Heroes, ubi DEUS vester erit
 hospitator, ibi rosæ laureæque pullula-
 bunt, coronæ vobis texentur, tandemque
 exaudientur epinicia. Cum Dæmone qui-
 dem comparati ut robustissimo gigante,
 vos minuti pygmæi videbimini, quos elide-
 re & audaci pede facilè proterere ille pos-
 sit, sed divino præsidio defensi, in leones e-
 vadetis, ignem spirantes, inimico valdè
 formidandi. Jasonem jactavit fabula gra-
 vissima in navigatione Colchica exantlan-
 dà, inque auferendo vellere aureo pericu-
 la & discrimina subiisse; Tauri nimirum il-
 li domandierant ignivomi, dein ad arati-
 onem subjugandi, pervigil Draco velleris
 custos superandus, armatorum denique
 virorum è seminatis Draconis dentibus re-
 pentè enascentium exercitus excipiendus.
 Tantum abest ut terruerint ea pericula a-
 nimum *Jasonis* virtutis plenum, ut potius
 accenderint magis, & ad maximum faci-
 nus audendum provocarint. Licet alic-
 no discrimine contremuerint socii, ipse
 neutiquam motus est proprio, nihilq; cun-
 ctatus, furibundis sese objecit bestiis, fre-
 tusque amuleto, quod à Medea acceperat,
 miti-

mitigavit tauros, iugoque imposito, illos aratro junxit, mox hastatos & galeatos in hostes (infesta arma intentantes,) saxum, quemadmodum erat monitus, ingens projecerat, ita ut conversis exemplo in semetipsos telis, mutuis vulneribus omnes conciderint. Et cum vincendus adhuc superesset Draco velleris custos, crista terribili, linguâ trifulca, fulmineisque oculis horrendus, is quoque feliciter adeo est prostratus, ut liberum mox ad arborem (ex quâ vellus aureum pendeat) aditum victori permiserit. En vobis ô LITERATI PRÆLIATORES, animi, & bonitate naturæ præstantis, & virtutibus insigniter imbuti, (id quod Jason instructori suo *Chironi* debebat,) verâque gloriæ cupiditate incensi nobilissimum exemplar ! *Jason* ubique victor vos suo edocet exemplo & triumpho, nihil non virtuti cedere atque magnanimitati, nec quicquam tam arduum, quod non constanti improboque labore, animique firmitate attingi ac obrineri possit. Quilibet vestrum vel me tacente intelligit, quinam illi *tauri sint arripedes*, naribus ignem efflantes, & sub aratri jugum mit-

tendi, quænam ferrea illa armatorum seges, serpentinis dentibus enata, & in se ipsam adversis conversa hastis; quis Draco ille, arboris aureæ (unde vellus veræ perpetuæque felicitatis literariæ suspensum,) pervigil custos? Nimirum per hæc pravi vestri denotantur affectus, indomitæ cupiditates, efferatæ concitationes animi, horribilis denique ille Draco infernalis, quibuscum hostibus fortiter vobis pugnandum, donec illustriorem longè *Jasónica* illâ obtineatis victoriam, cum juxta sapientiss. Salomonis effatum *is qui dominatur ANIMO SUO major sit quovis expugnatore urbium.*

Prov.
XVI.

Naso.

*Audax res (canit Poëta) vicisse alios;
victoria major,
Est ANIMI fluctus composuisse sui.*

XIII. Sicuti verò sine *Medea* consilio nihil præstitit *Æsonides* ille; ita in gravissimâ vestra adversus Draconem taurosque ignivomos pugnâ fortitudini proxima sit CURA SERIA, maximaque sollicitudo, (quæ per *Medeam* significatur,) ne illotis quod ajunt manibus tantum suscipi-

MndC
enra, cō-
filiū à
Mηδομα

scipi-

sciipatis negotium : Euripides *Ευλάβειαν*, *curam*
 quæ hæc ipsa cura est meritò dixit utilissi- *gero deli-*
 mam esse Dearum, cura est illa quæ scien- *bero, me-*
 tiæ lumen adhibet negotiis, abstrusa pene- *ditor,*
 trat, revelat operta, illuminat obscura, cui- *provideo,*
 cunque literato hæc virtus adest, hoc faci- *prospicio.*
 lè assequetur, ne animus unquam negotio
 desit nec votis successus. Quodsi juxta
 Mythologorum veterum placitum Jupiter
 ad monstra profliganda eum maximè ido-
 neum judicavit, qui non uno momento, ac
 ne una quidem nocte, sed toto trinoctio ef-
 fet procreatus ; Vos potius in longè meli-
 orem beatitatis sortem Servatoris benefi-
 cio genitos, par vocatione vestra labor sem-
 per verſet & cogitatio, quo dignam officio
 diligentiam præſtetis, iſtamque in proſli-
 gandis monſtris illis teterrimis obſervetis
 rationem, nimirum ut ad tanti momentî
 opus neutiquam incurioſi accedatis aut
 imparati, majeſtati chriſtiano-literariæ
 haud decorum reputantes, circa ſupre-
 mam felicitatem conſequendam ea negle-
 xiſſe, quæ profana religione imbuti litera-
 tores ſtudioſè duxère obſervanda. *Dele-*
et potius (ut cum Magno Gregorio lo-

Greg. M. quar) mentem vestram magnitudo pramio-
hom. rum, nec deterreat certamen laborum. Non
XVII. in longinquis è terris, non per mille pericula
Evangel. quærendum vobis solidæ illius felicitatis
aureum vellus, sed hostes vincendi doman-
dique sunt domestici, pravi nimirum affe-
ctus, noxiæ quælibet cupiditates, nec non
corporis sensuumque illecebræ, pestes in-
quam illæ execrabiles, SUPERBIA, AM-
BITIO, PHILAUTIA, INVIDIA, CON-
TENTIO, cum omni infamium pedisequa-
rum catervâ, atque inclinationum passio-
numque pudendarum colluvie, quas Dra-
co ille infernalis in literatos veluti prodito-
res suscitare consuevit, & quæ instar gra-
visimi oneris in terram plerosque erudito-
rum deprimunt defiguntq; , ut ad arborem
aureo conspicuam vellere mentis oculos at-
tollere, exoptatæque felicitatis diademate
compotes fieri nequeant. Licet innume-
ras de hostibus aliis, ô mei, reportetis vi-
ctorias, inque dicendi disputandique palæ-
stra palmâ præriperitis omnibus, attamen
veræ felicitatis brabéo æternum carebitis, si
in gravissima adversus cupiditates vestras,
efferatasque animi concitationes pugnâ si-
tis

tis segniores. Alexandro tunc evaderis si-
 miles, qui totius terrarum Orbis victor, *sibi*
ipſi frequentiffimè succubuit. Sapienter
 de illo Arrianus: *Alexandri praeclara faci-* *Arria-*
nora documento eſſe poſſunt, ſive qui corporis *nus lib.*
viribus polleat, ſive generis ſplendore emicet, *IV. vit.*
ſive bellica virtute, felicitateq; Alexandrum i- *Alex.*
pfum ſuperet, ſive Africam ſimul & Aſiam
(quemadmodum animo ille deſtinat) perna-
 vigans ſubjugarit, ſive Europam, Aſia atq; A-
 frica tertiam adjunxerit, nihil haec omnia ho-
 mini AD FELICITATEM adipiſcendam
 profutura ſunt, niſi pariter moderatio ANI-
 MI accedat, quamvis res inſpeciem gerat ma-
 ximas. Affectus igitur vobis ô literati, (an-
 ne vitio mihi vertitis, quod toties hæc ve-
 ſtris inclamem auribus?) ſunt edomandi,
 & ut rationi pareant, *ſubjugandi*, non ſecus
 atque Tauri & Dracones illi Colchici. Non
 vicit eos Orbis ille victor, de quo dixi, Ale-
 xander, qui IRACUNDIÆ, velut ignivo-
 mo tauro in ſe impetum facienti, turpiſſi-
 mè ceſſit, uti præter alios Maximus teſtatur
 Valerius: *Alexandrum* (ait) *ira ſua prope-* *Valer.*
modum cælo diripuit. Eundem quomodo *Maxim.*
 Libido & Ebrietas veluti tauri & Dracones *lib. IX.*
c. 3.

Gregor.
M. lib.
II, me-
ral.

dejecerint, Curtius & Seneca præter alios memorarunt. Necadem vos quoque ô præclara eruditi Orbis ornamenta calamitas excipiat, *fortitudinem*. (ut Gregorius monet) *justorum imitamini, propriis contracunctes voluntatibus, delectationem vitæ præsentis extinguentes, prosperitatis blandimenta contemnentes, omnem adversitatis metum in corde superantes, hujus denique mundi asperantiquam refugientes*. Agite igitur, pugnae periculum faciamus, hostium, literatos ubiq; graviter infestantium conatibus (divino subsidio freti) occurramus, militaremque in suscepto cum nequissimis illis salutis nostræ adversariis, vitiis inquam inter eruditos tantum non ubique regnantibus, certamine prudentiam adhibitori, cura singulari hostium munitiones explorabimus, consilia expiscabimur, arma examinabimus, vires expendamus, ac sedentes denique cum animo nostro deliberemus, quomodo possimus *cum decem millibus occurrere ei, qui viginti millibus* (imò innumeris pravarum suggestionum jaculis) *instructi*, nostram meditantur everisionem. Sagaciter perquiramus qualem machinam cui-

cuilibet obijciamus passioni, *Scrutemur* (monente Chrysostomo,) suam quisq; conscientiam, & consideremus, quid nam in hac hebdomade probè actū sit, quid in alia, & quale augmentum fecerimus ad sequentem, quas in nobis affectiones correxerimus. *Discamus*, Chrysost. (ait idem) igitur & vitia nostra recensentes *Homil.* ea tempore corrigamus, & hoc mense unum, a. 82. ad alio aliud, & ita subsequenter meliores efficiamus. *pop. Ant.* *mur.* Sed & insignem illam pugnandi rationem observemus, quam Magni Chrysostomi discipulus Johannes Cassianus luculenter hunc in modum delineavit: Ita *Joh. Cassian. coll. V. c. 14.* nobis adversus vitia arripienda sunt praelia, ut unusquisq; **VITULUM**, quo maximè infestatur explorans, adversus illud arripiat principale certamen, omnem curam mentis ac sollicitudinem erga illius impugnationem observationemq; defigens, contra illud cunctis momentis cordis suspiria, crebraq; gemituum tela contorquens, indefinenter quoque orationum fletus ad Dominum fundens, & impugnationis suae extinctionem ab illo specialiter ac jugiter poscens. Cumq; se ab ea senserit absolutum, rursum latebras sui cordis simili intentione perlustrat, & excipiat sibi, quam inter reliquas per-

perspexerit diriorem, atq; adversus eam specialius omnia spiritus arma commoveat, & ita semper validioribus superatis, celerem de residuis habebit facilemq; victoriam, quia & mens triumphorum processu reddetur fortior, & infirmior pugna succedens, promptiorem ei proventum praliorum faciet, ut fieri solet ab his, qui coram Regibus mundi hujus omnigenis congregari bestiis pramiorum contemplatione consueverunt, quod spectaculi genus, vulgo Pancarpum nuncupatur. Hi inquam feras quascunq; fortiores robore, vel feritatis rabie conspexerint diriores, adversus eas prima congressionis certamen arripiunt, quibus extinctis, reliquas quæ minus terribiles, minusque vehementes sunt, exitu faciliore prosterunt. Ita & vitiis semper robustioribus superatis, atq; infirmioribus succedentibus, nobis absq; ullo discrimine perfecta victoria parabitur. Ex ipso etiam Magno Basilio discamus, quam in vitiis nostris eradicandis tenere debeamus rationem: Quemadmodum ait, si quis relicta radice ramos arboris aliqujus velit excisos, nihilominus radix manens alios similes illis protrudit; sic quoniam peccata sunt quadam (literatorum) quæ nascen-

di

Basil. M.
in Regul.
brev. in-
terrogat.
280.

di principium in se ipsis non habent, sed aliunde originem ducunt, necesse est prorsus, si quis esse ab illis liber velit, is ut causas primas peccatorum illorum stirpitum tollat, veluti **CONTENTIO & INVIDIA** (notissimæ illæ Orbis eruditi peltes) non ex se ipsis nascuntur, sed à radice **APPETITUS GLORIÆ** pullulant. Qui enim humanam gloriam magni facit, is ex emulatione ei obtrectat, quem in gloria esse animadvertit, aut à quo in ea superari se videt, invidet. Quocirca qui semel se ipsum invidia, contentionisve condemnavit, is si in eadem ipsa denuò vitia relapsus sit, utiq; intelligat, gravi se ac penitus insito cupiditatis gloria morbo, principe scil. invidia emulationisq; causa laborare, nimirumq; ipsum convenit contraria ratione, nempe **HUMILITATIS** exercitationibus gloria morbum curare, ut hoc modo affectionem illam humilis animi adeptus, deinceps in ea qua ante diximus esse cupiditatis gloria genuina non incidat, eandemq; in singulis peccatis debellandis observet rationem.

XIV. Multa, multa sunt ò **LITERATI**, quæ ut ita faciatis, atq; sanctissimo huic & saluberrimo studio incumbatis, vos commo-

vere

vere debeant. Inprimis autem **VITIUM** cum sana literati hominis ratione pugna, continuusque conflictus, quandoquidem (ipsis gentilium magistris asserentibus) vitium rationi atque adeò rationali naturæ ita sit dissentaneum, ut ad ipsas bestias hominem etiam literatissimum abjiciat. Non omninò fabula est Trivenefica illa Circe apud Poëtas, quæ Ulyssis socios eousque dementavit, ut homines in belluas ac pecudes commutaret, Quis verò non totus cohorescat, si Virum doctrina literisque ornatissimum, in bestiam commutatum intelligat? Quam detestabilis macula pudendaque labes universo **LITERATORUM ORDINI** ex vitiorum pestiferorum confluxu accedat, quamque putidas ex eo ulcere foetor erumpat, nemo satis explicet. Nimirum sublata cœlesti gratia, destructaque supremæ sapientiæ arce, necessum est in animum profani vitiosque literati induci enormem quandam turpitudinem, labem, pestem, foeditatem, horrendamque adeò *ἀναισθησίαν*, ut peccator oculis animi captus, ac sensibus quasi omnibus destitutus, neque videat quicquam, neque omninò per-

percipiat, eumque veluti phreneticum aut peste infectum sani bonique omnes detestentur. Ut hinc minus mirum videri debeat, si ipsa DIVINA MAJESTAS ex infami adeò prostibulo, pudendaque vitiorum turpissimorum sentinâ singularem suam præsentiam, gratiam, donorumque eminentiam subtrahat, mox verò tartarei demones monstra illa tetra & horrida veluti in vacuum τῶν δαημόνων, h. e. pseudo-sapientum illorū domū subintrent, teterrimâ ibi tyrannide dominantur, & miseros Musarū filios tanquā stygia quædā mancipia, iniquitatū suarum funibus constricta, in omnium abrupta vitiorum, imò extremi exitū barathrum pertrahant. Nonne ô LITERATI hæc sūt ejusmodi, quæ Vos movere debeant, ut è dirissimo tartarei hostis mancipatu ad veram piè doctorum hominum libertatem aspirare debeatis quantocys, è porcorum harâ redire ad benignissimum parentem, deque exuendâ indignissima illa servitute seria vobiscum agitare consilia. Ast dicetis forsitan profundo sepulti lethargo: *Justi sumus, non indigemus pœnitentia, nullâ perperam gestorum conscientia*
inquit-

inquietamur. Auferat à vobis Numen benignissimum periculofam adeò principis tenebrarum catapultam! Cavete obsecro, ne detestabiles ejusmodi cogitationes vestros unquam subeant animos, planissimè potius vobis persuasum sit, *neminem* (ut scitè ait Lactantius) *tam justum esse posse, ut nunquam sit ei necessaria pœnitentia.* Considerate diligentius cunctas domûs interioris semitas, cordisquæ vestri cubiculum ingrediamini, exploraturi quantis eousq; involuti errorib⁹, in quâ turpia flagitia insaiasq; fueritis abducti. *Hoc nos* (literatos) ait

Seneca Seneca, *peffimos facit, quod nemo vitã suã respiciat, quid facturi simus cogitamus, & id raro : quid fecerimus non cogitamus ; atqui consilium futuri ex praterito venit.* Ne itaque Vos, ô Literati Christiani è profani cujusdam & damnificis umbrarum ethnicarum tenebris obnupti hominis judicio evadatis *peffimi*, VITAM vestram respicite accuratius, quid feceritis diligentissimè cogitate, nec generalem solum de extirpandis vitiis foveite sollicitudinem, verum peculiarem (ut antea diximus) adversus unumquodque institute luctam, donec singula proster-

sternantur penitus. Sive turpi *IMPIETATIS* cœno fueritis maculati, sive *fastu* immenso excœcati, sive *inanem* sectati *gloriam*, sive *Invidia* & æmulationis labe corrupti, sive *Ambitionis* infrunitæ œstro perciti, sive *Contentionis* immodicæ pestilenti fidere afflati, sive *Maledicentia* morbo occupati, sive *Avaritia* insatiabilis pondere pressi, sive denique *noxia Curiositatis* amore deformati : tunc specialius atque diligentius instituatis scrutinium, atque pii cujusdam Viri monito obedientes; *VITILLUM* quo maximè laboratis diligentiissimè exploretis, & adversus illud principale arripiatis certamen, sanctoq; Chrysostomo auscultantes : *Discatis & vitia vestra recensere, & tempestivè corrigere, hoc mense unum, alio aliud, ita ut subsequenter meliores efficiamini.* Quoties equidem propria mihi ad animum mala revoco, & conscientiam perperam gestorum pono ante oculos, quā otiosè pridem (licet Deo in prima ætate consecratus) cum profanis seculi mancipiis fuerim negotiosus, nihil-que egerim dum perficere volui omnia, quam inutiliter, ipse ineptiverim diutius, *venatus fumos, umbrasq, sectatus, quam*

Eutropi-
us Abbas
ad Petr.
Episc.
Chrysost.
Homil.
82. ad
pop. Ant.

F

ardua

ardua tenuesque superantia vires in animo volutarim, quam turpiter sæpè à vero aberraverim scopo, atque perniciosis illis Satanae catapultis, ELATIONE ANIMI, PHILAUTIA, INANIS GLORIÆ pariter ac infructuosæ CURIOSITATIS amore studioque, veluti gravissimis ponderibus ita fuerim depressus, ut nominis mei mensuram neutiquā adimplere, neq; erectos mentis oculos ad cœlestem AMOREM attolliere potuerim. densissimis ut plurimum tenebris immersus; Quoties inquam pristinum meum, h. e. *miseri* cuiusdam *erroris* statum memori pectore intueor, toties cura me versat atque cogitatio, non solum qua ratione vitiosis illis affectionibus *quæ mentem hætenus* (ut cum Ephraimo Syro loquar) *variè distractam* tenuere, at q. per animi elationem occulta mea vulnera frequenter instauravêre, sacrum indicere bellum, verum etiam in emendandis reducendisque ad salutis semitam fratribus meis operam collocare queam salutarem. Hinc est quod cunctos Literati Orbis incolas per DEI attributa, per Christi meritum, per salutem eorū sempiternam rogem atq; obtester, ut in-

Ephram.
Syrus in
in tertio
de com-
punct.
erm.

tra se ipsos reversi, non solum cuncta vitæ præteritæ scelera detestentur atq; adversus illa deinceps fortissimè decertent, verum etiam latens illud, & ex innumeris naufragiis infame saxum (RELAPSUM intelligo) devitent, in quod graviter hætenus omnes illi impegerunt, qui arrepta quidem pœnitentiæ tabula ex priori jacturâ in portum enatarunt, ast nave resecta, recuperatisque mercibus, non providam satis curam justamque sollicitudinem in cavendis funestis exitiosisque vitiorum scopulis adhibuere, perpetuæ tandem justo DEI judicio dati internecioni. **FILI PECCASTI? NE ADHICAS ITERUM**, optimè quondam monuit sapiens. *Eccl. 10. 1.* *Quid juvaret (ait alius) lacrymis faciem lavisse, si iterum iisdem aut fædioribus peccatorum sordibus ea maculetur?* Talem prævaricatorem literatum haud abs re cum Bernhardo sentinæ comparabimus, ex qua quantum effluit, tantum influit ocyus, ita ut nunquam exhauriatur. *Bernard. serm. de convers. ad Cleric. c. 7.*

*Qui pedis offensi lapidem vitare secundo
Nescit, & incantos iterum vexaverit artus,
Imputet ipse sibi, nsc casibus imputet ullis.*

*Corrige delictum fidamine corrige mentem,
Sufficit peccare semel, desiste vereri.*

Ita ad lapsum Senatorem olim Cyprianus.
Cypr. ad *Et quia Dux in pralio* (verba Gregorii M.
Sen. laps. *adscribo*) *plus eum militem diligit, qui post*
fugam reversus hostem fortiter premit, quam
illum qui nunquam terga praebeuit, & nun-
quam aliquid fortiter gessit; majorq; proin
DEO & angelis latitia de uno lapsore surgen-
te ad bonam frugem quam de multis molliter
se gerentibus, licet nunquam collapsis; hinc
quilibet literatorum facile intelligit, gau-
dium à Deo & angelis de regressu ad bo-
nam vitam receptum, protinus per rela-
psum disperdi, inque dulcissimum coele-
stis mensæ cibum immitti plusquam ab-
sinthialem amaritudinem, Noli (ait os
Chrysost. *aureum*) *peccare post veniam, noli vulnera-*
ri post curam, noli sordidari post gratiam. Co-
primi *gita ô homo* (literate) *gravem culpam esse*
hominis. *post veniam; renovatum vulnus peius dolere post*
curam, molestius hominem sordidari post gratiam.
Et paulò post: Grave est hominem instructum de-
linquere; gravius absolutum peccare; servo peior
est qui patronum cost datam libertatem offendit.
Quodsi auream hanc sed plumbo graviolem
sententiam ad animum VOBIS Ô LITERATA
pectora seriò revocaveritis, causâ discetis pal-
mari-

mariam, cur gravior ipso lapsu sit *Relapsus*, si lapsum priorem excuset naturæ vestræ imbecillitas, relapsus isque frequentior argumento est malum altissimas in cordibus vestris egisse radices, atque de recuperanda sanitate tantum non penitus esse conclamatum. *Jam quidem* [ita præclare Tertullianus, in quinto libri de pœnitentia capite, teterrimum literati relapsus *Tertull.* statum delineaturus scribit,] *nullum i. l. de pœ-*
ignorantia prætextum tibi patrocinator, quod Domi- nit. c. 5.
no agnito, præceptisq; ejus admissis, deniq; pœniten-
tia delictorum functus, rursus Te in delicta restitui-
is. Ita in quantum ignorantia segregaris, in tantum contumacia adglutinaris: Nam si idcirco Te deliquisse pœnituerat, quia Dominum cœperas timere, cur quod metus gratia gessisti, rescindere maluisti, nisi quia metuere desuisti? Neq; enim timorem alia res quam contumacia subvertit. - - Ceterum non leviter in Dominum peccat, qui cum amulo ejus diabolo pœnitentiâ renunciasset, & hoc nomine illum Domino subjecisset, rursus eundem regressu suo erigit, & exultationem ejus se ipsum facit, ut denuò malus recuperata prada sua adversus Dominum gaudeat. Nonne, quod dicere quoque periculosum est, sed ad adificationem proferendum est, diabolum Domino præponit, comparisonem enim videtur egisse qui utrumq; cognoverit, & judicato pronunciasset eum meliorem, cujus se rursus esse maluerit, - - eritq; tanto magis exosus DEO, quanto amulo ejus acceptus. Quandoquidem verò magna incolumitatis pars, nosse recidivorum radices,

dices, ut fibris excisis malum penitus excindatur, duas VOBIS, ô MEI, relapsuum causas amplius dabo expendendas : Una est DÆMONIS IN IMPUGNANDIS CONVERSIS (præsertim Literatis) IMPORTUNITAS ; cum enim probè sciat ex relapsione rursus se suo jure ac dominio in hominem potiri, magisque difficilè inde fugam reddi & exitum, nihil magis nequissimus ille humani generis adversarius molitur, quam ut stantes Viros eruditos rursus dejiciat, inque abominandam suam retrahat potestatem. *Tunc scilicet* (ut præclare Isidorus Hispalensis) *magis gravari nos impulsu vitiorum agnoscimus, dum ad DEI propius accedimus cognitionem, sicuti populus Israëliticus graviore onere ab Aegyptiis premebatur dum per Moysen à dura servitute jugo esset liberandus. VITIA enim ante conversionem quasi pacem in homine habent, quando autem expelluntur acriore consurgunt virtute, ac sicuti conversionem præcedit turba peccatorum, ita eam sequitur TURBATIONE.* Dormiendum igitur vobis ô LITERATI non est, neque otia dum, arma (ut antea monui) tenenda in manu, excitandus contra tentationum hujusmodi diabolicarum machinas animus, fortiterq; & constanter obstandum, ut consistatis in gradu, nec dejiciamini, imò victores tandem aliquando evadatis. E sua machina Vos pugnantes Deus ipse contemplabitur, juvabit ut potentissimos pariter ac callidissimos hostes vincatis, variarum calamitatum

Isidor.
in lib. de
conversis
cap. 2.
 NB.

tatum mole pressis vitam ac vires tribuet ejus gloriæ propagandæ sufficientes, multosque ad justitiam erudientibus sempiternæ gloriæ coronam aliquando imponet.

XV. Verum ab inæstimabilis hujus felicitatis fastigio Vos [ni præcaveritis sollicitè] deturbare conabitur altera illa [quam indigetavi] relapsionum causa, INOLITA nimirum VITIORUM CONSUVETUDO, habitusque crebris actionibus perversis acquisitus, qui cum uno alterove virtutis actu non statim expellatur, præsertim si diuturnitate & frequentia fuerit corroboratus; hinc tanto majori curâ studioque VOBIS allaborandum, ut vitiorum memoratorum pestes eradicentur potius, quam superficie tenus duntaxat eradantur. *Excisam*, (notanter ait Bernardus) *non extirpatam arborem in sylvam* Bern. *pullulare videas densiorem; quod periculum si ve-* Serm. *lis declinare securim imponat necesse est ad RADICES* de assum. *arboris, non ramos.* B.M.V. Ne igitur noxiæ affectionum vestrarum arbores herbæque mox repullulent, magisque luxurient, radices etiam penitissimæque fibræ [quantum fieri poterit] sunt evellendæ, atque ni retrahi velitis in dirissimam illam peccati servitutem, invigilandum apprimere, atque pro virili insudandum erit passionum inclinationumque perversarum dominio, contendendumque sollicitè, ut vitiorum consuetudines per frequentiores virtutum contrariarum actus à medio tollantur. *Secus si agatur* [appositè non minus quam præclare ait Dorotheus]

*Doroth.
serm. X.
p. 139.*

us] & studio professionis vestrae non ritè incumbatis, non modo nullum impetrabitis fructum, verum etiam inconsideratè vestram finietis vitam, tempusque frustra consumetis huc atq; illuc omni vento circumacti. Auferat DEUS à VOBIS ô præclara Orbis eruditi ornamenta mentes impuras infectasque siti gloriæ, amore proprio, odio proximi, atq; execrabili studio pecuniarum contaminatas, omnem contentionis, maledicentiæ, vindictæq; privatæ in vobis exterminet appetitum, deniq; prohibeat quo minus tempus negotiis supervacaneis impendatis, quæ utut semper turpia non sint, certè hoc ipso perniciofa existunt, quod à curis Vos avocent magis necessariis, indecora autem, quod personis nobiliori ministerio consecratis, neutiquam convenient. Etiam atq; etiam Vos cunctos ô literati [Magno Chrysostomo præeunte] rogo atq; obtestor, ut quisq; DEFECTUM à quo vexari se noverit, ex animâ præcidere studeat, & PLACUATAM cogitatione, quasi spiritali utens glad. o VITI A cuncta præscindat. Igitur faciatis Vos similiter, & vivetis. Atq; hic erit unicus cujuscunq; mei in scribendo, vestri in legendo laboris fructus, quem ut utrinq; decerpamus, inq; sinceræ pietatis semita magis magisq; procedendo, tandem aliquando ad veræ sempiternæq; felicitatis metam pertingamus, TER-Maximum Numen pro bonitate sua inenarrabili clementissimè largiatur!

*Jo.
Chrys.
Hom. 77.
ad pop.
Ant.*





COMMENTATIO I.
 DE
 LITERATORUM
 QUORUNDAM IMPIE-
 TATE
 SEU
 ATHEISMO.

I.



Omnia scaturigo VITIO-
 RUM, omnium matrix cala-
 mitatum, quæ cataclysmi in-
 star Orbem LITERATUM ha-
 ctenus inundarunt, atq; vehe-
 mentiori quodam impetu
 sunt adortæ, IMPIETAS est, DEUM aut pa-
 lam nesciens, ac omninò nullum putans, aut
 rerum humanarum negligentem, eaque pro-
 pter infano planè ausu sinceræ pietatis aram
 G cal-

calcibus petens, atque execrandas mortalium etiam doctissimis de omnium religionum vanitate ac falsitate suggerens cogitationes, nec rarò Viros literarum studiis insignes pro impudentia sua sollicitans, ut personatos agant hypocritas, specieque & forma pietatis externâ contenti, *μορφωσι* duntaxat (ut Apostolus loquitur) habeant *τῆς εὐσεβείας*, verbi divini respuant magisterium, nec unquam in spiritu vivere cogitent, denique eò impietatis prolabantur, ut Deum apertè negare abjurareq; inducant in animum. Et licet usus obtinuerit, ut nefarii solum Creatoris Conditorisque Maximi contemptores vocentur IMPII, liquidò tamen apertèque satis constat, non contemptu solum & abnegatione SS. Numinis Literatos quosdam enormem suam prodere impietatem, sed modis insuper multivariis pravi erga DEUM ejusque cultum adfectûs detestanda dare documenta: vel admirandam ejus impetentes providentiam, siquidem in eruditum etiam cœtu:

Sunt qui in fortune jam casibus omnia ponunt,

Et nullo credunt mundum rectore moveri;

Vel DEUM in curandis rebus humanis negligentia, imò injustitiæ & crudelitatis arguentes, vel Nomen ejus Sacrosanctum dehonestantes, profanè satis scepticeque de rebus divinis differentes, prava ubiq; & impia disseminantes dogmata, irridentes etiam contemnentes, ac blasphemantes

blasphemantes supremam Majestatem , vel
tentantes impiè ; cultum Deo debitum creatu-
ris, ipsisque dæmonibus exhibentes, nec ut de-
cet DEUM verum investigantes, nimis autem
curiosè arcana cœlestia perscrutantes, judicia
DEI impudenter reprehendentes, cum ipso
Numine temerè interdum contendentes & di-
sputantes ; quoties res adversæ dubiæque ani-
mos ipsorum pulsan, Dominum non requi-
rentes, nec ipsi ex animo confidentes, peccatis
verò suis iratum nunquam placare laborantes;
veros Dei pietatisque cultores plusquam vati-
niano prosequentes odio, nulloque non in-
juriarum genere afficientes Viros innocentis-
simos ; cæterum parcè admodum orantes, Deo-
que frigidè satis supplicantes, (sicuti Maxi-
mus Tyrius olim contendit nullatenus DE-
UM colendum esse precibus, quoniam sive
orans sit malus, exauditurus DEUS non sit ; si-
ve bonus, DEUS illi etiam non oranti neces-
saria cuncta sit largiturus) publicum quoque
privatumque ; Dei negligentes cultum, adeoque
grates illi malè agentes, dona beneficiaque cœle-
stia propriæ industriæ, ingenio, studioque in-
defesso attribuentes, denique verbo DEI reve-
lato minimè obtemperantes, sed suo duntaxat
vivi arbitrio: Prolixum equidem foret
arduumque nimis universum hoc impietatis
pseudo-literariæ excutere seminarium, quod-
que miseros adeò facit eruditorum plurimos,

*Max.
Tyrius
diff. 1.*

cunctis suis coloribus depingere IMPIETATIS scelus. Posthabitis itaque cæteris τῆς ἀσεβείας pudendæ criteriis, præcipuè nunc ipsum ex Orbe Literato propullulantem inq̃; verè INFELICES quosdam literatos grassantem ATHEISMUM considerabimus, summè detestandam illam studiorum elegantiorum pestem, genimen istud viperarum infernalium, atque literati Orbis probrum execrabile in perpetuum [si fieri possit] relegaturi, virosq̃; eruditos spissis adeò tenebris aliquandiu detentos ad clarissimam veritatis optatæq̃; felicitatis lucem cœlesti ope revocaturi.

II. Non abs re impurissimam illam ἀθεϊότητα sectam, cui nimio plures etiam literati huc usque nomen dedere, Vir quidam egregius novissimum Cacodæmonis foetum nuncupavit, qui laboret summoperè, ut in polytheismi gentilis locum ATHEISMUS, Numini haud minus injuriosus, substituatur. Non ego fulmen reformido Jovis, nec Jovem fateor esse præstantiorem me DEUM, ajebat quondam Cyclops immanis, cui perquam similes illi sunt literati, qui patefactæ tot illustribus documentis veritati pertinacissimè renituntur, atque cum insipientibus cæteris detestandum illud axioma chartis inscribunt & infigunt cordibus : NON EST DEUS. Ecquis Philotheus toto non contremisceret pectore, si in Orbe

Orbe etiam Christiano - literato talia hominum monstra talesque reperiri intelligat doctores maleferiatos, qui omni religione ac pietate conculcata, SS. Numinis ejusque verbi [lucis æternæ veritatis] splendorem detestandis suis sarcasmis extinguere laborent, haudquaquam suum dissimulantes virus, sed dictis pariter ac scriptis perniciosissimis ubique illud effundentes, religionem externè interdum colentes, sed nullam habentes, DEI nomen in ore, in corde nunquam circumferentes, inque concepta opinione sua nefaria plus momenti ponentes, quam in DEI monitis, Christi que præceptis aut pollicitis. De Sabinis olim familiariter dicebatur : *Somniant quod volunt* ; id locum magis habere videtur in omni genere literatorum atheorum, quippe qui DEUM non esse somnient, cum animos ab omni ejus reverentia cultuque protinus habeant alienos, haudquaquam reformidantes retro omnium seculorum & sapientum consensum. Refugerem equidem efferre tantum ævi nostri. Orbisque eruditi probum, nisi vel me silente satis abundè constaret, in ea nos incidisse tempora, quibus profanè-doctorum aliqui eandem cum insipientibus illis à Vate regio notatis inflare tibiam summo opere contenderunt. *Ps. XIV.*
v. I.
 Quantumvis enim pluribus persuasum sit, eorum qui DEUM huc usque negarunt, vel pestilentissimæ Atheorum sectæ nomen dedê-
 runt,

runt ex *VIRIS* eruditis vel nullos esse, vel paucissimos, hominum portenta potius quam homines, nullaque intelligendi dijudicandique facultate præditos; attamen eo (cheu!) nos vivere ævo, quo plus quàm Cyclopica & barbarica cogitata animos eruditorum quorundā subeant, variæ Theologorum aliorumq; piorum ac cordatorum virorum clamant querelæ, *nimirum quod* (dicente nonnemine,) *complures etiam ex eruditorum sint cœtu, qui animo negent divinitatem, non tamen ita passim sint noti, siquidem legum metu premant hoc suum mysterium, nec evulgare id audeant nisi apud familiares.* Et cum piè-literatorum alius pronunciare non dubitaverit, hodiè nullam sectam, nullam religionem esse, locorum amplitudine vel Regionum & provinciarum diversitate secta à *Θεοις* numerosiorem; imò Mario Mersenno tradente, vix quisquam apud Gallos sit, qui non fateatur, nefandum illum errorem urbes plerasque ita inficere, ut jam atheismo familiaria plurimorum colloquia scateant, & seriæ multorum maleferiatorum cogitationes in RATIONIBUS INVESTIGANDIS impendantur, quibus DEUM ex mente hominum & è medio tollant, ex consequenti atheismum plenè velis introducant; vix ullus dubio locus est, quin passim eruditorum etiam hominum plurimi eâ labe infecti, atræque istius loliginis succo tincti polluti que inveniantur. Si Athei
appel-

Mar.
Mersennus
Comm.
in cap. 1.
Gen. f.
233.

appellatio accipiatur pro eo, qui nullam religionem externè in alicujus Ecclesiæ communi-
one profitetur, non exiguus sanè ejusmodi a-
theorū in Orbe erudito numerus invenietur; si
quis verò eos hoc notet stigmate, qui in nego-
tio religionis velificantur, talibus quoque So-
cietas literaria destituetur minimè. Pudenda
etiam vitæ morumque inter literatos corrup-
tio (quam toto hoc incusavimus opere,) lu-
culentum mali istius magis magisque invale-
scentis facit indicium. *Latius certè pestis hæc*
serpsit (ita ad me olim scripsit insignis
Theolog⁹ D. P. I. S. alibi etiam eo nomine
laudatus) *quam quisquam cogitare posset, &*

*Conf. E-
pist. de
Eradic.
Atheis.
p. 5.*

*vereor ne brevi tempore aliquam in Germa-
nia nostra quod hoc scelus attinet videamus
Italiam vel Galliam, quam multi enim ex il-
lis peregrinis terris (forsitan ex habito fa-
miliari cum eruditis variis colloquio) ni-
hil præter hoc unum adferunt, de quo sibi inti-
me gratulantur, felices si omnino nihil repor-
tassent futuri. Intercessit mihi non cum u-
no multa familiaritas & consuetudo, & hor-
ret sæpè animus repetere quæ ab illis nefanda
audita; usq; adeò ut mirarentur, aliquos E-
MUNCTORIS nasci esse, qui non arcano in
pectore idem ipsiscum statuunt, sed sibi certò
per-*

persuadeant quæ religionis, imprimis Christiana sunt. Unus aliquando eò audaciæ proce-
debat, ut de Augustino aliisque qui inter
Patres paulò doctiores & prudentiores fuis-
sent, imò de plerisque in V. T. apud Judæos
Heroibus, quorum etiam sacra scripta nunc
veneramur, dubitare nollet in eodem fuisse
censu, quaque voce & calamo pro religione e-
gerint, ex necessitate personæ egisse. Nonne
stant comæ cum hac audimus, vel dicimus re-
lata? Quis itaque inficias ire auderet, maxi-
mum in erudito etiam Orbe atheorum esse nu-
merum, nosque in ea incidisse tempora, in qui-
bus infatuati quidam sapientes omnem pro lu-
dibrio habent religionem, ac neminem pro
Viro verè docto, qui theista non sit, haben-
dum esse existimant. *Ades meus*, (ita haud abs-
re cum Viro quodam egregio quilibet piè-do-
ctorum dicat,) *stile manus, exsurgite & incale-*
scite ad illum asserendum, qui vos fecit, direxit, mo-
vit! Nam mihi quidem, quæ non dicam amicitia
sed usus vel notitia cum illo sit, qui à communi soci-
etate & sensu hominum se abjunxit. Si Tertulli-
anus inter Ponti Euxini barbaros sedesque eo-
rum incertas, nihil tam barbarum ac triste re-
perit, quam quod ibi Marcion natus esset, qui
duos Deos adserèbat tanquam duas naufragii
sui symplegadas; quid obsecro de illis dicemus
eruditi Orbis carcinomatibus, qui non Deo-

rum pluralitatem non binarium invehunt, sed omnem abnegant divinitatem, omnem divini Numinis cultum & reverentiam abjiciunt, inque disseminandis istis zizaniis unicè occupantur.

III. Non equidem inficias ire conabor, plurimos ex Eruditorum Virorum cœtu injustè & immeritò isthoc extremæ impietatis sive atheismi stigmate fuisse notatos, atque nonnisi malevolorum nequitia infami Theomachorum albo insertos. Nolim tale quid de Erasmo Roterodamo suspicari, aut Lucianismi eum cum quibusdam accusare temerariis. Aliud sanè in illo fuit religionis, lectionis sacræ & rerum divinarum studium, & quamvis judicio nonnullorum fuerit quandoque in negotio religionis nimis politicus, inque doctrinâ de Trinitate scepticus, inde tamen nemo evincet, illum atheis ipsis esse accensendum, aut infami Luciani cujusdam recentioris nomine traducendum, quo etiam probro anonymus quidam Censor Philippû Melanchtonem, ipsumque Jac. A. Thuanum præter omnem veri speciem infamavit. Ac licet aliqui eruditorum atheismi propterea fuerint participes, quod causam pietatis perperam agendo atheismum imprudenter promoverint, ideò tamen atrocissimi illius criminis peragere reos, nimis inhumanum, nimis rigidum, imò extremæ temeritatis opus haud abs re videretur. Non exi-

*Conf. E-
pist. de
rad. ath.
p. 14.*

*Author
anonym.
animad-
vers. in
Histor.
Thuan.
c. II.
p. 40*

guus forsitan inter doctos est numerus *Tentato-
rum*, qui substitutis immotæ veritatis fulcris
erigendi potius, quam veluti putida ac emor-
tua membra statim refecandi. Multa multa
sunt, quæ in excellentis doctrinæ hominibus
sanos de religione sensus corrumpere solent,
cum vero valdè simile sit, eos qui frequenter
gentilium libros volvunt, colorem quempiam
trahere profanitatis, à quo nescio annon ipse
sibi aliquando metuerit Hieronymus, dum nar-
rat se pro tribunali divino in somnis vapulasse,
quod Ciceronianus magis quam Christianus
esset. Et cum Doctorum Ecclesiasticorum tam
veterum quam recentiorum scripta comparan-
ti mirabilis occurrat dogmatum dissensio, &
variæ hinc suboriantur dubitationes, fieri faci-
lè potest, ut literatus solida veritatis cogniti-
one destitutus, suisque actus cupiditatibus in
ea incidat, quæ fidem ejus labefactare, & peri-
culosum quendam γογγυσμὸν καὶ διαλογισ-
μὸν *murmurationem & disceptationem* con-
citare queant, neque propterea tamen atheis-
mi accusarem tales omnigenæ eruditionis su-
pellectile instructissimos viros. Is in scriptu-
ris ἐμπαίκτης nuncupatur, h. e. irrisor seu a-
theus, qui omnem revelatam veritatem, redar-
gutionem pariter ac demonstrationem eludere
flocci que facere non dubitat, & putidos quos-
que fucos infrunitæ suæ substernit libidini, ab-
surdis insuper suis philosophematis ita sæpè
inco-

indulget, ut tantum non omnia scepticis Lucianistisq̃ue concedendo in profundissimum atheismi barathrum ipse tandem prolabatur.

Optandum equidem foret, ut in censum hunc nemo ex ordine literatorum esset referendus, utque pernicioſa ista exitioſaq̃ue labe caruiſſent cuncta doctrinæ abſtruſioris ſacraria! Fuere equidem multi ſtupendæ eruditionis Viri iſſis profeſſionis fideiq̃ue ſuæ ſociis non præter rem atheiſmi nomine ſuſpecti, quod conquiſitas doctrinæ multivariæ opes ad ſtabiliendam deſperatam τῶν ἀθέων cauſam duxerint adhibendas. Quemadmodum de Cæſare Cremonino non ignobili Philoſopho Patavino diſertè Jo. Imperialis in Muſeo ſuo hiſtorico enun-

ciavit, *cum deteriores & reprobatiores de rebus phyſicis ſenſus acrius defendiſſe, quam orthodoxa fidei alumno liceret, divinos ni-* Jo. Imper. Muſ. Hiſt. p. 174.

mirum hominum ſpiritus cum brutis communes feciſſe, corruptionique obnoxios reddidiſſe veſano rationis auſu. Nec Cremoninum ſolum, verum etiam Jacobum Zabarellam im-

penſius impugnariſſe animæ immortalitatem, ac ſimul haud obſcura latentis atheiſmi documenta dediſſe, idem Imperialis eſt conteſtatus.

Quæ de Angelo Politiano, Hermolao Barbaro, Hieronymo Cardano, aliisq̃ue literatoribus atque poëtis vulgò perhibentur, talia equidem ſunt, quæ Lucianiſmi eos vel Epicureiſmi

suspectos reddere queant, convincere verò minimè. De Angelo Politiano quidem Jo. Pier. Valerianus scribit, exitum ei obtigisse professione illa execrabili longè dignissimum, cum

Jo. Pier. lib. II. de infel. lit. p. 137. *sub vita finem in tantam inciderit agritudinem, ut in multis & variis molestiis cogitationibus quæ consolationem nullam admittere*

voluerit, atque ita demum dolore mæstitiæ confectus expiravit, quodque illi longè fuit infelicius, quidam mortis etiam voluntaria causam universæ terrarum Orbi magnæ cum ejus infamiæ propalarunt.

Theophil Rayn. in limine Theol. nat, *Tantum verò abest ut casu hoc Politiani cautiores melioresque facti sint literatorum alii, ut potius (dicente Theophilo Raynaudo) ita natura repugnarent, ut passi sint sibi ex animo exsculpi eam quam illa mentibus nostris impressit Dei cognitionem, quod scelus ætate sua duo flammis expiarint in duabus præcipuis Gallia urbibus; nimirum Godofredus à Valle, libri nefandi de arte nihil credendi author, Parisiis combustus, & Julius Cæsar Vaninus, scelestus ille atheismi Apostolus, Tolosæ anno ævi currentis decimo nono ad flammæ damnatus. Quis hujus farinæ homines literatos, omnium INFELICISSIMOS nuncupare dubitaret, quippe qui nobilissimas ingenii sui doctrinæque haud vulgaris copias ad fidei ac religionis excidium*

scele-

sceleratissimè adhibere, atque SS. Numini (no-
 vorum Gigantum instar) bellum indicere non
 sunt veriti, cum primis infamis ille Vaninus, qui *Confer.*
 aliquamdiu virus suum ita texit, ut nova quâ- *Scrutin.*
 dam methodo atheorum præ se tulerit convi- *nostr. p.*
 ctionem. Magno siquidem in speciem moli- *19. seqq.*
 mine, libroque peculiari, quem *Amphisbea-* *Amphi-*
trum vocavit aeternæ providentiæ divino-*magicum,* theatrū
 providentiæ divinam adversus Philosophos *hoc vani*
 veteres, Epicureos cum primis, Peripateticos & *ni pro-*
 Stoicos defendere instituit, revera tamen ubi- *diit Lug.*
 que turpiter destituit, atque prostituit, id a- *duni*
 gens sollicitè, ut incautiores, [si videant tantum *1615.*
 Atlantem tam raris atque tam novis ex Philo-
 sophiâ pariter ac Theologia machinis adhibi-
 tis, argumentorum ab atheis confictorum mo-
 menta & pondera sustinere non potuisse] in
 scepticismum imò ipsum atheismum sponte sua
 prolabantur. Hoc scil. novissimum illud est
 τὸ μωριότεχον inventum, quod Vaninum in-
 felicissimum tantoperè obfascinavit, ut ad ex-
 tremum usque vitæ suæ terminum scelestam
 propugnare sententiam, atque de DEO pro lu-
 bitu suo statuendi libertatem postulare non de-
 siderit. Cumque more solito imponeretur illi,
 ut à DEO, Rege, & justitia veniam postularet,
 negavit se id facturum; non à DEO, quan-
 doquidem eum esse certum non esset, nec ipse
 crederet, non à Rege, quod nihil in eum pec-
 casset, non à justitia sive iudicibus, quod nec in

eos deliquisset, si diaboli essent in inferno, ut quidem hoc credi & dici soleat, se devoturum iudices, ut ab illis auferantur. Alii perhibent scelestum illum dixisse, se potius deprecaturum ut vindicaret, sed quia certum non esset DEUM & diabolos esse, ideò nec veniam à DEO & iudicibus petiturum, neque vindictam imploraturum. Memorabilis etiam extat de hoc Vanini supplicio relatio B. Grammondi

B. Gram. celebris Gallorum historici in h. m. *Erat illi*
lib. 3. H - in extremis ad spectus ferox & horridus, in-
stor. pag. quieta mens, anxium quodcunque loquebatur,
210. & quanquam philosophicè mori se clamabat
identidem, finisse ut brutum nemo negave-
rit. Antequam rogo subderetur ignis, jus-
susque sacrilegam linguam cultro submitte-
re, negat, neque exerit, nisi forcipum vi
apprehensam carnifex ferro abscindit. Non
alias vociferatio horridior, diceret mugire i-
etum bovem. Reliqua absumsit ignis, in aë-
rem sparsi cineres. Hic Vanini finis, cui
quanta fuerit constantia probat belluius in
morte clamor. Vidi ego in custodia, vidi in
patibulo, videram antequam subiret vincula.
Flagitiosus in libertate, & voluptatum se-
ctator avidus, in carcere Catholicus, in ex-
tremis omni philosophia presidio destitutus,
amens

*amens moritur. Vivens arcana natura se-
 Etabatur, Medicumque sapiebat magis quam
 Theologum, quanquam pro Theologo audiri a-
 mabat. Capta cum ipso supellex omnis, in-
 ventusque inclusus vase crystallino immanis
 inter aqas bufo. Objicientibus beneficium,
 respondit ex vivo bufone postquam ad ignem
 liquatus fuerit, malo remedium esse etiam
 lethali. In carcere sacramentis frequenter
 utebatur, dissimulans astutè conscientiam, u-
 bi videt creptam spem vita, larvam exuit,
 qualisque vixerat, moritur. Et cum infamis
 hic atheorum literatorum aquila Vaninus an-
 tequam Tolosæ vivicumburio esset è medio
 sublatus, publicè fassus sit, Neapoli tredecim
 emissos, qui venenum hoc per omnem Euro-
 pam spargerent, sibi autem designatione certa
 Lutetiam contigisse, ubi strenuè execrabili i-
 sto functus sit munere; mirum adè non est,
 quod ab eo tempore ejusmodi nebulonum so-
 cietas in immensum excreverit numerum, sola-
 que Lutetia Mersenno teste circa annum ævī
 hujus tertium & vigesimum plusquam quin-
 quaginta τὼν ἀθείων millia comprehenderit,
 inque unica domo sæpè duodecim reperti sint
 istam vomentes impietatem. Ne quis suspice-
 tur me injuria conqueri, vel paucos vel nullos Mersen-
 esse qui DEUM negent, sciat velim non so-*

in Genes. *lum in Gallia, sed etiam in aliis regnis tan-*
 p. 671. *tam esse nefandorum atheorum multitudi-*
nem, ut jure mirari possimus, quomodo DE-
US eos vivere sinat, quippe qui bonitatem in-
finitam in eis ad resipiscentiam expectandis
effundit. Quis verò tantam atheorum turbam

Conf. e- hominibus literatis credat fuisse destitutam,
jurd. præsertim cum eodē Mersenno teste non pauci
Mer- insanis interrogationibus & spiculis tartareis à
senni Cacodæmone fabricatis fideles sæpè hunc in
præfat. modum sint aggressi: UBI EST DEUS TU-
oper. ad US? Cur alium tibi fingis præter rationem?
Johanne An Numen aliquod abest, si sit prudentia?
Franc. Nunquid omnis cultus ideò fictus est, ut popu-
de Gon- lus in officio contineatur? &c. Quinam alii
dy Ar- quam eruditi, qui eodem authore tradente,
ebi-Epi- nullum credunt verè DOCTUM, qui non sit

scop. Pa- ATHEISTA? Nec leviter hætenus literis
ris. tincti fuere illi Gallorum DEISTÆ, qui Deum
Idem absque justitia fingunt atque providentia, & o-
Mersin mnia quæ Sacræ profanæque paginæ de illo re-
præfat. ferunt, fabulis accensenda pronunciant. Ma-
ad lecto- gis verò horrenda ea sunt, quæ non obscurus
rem. adeò ævi hujus scriptor Petrus Firmianus, de
Idem l. c. nefario quodam literatorum atheorum gym-
p. 1830. nasio à multis intempesta nocte Lutetiæ olim
Petrus frequentato prodidit, quæ cum non usque a-
Firmia- deò trita sint aut vulgaria, nec parum lucis huic
nus in de Literatorum Atheismo conciliare Com-
Genio
Seculi,

men-

mentationi videantur, ideò cum pluribus denudò ea duxi communicanda:

Ignota (*scribit ille*) vobis loquar. Etiam impiæ fortitudinis (*h. e. nequitia atheistica*) schola fuit. Urbem quæritis? Ea est, cui nomen seu à luto (*Lutet. Paris.*) seu à luce rectissimè impositum, nihil enim illa præclarius, si fortunarum, si munerum, si ædificiorum dignitatem spectes, nihil si vias ipsas lutulentius. *Et post alia*: Hæc loci dispositio erat; in amplissimo cubiculo exilis lucerna noctem ita amovebat, ut non tota abscederet, lunam esse putares, orbe imperfecto vix inter densissimas nubes pallida cornua proferentem, nec viatoribus ita consulentem maligna luce, ut securè possint iter capere. In cubiculo adesse non paucos, plus ex vestigiis se prementibus, quam ex aspectu aut vario vocum tenore tremens tyro agnovit. In loci ambitu cathedræ plures (inter quas una remotior,) tacentes exceperunt, ipse qui novus accedebat, amico monstrante in una sellarum acquievit, mox ille qui locuturus secesserat, ubi nulla exigui lumi-

nis posset timeri proditio, de DEO & providentia ita differere cœpit, ut non sine pietatis sensu audiretur ab eo, quem cœteri mox suum fore præmaturo gaudio existimabant. Media pars horæ in iis, quæ de DEO, de animarum immortalitate, de judicio futuro credimus, ferè consumpta est, nec argumentis, quibus religio firmaretur deerat illa quæ affectus movet orationis vehementia, ut nihil eorum quæ pietatem quoquo modo mentibus humanis infundant, sincerus homo, causam ipsius agens de industria omisisse videretur. Posthæc admirationi datus est locus, dictumque submurmurantibus suffragiis: Quicquid veteres Patres, quicquid omnis Theologorum chorus in hoc argumentum solidioris doctrinæ adducerent, illo sermone comprehendit. Reddito silentio, vox eadem audita est, majora se verioraque habere professa, quæ de religione diceret, à commiseratione impius sermo incepit, pessimum servitutis genus illud esse, quo animus humanus coogeretur incredibilia credere, & quæ sentienda essent de DEO ita accipere à maioribus,

ribus, ut nefas esset simplicissimæ ætatis pietatem vel leviter nimix credulitatis insimulare. Ita quemlibet hominem nasci, ut jus ad rationem habeat, nec fidei leges justè nobis imponi ab eis, qui ideò solum sapientiores existimantur, quia priores nati sunt. Plura dixit in gratiam libertatis; Inde ad argumenta illa ventum est, quibus oppugnatam religionem adversus impios tuemur, quæ ut dissolveret callidus homo, primum ratiunculis usus, quarum tota vis in gratia verborum & eloquentiæ imagine, sensim venit ad illas argutias quibus olim Christiana religio apud dicaces infideles scurriliter traducebatur. Nihil nobis reverendum, nihil sanctum, quod non luderet urbanus Evangelii obtrectator, impietatem ideò salibus condiens, ut venenum cujus horror esse posset si solum, voluptatis societate ad gustum accedens sumeretur fidentius. Sic exhilaratis animis, ita postea differuit de Christo, ut ipse Julianus Apostata desertionis suæ crimen diluens, & Lucianus in DEUM facetiis atrox impietate vincerentur. Interea per vices au-

dito-

ditorum risu incitabatur scenica Viri eloquentia, laudem ex sacrilegio captans, & quam placeret cachinnatione indicans semper in progressu impudentior. Finito sermone, qui propiores novitio homini fuerant, blandè petierunt, quid sibi de doctrina ista videretur? Sed anxie, nec ad expectationem satis respondebat, integræ adhuc conscientiæ minis prohibitus, ne tantæ impietati suffragaretur. Laudavit tamen Viri in dicendo copiam, seq; dixit amico multum debere, qui viam sibi præiisset ad honestissimorum (*scilicet*) Virorum congressum & stupendæ eruditionis arcana. Non placuit perplexa laudatio verbis ea arte dispensatis, ut nescires eamne doctrinam monstrum diceret an miraculum? Frigidius ergò noctivagi abierunt quam venerant, nec Magistri facta est epiphania, qui non nisi credentibus suum vultum exhibere solitus erat, ut & apud illum visio esset fidei merces. Hæc mihi ab eo relata sunt, qui nocturnæ concioni interfuit, ita feliciter mixtus nequissimis Viris, ut deinceps religiosior esset, impietatis enim atrocitate commo-

tus

tus & ex periculo prudens. Timus effectus, ne nomen quidem Virorum fortium sine stomacho audiebat. Nuper Vir religiosus nomine Nikon, unum ex istis obvium habuit in itinere, qui ex veste Deo sacrum agnoscens, admotis equo calcari-
bus, ut velociori cursu ad eum pergeret, mox ut potuit audiri; Et heus Tu religiose inquit, mene nosti? Cum ille negasset; Ego retulit homo Arrebatius vocor, eâ vi mentis famosus, quam vos impietatem appellatis, & vos miseri, qui futuram vitam expectantes, præsentem damnatis, & à DEO, qui (*proh scelus!*) NUSQUAM EST, mercedem laborum præstolamini. Nonne stant comæ, cum hæc Petro Firmiano perhibente audimus, vel dicimus relata? Toti profecto exhorrescimus, cum infrunitam adeò infelicissimorum illorum literatorum, vel tenebrionum potius Gallicanorum audaciam imò insaniam nobis revocamus ad animum, præsertim quod detestandis assertionibus quasdam illi subjicere rationes, aut fucos potius fumosque addere non dubitaverint.

IV. Neque verò Galliam solum, urbemque Parisiorum tot nefariis scatere tenebrionibus, sed ubivis locorum innumera seculi hujus

mancipia (literarum etiam artiumque studiis imbuta) reperiri , dubitare nos neutiquam sinunt frequentissimæ Theologorum & Concionatorum diversarum partium Nationumque memorabiles querelæ. ITALORUM cum-

*Petr.
Matth.
lib. VII.
narrat.
2. § 8.
in Hist.
Henr.
IV.*

*suis tantum placitis fidem habentia, animam-
que humanam tantum pro salis grano vendi-
tantia, quod corpus à corruptione tutum ser-
vet, atque in hoc unicè incumbentia ne homi-*

nes videri queant, quidam non infimi sub-
sellii scriptor est contestatus. Nec facilè quis-
piam ibit inficias, renascentibus in Italia bo-
nis literis, antiqua quoque Lucianica, Epicu-
rea, Horatiana &c. recocta, exulta, adaucta-
que fuisse, quemadmodum resuscitata philo-
sophia græcâ nec non Medicinâ & Mathesi,
nonnulli earum disciplinarum professores unâ
cum illis atheismos suos priscae authoritatis
prætextu propinarunt, ut proin eâ ipsâ de cau-
sâ in Italia olim tot tractatibus pro vindicandâ
animæ immortalitate fuerit decertandum, imò

*Concil.
Later.
Sess. II X.
die 19.
Septem.
1513,
hab.*

*peculiare in Concilio Lateranensi Leone X.
præsidente faciendum decretum, quo reprobantur
omnes, animam intellectivam mortalem esse asse-
rentes, aut unicam in cunctis hominibus, & hac in
dubiū vocantes &c. ex quo clarissimè colligitur,
pudendum illum, ipsique atheismo sociatum
de mortalitate animæ errorem nullibi vulgati-
orem*

orem quam inter Literatos ac Professores Italos à longo annorum decurso tempore fuisse. Si somniis, non quidem stultorum sed sapientum, quæ laudatus modo Firmianus multo cum sale finxit fides est adhibenda, ita se à Flavio quodam de pietate fugitivâ agens informari passus est : *In his habes Italica pietatis fidelissimam iconem. Multa insignis est, conspici vult, ita sine arte nihil agens, nisi suæ gentis genium omninò exuerit, ut etiam dum videtur simplicior, apud sagaces suspitione* (fraudis scil. hypocrisicos inò atheismi ipsius) *non careat, &c.* Cæterum inter Italarum doctiorum atheistas præter infamem illum Vaninum eminuère illi Duumviri infelicissimi, Nicolaus Machiavellus, qui omnem religionem ad statum civilem, continendosque intra officii fines subditos accomodari voluit; & Petrus Aretinus, libri de tribus impostoribus nequissimi sive author, sive fautor singularis, ad cuius tumulum Venetiis in Ecclesia S. Lucæ hoc epigramma (Laurentio Crasso teste) fuit compositum :

*Condit Aretini cineres lapis iste sepultos
Mortales atro qui sale perfricuit.
Intactus DEUS est illi; Causamq; rogatus,
Hanc dedit: Ille, inquit, NON MIHI
NOTUS ERAT.*

Quid quod negato DE O ipse sibi homo pessimus

Conf. Scrutin. atheismi pag. 18. & Cl. Reiseri epist. de orig. & progressu atheismi p. 244. Cujus etiam epitaphii

meminit mus quandam arrogaverit divinitatem, atque
Claud. culis monetis DIVUS ARETINUS voluerit
Clemens' nuncupari. *Cur verò sibi* [ita in libro de Scri-
in ex- ptoribus non-Ecclesiasticis Jacobus Gaddius]
truct. arrogaverit aliorum consensu divinitatem,
Musei nescio, nisi forte DEI munus exercuisse di-
l. 1. sect. 8. cendas sit, cum summa capita velut celsissi-
c. 4. p. mos montes fulminaverit, linguâ corrigens
269. & mulctans, qua ab aliis castigari nequeunt.
Jac. Utrum Petrus quoque Bembus doctis Italorum
Gaddius atheis sit accensendus, eò quod omnes Pauli e-
Tom. I. pistolas (teste Thoma Lansio) palam con-
descri- demnaverit, easdemque deflexo in contume-
prior. p. liam vocabulo Epistolarias ausus sit appellare,
13. cum nimirum amico author esset, ne illas at-
Thomas tingeret, vel si cœpisset legere, de manibus
Lans. O- abjiceret, si elegantiam scribendi & eloquen-
rat. con- tiam adamaret, judicent alii, dispiciantque
tra Ital. accuratius, qualem tum Philippus Faber Faven-
p. 782. tinus, tum ipse Campanella homines aliàs do-
783. ctissimi in convincendis con futandisq; atheis
Conf. habuerint intentionē. Non equidem desidero
laud. Dn. curiosam in celebrium hujusmodi Virorum ul-
Reiser. cere habere manum, neque mentis ingenuæ in-
l. c. de o- dicium existimo de quibusvis eorum gestis i-
rig. & psa q; intentione animi ferre calculū. Et quam-
progr. vis plures diversarum Nationum nominari
 possent eruditi, passim pudendo atheismi no-
 tata

tati stigmate eos tamen silentii populo potius duximus involvendo, ne atheistarum numerum temerè adauxisse videamur. Durius licet nonnulli de Johanne Bodino, Guiljelmo Postello, Roberto Fluddio, Taurello aliisque doctioribus judicant, nobis tamen integrum haud est illos ob suspiciones quasdam leviores nequissimorum mortalium inferere albo. Extrema dies Orbis universi conspectui sistet cunctos empæctas literatos, Judexque venturus risus eorum Sardonios æterno fletu stridoreque dentium infernali remunerabitur. Tanto periculosius etiam est de occultis cordium eruditorum recessibus ferre judicium, quanto diligentius animi sui sensa literati quidam tenebriones tegere, suumque dissimulare virus laborant, non quidem ex ullo DEI timore aut reverentia, sed quod reformident retrò omnium seculorum & sapientum censuram, ne desipere soli videantur, hinc cum Barlaeus Vanini infelicissimi mentionem in epistola quâdam fecisset, summæ eum imprudentiæ accusavit, quod TALIS CUM FUERIT, SIBI SOLI NON FUISSET. Tantum verò abest ut doctrinæ quam profitentur athei literati arcana semper dissimulare, aut in imâ tantum mente detestanda sua axiomata submurmurare possint, ut potius variis eâ signis prodant atque criteriis, mox quâvis arreptâ occasione negantes aut in dubium vocantes supernaturalia, mi-

ath pag.
241. sqq.
& Gisb.
Voetii
Tom. 1.
Dispp. sel.
de atheis.
p. 141.
scqq.

Casp.
Barlaeus
Epist.
CLXII.

racula, prophetias, operationesque spirituum, cunctaque ad naturalem vim, sympathias, & antipathias, ad fictas crasses, & peculiaria hominum temperamenta referentes; mox Sacra Scripturae auctoritatem tam in historicis quam dogmaticis suspectam contemptamque reddentes; mox metum omnem iustamque omnibus sollicitudinem excutientes; mox atheismos aliorum cupidè enarrantes, aut frigidam eorum rejectionem, aut clumbem refutationem subjungentes, aut tanquam *ἄλυστα* quædam admirandasque subtilitates relinquentes in medio, publicas etiam atheorum impugnationes ægrè ferentes, à cunctis animarum pastoribus summopere abhorrentes, illosque veluti styges aut aves infelices declinantes, religionem aut pietatem (quam titulo tenus præferre videntur) nunquam, aut rarò ac parcè admodum exercentes; denique pro lubitu suo Religionem permutantes, atque de Secta in sectam, non veritatis sed ventris & gulæ amore transeuntes, summamque sibi pariter ac aliis in hac vel illa religione amplectenda permittentibus libertatem, siquidem [juxta maleferiati cujusdam informatoris monitum,] *uni religioni ne utiquam ita sese mancipare velint, ut eo adhæreant pertinaciter, sed potius pro temporis & loci necessitate sive hanc, sive illam (citralévitatis tamen notam) ducant amplecten-*

Vid.
anonymi
Hom.
Politio.
c. 2.

plectendam. Hæc nimirum est decantata illa in Orbe literato pseudo-PRUDENTUM RELIGIO, diversas religiones, earumque partes miscens, jam ex hâc, jam ex alia, quod congruum videtur arripiens, inque rem suam vertens, hæc Neo-Pyrrhonica illa est *σκέψις*, pudendo credendi libertinismo sociata; hæc Philosophica illa fides, cujus Sectatores instar Philosophorum in nullius verba volūt jurare Magistri. Sicuti gentes quædam religiones habent annuas, eas mutant cum Calendario, ita & illi pseudo-prudentes vertumnos agere volunt, citra tamen levitatis [si Diis placet] notam evidentiorem. Dictu equidem incredibile est, quam multa à divinis abhorrentia scripturis omni que pietati repugnantia ex tam infau- sto principio, quo humana divinis, sacris que profana miscentur, & quæ sunt inferiora anteponuntur dignioribus, consequantur. Nonne ejus farinæ homines literati tandem planè fateantur necesse est, se nulli religioni studere, nulli favere ex animo, nec sese Religioni, sed religionem suis accomodare commodis, exemplo nimirum Senecæ asserentis, religionem magis ad MORTEM quam ad REM persinere, eamque à sapiente servari, tanquam legibus jussam. non tanquam DEO gratam. Si- que omninò hanc animi sui de religione ne- fariam sententiam pseudo-prudentes illi li- terati propalare recusent, planum tamen sa- tisque

tisq; exploratum est, ejusmodi omnium Religi-
onum homines in pectorum suorum scriniis de-
testandū fovere atheismi monstrum. Quid quod
id ipsum è quorundā eruditorū sermonibus &
actionibus, veluti patentibus fenestris sæpè ita
fese præbeat conspiciendum, ut datā quasi o-
pera illi omnem religionem conculcare, & SS.
Numinis splendorem detestandis suis sarcas-
mis extinguere laborent, cum Gottofredo à
Valle execrandam illam NIHIL CREDENDI
ARTEM publicè profitentes, atq; [præclare
dicente Ambrosio] *pravâ quâdam impunitatē*

Ambro- cupidine illecti vim sua ad DEI imaginem condita
siu. lib. 1. natura inferentes. Et cum Justino Martyre be-
de offic. nè observante, nihil magis contendat ii qui
t. 14. dæmones vocantur; quam ut homines à DEO
Justin. conditore suo, & primogenito ejus Christo ab-
Martyr ducant, eos quidem qui se humo tollere ne-
in Apo- queunt, terrenis & manufactis affigendo, eos
log. ad vero qui ad RERUM DIVINARUM contem-
Anton. plationem se erigunt, [nisi modestè sentiant,
Piums. & puram liberamq; à perturbationibus vitæ de-
conf. e- gant] ELIDENTES, IN IMPIETATEM præ-
pistol. cipitando; hinc liquido constat, qua fraude di-
nostr. de abolica eruditorum plurimi fascinentur, inque
eradicā- horrendū atheismi barathrum detrudantur. *Eos*
do atheis. [repeto notatu dignissima Justinī verba] quā
mo p. 21, ad rerum divinarum contemplationem se erigunt,
(nisi modestè sentiant, & puram liberamq; à per-

turbationibus vitam degant) elidentes in impietatem atheismum precipitant. Quamprimum scilicet docti homines fastu superbiaq; turgidi, excellentiora suo ingenio ac fastigio audere, & proprio inhaerere iudicio incipiant, omnia præclare dicta, scripta, factaque aliorum alto supercilio despiciant, sua duntaxat æstiment, ament, atque in pretio habeant; tunc dæmonem omnino curare studio, ut DEI ipsius reverentiam in iis extinguat, blasphemiarum ac tentationum horribilium pondere eos opprimat, suosque ita expediat dolos, ut in impietatem seu atheismum illi [literatorum omnium infelicissimi] immaniter proturbentur.

V. Cæterum haud ingratam dæmoni ad subvertenda doctiorum hominum ingenia operam præstant duo perquam vulgata cruditorum hominum vitia: SINGULARITATIS nimirum carnalis affectatio, quâ plurimi quavis viâ modo non trita & vulgari incedere volunt, ardua quæque, imò planè impossibilia secum agentes, nil nisi quintessentias parturientes, imò vix abstinentes, quin majus aliquid homine perpetrare, & aliis vel intacta, vel infeliciter tentata expedire in animum inducant. Quantam sæpè pietati perniciem pudenda illa SINGULARITAS creaverit, exemplo suo miserabili cruditorum hominum plurimi docuerunt, qui CURIOSITATE etiam, sive immodica sciendi agendiq; siti ita frequenter laborarunt,

*Conf. e-
pist. ad
D. Mei-
bomium
de radicibus
atheismi
p. 24.*

ut vix sui capaces diduci inq; omnes terræ plagas extendi concupiverint. Sæpi9 pestiferæ hujus CURIOSITATIS (quæ altera magnorum ingeniorum labes est) adminiculo dæmon doctissimis etiam hominibus veritatis eripuit decus, fidei religionisque maculavit integritatem, pudoris abstulit verecundiam, & quicquid pii ingenuique ex divino favore superfuit, exhibavit, suffocavit, ac nefandâ adcò incredulitate commutavit, ut nulli amplius authoritati, nulli antiquitati, nulli apparentiæ, imò vix apodixi ulli fidem curiosi isti literatores adhibere voluerint. Hinc alius non dubitavit Pindari lyram Cytharæ Davidis præferre, alius eum qui Paulinas epistolas interpretaretur, nugis studere asseruit Viro gravi indignis, alius manifesto perjurio Romulum coluit pro Christo, natalem urbis pro natali Salvatoris; alius Christianum se esse, etiamsi nulli se Christianorum cœtui applicaret, posse credidit, OMNES scil. [ut Firmianus scribit] *Religiones ex opinione esse indubiè putans, & principum industria in subsidium legum indultas*, imò ut idem post alia addidit, Religionem autumans utilissimam generi humano fabulam, quæ continendæ plebi inventa, hoc solum à sapiente obtineat, ut FACIËTENUS patiaturs se CHRISTIANUM haberi, de cætero liber, nec sese religioni, sed sibi potius accomodans religionem, ut eam sequi velle, vel non repudiare vide-

*Conf. ult.
Commen-
tationem
de noxia
literator.
curiosi-
tate.
Petrus
Firm. in
Seculi
Gen. p.
165.
Id. imp.
167.*

vide-

videretur, cujus sectatores usui sibi futuros intelligat. Porro haud ita levis ejusmodi CURIOSORUM Literatorum numerus reperitur, qui cœleste Verbum quidem recipiunt, veritatemque suspiciunt revelatam, non verò ad DEI gloriam suamque salutem sempiternam, sed ad scientiæ duntaxat suæ expletionem, vanamque eruditionis ostentationem, ideo Sacris invigilare studiis gestientes, ne aliis in eo quoque doctrinæ genere inferiores videantur. Sæpissimè equidem accidit, ut homo multa naturâ scire desiderans, omniumque disciplinarum & artium cognitionem affectans, ipsi Sacrosancto Theosophiæ studio non eo fine operam navet, ut se pariter ac alios magis magisque perficiat, verum gloriam potius majorem, honores & auctoritatem consequatur, quâ de profanè doctorum quorundam stultitiâ non malè Bernardus; *Sunt qui scire volunt* (nimirum sacra etiam & Theologica) *eo fine tantum ut sciant, & turpis curiositas est, sunt qui Bern: scire volunt ut scientiam suam vendant, & Serm: turpis questus est; & sunt qui scire volunt XVI. in ut sciantur ipsi, & turpis vanitas est, sed Cant. sunt quoque qui scire volunt ut A D I F I C E N T, & charitas est, & sunt qui scire volunt, ut ædificentur, & prudentia est.* Quo ipso tamen summæ prudentiæ caractere neutiquam illi gaudent literati, qui Sacra pro-

120 COMMENT. I. DE LITER. QUORUND. IMP.
fanè satis tractantes, non nisi nudam histori-
cam cognitionem eorum acquirunt quæ verbo
cœlesti seu revelato continentur. Constat e-
quidem abunde vanos ejusmodi turgidosque
literatos haud aliter Sacras evolvere literas, ac
historias æthiopicas Heliodori, Æneida Virgi-
lii, Declamationes Sophistarum, quinimò po-
tiores ut plurimum profanis authoribus assi-
gnare locum, atque cum longè majori animi
voluptate Scholasticis, Philologicis, Poëticis,
Historicis, Philosophicisque [utpote ipsorum
judicio magis admirandis] quam Sacris illis &
divinis operam navare studiis, cum tamen illa
ambitionis ut plurimum vanæque ostentatio-
nis pabula existant. Et cum sæpè [cheu!]
salvificæ fidei dono profani ejusmodi literio-
nes sint destituti, nullâ certitudine, evidentiâ,
delectationeque spiritali gaudeant, steriles
adhæc bonorum operum, fertiles invidiæ, su-
perbiæ, contentionis &c. breviter, sint car-
nales terrenique, interdum etiâ in religio-
ne instabiles, defultorii, omniformes, instar
cothurni, protei, polypi, lunæ aut chamæle-
ontis; nemo faciliè vitio vertere poterit Viris
zelo pio flagrantioribus, si ejus farinæ literatos
IMPIORUM nomine designent, etsi à DIRE-
CTI (ut vocant) ATHEISMI sive publica si-
ve privatâ professione paulò sint alieniores. Ut
ut veram fidem ac religionem non profitean-
tur solum, verum etiâ doceant alios, mascu-
leque

leque adversus contradicentes defendant, zelo in speciem tumultuque maximo; abominabilis tamen in conspectu DEI ea est professio atque oppositio, si ad ambitionem duntaxat tendat victoriamque, proximi confusionem & supplantationem, non ad ædificationem, gloriæ cœlestis incrementum, fratrumque emolumentum dirigatur. Facile nimirum tota illa veritatis defendendæ docendæq; scena mutabitur, si lucri bonus odor absit, aut grave quoddam inde emergat periculum, si ex voto & palato illis omnia neutiquam eveniant, tum Juda Julianoque præeuntibus non pauci è Christi discipulis, verbiq; divini lectoribus, in veritatis proditores, irrisoresque IMPIENTISSIMOS degenerabunt.

VI. Præter geminam autem illam SINGULARITATIS & perniciosæ CURIOSITATIS catapultam, triplicem aliam Dæmon ad subvertenda inque impietatis & atheismi voraginem detrudenda nobiliora doctorum hominum ingenia machinam adhibet. Principio quidem nefariorum operâ PRÆCEPTORUM sive Magistrorum abusus, qui (ut alibi etiam sumus conquesti) sive gratis ad ingenio-
li ostentationem, ut facundi & cæteris doctiores appareant, sive didactri spe, sive ad turbandas pacatiores respublicas, ordinemque omnem inter homines tollendum, passim quoscunque possunt disciplinæ suæ nefandæ h. e. a-

*Conf.
Scrut.
ath. pag.
§ 3. seqq.*

theismi faciunt alumnos, veram de DEO fidem evertere, & ex familiarium, quibuscum versantur animis tollere singulari studio laborantes. Et cum fanatici, imò nefarii hujusmodi doctores aliunde confluentes, non benignè solùm excipiantur, verum in deliciis etiam summoperè habeantur, multi sive morum exterarum urbanitate, sive ingenioli alicujus ostentatione, aut qualiquali eloquentia loquentiave, salibus etiam & jocis tantoperè oblectentur, ut hæc hujusque farinæ alia veræ pietati, sapientiæque solidiori longissimè anteponant, mirum sanè non est, quod fertilis adeò atheorum, epicureorum, neutralium atque libertinorum etiam in hominum eruditorum cœtu proventus reperiatur. A talibus verò nefandis impietatis atheisticæ magistris & præceptoribus [quibus præter Vaninum cumprimis tenebriones illi Parisini, stylo Firmiani antea infamati sunt adnumerandi] ut mens Deo studiisq; melioribus sacrata sibi tantò diligentius caveat, probè advertat, quam callidè illi ac fraudulentè ut plurimum in disseminando pernicioso errore suo soleant versari, siquidem acerrimos initio sese τῶν ἀθεῶν simulent hostes mox velut indignabundi eorum objectiones referant, urgeant, denique tam malè & diminutè iisdem satisfaciant, ut ex frigidis adeò solutionibus imperitiores nescio quas sinistras de veritate religionis concipiant opiniones,

quia

quin imò concludant tandem nullam esse rationem quæ divinum stabiliat cultum plurimas verò quæ contrarium prorsus evincere videantur. Quem etiam in censum haud abs re infidi illi an invidi referendi sunt christiani populi pseudo-doctores, qui juxta memorabilem Marrii Mersenni querelam ægerrimè ferunt atheorum detectionem & increpationem, nescio cujus prudentiæ larva suam obtegentes impietatem.

DEUS bone, quis temperet à lacrymis, dum non solum impios nobis insultantes nosque interrogantes audit, quis est DEUS tuus? Sed etiam illos qui Catholici esse videntur ÆGRE FERRE intelligit, quod athei atque Deista refellantur, quod illorum arma proferantur ut aeternum obtundantur atque comminuantur. Et post quædam alia: Facessant istiusmodi homines, neque doleant si impios exarmemus, nisi cum illis partem habere, & hocce nostrum de se judicium audire velint; nolle ut illa tenebra detegantur, quibus IPSI DETINENTUR, nolle ut atheorum & Deistarum rationes & libri discutiantur, ne ipsi scrupulis & synteresi exagitentur, & DEUM esse fateri cogantur. Dubium equidem nullum est, maleferiatos hujusmodi doctores [quocunque nomine veniant]

non

*Mar.
Mer-
sennus
Comm.
in Genes.
p. 1830.*

non minus strenuam dæmoni in propagando alendoque atheismo operam navare, quam ipsos illos impietatis detestanda sive publicos sive privatos PROFESSORES.

VII. Altera, quam nequissimus ille humani generis adversarius ad subvertenda doctorum hominum ingenia adhibet machina, est LIBRARIA, scriptis omnigenâ IMPIETATE refertis onusta, quæ inter palmarium locum tractatus ille horrendus sibi vindicat de

Confer.
Scrutin.
ach. p.
ss. seqq.

tribus impostoribus, quo athei svadere conantur, Moſen & Christum iſtar Mohammedis impostores fuiſſe, ſuiſque legibus nobis impoſuiſſe, liber item ſupra notatus Gottofredi a Valle de arte nihil credendi, ſcœleſta illa *Simonis cuſjodam religio*, incerto authore in Polonia edita; liber neſcîo cuius Valei nefarius: *Cur receptum ſit Evangelium?* execrabile inſuper MUNDI [ita dictum] CYMBALUM, quod latinè primò conſcriptum Bonaventura de Perez gallicè vertit, quatuor conſtans dialogis,

Scrut.
p. 56.

Plura de
huius fa-
rinali-
bris in-
fra mo-
nebimus.

quorum argumenta alibi recenſuimus. Quo etiam loco habendi, imò abjiciendi potius ſunt libri non directè quidem, ſed per cuniculos duntaxat atheiſmum introducentes, ut libri *Charontis de ſapientia*, variæ pseudo-politicorum inſtructiones, quibus religionem nullo loco ducendam, ſed fortunâ variante tuto variandam eſſe ſtatuunt, ipſis Principibus

inſau-

infausta adeo suggerentes consilia, ut religionem etiam Turcicam vel Judaicam vel paganam aut aliqua ex iisdem recipiant & amplectantur, si aliter statum suum conservare non possint &c. Utrum infernalibus hujusmodi foetibus adnumerandæ etiam sint novæ illæ minusque solidæ atheorum impugnationes, quæ dum ab una parte atheismo occurrere videntur, ab altera omnes ei aperiunt fenestras, viderint alii. Vel unicum illud impii Vanini *Amphitheatrum æternæ providentiæ divino-magicum* [cujus supra fecimus mentionem] argumento & documento sit, cane pejus & angve obrussa hujusmodi tela, minusque solidas τὰν αἰθέρων impugnationes esse devitandas, saltem non minori cum cautione legendas ac evolvendas, quam ejusdem theomachi libros *de admirandis Naturæ Regina Deæq; mortalium arcanis*. quibus author improbus omnia naturæ insolidum (excluso Numine) tribuere, sicque regiam atheismo viam sternere non dubitavit. *Naturam* scil. [ut benè Gramondus ante laudatus notavit] *pro matre optimâ & omnium nutrice ad-* Gramo-
vans, eamq; omnium Deam profiteri haud qua- du lib.
quam erubescens. Taceo innumeros alios sive III. Hi-
 in lucem editos, sive manu scriptos malè do- stor. p.
 210.
 ctorum & malè coctorum hominum commen-
 tarios, apertè vel occultè atheismum omnem-
 que impietatem vomentes, qui passim per im-
 piorum aut incautorum manus disperguntur,

ut mentes hominum à verâ religione quæ DE-
UM omnipotentem providentem omnibus,
vindicem justissimum, ejusque filium homi-
nem propter homines factum colit & adorat,
planè avertant, horrendis impietatis nebulis
pectora mortalium offundant, sempiternisque
ea involvant tenebris.

Quis denique damna-
tæ adeò memoriæ librorum syllabo facilè exi-
mat cunctos libros obscænos, impuros, variò
idiomate hætenus ad propagandum practicum
atheismum divulgatos, quales sunt opera
nequissimi illius Francisci Rablæsii, nec non
Bonaventuræ Peresii recreationes dissertatio-
nesque, meris morologiis, vanitatibus, obscæ-
nitatibus, pudendisque divini nominis abusi-
bus refertæ, nec aliud quid, quam pingves E-
picuri de grege porcos efformantes. Utrius-
que sanè Scriptoris Rablæsii & Peresii genium
facetè atheum redolent dictorum librorum sin-
gulæ ferè paginæ, *quibus dum* [dicente alicubi

*Rablæs.
ed 1559.
Bona-
vent.
Peres. ed.
Rhotom.
1606.*

*Ih. Rayn.
de bonis
& mal.
libris p.
32.*

Raynaudo] *pleriq; jocos captant, & remit-
tere ingenium querunt, atheismi virus sen-
sim combibunt, & res sacras nauci habere, ac
sacra quæq; jocos ducere condocesiunt.* Ex-
perientia equidem sæpissimè docuit unam vel
alteram hujusmodi librorum paginam extre-
mum pietati attulisse periculum, omnemque in
legentium cordibus SS. Numinis reverentiam
extinxisse. Quis itaque alteram illam, sive

LIBRARIAM diaboli in subvertendis literarum hominum mentibus machinam non toto detestetur pectore?

II. X. Superest Tertia & Ultima; cujus nomine COLLOQUIA veniunt prava ac scandalosa, sub specioso tamen veritatis titulo effusa, quibus animi improvidi nec satis muniti, non in errores modo, verum extremam etiam impietatem illiciuntur. Sive illa exercitii duntaxat causa, sive ad ingenii ostentationem, sive sub aliena instituantur persona, angvem tamen sub herbâ semper habent latentem, præsertim si sermonibus ejusmodi familiaribus, vel negentur aut in dubium vocentur supernaturalia, vel divini verbi præcones tanquam homines fanatici traducantur, atheorum verò libertinorumque dotes in cælum usque evehantur, cupidè eorum referantur Lucianismi, historicè pariter ac oratoriè edisserantur, aut tanquam *ἀλυστα* quædam & admirandæ subtilitates in medio relinquantur. Noxiis hisce atque pestiferis colloquiis accensendæ, imò cum iisdem potius proscribendæ atque configendæ sunt scepticæ eruditorum quorundam de rebus divinis disputationes, quarum occasione non pauci in profundum atheismi barathrum sunt deturbati, *siquidem* (præclare scribente Erasmo)

Sæpenumero fiat, ut omnia curiosè magis quam piè investiganti, quædam rationes occurrant
quæ

Vid.
Scrut.
ath. pag.
61. seqq.

Erasmus
de ratione vera
Theol. f.
84

qua nonnihil convellans ac labefactent fundamentum & fidei robur. Quid quodlibetica illa disputatione Romæ olim coram Leone X. habita fuit pestilentius, ubi ex duobus alter omnibus rationibus probavit esse DEUM, alter negavit? aut insana Thurvairi jactantia tetricus, quâ totum se scire Christi Evangelium, & improbando posse illud annihilare; quid denique auditu horribilius, quam quod non unicum tantum quendam Diagoram, sed integram aliquando Academiam, Oxoniensem scilicet demon ita fascinaverit, ut maximis rixis disquisiverit: *An etiam DEUS esset?* quod referre dubitarem, nisi id ipsum à Monacho quodam memoriæ proditum fuisset his verbis: *Agnellus Vir humilis ac beata vita, cum & ipse studium in Oxoniensi conventu instituisset, & post tempus modicum audivisset semel inter se clamorose disputantes, utrum ista sit vera: DEUS EST, zelo accensus, ac multum turbatus ex in studium revocavit.* Hinc etiam factum ut Jo. Casus Philosophus Oxoniensis in proleg. suis physicis gravissimè studiosos contra atheismos tunc grassantes præmonuerit, ita scribens inter alia: *Horrendum est dictu quidem (& tamen dicendum) multi sunt hodie incredibiliter stulti, qui audeant, cetera quis nescis? totus horreo verba repetere,*
qui

Lang. in
 Chronic.
 Citiz.
 f. 305.

qui inquam audeant dicere (ô tempora!) **NON ESSE DEUM.** Istos si oraculis divina phi-
 sophia urgeas, fanatico quodam spiritu &
 surreperciti hac ipsa negant, & certè non
 mirum, cum etiam **DEUM** ipsorum autho-
 rem negent. Si non vidissem, si non audis-
 sem hac monstra (Hæketum blasphemum il-
 lum atheum, aliosq; ab inferis furenter ex-
 citatos scorpiones & locustas intelligo) certè
 tam multus, vehemens, & copiosus in hac
 causa non fuisset. &c. Nec malè Gvil.
 Postellus [cum forsitan accepisset, Perronum
 habità coram Rege Henr. IV. pro existentia
 DEI oratione, obtulisse se die sequenti con-
 trarium probaturum,] id tolerabilius esse ju-
 dicavit, si ad publicam tantum rerum admini-
 strationem opinionum varietas pervaderet, do-
 lendum autem esse, quod ipsum illa petat fun-
 damentum. In utramq; enim [notanter addit]
 partem disceptari de divinis rebus cœptum,
 de quibus ambigere nefas sit, ut par occasio cui-
 vis quodvis de finiendi facta esse cernatur, si
 semel quis **RATIONEM HUMANAM**
AUTHORITATI DIVINÆ præferat.
 Hæc fanè causa irruentis in Orbem literatum
 atheismi est palmaria, hinc tantus atheorum
 literatorum est proventus, nimirum quod rati-
 nem humanam Divina authoritati præferre non du-
 bitent.

7. *et*
lam.

Serm.

fidel.

XVI. opp.

p. 1166.

bicini plurimi, contrariasque sententias defendere gestientes, eò tandem delabantur, ut religionem omnem putent pro mero habenda esse figmento. Non præter rem quidem Verulamius existimavit primam pestiferæ istius arboris radicem plures esse circa religionem divisiones, *cum unica divisio Zelum utriusque partis adaugeat, numerosa verò atheismum introducant*; nimirum si profana seculi mancipia variarum religionum sectarumque professores alloquantur, & unumquemque eorum affirmare audiant, quod ex ejus parte stet veritas, pro quâ mortem ipsam subire sit paratus, alios verò sectari falsitatem, inde Protei illi concludant, melius esse nihil ex iis, quæ ad religionem spectant, quam aliquid credere, cum nondum ullo ἀναμαρτήτω judicio decisum sit (ô abominandam thesin, omnem uno ictu religionem & Ecclesiis & hominibus profanè auferentem!) à quorum parte veritas consistat: At verò magis laborat diabolus atheismum in Orbem literatum invehere per insignem illam nōnullorum doctorum malitiam, qui humanam rationem ubique DIVINÆ anteponunt AUTHORITY. Hinc illæ ipsæ cogitationes nefandæ, atque exspuendæ quorundam voces, qui pietatis aram calcibus petere non dubitant.

IX. Quanto vehementius autem communis humani generis hostis LITERATOS VIROS istis nequitæ suæ machinis & catapultis impu-

impugnare, atque in detestandam adeò proturbare impietatem laborat, ut quidā omni SS. Numinis metu sensuq; abjecto, vim ipsi naturæ suæ ad DEI imaginem conditæ inferre non vereatur; quantoq; majori impetu pestis illa nostro ævo in Orbe (etiam erudito) grassatur: tanto impensius hominibus doctrina meliori excultis curandum est atque invigilandum, ne & ipsi eâ labe corripiantur, atque omnium nequissimæ sectæ (atheisticæ scil.) imbuantur placitis. Provida sanè, provida solersque cura doctis est adhibenda, si effugere velint illam extremi ac sempiterni exitii voraginem, atque ruptis tot tantisq; portarum infernalium vinculis, ad veram LITERATORUM hominū aspirare FELICITATEM. Supra notavimus, magnam inter eruditos TENTATORUM reperiri frequentiam, qui substitutis immotæ veritatis fulcris erigendi potius sint, quam pudendo atheismi stigmate temerè infamandi. Diabólico igitur astu tentati literati, si istos evadere laqueos, cœlestēque fidei consequi donum velint, apprimè observent consilium quod Justiniano Martyri ante suam ad DEUM veramque pietatem conversionem Vir quidam specie venerandus verbis sequentibus suppeditavit: *An. Tryph. te omnia DEUM deprecare tibi ut portas Judæ lucis aperiatur. Neq; enim conspici ista, neq; intelligi promiscuè ab omnibus possunt, sed ab iis duntaxat, quibus ea facultas à DEO*

fit concessa. Quid enim monito hoc observato
 mox in se senserit eo usque profanè doctus, va-
 riisque dubitationum procellis jactatus Justi-
 nus, ipse Tryphoni Judæo hunc in modum e-
 narravit: *Confestim post Senis illius verba*
ignis quidam succensus est in animo meo, &
amor Prophetarum, eorumq. Virorum, qui
Christi sunt amici. me incescit; cumq. verba
ejus Senis mecum ipse tacitus pervolverem,
hanc ego solam esse tutam atq. utilem philoso-
phiam, qua mihi ab illo proposita esset, de-
prehendi. Hujus igitur SUPREMÆ
 PHILOSOPHIÆ potius quam PHILO-
 SOPHICÆ illius RELIGIONIS amore stu-
 dioque teneantur literati, si è densissimis a-
 theismi tenebris erui, atque sempiternæ salu-
 tis aliquando fieri velint compotes, precibus
 nimirum ardentissimis initio illum invocent,
 qui Spiritum sapientiæ & illuminationis se
 daturum precantibus disertè promisit, neque
 de DEI natura doctè solum disserere studeant,
 sed & ejus observare voluntatem, id omni tem-
 pore agentes, quod vellent novissimè, DEUM
 semper ob oculos habentes καρδιογνώσιν, sua-
 que dicta & facta omnia ad gloriam ejus, utpo-
 te palmarium ultimumque finem dirigentes,
 quin imò divini amoris igne magis magisque i-
 ta inardescentes, ut præter eum nihil amplius
 habe-

habeant, quo suum curis studiisque severioribus defatigatum animum relaxare possint.

X. Atque ut tanto magis appareat, quam Literato HOMINI ab ATHEISMO seu infidelitate ad veram DEI veri cognitionem tendenti via sit ineunda, memorabile FRANCISCI JUNII (laqueis istis ad tempus irretiti, sed cœlesti beneficio tandem aliquando liberati) exemplum eruditis omnibus dabimus expendendum, ut Viri illius doctissimi periculo edocti, ipsi quoque salutari horrore percellantur, ruptisque cœlesti auxilio atheismi vinculis, omnigenæ valedicant impietati. Sicuti enim (ut supra monuimus) plurima sunt quæ in excellentis doctrinæ hominibus sanos de DEO sensus corrumpere solent, & turpi quodam profanitatis eostingere colore, ita singularis felicitatis loco haud abs re laudatus ille JUNIUS duxit, quod ex spissis ἀθεότητος tenebris tandem emerferit, atque pristinae mentis restitutus sit integritati. Historiam totam ipsius Junii verbis duximus exponendam, *Franc.* ne quid temerè finxisse videamur: *Junius*

Inviſtus (ſcribit alicubi Franciſcus *in de-* JUNIUS) ab illa adoleſcentiæ peſte, *ſcript.* (libidine ſcilicet ad quam nefaria illum *vita ſua* Lugduni invitaverant muliercula,) alte- *ed. à P,* ri malo ſuccubui planè, atque in eo jacui, *Merula,* donec miſertus eſt mei optimus ille cœ- *atq. opp.* leſtis Pater, qui me elegit in Chriſto ab æ- *Junii* præfixa,

134 COMMENT. I. DE LITER. QUORUND. IMP
terno secundum beneplacitum volunta-
tis suæ. Illud malum est 'ΑΘΕΟΉΤΗΣ,
malum gravissimum, in cujus consensio-
nem & approbationem sensim perductus
sum aliena audacia, & imprudentia meâ.
Memini quum libros M. Tulii de legibus
per illud tempus, authore & svasore Bar-
tholomæo Anulo (qui Gymnasio Lugdu-
nensi tum præerat) expenderem, & no-
tas quasdam in eos animadversionesque
colligerem, venire hominem ad me, &
illa Epicuri verba quæ libro primo ex-
stant, *nihil curare DEUM, nec sui nec ali-*
eni, multis quam diligentissimè confir-
mare. Ad quæ ego non ratione judicio-
que certo respondebam, sed assensionem
paulatim adhibens, sentiebam venenum
serpens quod imbiberam confirmari in
me, & cum auctoritate hominis, tum ar-
gutiis doctorum ejus præceptis eò deferre-
bar, ut meus animus in isto malo hærens
occallefceret, totusque fieret ἀναίσθητος.
Recordatus es Domine mi servi tui, &
pereuntem miserè servasti gratiosè mise-
ricordia tuâ! Ista horribili impietate con-
strata erat quotidie mensa, personabat do-
mus,

mus, circumstrepebant omnia aures meas, adeò ut jam iamque ad alia omnia obfurdescerem. Nam quum omnibus horis aliquid atrociter fieri videmus, aut audimus (inquit Tullius) etiam qui natura mitissimi sumus, assiduitate molestiarum sensum omnem humanitatis ex animis amittimus. Ex isto autem immani perditionis barathro mirificè me eripuit DEUS, postquam amplius annum his perditissimis luxuriassem deliciis - - Evenerat mirifica DEI providentia ut pater Regia autoritate compulsus, nobiles quosdam Viros ex Burgundici Ducatus agro comprehensos Lutetiam deduceret, ex quibus prout sermones ultro citroque in expeditione illa habebantur, pater cognoverat illorum αἰθερότητα deploratissimam, quibus adolescentiam meam commiserat, quæ res sollicitum eum efficiebat, & cruciabat plurimum. Laborabat enim maxime de ratione certa quâ & me ex pestilente illo consortio honestè eximeret, & animum meum à mortifero illorum veneno, si quid fortè indulsissent illi artificio suo, liberaret. Prius ergò quam me

*Orat. pro
Sexto
Rosco.*

reduxisset domum dabat pater operam, si
 quâ ratione obtineri posset, ut tum men-
 tem meam in pietatis ac religionis causa
 ac sensum cognosceret, tum curaret le-
 niter, si quid hæssisset mihi de istâ lue per-
 niciosissima. Visitabat libros, studia re-
 cognoscebat, consortia observabat; alio-
 rum, quos mihi familiares putabat fore
 operam adhibebat, ut de meo sensu per il-
 los fieret certior, cum præsertim cerne-
 ret me nativo illo pudore detineri, ne
 quid præsentem aut audientem ipso liberius
 dicerem. Tandem eò devenit, ut me ad
 παρησιαν aliquam provocaret ultrò. Do-
 cebat me jam eâ ætate esse, qua de isto pu-
 dore inurbano decidi aliquid oporteret,
 si qui in mensâ sermones habebantur, tem-
 pus esse ut interdum aliquid de meis stu-
 diis & observationibus conferrem in me-
 dium, neque ad omnia obmutescerem, :
 Si fecero, ipsi & aliis de studiorum pro-
 fectu constitutum, & me habitum meli-
 orem in dies mihi ad justum illorum stu-
 diorum usum actionesque, in quibus laus
 virtutis consistit, paraturum. Crebris
 & amantissimis monitis adductus confir-
 mavi

mavi ipse me, ut interdum mensam paternam sermone aliquo sed paucissimo aspergerem. Brevi affecutus est, quod volebat Pater, non enim diu continui me, quin specie inanis scientiæ sermonem aliquem de foetidissima illa ἀθεοτης & face evomerem. Hic verò DEUS bone, quā gratia, quā auctoritate inconsideratum meum sermonem repressit pater ! non objurgans aut invehens in me, non de re disputans, sed piè, sanctè, doctè, leniterq; docens τὸ ἐπίχεν in iis rebus quæ nondum satis mihi cognitæ aut exploratæ essent, & doctorum hominum judicia ante audienda quam prodendam temerè inscientiam, ita me graviter compressit, ut ex eo tempore legem ἐποχῆς mihi fermè semper indixerim in sermonibus judiciisq; omnibus, donec rem cognovissem penitus. Demosthenem narrant, quum adolescens quidam inter pocula nugaretur multis & tacere nollet, dixisse percommodè, heus tu adolescens, quomodo non didicisti ab eo tacere, à quo didicisti loqui ? utrumq; optimè hoc pacto docebat pater. Sed jam alter illi & gravior restabat labor, ut gra-

138 COMMENT. I. DE LITER. QUORUND. IMP.
vissimum illud reiectum in me & com-
pertum curaret malum. De curatione
cogitantem diligentissimè aliud agente
me, levavit modo extraordinario DEUS.
Nam cum eodem anno publicæ concio-
nes haberi cœpissent in Gallia, accidit ut
Magnus ille Juris Consultus Jacobus Cu-
jacijs (ad cuius lectionem audiendam de
more properaveram) die quodam præpe-
ditus certis occupationibus à lectione or-
dinaria abstineret. Erat autem mihi è
scholis redeunti domum faciendum iter
ad ædes illas, in quibus erat plurimum
concio, ingressus concionem, perfuncto-
riè audio, nec inde proficio hilum. Re-
gredior domum, incertus quid agam, quid
legam, quo studio occuper. In Novum
Testamentum incido, quod pater legebat
frequens, & in conclave illud subjecerat
oculis meis legendum, (si fortè gratiam
DEUS hoc modo faceret) prudentissimè
mentem suam de me & animum suum
dissimulans, ex quo lethalia impietatis il-
lius semina, quæ ante radices egerant in
me, animadverterat. Sciebat enim Vir
sapientissimus, non intrudi pietatem, sed
doce-

doceri, non cogi, sed svaderi velle, ac propterea cum silentio & dissimulatione incredibili proœuravit omnes vias, quibus me ad verum castæ religionis sensum & pium cultum adduceret. Hic ergo Novum illud Testamentum divinitus oblatum aperio : aliud agenti exhibet se mihi aspectu primo augustissimum illud caput Johannis Evangelistæ & Apostoli: IN PRINCIPIO ERAT VERBUM, &c. lego partem capituli, & ita commoveor legens, ut repente divinitatem argumenti, & scripti majestatem auctoritatemque senserim longo intervallo omnibus eloquentiæ humanæ fluminibus præeuntem. Horrebat corpus, stupebat animus, & totum illum diem sic afficiebar, ut qui essem, ipse mihi incertus viderer esse. Recordatus es mei Domine DEUS mi, pro immensâ misericordia tua, ovemque perditam in gregem tuum recepisti. Ex eo tempore quum in me DEUS tam potenter Spiritus sui virtute irruisset, alia frigidius ac negligentius legere ac tractare cæpi, de his verò quæ ad pietatem pertinent cogitare amplius, & ardentius in eis versari.

fari. Atq; hoc quidem studium ut animadvertit Pater, non mediocrem ex eo voluptatem cepit, tantum de meo regressu ad pietatem sibi gratulatus, quantum ex discessu transfugioque ad impietatem doluerat. Hactenus memorabilis historia JUNII, qui casu suo periculoque gravissimo cunctos edocuit literatos, quâ via ratione que maximè horrenda salutis discrimina & facillè incurrere & feliciter evitare possint, tandem ad optatissimam veræ Sapientiæ pertingere metam. Non minus feliciter periculosissimam illam Principis tenebrarum catapul- tam (atheismum scil. vel potius sinistram de christiana religione opinionem) retudit Wesselus ille Gansfortius Groningensis, vulgò lux mundi appellatus, quod tenebras seculi barbari eruditionis lumine discussisset.

G. Gel-
denbau-
rius l. 1.
de illust.
Germ.
infer.
Viris.

*Cum eum (teste Gerbaro Geldenhaurio in primo de illustribus inferioris Germania Vi-
ris libro) nonagenario majorem quidam in-
viseret amicorum, utque valeret interroga-
ret, respondit se pro sua ætate & morbi mo-
lestia utcunq; valere, sed unum sibi apprimè
esse molestum, quod variis cogitationibus &
argumentationibus circumactus, demum de
veritate Christiana religionis subdubitare
inciperet: obstupefcebat ille, cepitq; hortari,*

*ut animo alacri ejusmodi cogitationes curas-
que in Christum Servatorem rejiceret uni-
cum, sed cum admonitionem hanc ei molestio-
rem sensisset, magno cum animi mœnore di-
scessit. Post unam verò alteramque horam
redientem ad se cum Wesselus vidisset, alacri
animo dixit exultans: Gratias ago DEO,
abierunt omnes illæ cogitationes, nihil scio ni-
si JESUM, & hunc crucifixum, moxque
DEO animam reddidit.*

XI. Quod si verò pari in evitanda atroci
illa diaboli machinà felicitate gaudere velint
cuncti sacratioris doctrinæ cultores, necesse
est ut canepes & angues semper devitent tum
nefarios quoscunque, & atra illa loligine tin-
ctos PRÆCEPTORES, detestandos icil. athe-
ismi apostolos, tum perniciofa corruptorum
sodalium COLLOQVIA; tum denique LI-
BROS exitiosâ ista labe pollutos, ut inquam
pestifera isthæc ac perniciofa τῆς αἰσότητος
seminaria effugiant, nî tandem horrendi exi-
tii barathrum, h. e. sempiternam incurrere ve-
lint confusionem. Et cum non uno Præcep-
torum, Librorum Colloquiorumque noxio-
rum genere IMPIETAS inter eruditos sua ca-
piat incrementa, necesse est ut circa singula il-
lorum genera tum dignoscenda tum devitanda
insignis cautio adhibeatur. Caveant inquam si-
bi pie-

142 COMMENT. I. DE LITER. QUORUND. IMP.
 bi pietatis sinceræ studiosi (I.) à PRÆCE-
 PTORIBUS, LIBRIS ATQ; COLLOQUIIS SA-
 CRI CODICIS elevantibus AUTHORITATEM, ac
 præter Θεοπνευσίαν omnem etiam humanam illi
 fidē derogantibus, Sacraq; Biblia pro farragine
 tantum diversorū tractatuū ausu privato con-
 scriptorum venditantibus, cujusmodi blasphem-
 ma effata alibi prolixè recensuimus, & summo-
 perè sumus detestati. Increpet DEUS Sata-
 nam illum incarnatum, qui infausto quodam
 atque æternis flammis mancipando libello mo-
 nuit, *Biblia sacra neutiquam cum devotione
 legenda esse, ut vulgò, sed cum judicio, esse u-
 bi impingat Paulus, esse ubi cespitet Petrus,
 evolvenda potius esse legendaq; Biblia quem-
 admodum legatur Livius, Froschmeuselcerus,
 & Arcadia Comitissa de Bembrok, ut quadam
 laudentur, quadam negligantur, & honestè
 pratereantur &c.* Talia inquam ejusq;
 farinae alia τῶν αἰρέτων de dubia suspectaq; Scri-
 pturarum fide pudenda effata neutiquā literati
 christiani sibi petsvaderi patiantur, ne & ipsi
 confirmentur in impietate, præsertim si dete-
 standis præceptionibus quasdam subjectas ra-
 tiones aut fucos potius fumosque deprehen-
 dant. In promptu potius sint Theosophorum
 fundamenta rationesque, quæ solidè evincant
 Sacram Scripturam divinitus inspiratam, anti-
 qui-

Conf.
 Scrut.
 atheismi
 pag. 64.
 seqq. &
 epist. de
 ath. era-
 dic pag.
 7.

quite pariter ac autoritate scriptis omnibus
 esse longissimè anteponendam. Prodiit ante
 annos aliquot in lucem scriptum quoddam an-
 onymi sub titulo TRACTATUS THEOLO-
 GICO - POLITICI, * DE LIBERTATE PHILO-
 SOPHANDI, cujus infelicissimi fœtus author lu-
 cifuga [ferunt autem Benedictum Spinosam ef-
 se, natione Judæum, hominem ut res ipsa loqui-
 tur perfrictæ frontis, fanaticum, & ab omni re-
 ligione alienum] palmariam in impugnando.
 Sacro codice inque explodenda omni revelati-
 one divinâ posuit operam, eò progressus impu-
 dentia ac impietatis, ut PROPHETIAM de-
 pendisse diceret a fallaci imaginatione propheta-
 rum, ac in uno quoq; pro dispositi-one tempera-
 menti ac ratione præconceptarum opinionum,
 [quibus DEUS, quod ad speculativa attinet se
 accomodaverit] variasse, adeoque prophetiam nun-
 quã prophetas doctiores reddidisse, sed eos in
 suis præconceptis licet falsissimis opinionibus
 reliquisse, ac propterea nos iis circa res merè
 speculativas minimè debere teneri: Apostolo-
 rum epistolas non ex revelatione & divino
 mandato, sed tantum ex ipsorū naturali judi-
 cio

Anon.
 de libert.
 philosoph.
 c. II.

p. 144.

* Editus est hic anon. de libertate philosoph.
 tract. non Hamburgi, ut mendax inscri-
 ptio habet, sed Amstelod. ubi auctor vixis-
 se dicitur.

cap. XI. *cio scriptas fuisse; eos accommodavisse religi-*
 p. 139. *nem quoad fieri pōtuerit hominum sui tem-*
 seqq. *porus ingenio, superadificasse illam funda-*
mentis tum temporis maxime notis & acce-
ptis: Exin (quod diversis fundamentis
religionem superædificaverint) ortas esse
multas contentiones & schismata, quibus Ec-
clesia jam inde ab illorum temporibus inde-
center vexata fuerit; DE I aternum ver-

cap. XII. *bum & pactum veramq̃ religionem hominum*
 p. 144. *cordibus, h. e. humana menti inscriptam es-*
 seqq. *se, quod autem in scripturis contineatur, esse*
mendosum, truncatum, adulteratum, & sibi
non constare, maxime in historiarum & pro-
phetiarum circumstantiis, miraculis rebusq̃
speculativis. Quid quod nulla prorsus

cap. VI. *MIRACULA & opera supernaturalia in Scri-*
 p. 69. *pturis agnoscat, sed quæ talia dicantur, dici*
 seqq. *contendat respectivè ad hominum opiniones,*
& nihil aliud illorum appellatione intelligi,
quam opera naturalia, quorum causam igno-
remus, vel explicare non possimus, vel quæ ex-
plicari eo modo non possint quo vulgus res
 lb. p. 77. *naturales explicare soleat. Hinc deniq; conclu-*
*dit: * Omnia quæ in scripturis verè nar-*
rentur

* *Anonymo huic Libertino in Belgio scripto*
pecul. se opposuit Jacobus Batalier, edi-

*rentur contigisse, ita secundum leges natura,
ut omnia, necessarid contigisse, si quid verò
reperiatur, quod legibus natura repugnet,
aut ex iis consequi non possit, id à sacrilegis
hominibus literis sacris adjectum fuisse.*

Quò magis verò illa DEO ac revelatæ ejus ve-
ritati inimica impietas non in peregrino tan-
tum, sed in Germanico etiam nostro solo radi-
ces agere conatur, ut verendū sit, ne brevi tem-
pore aliquam in communi patria nostra (quod
hæc aliaque portentosarum opinionum com-
menta attinet) Italiam, Galliam aut Belgium
simus habituri; eò diligentius doctis omnibus
prospiciendum, ne & ipsi à nefariis hujusmodi
præceptoribus, librisque aut dissertationibus
tanta impietate refertis corrumpantur, tan-
demque extremum τῆς ἀπιστίας subeant peri-
culum. Cujus evitandi causâ (II.) magnâ imò
maximâ cū cautione ipsi legendi evolvendiq;
sunt LIBRI MACHIAVELLISTARUM SEU
PSEUDO-POLITICORUM, qui omnem Re-
ligionem ad artes referre politicas, omni que id
agere studio conantur, ut terrenum regnum

L

Regno

*tis vindictis miraculorum per quæ divina
relig. & fidei Christ. veritas olim fuerit
confirmata; in Germania verò scripti e-
jusd. refutationem Jena D. Joh. Musam
handita pridem est meditat.*

146 COMMENT. I. DE LITER. QUORUND. IMP.
 Regno DEI, Ecclesia seculo, pietas civili po-
 litiae foeda servitute subjiciatur. Religionem
 illi duntaxat pro vinculo habent, quo vulgus
 hominum coerceatur, pro fræno, quo perdo-
 mentur rebellium insultus, pro terrore, quo
 percellantur qui Magistratûs auctoritatem non
 adeò magni æstiment, pro nexu, quo amor sub-
 ditorum cum Imperantibus devinciatur; pro
 compedibus, quibus affectus malorum optimè
 compescantur, pro unico medio, quo quidvis
 svaderi, quidvis excusari queat, imò quidvis
 defendi, modo è singulari quodam religionis
 zelo factum perhibeatur: † deniq; de religio-
 ne non aliter statuunt, quam de Comœdiis,
 in quibus talem quisque personam assumat,
 quam & sibi convenire & à se debitò modo geri
 posse existimet, ut sic Principes ac Magistratus
 eam amplecti debeant religionem, quam & sta-
 tuti

† *Omittimus alia pseudo-politicorum seu Ma-
 cbævellistarû pudenda effata, alibi à nobis
 commemorata. Conf. Scrut. ath n. 20. p.
 85. seqq. epistol. de radice ath. p. 27. seqq.
 & de atheismo eradicando pag. 7. seqq. non
 est, ut ibi dicta cum gravi lectoris fastidio
 repetantur. Adde si lubet Dn. Reiseri E-
 pist. de Orig. Antitheismi p. 315. seqq.
 Dan. Clasen lib. de Relig. Polit. Me-
 noch. Hieropol. Hier. Osor. institut. Reg.
 Raynaud de bonis & malis libr. erotema-
 te IV, p. 28. & alios plurimos.*

tui congruam & suo iudicio consentaneam intelligent. Et cum tibi as huiusmodi diabolicas potissimum Nicolaus Machiavellus inflaverit *libris Discursuum* ac de *Principe*, usque eò tetrus, ac projectæ in religionem audaciæ, ut satis esse docuerit pietatem simulatione præse ferre, imò in eundem finem revelationes falsas tanquam à DEO derivatas confingendas esse, & spargendas in vulgus; factiones alendas inter subditos, pravis moribus implendam civitatem; hinc omnes atq; singuli literati vel metacente intelligent, quanta curâ studioque ipsis perniciosæ ejusmodi dæmonis fistulæ sint devitandæ, ne ab iisdem improvidi demententur, atque parem aliquando cum impiissimo Machiavello (qui blasphemans reprobum spiritum emisit) habeant exitum. Caveant etiam sibi à musteis ejusmodi muginatoribus, qui religionem omnem habent veluti indifferentem, quibusque jam olim faces prætulisse videtur Procopius ille Cæsariensis, dum cuique potius concedendum existimavit, ut pro libidine sua de DEO sentiat, quam Reip. procellas videre, quibus tum (Imp. scil. Justiniani ætate) *Procopius Cæs.* Romanum Imperium ob varias de fide quæstiones jactabatur. *De DEO* (ajebat) *nihil lib. 1. Go-* ipse præterea affirmaverim, nisi quod bonus omnibus *ihicor.* *conf-* uni ex parte sit, resque universas sua poten- *præfati*

quam
Hist.
Arca-
ne Proc.
Nicola-
us Ale-
mannus
prefixit,
fol. XI.

tia complectatur, de controversiis verò ita quisque vel sacerdos vel privatus homo loquatur, quemadmodum illi sentire libuerit. Videant pietatis veræ studiosi, ne ad hujus farinæ magistros se conferant, qui licet in speciem Christiani videantur, nullique sectæ velint addici nominatim, privatis tamen rationibus vel Reip. commodis religionem pietatemque metiuntur, neque de verâ DEI cognitione ac cultu multum sunt solliciti.

XII. Si insuper vere sapere eruditi, & omni IMPIETATE conculcata ad supremam aspirare velint PIORUM hominum felicitatem, necesse etiam est ut caveant sibi (III.) à scriptis consortiis atque colloquiis pestiferis eorum Philosophorum, qui molimine summè temerario omnia intra NATURÆ terminos compingere, causasque duntaxat secundas, posthabita illa PRIMA præcipuaque Deo Ter O. M. observare respicereque solent communiter. Horum (ac nominatim ipsius Jul. Cæs. Vanini isthoc potissimum nomine infamati,) ingentia pericula illos reddant cautiores, doceantque, haud faciliorem viam ad atheismum patere, quam per impias ejusmodi atque detestandas Naturalistarum assertiones, quibus imbutus literatorum quidam, in horrendam atheismi voraginem miserè adeò est prolapsus, ut (Viro quodam egregio teste,) voces hæc detestandas emiseric: *Quamdiu ingenio ac judicio*

Conf.
Dn. Clas.
Rel. po-
lit. c. V.
p. 66.

meonti potui, nihil dementius mihi quicquam
visum fuit unquam, atq; plerosque docere dari
aliquem DEUM, supremum Numen, cujus
nutu fiant & regantur omnia. *Quæ sunt*
NATURÆ vi ac operatione fiunt, pluvi-
am producit Natura, Natura producit her-
bas & plantas, ad quarum generationem ta-
men concurrat siderum influxus, qui tam ne-
cessarius est, ut aliter se habere non possit --
Si Natura & præcipuè astrorum influentia
valet diversimodè, nunc pluet, nunc seren-
itas erit aeris, preces utique pluviam cælitus
non trahent, sic & agrotus moritur, natura
in ipso debilitata, quamvis mille pro ejus sa-
lute orent, neque credas tuam orationem a-
groto revalescenti reddere sanitatem. In-
terim si hac fiant ad vulgus imperitum de-
tinendum, non improbo consilium istud satis
prudenter olim à priscis politicis suggestum.
Aliàs & doctis ista velle obtrudere stultitia
est &c. Sic nimirum horrendo DE I judicio
in immanissimum atheismi barathrum dilabun-
tur plurimi abstruso rerum naturalium studio
mancipati, existimantes nullum planè esse
Rectorem, sed res suo pte genio hos & illos cur-
sus peragere, hanc aut illam suæ durationis pe-
riodum

150 COMMENT. I. DE LITER. QUORUND. IMP,
riodum ex se ipsis obtinere, omnia denique ad
omnium causarum connexionem æternam esse
referenda. Et cum inordinato adeò studio
multi eorum occupentur, ut solis niti velint ex-
perientiis, ne scil. si quid absque prævia expe-
rientia credant, sese errandi exponant pericu-
lo, atq; decipiantur, mirum non est quod hujus-
modi illiberalium artium magistri in extremam
tandem prolabantur incredulitatem, ac ebriis pla-
nè similes, nulli amplius authoritati, nulli pro-
baræ rationi, imò vix apodixi ulli fidem ducant
adhibendam. Quo ipso in luto non ignobi-
les Naturæ mystas, Medicos cum primis ac Phi-
losophos quosdam Italos hæsisse, indeque a-
theismi nomine haud abs re suspectos ipsis fidei
ac professionis suæ sociis fuisse alibi notavi-
mus. Quippe latens virus satis superque illi
per infrunitam atque impudentem demonstra-
tionis atque evidentiae in supernaturalibus po-
stulationem prodiderunt, non alias nisi demon-
strationes mathematicas admittentes, & qui-
dem τὰ διότι seu potissimas, pari impudentiae
passu semper in examinandis rimandisque Dei
operibus, Angelorum bonorum ac malorum
naturam, animam humanam (cum primis separata)
statu indagando perquirendoque procedentes,
nec attendentes quod accuratissima etiam phi-
losophandi ratio sæpè inductiones atque expe-
rientias, cognitiones τὰ ὅτι gradusque inferi-
oris demonstrationes admittat, imò tota vitæ
com-

Conf.
Scrutin.
ath. n.
25. p.
108.
seqq.

Scrutin.
ath. p.
109.
seqq.

communis orbita nudæ fidei humanæ axe sustentetur. Præclare Petrus Firmianus in supra laudato seculi genio; *Quanta* [scribit] *sit animi imbecillitas nihil eorum credere, quæ Petrus fides proponit, evidentissimè apparet cuilibet Firm. in propius inspicienti. Ille ne fortis animus, sec. Gen. qui adeo carni mancipatus est, ut nihil credat nisi quod retulerint SENSUS, ita falsitati obnoxii, ut videre Te sapissimè persuadeas, quod omninò non vides, & audire quod non audis? supra sensus ferri, ut ad veritatem, quæ illis altior, accessus fiat, maxima est fortitudo, sed & certè præclarior, si supra rationem ipsam assurgas, ubi illa irritolabore ad confessionem sui adducta & in ipso conatu deficiens, quid assequi non possis ejus viribus Tibi fateatur. Quicquid verò hujusmodi profanis naturæ scrutatoribus objiciatur, quocunque rationum plausibilibus apparatu infrunita eorum reprimatur audacia, semper tamen antiquum obtinebunt, tantoque licentiosius de DEO, Angelis, de Miraculis, atque mortuorum resurrectione argutabuntur, quanto facilius pudendâ ista τῆς ἀπιστίας labe sunt contaminati.* *Conf. Epist.*

XIII. Quandoquidem verò validissimum (maximorum etiam Theosophorum *de crat. dio. ath.* iudicio) adversus ATHEOS motivum à MA-p. 138.

GICIS defumatur effectibus, cum ex in Spiritu-
 tualis quædam (materialibus opposita) na-
 tura non incommodè concludatur, quæ essen-
 tiæ pariter ac efficientiæ ratione à superiore
 quâdâ dependeat; hinc ab iis (IV.) sibi pie-
 literatus caveat pseudo-doctoribus, librisq; & col-
 loquiis, quibus omnes effectus ejusmodi super-
 naturales, omnesque malignorum Spirituum
 cum hominibus conventiones veluti anilia ex-
 ploduntur figmenta, ubique vis obtruditur i-
 maginationis, magneticis itidem, astralibus,
 sympatheticis influentiis ea tribuuntur, quæ
 siue mediato siue immediato Dæmonis influxu
 fuere perpetrata. Perversæ illius opinionis
 æstro nostra ætate quidam in Anglia nobilis,
 Reginaldus Scotus ita fuit percitus, ut omnes
 dæmoniacorum effectus vel ad naturales me-
 lancholiæ insultus, vel nefarias hominum, fi-
 gmentis & præstigiis suis illudentium artes, vel
 ad imaginationes stolidas, vanasque magorum
 fictiones referre sit ausus in libro apud Anglos
 Jacobi Regis jussu publicè combusto, *Discove-
 rie off Witheraff*, quod idem est, ac si dicas *De-
 tectio artis magicæ*, quâ omnem omninò Ma-
 giam septem impugnare libris proposuit, nec
 sine deplorando successu, cum ex indicio
 viri cujusdam egregii constet plurimos in
 Belgio doctos pariter ac indoctos lecto illo li-
 bro nefario fluctuasse, imò eò ignorantia &
 impudentiæ prolabi cœpisse, ut nullas non
 Dæmo-

Dæmonum apparitiones & operationes suaviter exhibilarint, tanquam anicularum fabellas, aut superstitionis meticulosa phantasmata, iisdemque ut plurimum decertasse armis, quibus Abrahamus Palinghus sagas adversus justam judicium severitatem defendere. atque Johannes Wierus evincere conatus sit illas ne-
 tiquam esse puniendas. Quo de pudendo conatu non malè Bodinus judicavit, *Authorem Wieri sub*
divinis adversus DEUM nefariè usum fuisse, eò fin. Da-
 quod libro suo blasphemiiis horribilibus refer-
 to, nonnulla de DEO & lege ipsius interseruerit, suamque impietatem pietatis & compassionis cujusdam christianæ velo tegere ausus fuerit, sed & insigne fraudis diabolicæ documentum hinc elucere, nec gratiores satanam ministros habere idem judicavit, quam eos, qui omnem Magiam, omneque malignorum spirituum cum hominibus commercium eant eliminatum, & qui impedimento sint ne pœnas meritas satanica luant mancipia. Quid quod interdum à satana maleferiati quidam sint subornati, qui voce pariter ac scriptis tradere non dubitârunt *Magica omnia esse fabulosa?* Memorabile exemplum Petrus Mamorius attulit de Magistro Guilhelmo Lurano Doctore Theologo, accusato magicarum artium, condemnatoque duodecimo die Decembris 1453. sed & testimoniis pariter ac confessione propria convicto, quod diabolo promississet se

Bodinus in confus. opinion. Authorem Wieri sub
divinis adversus DEUM nefariè usum fuisse, eò fin. Da-
monum.

Petrus Mamorius in libello de Laniis,

154 COMMENT. I. DE LITER, QUORUND. IMP.
 prædicaturū (ut fecit) fabulas esse quidquid de
 MAGIS dicatur, quin etiam penes ipsum mu-
 tuæ obligationis instrumentum fuisse depre-
 hensum, quo egregius iste Theologus dæmo-
 ni fidem dedit, juravitque se publicè prædi-
 caturum nullam prorsus ejusmodi de sagis ser-
 monibus fidem esse tribuendam. Hoc pacto
 (addit Mamorius) Magorum cessavit punitio,
 Regnumq; Satanæ augescere in infinitum,
 magorum numero fuit confirmatum. Sed &
 Toleri (ubi Magistrorum diabolicorum schola
 habebatur olim) quosdam ejusdem criminis af-
 fines vixisse homines Bodinus in præfatione
 Dæmonomania suæ enunciavit, qui effusè ri-
 dere cœperint, si quando quæstio de magis ha-
 beretur, totiusq; coronæ risū urbanis suis dictis
 salibusque commoverint, imò constanter affir-
 maverint, fabulas esse & *adūvāla* ea omnia,
 hisque sermonibus Judicum ita mitigaverint
 animos, ut omnes Magi fuerint absoluti. Et
 cum ipse Wierus * fateatur se Joh. Trithemii
 Steganographiam exscripsisse, quam in Mu-
 seo MAGISTRI SUI AGRIPPÆ reperisset,
 librum orationibus dæmonumq; invocationi-
 bus plenum maximeq; detestabilem, hinc Bo-
 dihi animum cogitatio subiit, Wierum ejus-
 dem

* Wier. de Lamiis cap. 36. *Cum bona* [scri-
 bit] *venia mei olim HERI & Præceptoris*
venerandi Agrippæ, hæc merà inania esse, a-
deoq; ridicula, cum Cardano liberè assero.

dem farinae hominem extitisse, & ad mitigandas Magorum pœnas sicque augendum illorum numerum à dæmone fuisse subornatum. Neque hoc solum, sed & aliud sententia illa detestabilis Regno infernali affert emolumentum, dum regiam ATHEISMO viam parat, inque culpa est, ut pro anilibus figmentis tandem habeantur omnia, quæ de Rebus spiritualibus, Angelorum pariter ac dæmonum actionibus, cunctisque effectibus præternaturalibus hactenus fuere memorata. Quod non solum probè intellexit Serenissimus Angliæ Rex Jacobus, dum impietatis illius Doctorem suumque subditum Reginaldum Scotum *notum nuncupavit Sadduceum*; verum etiam doctissimus Bodinus, dum in egregia adversus Wierum disputatione gravissime scripsit: *Quicumque Bodinus ante hâc dixerunt id* (quod de Magia l. c. p. traditur) *esse à melancholia, NON ESSE* 431. *DÆMONAS putaverunt, NEC FORTASSE DÆMONAS DEUMVE ULLUM CREDIDERUNT SUBSISTERE.* En ipsam detestandi ATHEISMI radicem, fructumque opinionis (passim eheu invalescentis,) pestiferum! Tanto equidem majori impetu (licet cū lectoris amici venia haud adeò impertinentē ad literatos atheos convincendos convertendosque nunc facere digressionem,) quidā atheismi nefandi apostoli validū illud adversus impi-

impios telum nobis eripere conantur, quanto certius huc usque cognoverunt, perditissimos homines ab atheismo facilè revocari, dum mirabiles magicarum artium effectus illis ponuntur ob oculos, ostenditurque, præter ea quæ sub aspectum cadunt, aliquid spirituale, & potentioris esse virtutis, quo admissio, facili⁹ Numinis existentiam confitentur. *Sunt autem* (ita præclarè in diss. de sagarum denunciatione scribit D. Mauritius) *hec omnia, quæ sc. de contracta cum demonibus hominum amicitia eruditi hætenus communi ferè sententia crediderunt, talia, quæ ratio non capiat, quomodo naturaliter fieri possint, sed etiam quæ percipiat, non posse nisi PRÆTER NATURALITER, ac viribus aliis, quam humanis solis, effici: Nec DEUM tamen habere authorem, aut Angelos bonos, quod fæda sint quæ fiunt, Deo adversa; & ipsorum confessione, qui rem optimè sciderunt, non DEUS sed Diabol⁹ ex pacto eorum author indicetur. Nec de Historicâ fide dubium, cum illa, quæ ipsi & plures alii viderint, & quidē viri graves, eodem quo acciderunt tempore literis mandarunt, ubi nihil facilius quam tot testes in reb⁹ publicè gestis advocantes, falsitatis in re sens⁹ judi-*

D. Eri-
s⁹ Mau-
ritius tr.
de de-
nunciat.
sagar.
p. 39.

judicio manifesta convincere. Hactenus D. Mauritius, qui etiam studio singulari omnium ferè Nationum ac Gentium, Ebræorū, Græcorum, Latinorum, Asiaticorum, Africanorum, Americanorum, Europæorum, Italarum, Gallorum, Germanorum, Danorum, Suecorum, Anglorum, hac de re consensum evicit.

Quotquot enim (ait Augustinus) *in Mun-* *August.*
do fuerunt sectæ, pœnas in Magos decreve- *lib. XIII.*
runt, adeoque pro fabulis merisque ludibri- *de civi-*

is vulgatos de iisdem sermones neuti- *tat. Dei.*
quam habuerunt. Absit igitur, ut res post

omnem hominum memoriam ab annis quater
mille de Magis exploratissimas, imò divinæ
etiam Legis (quæ perditionem interminatur
populis qui Magos non castigaverint) autho-

Lev. XX,

ritate insinuatæ, nunc demum in recentiorum
quorundam, & à Dæmone circumagitorum
hominum gratiam negemus aut vocemus in-
dubium. Nec magni ponderis aut momenti ea
sunt argumenta, quæ pro periculosi illius pe-
stiferique dogmatis confirmatione hactenus
sunt allata: Possit licet res incorporea corpo-
ræ ordinariè haud sociari, nec quicquam ab ea
capere detrimenti; ex communi tamen Docto-
rū sententia, ipsaq; multorum seculorum expe-
rientia abunde constat, malignos Spiritus si-
bi cum opus est formare corpus aspectabile, ut
id quod volunt *συνάληκως* efficiant. Porro

etiam-

etiamsi multa effecta pseudo - magica sæpè aut ab hominibus mendacibus improbè fuerint conficta, aut à simplicioribus nimis credulè accepta, hinc tamen neutiquam colligere licet, nullas prorsus esse hominum cum dæmonibus conventiones, nullos reales dari magorum effectus, similis equidem hæc conclusio illi esset paralogismo: Sæpè Hypocritæ, mali, hæretici, que dicuntur, qui revera tales non sunt; ergò nulli unquam hypocritæ, perversi hæretici, schismaticique extiterunt. Maxime infirmum illud quoq; est R. Scoti pro temeraria sua assertionem argumentum: *Valde stulta essent Lamie, quibus Iudices tamen astutiam tribuunt, si Diabolo animam & corpus perpetuo cruciandum traderent, nullis receptis divitiis, vel commodis aliis.* Sed revera illas adeò stultas fuisse, infinita forensium judiciorum documenta, sagarum confessiones, factis per omnia respondentes, convictionesque publicæ clarissimè comprobarunt. Quem insuper latet humanæ naturæ in casibus adversis summa infirmitas, quâ immixtas afflictiones doloresque gravissimos tam agrè fert, tamque anxie ex angustiis liberari desiderat, ut parum sæpè attendat, quas inire debeat rationes, quasve admittere condiciones, dummodo mitigationem vel medicinam, (quâ adversitates suas non nihil leniat) invenire possit. Animadvertens itaque Dæmon, homines in tantis

Scotus
lib. III.
c. 6.

tis difficultatibus esse constitutos, promptè illis insidiatur & avidè, suoque instituto eos accomodatos perspicuens, mox sese insinuat, suamque ipsis pollicetur operam, levationem spondet & remedium, dum modò talibus uti velint medijs, qualia ipse ad hanc rem præscripserit. Nullum tunc homini ψυχικόν sive animali remedium tam atrox apparet & execrabile, quod non sponte arripere, nulla conditio tam horrenda, quæ illum à societate dæmonis (operam suam, promittentis,) revocare possit. Lubentissimè tandem ille assentitur, dummodo in istis anxietatibus auxilium & relaxationem invenire queat. Neque tamen inficias ibimus, multos utriusque sexus mortales vel parentum, vel aliorum nequitia in tenera etiam ætate seductos, miserrima Diaboli mancipia evasisse, & in temporalis pariter ac æterni exitij barathrum incidisse. Sic Aquitana quædam adolescentula (teste Flor. Remundo) sponte sua 1594. fatebatur, se teneriore ætate à quodam Italo corruptam, postea in agrum quendam abductam, hirco cuidam grandi atroque oblatam fuisse; hircum ab Italo quæsisse, quæ isthæc foret puella? respondisse, nunc eam à se adductam, ut in suarum numerum hircus illam referret, quo facto se ab Italo in locum priorem reductam fuisse. Sic & Joanna Harvillera [quæ Bodino occasionem conscriben-

*Flor. Re-
mundus
lib. I. de
Antichr.
cap. 7.*

*Jo. Bodin. in
præfat.
Dæmo-
nom.*

*l.c. pag.
456.*

*Nic. Remig. Da-
mono-
latr. lib.
I.*

*Remig.
lib. I. c. 1.*

da Dæmonomania præbuit] inde à duodeci-
mo ætatis suæ anno, diabolo, (qui specie ho-
minis atri staturam humanam excedentis ap-
parebat) à matre fuit oblata atque desponsata,
ille promisit se optima fide filiam curaturam, at-
que [si Diis placet] etiam beaturam. Ac li-
cet inter omnes magos convenire scribat Bo-
dinus, non cogi à Satana quenquam ut Deo re-
nunciet, aut se Diabolo devoveat, sed puram
potius liberamque à subditis suis eum exigere
voluntatem; attamen Nicolaus Remigius quæ-
dam manifesta certisque indiciis testata habet
exempla, quod Satan interdum illis pericula
gravissima intenderit, magnasque opposuerit
formidines, quos blanda oratione permovere
nequiverit. *Claudius Morelius* (scribit laud.
author) *Serra damnatus veneficii, cum rogare-*
tur, quæ res maximè illum impulisset, ut se primum
addiceret demoni, respondit, non ante verbis, quic-
quid lenocinaretur, vinci potuisse, quàm ubi de n-
xoris liberorumq, necesse terrorem inieciisset. An-
tonium item Welschium, cum de obtorquen-
do collo, ni in iis quæ jubebat pareret, minas
dæmon illi intendisset, non ausum fuisse quic-
quam amplius denegare; Alexiæ etiam Drie-
gæ, cum eam nullis prorsus pollicitationibus
obsequentem sibi posset adjungere, tandem in-
terminatum esse muri ædium quas illa inhabi-
taverat ruinam, quæ etiam paulò post sit con-
secuta. Sicuti verò rarius & infrequentius tam
horri-

horrido malarum impulsione genere dæmon-
utitur, ita plerumq; svaviores longè inescandi
perdendiq; hominis arripere solet occasio-
nes, à vitiosis potissimum affectibus submini-
stratas. Vel enim libidinibus amorique nefa-
rio deditos spe lactat potiundi ostentata, aut
pertæsos egestatis diutinæ, larga atque copio-
sa divitiarum oblatione pellicit, aut ad ultio-
nem, ob acceptam fortè injuriam inflamma-
tos ostentata explendi odii facultate sibi man-
cipat, aut denique quâvis alia corruptela dul-
cedineq; depravatos confœderatorum suo-
rum gregi sociat, & quamprimum sibi istis pas-
sionibus aditum aperuit, ægris illorum animis
pabulum suggerere solet lethiferum, assum-
ptaq; humana specie aut deambulantes in a-
gris, aut anxios in lectis, sed solos, emissa
voce quæ causa sit sollicitudinis? interrogat,
& subitum certumq; promittit auxilium. A-
deoq; [ut benè notavit Remigius,] Dæmon
non modo occultis ac velut domesticis illis af-
fectionibus in homines grassatur, sed palam e-
tiam, apertoq; [ut ajunt] Marte, explana-
ta scil. vocis impressione, ac comparata ad col-
loquium, quæ sub aspectum cadat, personâ,
indeq; vulgò auspicari solet orationem, quod
afflicti hominis vicem doceat, cupiatq; adesse
atque opitulari, sed neutiquam id se præstare
posse, nisi is prius rupto quod in baptismo pe-
pigerit fœdere, velit in suam transire potesta-

tem, sicque diu ante obsessos afflictosque animos facile in deditionem accipit, inque infernalis exitii barathrum præcipitat, inito nimirum horrendo fœdere seu PACTO, manu & sanguine futuri mancipii proprio consignato firmatoque, cui veluti basi seu fundamento subsequentes operationes magicæ innituntur. Astutiæ equidem debetur diabolicæ, quod non ad cuiusvis nutum & imperium paratus sit & expeditus, nisi prius de mercede sua certior redditus fuerit, id quod sola consequitur PACTIONE, quâ tum infensum suum contra DEUM odium, tum execrandam adversus ho-

Bodin. in mines malitiam abundè testificatur. *Quinque*
Refut. (ait Bodinus) *Inquisitores in malleo maleficarum,*
opin. Wi- *omnium sagarum, quas morte affici curarunt in*
er. *Germania, confessione compertum habuerunt, fœ-*
Binsfeld. *das ipsas inire cum Diabolo. Quinimò [teste*
confess. *Binsfeldio] omnia maleficorum opera effe-*
malef. *ctum sortiuntur ex pacto expresse vel tacito*
p. I. pra- *cum Dæmone, ita ut semper, quando vult ma-*
lud. VI. *leficus operari, expresse vel tacite invocet Dæ-*
in princ. *monem in auxilium ut concurrat ex pacto.*
 Scripto autem id ipsum sæpè confirmari, dæmonemque efflagitare, ut paciscens instrumen-
 tum obligationis & chirographum proprio
 scriptum & subscriptum sanguine exhibeat,
 non ex omnium solum de re magica scripto-
 rum consensu, verum ipsarum etiam sagarum
 unanimi constat confessione. Quam horren-
 dis

dis atrocibusque conditionibus infaustus ille
 Faustus Dæmoni sese mancipaverit, DEO mi-
 serit repudium, & pactum sponfionemque cum
 diabolo sancitam proprio sanguine ex leviter
 vulnerato pollice emisso, se totum ipsi adscri-
 pserit, docet apographum, post miserabilem e-
 jus ex hac vitâ exitum in museo repertum, & à
 Georgio Rud. Widmanno divulgatum, hæc
 inter alia continens verba: Zur Bekräftigung
 meiner Verheißung will ich diesem allem treulich
 nachkoinen/ und dieweil unser aufgerichtete Bünd-
 nuß zwanzig Jahr seyn soll / so denn die verschie-
 nen und verlossen / so soll er dis sein Pfand **Leib**
 und **Seel** angreifen/und darüber zu schalten und
 zu walten haben / soll auch kein Wort Gottes/
 auch nicht die solches predigen und fürtragen hie-
 rinnen einige verhinderung thun / ob sie mich
 schon befehren wollen. Urfunde dieses Brieffs/
 hab ich den mit meinem eignen Blut bekräftiget/
 und verschrieben. O pactum nefarium hor-
 rendum & execrabile! quo miserum damo-
 nis mancipium seipsum tenebrarum obligat
 principi, DEO, sancto illius verbo, stipulatio-
 ni in baptismo factæ, & suæ per CHRISTUM
 redemptioni renuntiat, eademq; opera in dia-
 bolum crediturum, opem & auxilium ab illo
 expectaturum, accepturum, & in vitæ fine cor-
 pus & animam ei traditurum dato chirogra-
 pho, vel aliqua sui sanguinis particula velut
 confirmandæ pactionis pignore & arrha polli-

*G R.
 Wid-
 man. in
 Hist.
 Fausti
 part. I.
 c. 10.*

cetur. Diabolus vicissim pro sua parte promittit se mancipii sui nutum & voluntatem sedulo observaturum atque executurum, ita ut quocunque tempore in creaturæ alicujus figura & similitudine appareat, ad deliberandum & consultandum cum ipso, ut vel in aliquo adjuvet negotio, vel ad desideratarum voluptatum, honoris, opum, dignitatis & amplitudinis consecutionem provehat, tunc ejus causa proficisci, hominem quocunque libuerit circumferre, & (ut brevi comprehendam omnia) in illius gratiâ præstare quicquid jusserit haud invitus velit. Ad cujus rei probationem alia aliâque adferre possem⁹ documenta, ni longâ experientiâ id adeò esset compertum, ut in dubiû sine insigni impudêtia vocari nullo modo queat. Haud præter rem verò Mart. Delrio adnotavit

nefarie hujusmodi pactiõnis non unum sed triplicem modum esse & rationem. Primus modus fit solemnitate varia, & ipsi Cacodæmoni visibiliter in corporca aliquâ forma apparenti coram testibus fidelitas promittitur, cujusmodi pactum inivit Nobilis ille ditionis Leodicensis narrante Cæsario Heisterbacensi, ubi Dæmon loquens audiebatur sed non cernebatur, cui [divitias honoresque amplissimos promittenti] miser homagium præstitit, suumque abnegavit Creatorem. Secundus modus per libellum fit supplicem, quem diabolo gehennæ candidati exhibere haud verentur, quâ ratio-

Mart.
Delrio
Disquis.
mag. lib.
II. c. V.
qv. 4. fol.
 117.

ratione nostra ætate Mantenses in Normandia Magi libellum conscripserant, Sybillis, magicæ necromanticæ præsidibus cum oblaturi, cujus summa: Se orare Dominas, uti dignentur libros suos magicos consecrare, ut mali spiritus per omnia ipsis obediant, ut supplices reddantur tuti à judicium insidiis & punctione, ut coepta omnia & studia illis prosperè in aulis & amicitiiis Principum succedant, denique ne inimici ipsis nocere valeant, vicissim polliceri sese, quod prædictas Sybillas pro Dominabus & principibus suis perpetuo sint habituri, & quotannis animas eis oblaturi, &c. Hos ta- *Crespetum*
men supplices omnes cum ipsis libris captos & *lib. de*
Parisiis combustos fuisse Crespetus lib. de odio *odio Sat.*
fatanae narravit. Tertius deniq; modus initur *disc. 15.*
per vicarium, magum videlicet vel tertium aliquem, cum paciscens dæmonis aspectum vel colloquium quidem reformidat, auxilium tamen ejus opemque per alium anxie efflagitat. Ex his autem tribus pactiois diabolicæ rationibus primam frequentiore esse, posteriores vero duas rariores & insolentiores, hætenus varii de hoc argumento scriptores, ipsorumque mancipiorum dæmoniacorum confessiones docuere, è quibus etiam planissime constat, Dæmonem confœderatis suis novitiis peculiarem imprimere characterem, & sæpe non uno illos notare stigmate, quemadmodum sc. servos olim Domini notis curarunt compun-

Jac. Rea
Damo-
nolog.
lib. II.
cap. 2.

gendos, ut in fugam dati, deprehensioni magis obnoxii redderentur; ita sua dæmon mancipia certis servitutis horrendæ signis ac telluris habere studet insignita. *Ejurato nimirum DEO & baptismo*, [verba Sereniss. Angliæ Regis Jacobi adscibo] *notam suam illis imprimit in sectam quampiam corporis partem, cui in proximum usq; congressum nec cicatrix obducitur, nec dolor levatur, at cernit sensus perit sanata, quantumvis stimules aut vellices, ut quotidiana probat experientia, hoc veluti documento ostendit, se eum esse, qui & ledere possit, & lasso curare, ut in rebus prosperis adversisq; ab eo solo assuescant pendere, præterea exquisitus ille dolor, relicto ex impressa nota, excitat in sauciis inquires desiderium novi congressus; aliàs forte obliviscerentur sui præceptoris hi novelli catechumeni, vix benè ad huc posito amentia tyrocinio, vel horribilis pacti memoria turbati consilium mutarent, & pœnitentiam agerent.* Constat insuper cicatricis locum ita exanguem esse, ac sensu labefactatum, ut ne admissa quidem acus altissimè aut dolorem faciat, aut sanguinis minimum eliciat, idque jam ita pro comperto habent rerum capitulum vindices, ut inde plerumque quæstionis

ac tormentorum initium facere soleant. *Non ita pridem* [sic Nicolaus Remigius sub seculi *Nic. Re-*
superioris finem notanter scripsit] *hoc Spina-*
lii re ipsa fuit comprobatum. Nam cum Isa-
lib. I. c. 5.
bella Pandæ ibi ob sortilegii crimen com-
prehensa, urbis præfecto partem corporis sic
à damone inscriptam, indicavit, subiit ei in
animum experiri, verumne id esset, quod de
ejusmodi stupre ferebatur, ergò jussit in eam
aciculam penitissimè insigi atq. inculcari,
quod cum in satis magna hominum frequentia
esset factum, & incruentum omninò vulnus
apparuit, & nullum saga doloris vel minimi
indiciū aspicientibus dedit. Ut proinde res
hæc tam certa sit, uti nihil habere possit dubi-
tationis, postquam non modo qui eam suo
damno experti sunt, diversis temporibus retu-
lerunt, sed etiam clarissimis indiciis compro-
barunt, dæmonem certis stigmatibus suos no-
tare discipulos, sicuti jam olim hæreticos rebus
magicis simul implicitos, certâ notâ (Irenæo
teste) insignivit, quosdam verò (ut Tertullia-
nus prodidit memoriæ) in fronte signare con-
suevit. *Tingit & ipse* (ita Tertull.) *quosdam,*
utique credentes & fideles suos, expiationem
peccatorum de lavacro repromittit, & sic ad-
huc initiat Mithra : SIGNAT AD-
post med.

Iren. lib.
I. c. 24.
Tertull.
de præ-
script.
advers.
Hæretic.
post med.

*HUC IN FRONTIBUS MILITES
SUOS.* Tam vetus igitur origo illius nefarii
est stigmatis! Eo autem [ut diximus] impresso
inustoque, diabolus ingentem præse ferre so-
let in promissis suis fidem, læsis abominandas
ultionis vias, miseris & egenis fœdas flagitio-
sasque ditescendi artes commonstrat, pecunias
iis ipse suppeditat, quæ tamen ut plurimum
sublatis præstigiis, fimus, testæ, folia, moneta
spuria, aliæque id genus quisquiliæ esse depre-
henduntur. Nec immeritò multi mirantur,
quod auro argentoque vero & solido tanto-
perè destitutus sit dæmon, cum tamen vulgò
maximos quosque thesauros defossos ac recon-
ditos asservare, inque sua credatur habere po-
testate, ast nihil unquam illorum depromere,
non stare promissis, ac toties jactatam apud
suos munificentiam liberalitatemque; re & ope-
re ipso comprobare possit; aut si quid verè
ostendet, non hoc agat, quo ejus fruendi ullam
faciat potestatem, sed magis ut tali velut esca
illectos, ludificatosque homines perdat, & ad
certissimum deducat interitum. Neque verò
illud parsimoniæ, aut rei (cujus alioqui nihil
indigent dæmones) retinendæ studio id fieri
credamus, sed potius singulari DEI provi-
dentia immensaque bonitate hætenus id con-
tigisse, ne si veras solidasque diaboli suppedi-
tarent divitias, majori apud homines avaros &
auri cupidos sint in pretio, & ne plures pericu-
losa

lofa hâc inescandi perdendiq; occasione inter-
 irent. *Egò (ut præclare Pfellus ait) damones*
nihil eorum qua promittunt ex se tradere possunt.
 sed visu tantum quædam inania suis cultoribus
 afferunt, varia prorsus & instabilia. Sic saga
 quædam Remigio perhibente, accepta à dæ-
 mone pecunia (ut sibi videbatur) gestiens dō-
 mum properè rediit, eam ut numeraret, sed ex-
 cussio sacco, nil nisi testas ac carbones reperit,
 aliæ arborum invenère folia, quædam Joanna à
 Banno cum nummum aureum charta convo-
 lutum in via reperisset, uti dæmon eventurum
 prædixerat, atque eum marito cupidè osten-
 taret, tandem non sine pudore advertit, pro
 auro nactam se calculum ferrugineum, qui
 primo etiam contactu facilè in frusta dissiliit.
 Etsi verò dæmones in erogandis pecuniis suos
 ad hunc modum frequentissimè decipiant,
 non æquè tamen in aliis rebus, præsertim
 oblati vindicandi odiiq; explendi occasio-
 nibus, illis fucum facere solent, imò ipse satan
 (uti ab initio homicida fuit) miseros suos
 affleclas ad cædes ac parricidia impellere mini-
 mè cessat, sed dolis suis medicato pulvere, vir-
 gis, unguine, variisque id genus venenis (quo-
 rum alia mortem, alia morbum tantum, quæ-
 dam etiam sanationem afferunt) instruere omni
 laborat studio, imò experientia sæpè compro-
 batū esse scribit Remigius, Sortilegos suas ha-
 bere officinas, bestiolis, plantis, ac metallis ve-
 nenatis refertissimas, virgas etiam eos possidere

Pfellus
in cap.
cur Dæ-
mones
citant
minas?

Remigi-
us Dæ-
monol.

l. I. c. 24

unguine aut re quapiam alia perniciali illitas,
 quibus ceu joco sæpè obvios feriant homines,
 quos perditos velint, nec irritò innoxioque
 conatu, ut sua confessione testatum reliquerint
 plurimi. Verum singulari Numinis optimi be-
 nignitate accidit, ut pharmaca illa diabolica
 nec semper nec omnibus fuerint noxia, sed
 quibusdam frustra aspersa, iis maximè, qui in
 maleficos capitalia exercuere judicia. Sic quæ-
 dam Catharina Ruffa (laud. authore teste)
 non semel se à dæmone inaudisse retulit, sibi
 neutiquam infinitam in omnes esse potesta-
 tem, & Asinaria Nancejana indignabunda di-
 xit: Quam benè agitur vobiscum ô Judices,
 quod nobis in vos nihil quicquam licet, nam
 nulli sunt mortalium quos tam lubenter insi-
 diis nostris appeteremus, qui sic gentem no-
 stram omnibus pœnis suppliciisque prosequi-
 mini. Frustra etiam insidiis suis hætenus divini
 verbi præcones (de magorum conversione sal-
 vationeque sollicitos) petierunt diaboli, neq;
 odii adversus eos explendi tutam facilemque in-
 venere rationem, sed omnes conatus recidere in
 nihilum, eò quod illi in coelestis Domini tutela
 sint ac præsidio, quo unicè freti, non solum sal-
 vi mansere & incolumes, sed ardua sæpe cum
 rugiente illo Leone habuere certamina, &
 hostem post seriam mancipiorum diabolico-
 rum contritionem occupatis sedibus divinâ
 adjuvante gratia feliciter expulerunt.

At verò ne extra gyrum diutius ambulasse videamur, & reliquisse id, quod de convincendis literatis atheis (motivo ab effectibus magicis sive dæmoniacis desumpto) dicere instituimus, non solum testimonijs doctorum virorum innumeris, verum quotidianis etiam experimentis satis constare arbitramur, quanta & quam exitiosa sit dæmonum [ut de pactis illorum cum hominibus nihil dicamus ampli⁹] potentia, quâ cient tempestates, morbos immittunt, homines convertunt in lycanthropos, segetes & arbusa transferunt, spectris homines territant, & perplexis oraculis confusos ludificantur, erroribusque implicant. Perijisset sanè dudum genus humanum, tot pessimorum hostium injurijs obnoxium, nisi ab alicujus supremæ potentiæ nutu penderent dæmones, quæ rabiem eorum huc usque frenavit, suæque providentiæ cancellis inclusit. Apage igitur nefaria quæque *τῶν ἀθίων* volumina pariter ac colloquia, quibus validum hoc adversus impietatem telum nobis eripere, & veluti mera nefariorum hominum figmenta præstigiasque ea explodere conantur, quæ tot tantisque comprobata fuere experimentis. Caveant inquam sibi mortalium doctissimi à pestiferâ adeò pudendâ *ἀπιστίας* labe, ne ipsis gentilium magistris hac in parte videantur deteriores. Et si enim profanus ille, ac ferè [an potius verè?] atheus Plinius artem

magicam, haud veram, sed intestabilem, irritam inanemque esse statuerit ex eo, quod Nero Imp. illi operam dederit, & falsam vanamque deprehenderit; constat tamen alios (damnificis licet umbrarum gentilium tenebris obnuptos mortales) conspectis arte magica dæmonibus, DEUM etiam credidisse, veluti Plutarchus Præsidem quendam Ciliciæ atheum, cum Mopsi oraculum consulisset, dæmonque obsignatæ respondisset quæstioni, DEUM credidisse est contestatus. Videant igitur apprimè literati christiani, ne [ut antea monui] ipsis idolorum cultoribus hac in parte sint deteriores, neve pudendæ adeò ἀπιστίας macula sese deinceps pollui patiantur.

XIV. (V.) Denique cura sollicita pectoribus piè eruditis est adhibenda, ne decipiantur ejusmodi LIBRIS atque colloquiis, quibus vel omninò negatur, vel in dubium valdè vocatur ANIMARUM NOSTRARUM IMMORTALITAS, atque in hoc (insigni quodam scriptore notante) *unicè incumbitur ne homines videri queamus*. Non sine maxima equidem cautione legendi evolvendique illi sunt authores, qui principiis atque philosophematis quibusdam suis absurdis ita indulserunt, ut sive scientes, sive inscientes animæ sustulerint immortalitatem, cui ordini præ aliis Pomponatium & Hieronymum Cardanum aggregandos esse, utriusque scripta in publica

luce

*Plutarch.
in tract,
de orac.
defectu.*

*Petrus
Matth.
Histor.
Gallus,
lib. 7.
narrat.
3. 5. 8.
Conf.
Scrut.
ath. p. 121.
seq.*

luce prostantia, disertè loquuntur. Quamvis
 enim prior non absolutè ac simpliciter morta-
 lem animam humanam censuisse videatur ,
 (pariter ut philosophastri illi Itali, damnati *Vid Con-*
 à Lateranensi Concilio,asserentes, animam ra- *tareni*
 tionalem secundum fidem esse immortalem, *Card.*
 at secundum philosophiam esse mortalem, *opus de*
 adeoque simul mortalem ex philosophia & *immor-*
 immortalē ex fide pronunciantes] sed tan- *tal.anim.*
 quam dubium quoddam & *ἀλυτον* reliquerit
 in medio ; haud obscurè tamen scepticis
 suis disquisitionibus aditum ad funditus ne-
 gandam animæ immortalitatem patefecisse vi-
 detur , quapropter Venetos illud Pompona-
 tii opus [quod ipse author mutata mente im-
 probasse dicitur] ignibus addixisse, nec de *m.*
 mortalitate, sed de mortalitate anime inscriben-
 dum fuisse, eruditorum quidam prodidit. Et
 cum [Mirandulano iudice] idem Pomponati-
 us in alio de *incantationibus volumine*, nec phi-
 losophum se bonum, nec Christianum bonum
 exhibuerit, cum effectus omnes mirificos cœ-
 lorum influxionibus adscripserit, adeò ut & re-
 ligiones & leges, earumque latores ab iis vo-
 luerit dependere, [quâ cum fatuâ de fato sen-
 tentiâ atheismum ut plurimum sociari, eaq; ad-
 missa vix ullum divinæ vel existentiae vel pro-
 videntiae amplius concedi locum, alibi osten-
 dimus] multusque insuper fuerit in evertendâ
 cooperatione DEI nobiscum, nemo facile du-
 bita-

Sylvester
lib. 5. de
Strigi-
ma stigis,
cap. 5.
Ioh. Pic.
Mirand.
lib. 6.
evers.
sing. cer-
tam.
Conf. e-
pist. ad D.
Meibom.
de athei-
smi radi-
ce p. 46.
bita-
seqq.

bitabit, Pomponatium etiam altero illo de anima opere regiam quandam atheismo viam sternere voluisse, eaque propter illud pariter ac cætera clanculariorum atheorum scripta esse proscribenda, saltem singulari cum cautione evolvenda. Eundem in censum scripta veniunt Cardani, quippe quem apertè & absque ambagibus animæ mortalitatem composito eâ de re libro affirmasse, nec palinodiam unquam cecinisse, tametsi de premendo, metu infamiæ vel etiam suppliciorum, nigro illo opere apprimè sollicitus fuerit, disertè Delrio est contestatus. Si quæ hujusmodi de Cardano rumoribus fidem adhibere nolumus, eò quod libro quodam peculiari animorum immortalitatem propugnaverit; attamen quæ alibi de *natura hominis* tradidit, aliaque valdè periculosa à Scaligero notata satis evincere videntur, Cardanum ad eandem profanè-philosophantium, àq; studioso sinceræ pietatis devitandorū classem esse referendum. Cum ejusdem de animæ mortalitate opinionis pestilens sidus olim infelicem illum *Codrum Urceum* [cujus tragœdiam supra memoravimus] afflasset, parum abfuit, quin & ipse in atheismi voraginem fuerit præcipitatus. Rogantibus enim amicis, quid de *immortalitate anime* sentiret? nescire se responderebat, quid post mortem de se futurum esset, viveretne animus, sive anima, an interiret una cum corpore, quæque de inferis homi-

nes

Delrio
Disquis.
magic.
l'c. 2. q.
26.
Conf.
Card.
lib. XII.
de subtil.

Diss.
præl. p.
II. seqq.
Conf.
Barth.
Bononi-
ens. in e-
jus vita.

nes prædicarent, anilia quædam terriculamenta esse dicebat, hinc ipsi amarissimo epigrammate post fata etiam fuit exprobratum, quod non rectè de Christo, inferis, animarumque immortalitate sentiendo, latentis atheismi sui haud obscura documenta dedisset. Haud equidem malè nonnemo observavit, omnes de animâ humanâ perversè sentientes, eamq; mortalem asserentes, sive DEUM ipsum negare, sive in dubium ejus vocare providentiam, quæ negata mentium nostrarum mortalitate omnino destruat. *Certum est* [Baconis sapientissimi verba adscribo] *hominem brutus cognatus esse quatenus ad corpus, quod si quatenus ad animam non intercedat ei cognatio cum DEO vilis est planè & ignobilis creatura. Cape exemplum à cane & observa, quantos sibi assumat animal istud spiritus, & quantam generositatem induat, cum se ab homine, (qui ei vice est DEI aut melioris natura) impulsu perspiciat, quam fortitudinem liquido cernas tantam esse, quantam creatura illa absque fiducia melioris natura quam propria aquare nullo modo possit. Similiter & homo, ubi innititur & spem collocat in divinâ providentiâ & gratia, fiduciam & vires colligit, quales humana natura sibi relicta nequisset attingere. Quare ut ATHEISMUS*

(omnis-

Fr. Bacon

Vern-

lam.

Serm.

fidel.

XVI. opr.

p. 1166.

(omnisque illi vicinus de anima rationali error) *in omnibus odium meretur, ita in hoc, quod privet naturam humanam facultate se ultra fragilitatem suam attollendi.* Quod cum pariter temerarii quidam Pseudo-Chymici agere tentareque videantur, ipso Paracelso præeunte contententes, non esse difficilius ut aliquis homo generetur aut suscitetur, quam ut vermis, culex, rana, aut quidpiam simile nascatur, artemque se tenere edicant, quâ veri homines absque opera maris & feminæ producantur, industrii artificis chemici ministerio; quilibet vel me tacente intelligit, ejusmodi nefaria artificia, pariter ac cunctos eorum laudatores cane pejus & angue esse fugiendos ac proscribendos. Illorum in censum Arnoldum de Villa-Nova referendum esse Johannes Mariana in opere de rebus Hispanor. disertè pronunciavit, testatusque est, eum ex humano semine quibusdam in vase medicamentis corpus hominis efformare studuisse, pravisque adeò opinionibus maximam suam fœdasse eruditionem. Quis obsecro Scriptura asserente, opus creationis ac resurrectionis DEO insolidum non tribuere mallet, quam putidis ejusmodi incertis atque obscuris pseudo-chymicorum experimentis? Et cum anima rationalis immortalis sit, corpusque hominis tale, ut alia via formari nequeat, fidem ejusmodi impostoribus nemo pi-

Conf.
Epist. de
vidice
Libris
p. 54.
seqq.

Joh.
Mariana
narer.
Hispan.
lib. 4. c. 9.

pie-literatorum adhibebit, quin potius eos veluti detestandi atheismi apostolos; eorum vero scripta [qualicumque tandem colore seu fuco potius sint illita] ut certissima pestis ejusce seminaria averfabitur. *Par esset*, (Theodore- *Theodoro egregie monente*) *omnes plane mortales, vetus imò & omnes res creatas armari in ultionem tantæ atrocitatis, & DEO pro innumeris nominibus, quibus illi omnes obstringuntur stipendiarium hoc pendere obsequium.* Et cum veteris Ecclesiæ Doctores Origene præeunte [quem ea propter Thaumaturgus Gregorius summopere laudavit] ita nos philosophari jusserint, ut omnia quotquot extant, veterum tum philosophorum, tum poetarum scripta colligentes, nihil rejiceremus præter ea quæ ATHEORUM essent, qui à communi hominum sensu discedentes, DEUM aut providentiam ejus vocent in dubium, [hæc enim ne digna quidem esse quæ legantur, ne quâ fortè re inquinaretur nobis animus, qui quum pietatem colere debeat, sermones audiat divino cultui repugnantes,] hinc etiam atque etiam apparet, quo in numero illi libri habendi sint, qui expeditissimam ad atheismum viam commostrare videntur. Cadit planè in ejusmodi opera, quod sigillatim de pudendis Theodori Mopsuesteni voluminibus, blasphemiarum & atheismorum plenis quinta Synodus œcumeni-

retus initio sermonum de providentia.

Gregorius Thaumaturgus in Origene laudat.

V. Synod. ca pronunciavit : Cum in medium prolata sunt
collat. 8. blasphemia codicibus inserta, mirati sumus

DEI in his potentiam, quod non divino igne
statim incensa est lingua, & mens quæ hac e-
ructavit ; & nunquam concessissemus pro-
cedere lectorem prædictarum blasphemiarum,
pro sola memoria illarum indignationem
DEI timentes, (utpote una quæq; blasphemia,
magnitudine impietatis antecedentem supe-
rante, & mentem auditoris funditus permo-
vente ;) nisi eos, qui talibus blasphemis glo-
riantur, videremus indigere confusione, per
manifestationem earum eis inferenda : Ut
nos omnes zelo blasphemiarum contra eum ex-
positarum incensi, & in medio lectionis, &
post ipsam, inclamationes & anathematis mos
contra Theodorum ut viventem & præsentem
faceremus : propius sis Domine dicentes, nec
Dæmones ausi sunt talia contra Te loqui. O
intolerabilem linguam illam ! O pravita-
tem ! O altam illam manum, quam extendit
contra Creatorem suum ! Scripturas scire
miser ille pollicitus, non meministi Osee Pro-
pheta, dicentis : Va illis quoniam exilierunt
à me ; famosi facti sunt, qui impii facti sunt
in me, iniqua locuti sunt adversum me exco-
gitant-

*gitantes locuti sunt (scripserunt) pessima. Ideò cadent in framea, propter improbitatem linguæ suæ. Hic contemptus eorum in sinu eorum, quia transierunt testamentum meum, & adversus legem meam impiè egerunt. Quanto vel ipsi gentiles ardore correpti sint ad librorum atheismo sordentium proscriptionem procurandam argumento est, quod Athenienses Protagoræ Abderitis libros [quibus divinitatem in dubium vocavit] publicè exusserint, autoremque è suis expulerint finibus. Ipsosque Tullii libros de natura Deorum, quod multitudinem Numinum abrogatâ, atheismum inducere censerentur, à nonnullis quidem ob luculentiam verborum retentos, à plerisque tamen prorsus repudiatos, & dignos visos fuisse, qui publico edicto abolerentur, Arnobius * hunc in modum est contestatus : *Sed quid aucupia verborum, splendoremque sermonis peti ad hoc dicam, cum esse non paucos sciam, qui averseantur, & fugiant ejus libros, nec in aurem velint admittere lectionem opinionum suarum præsumpta vincentem : cumque ali-**

N 2

os au-

* Arnobius lib. III. n. 5. conf. Laëtant. lib. I. instit. c. 22. SC. adversus libros atheos & improbae religionis recitat Livius Dec. III. lib. 5. conf. August. l. VII. de C. D. 6. 34. 35.

os audiam musitare indignanter, & dicere oportere statui per senatum, ut aboleantur, ne vetustatis opprimatur auctoritas. Hi (ut subdit Arnobius) tametsi errore ducti, tamen (intercipere scripta, & publicatam, submergere lectionem) rebantur justissimum, quippe pertinens ad defensionem divinitatis.

*Justin.
in apol.
ad Anton.*

*Lucianus
in Pseudomante,
confer.*

*Clement.
des lib.*

*Il. Cycli-
cor. theo-
rem.*

Testatur item Justinus decretam apud Ethnicos fuisse mortem contra eos, qui Hystaspis & Sibyllæ & Prophetarum libros legerent, quod inde everti ritus patrios & induci atheismum criminarentur. Sic Alexander Vates apud Lucianum Epicuri librum tanquam atheismi nefarii fermentum medio in foro combussit lignis ficulneis, ipseque Plato Poëtarum [de DEO indigna scribentium] volumina exterminari mandavit, eò quod latam atque expeditissimam atheismo parent viam. Quod si igitur damnificis umbrarum tenebris obnupta gens, tantam in supprimendis τῶν ἀθέων monumentis posuit operam fervoremque ostendit, quidni nos potius, in meliorem beatitatis sortem Servatoris beneficio genitos par vocazione nostra zelus verset & cogitatio, quo dignam christianis literatis in eradicandis pestiferis ejusmodi zizaniis diligentiam præstemus, eandemque in profligando teterrimo illo monstro sequamur rationem, Majestati christianæ haud decorum reputantes, circa omnis boni aucto-

auctorem asserendum ea negligere, quæ profana religione imbuti pagani, in minimis Deastrorum suorum pseudo-sacris vindicandis tanta cura studioque perficere laborarunt. Optimi sanctissimi que Numinis nostri venerationi pia hæc sollicitudo inserviat, ut gratos ad dictosque animos illi testemur, quod profanus atheusque furor è creaturarum suarum rationalium animis protinus ejicere, cujusque cultum ac venerationem sceleratè impiè ac sacrilegè profligare neutiquam veretur.

XV. Sublata igitur adulterina illâ, imò sacrilega plantatione, spurioque vitulamine exciso, h. e. libris atheorum ad orcum unde provenière relegatis, ea piè literatus studiosè sibi comparet, evolvat, æstimet magnorum virorum volumina, quæ ad salutarem DE I T. O. M. cognitionem ac cultum manu quasi ducunt legentes, Theomachos ab impietate sua revocare, atque è densissimis Satanæ tenebris erutos, lucis sempiternæ reddere queant claritati, è contra verò omnes sinceræ pietatis studiosos, tanto cœlestium rerum amore imbuere, ut eis cuncta fordeant terrena, totique divini amoris igne (sacro Spiritu faces subdente) inardescant. Et cum ea sit veræ fidei divinique amoris, pectora meliora inflammantis vis, ea Spiritus Sancti, affectus commoventis operatio, ut una cum illo FELICIS ejusmodi PIEQUE LITERATI animum ardens proximi CHARITAS subeat, in-

gensque alios convertendi, & ad pietatem à profanâ vanitate ipsaque impietate atheistica deducendi desiderium; hinc Doctor sacro-sancti istius amoris face accensus omni curâ (divino accedente auxilio) laborabit, ut etiam alii ab exitiosâ illius ignorantia malitiæque atheisticæ nebulis & pestiferorum errorum tenebris liberentur, inque pietatis solidioris exercitiis magis magisque proficiant sodales svavi amoris cultusque divini incendio recreati. Nullum equidem argumentum esse arbitror, in quo verè Θεοφιλης se & seculo hocce dignius operetur, quam quod atheis aut profanis literatis in viam revocandis impenditur, quod illos tenebrarum filios luci, lucem illis conciliat, eorumque salutem impensius curat promovetque. Cum verò arduum adeò & grave hoc sit opus, ut inter primæ notæ miracula sit numerandum, si quis atheorum literatorum ad saniores mentem redierit, [siquidem arctioribus vinculis eos robustus ille armatus teneat constrictos quam ut ea debiliori, quam divina est gratia & potentia vi perrumpi queant] cum inquam immensæ prorsus difficultatis opus sit tenebrarum illorum ad lucem Evangelicam conversio, hinc tantò fervidius DEUM pietè-literatus invocet, ut miseros istos ab impietate sua revocare, & pro immensa bonitate sua è durissimis Satanæ vinculis liberare velit, quo debitos DEO honores impendere atque sem-

*Conf.
Epist. de
eradi-
cando a-
theismo
p. 25.
seqq.*

sempiternæ salutis aliquando compotes fieri possint. Non sine fructu equidem singulari DEI causam adversus atheos ager quilibet sincerâ pietate & charitate præditus doctor, DEUM semper ob oculos habens καρδιογνώσιν, omniaque dicta factaque sua ad ejus gloriam ut primarium ultimumque finem dirigens, ast pietati etiam *Curam* jungens *seriam*, summamque sollicitudinem, quam veteres εὐλαβείαν dixere, quæ scientiæ lumen adhibeat negotiis, abstrusa penetret, revelet operta, illuminet obscura, cunctosque DEO sacratos hortetur ut dignam officio diligentiam præstent, neq; incuriosi aut imparati ad tanti momenti negotium (scil. τῶν αἰθερῶν conversionem) accedant, sed & veræ sinceræque animi studeant demissioni, hujusque virtutis pretiosissimo sale singulas suas aspergere laborent actiones. Memorabile Nazianzeni Salestiiq; [insigni lenitate sua atheorum quendam in viam unde exerraverat reducentis, *les. c. 3.* ac pene abolitam DEI cognitionem perditæ illius animæ postliminiò imprimētis] exemplum alibi commemoravimus, ostendimusque eos qui absque verâ hominiquæ christiano necessariæ animi moderatione DEI & religionis causam sint aggressi, in vanum plerunque laborasse, nec scopum præfixum feliciter assecutos fuisse. *Optimè saluberrimum illud* [ita olim in quâdam de atheismo eradicando epistola

Conf. vit. Sa-
vid. e-
pist. de
atheismo
eradic.
p. 33.
seq.

scripsi,] conversionis tractabitur negotium, si athei, vel de atheismo vulgo suspecti initio moneantur, ut praposteram istam cogitationem excutiant, nec adversus DEUM, ipsam naturam ac propriam suam utilitatem dimicare pergant, quin potius certum eligant & verissimum, eos qui DEUM verè colunt contemplantur, quam exhilaratum habeant vultum, quam pacato ac quieto semper sint animo, quantum oblectamentum iis vera afferat religio, quam magna fideles repleat lætitia quod vero DEO, tam excellenti, tam bono & in omni genere infinito deserviant, impii contra, horrenda plerumq; & tetrica tristitia afficiantur - Igitur deinceps navigium suum h. e. se ipsos sapientius regant, ac firmissimè credant, revera DEUM esse, qui eos ad resipiscentiam sæpius provocet, eaque propter illum non ut crudelem & tetricum apprehendant, sed potius summè misericordem, qui peccata sua confitentibus benignè parcat & sublati conscientie stimulis mentem pacatam iis restituat. Animum itaq; ad eum erigant, sublimius aliquid de divina ejus cogitent majestate, nec vera religionis lumen scelera detegere existiment ut cruciet, sed

sed vulnera aperire ut persanet, tantummodo pœniteant, quod tam detestando errore hætenus fuerint impliciti, nec deinceps ad eum reuertantur.

Quandoquidem verò hæc christianæ lenitatis viâ non semper ad optatæ conversionis metam deveniatur, imò multorum atheorum [literatorum cumprimis] pectora, longè sint duriora, quam quæ veritatis cœlestis pietatisq; sinceræ cedant impetui, hinc non contemnendæ aut negligendæ, sed adhibendæ potius usurpandæq; aliæ sunt atheomastigum methodi, atque præstantiora artium ac scientiarum subsidia, quorum per magna in convertendis impiis illis utilitas esse videtur. Et cum athei literis imbuti ut plurimum profanis, potius philosophicis quam sacris & divinis nitantur decretis, hinc operam divinæ gloriæ zelo flagrantēs doctores adhibeant indefessam, ut ingeniosâ aliquâ disputatione illos constringant, & tanquam alteros Goliathos proprio quasi gladio jugulent. Haud abs re Socrates olim scientias artesque liberales commendavit πρὸς τὴν γυμνασίαν τῷ υἱῷ, quasi mens iisdem ad majora subeunda corroboraretur, magisque scitè Basilii; Sicut (ait) tinctores ut perfectum purpure colorem panno inducant, inferiorem alium colorem subtexere solent; ita se habere humanas scientias ad divinam sapientiam. Notius est, quam ut prolixiori e-

Conf. Epist. de atheismo eradicando p. 35. seqq. ubi de variis atheomastigum methodis prolixè describimus.
Basil.
M. in orat. ad adolescentes.

geat demonstratione quantum lucis rei Theologicae ex diligentiori artium ac scientiarum tractatione accedat ; quantum inventionis capitibus , ut totidem argumentorum domiciliis , quantum variis syllogismorum generibus [quibus nequissimis illis empæctis ora impudentissima obturamus ,] sit tribuendum ; quam commodè apteque Dialecticæ beneficio singula adversus atheos digerantur , membra- timque retexendo , omnium quasi sistantur conspectui. Meridiano Sole clarius est , neminem ad illam scientiarum Reginam sapientiæ nomine dignissimam , (Metaphysicam intelligo) animum rectè applicare posse , quin cuncta transcendat , rerumque omnium quoddam admittat principium , bonorum omnium fontem , causarum supremam causam , præcipuum metaphysicæ objectum. A primâ philosophiâ ad naturalem tendentibus , duplicem atheos convertendi modum suppeditari [alium quem vulgus amet , alium quem doctiores & philosophi sequantur] alibi notavimus. Nec minus Geometriæ , Astronomiæ , Arithmeticæ , aliarumque ; tum liberalium tum mechanicarum artium & disciplinarum beneficio atheos ad agnoscendam asserendamque tandem divini Numinis existentiam adduci posse , Marius Mersenn⁹ quondam diffuso illo opere demonstravit , quod quæstionum in Genesin celeberr. titulo divulgavit. Si cui verò hæc per toti-

*Conf. E-
pist. de
eradic.
ath. p.
60. seqq.
Mar.
Mersenn.
qu. celeb.
in Gen.
à p. 15.
ad 576?*

us

us Encyclopediæ campum sese diffundens atheos convincendi convertendique ratio nimis ardua prolixa ac operosa videatur, eam eligat, cæterisque anteponat methodum, quam ipse Sanctus Spiritus in Sacro codice ostendit, ipseque usurpavit, AB EFFECTO NIMIRUM AD CAUSAM, seu ab operibus ad opificem rerumque omnium conditorem argumentatus. Optimè omnium Paulus divino dictante Spiritu ostendit, quibus gradibus homo intelligentiæ lumen secutus ad aternam usque DEI potentiam ac divinitatem agnoscendam colendamque deveniat.

Primo etenim animalis homo res conditas Conf. cit. contemplans huc perducitur ut aliquem esse epist. p. fateatur à quo hac omnia sint condita, & cuius virtute administrentur; inde verò ad aternam ejus potentiam ac divinitatem provehatur necesse est, siquidem eum qui omnia condiderit, rebus omnibus conditis antiquiorem ac proinde aeternum esse oportet; & incredibilis ista vis, quæ tanta regenda molî sufficiat, excellentior sit necesse est, quavis aliâ etiam præstantissima virtute, id ipsum est quod DEUM vocamus. Hinc etiam Justinus, interroganti olim, unde notum sit esse in Qu. DEUM aliquem? scite respondit: Ex rerum Græc. quæ extent constitutione & perseveranti diu-

turnitate id intelligi: Non enim extarent ea, quæ extant, nisi ante ea D E U S extitisset, qui partes creatura omnes utiliter ex usu & commodo universa creatura ordinavit.

Minu- Quid potest esse tam apertum (inquit Minu-
tius Felix tius Felix) cum oculos in cælum sustuleris, &
in Olla- quæ sunt infra circave lustraveris, quam esse ali-
vio, quod Numen præstantissimæ mentis, quo
 omnis natura inspiretur, moveatur, alatur, gu-
 bernetur? Cælum ipsum vide quam late ten-
 ditur, quam rapidè volvitur, vel quod in no-
 ctem astris distinguitur, vel quod in diem Sole
 illustratur, jam scies quam sit in eo summi mo-
 deratoris mira & divina libratio. Enim verò
 ut si quis Bibliothecam libraria supellectile in-
 structissimam contempletur, in quâ structi fo-
 ruli, libri in ordinem digesti, omnia tersa &
 munda, & aptè disposita, non est credibile
 quendam esse posse tam excordem, ut censeat
 hæc casu ita facta esse, & non potius hæc tri-
 buat humanæ industriæ; At nulla est Biblio-
 theca tam aptè digesta, nec tam ornata ac locu-
 ples, ut posset ullatenus cum hujus machinæ
 structura & perfectione comparari. Veræque
 cum suis floribus, & æstas cum suis messibus, &
 autumnus maturitas grata authorem suum pa-
 rentemque testatur. Hoc inquam genus argu-
 menti (quod præter Minutium alii etiam pri-
 scæ Ecclesiæ Doctores, cum primis Athanasius
 & Au-

& Augustinus egregiè tractarunt) probè ob- *Atbanas.*
 fervet, ac sibi perquam familiare reddat quis- *lib. ad-*
 quis in convincendis convertendisque atheis *vers.*
 divino urgente zelo spirituq; operam collocare *Gentiles.*
 velit salutarem. Nec minus ipsi perspectum *August.*
 sit quomodo D E U S ratione sui non possit esse *lib. X.*
 nisi Unus & Trinus; ratione loci nisi imensus; *confess.*
 ratione temporis nisi æternus; ratione intelli- *c. 6. &*
 gentiæ omniscius, ratione operum omni- *alibi.*
 tens, ratione actionis optimus, maximus, liber- *conf. e-*
 rimus sapientissimus. Cum primis autem circa *pist. de*
 demonstrandam atheisque inculcandam D E I *eradis.*
 unitatem totus occupetur philotheus, idque *ath. p.*
 facile evincet, si profanis illis sapius revocet *68. seqq.*
 ad animum, imperfectionis maximum argu-
 mentum fore, si divina substantia multiplica-
 retur, cum nec individuorū multitudo reperia-
 tur nisi in rebus quæ sunt corruptioni obno-
 xiæ, quæque re ipsa intereunt, & partem sui
 quandam, ut propagatio fiat, prius amittunt.
 Cum igitur communi notitiæ repugnet ut vel
 in D E U M cadat corruptio, in quem ne qui-
 dem corruptibilis generatio cadere possit; nec
 ulla re D E U S indigeat, ullaque imbecillitate
 laboret, U N U S tantummodo sit oportet, nul-
 lum habens socium essentiâ diversum. Et cum
 ipso experimento satis dilucidè constet, supre-
 mam omnem potestatem esse consortis impa-
 tientem, consentientibus in id etiam omnibus
 sapientioribus viris apud Lactantium, quorum *Lactant.*
 eâ de D E O effata circumferuntur: *lib. 1. Inst.*

UNUS qui solus DEUS est

Unus perfectò verus est unus DEUS;

Et si qui sapientes fuere qui plures posuerint DEOS, ut de Platonis & Plotino perhibetur, illi ministros solum Deorum intellexerint, quorum tamen unicus esset princeps, aliorumque author; cum insuper abunde doceat ratio, omnem legitimum ordinem aut ab uno esse, aut ad unum referri: ea propter tandem palam fateantur admirenturque necesse est illi damnificis umbrarum tenebris obnupti mortales præter sacrosancti Numinis existentiam, æternam etiam ejus & immutabilem UNITATEM. Atque ut tanto majus discrimen inter Theologos christianos & Philosophos veteres (philosophiam à fabulis & Poetis mutuant, apud Homerum, Hesiodum, & Ennium, qui Deorum suorum natales, conjugia, progenies, imperia usurpata, obitus & sepulturas prædicarunt) deprehendatur, id etiam velut consequens fide & ratione docendum erit, DEUM immortalem esse, æternum, omnique ortu & interitu carentem, *Omnis enim* (ipso Lucretio canente) *per se Divum natura necesse est, immortali ævo summa cum pace fruatur.* Neque est quod diu pie-literatus hæreat ut DEUM quoque INTELLIGENTEM ostendat, cum DEI nomine nemo non quippiam eximium seu summè excellens concipiat, & inter omnes rerum gradus emineat gradus intelligentium

gentium ; necesse igitur est , ut quantò illius substantia seu mens est omni alia purior , tantò perfectius ille intelligat , sicque cum nos multa offusi caligine , nihil sincerè perspiciamus , sed gradatim unum post aliud , varià per varias consequutiones deducendo cognoscamus , ipse intuitu simplici , nulla indigens ratiocinatione cuncta perspiciat , intelligat atque cognoscat. Præter hæc piè-literato atheomastigi laborandum est ut ostendat DEUM æque potentem ac scientem esse , adeo ut nihil uspiam reperiatur quod ejus virtuti non cedat , tanta etiam libertate præditum , ut à nullius cogatur arbitrio , nullius legem suscipiat , aut subeat potestatem. In promptu etiam sint oportet præcipua rationum momenta , quibus demonstramus DEUM res creatas omnes admirabili sua conservare , PROVIDENTIA , & unam quamque earum ad finem dirigere sibi convenientem , imò sine providentia nec Deum Deum esse posse , cunctasq; res creatas istam Dei providentiã necessariò exigere , nec puncto quidem temporis durare posse , ni à conditoris sui vi atque potentia iisdem succurratur . Postremò in omnium quantum fieri potest τῶν ἀθέων animos à Theosopho christiano inducendum est , DEUM & in se beatissimum esse , & totius beatitatis authorem , cum ipsa dictet ratio , eum non posse non beatissimum esse , qui bonorum omnium fons sit , nullaque molestia turbetur , quod ipsi etiam agnove-

re philosophi veteres, DEUM ita felicem prædicantes, ut illius felicitati nihil neque adjici, neque adimi valeat, juxta id quod etiam de diis stoicorum dictum est apud Lucretium:

*Lucreti-
us l. III.*

*Apparet divinum Numen, sedisq; quiesce
Quas neq; concutiunt venti, neq; nubila nimbis
Adspargunt, neq; nix aeri concreta pruina
Canacadeus violat. semperq; innubilus aether
Integit. & largè diffuso lumine ridet.*

*Conf. E.
pist. de
erad. a-
theis p.
112.
seqq.*

XVI. Quandoquidem verò melior longè atque sublimior THEOGNOSIA ex Verbo DEI revelato petenda sit atque haurienda, siquidem is, qui serudiori in naturali lumine ac creaturarum speculo adumbravit, idem se in sacrâ Scriptura vivis expresserit coloribus; hinc cura studioque singulari dispiciendum, qua ratione irrefragabilis illius autoritas miseris ac infelicibus atheis ita poni possit ob oculos, ut documenta Verbo DEI revelata facilius illi agnoscere avidiusque arripere possint. Ac licet inter primarias autoritatis irrefragabilis notas, atque *ἱερὰ πνευσία* criteria faciliè præcipuum sit ipsius Spiritus S. testimonium, seu vis ejus arcana, occultis aculeis fodicans corda legentium & audientium, omnique ratione potentior; ab ea tamen [ut alibi etiam monuimus,] in reductione atheorum haud quaquam faciendum initium, nec jubeantur expectare donec Spiritus S. in ipsorum cordi-
bus

bus imediatè de Scripturæ authoritate testetur; verum pressius urgenda interna cœlestis authoritatis indicia, utpote antiquitas Scripturæ infallibilis, cum nulla Religio vetustiorē Scripturam scriptoresque habeat quam Israelitica, & quæ eodem fundamento nititur Christiana, imò omnis liber quantumlibet antiquus, novus sit si cum Scripturæ antiquitate conferatur. Commendetur porrò admirabilis Scripturæ S. harmonia, & pulchra librorum omnium congruitas, quod licet non ab uno authore, nec uno eodemque tempore ac loco conscripti fuerint, sed à primo scriptore ad ultimum aliquot annorum millenarij interjecti, suavissimus tamen totius corporis concentus, & concatenata universi codicis *παραρμυνία* ubique deprehendatur. Nec minus evidentissimum SACRORUM VATICINIORUM ostendatur *Conf. E-* complementum, cum disertis semper Prophe-*pist. de* tarum Sanctorumque hominum prædictioni-*crad. a-* bus eventus exactissimè responderit, ijque de *rehef. p.* rebus longissimè absentibus & futuris tanquam 117. de præsentibus imò præteritis sæpè sint locuti, *seq.* nec unquā fefellerint. Quam maximè etiam urgenda sunt miracula quæ per Moſen & Prophetas in Veteri, Christum & Apostolos in Novo Testamento patrata, quorumque fama non ad gentiles tantum propagata, sed etiam cum illustriore gradu ad Ecclesiam essent vocandi, apud ipsos verbo annunciato, miraculorum re-

194 COMMENT. I. DE LITER. QUORUND. IMP.
spectu fides eò facilius impetrata fuerit. Urgenda deniq; in arduo cum atheis literatis conflictu Sacri codicis inter tantos satanæ furores per tot annorum millenarios conservatio, & ad nostra usque tempora propagatio, quamvis enim non semel, sed iterum iterumque Orbis & orcus junctis quasi copiis in ultimam doctrinæ hujus sanctissimæ perniciem conspiraverint, furensque dæmon in quasvis occasiones intentus, totque damnorum regno suo per Scripturam illatorum memor, partim aperta violentia, partim operta fraudulentia protinus eam evertere laboraverit, salva tamen & superstes usque quaque manserit, nec ad eam extingvendam omnium tyrannorum sævitia vel ipsæ inferorum portæ quicquam valuerint.

XVII. Quodsi verò motivis hujusmodi occupatus profani literati animus, sublimius aliquid & augustius de Sacro codice rebusq; in eo contentis cogitatione conceperit, omni curandum studio, non solum ut exin ad salutarem SS. Numinis CHRISTI QUE Salvatoris cognitionem, sed etiam CULTUM in verbo revelato præscriptum, morumque corruptissimorum emendationem & correctionem ille manu quasi ducatur. Colendus nimirum à literato ad pietatem converso est DEUS velut summus omnium pater, cujus amore universa cohærent, omnisque stat rerum in Orbe compages, colendus est [inquit Agatho] quia Pater est justissimus, fortissimus, temperantissimus,

mus, sapientissimus, colendus quia primum bonum est, primum verum & primum pulchrum, omnia avertens mala, omnia creans bona. Cane pejus & angue literato fugienda est fucata illa atque ementita religio quam ille petebat ab Apolline :

*Jane Pater clare, clarè cum dixit Apollo
Lubra movet metuens non audiri, pulchra Pers.
Laverna sat. 2.*

*Da mihi fallere, da sanctū justumq; videri,
Noctem peccatis, & fraudibus obiice nubē.*

Apage inquā nefarium ejusmodi cultum, aliū longèq; præstantioris religionis vi ad DEUM attolletur eiq; conjungetur quilibet veræ Theosophiæ candidatus, si scil. ad sinceræ solidæq; pietatis [spreta profanæ doctrinæ & vitæ vanitate] culmen ac fastigiū adspirans, seriò desideret petatq; mentem sacro horrore præditam, & animum reverentem erga sanctam DEI faciem, arcanissima cordium penetrantem, singulasque actiones, consilia, imò verba etiam cogitataque minutissima observantem, neq; deinceps existat rarus adeò parvusque (profanorum more) pietatis cultor & infrequens, studioseq; caveat ne eandem impietatis labem contrahat, quā olim insignis ille literator Joh. Sturmius fuit notatus :

- - - decemq; per annos

Sturmius in Templo bis de quaterve fuit :
Adhuc non solummodo de DEI natura cultuq;
O 2 doctè

doctè differat, sed etiam ej⁹ observet voluntatè, vitam hanc fragilè inter preces, meditationes, & lectiones sacras consumat, id omni tempore agens, quod vellet novissimè, DEUM semper ob oculos habeat vindicem, omniaq; dicta scripta & facta sua ad ejus gloriam ut primarium ultimumq; finem dirigat. Licet enim DEUM è verbo ejus revelato literati etiam atq; etiam cognoscant, inque supremo Theosophiæ studio singulares faciant progressus, ast corda sua DEO subducant, totosque sese huic Mundo devoteant, mandatis cælestibus oblitis, & eorum obedientia excussa, DEI contemptores osoresque impii vel ipso Christo judice habentur, qui eos meliores olim non ducet, quam puros putos atheos, apertosque gloriæ suæ hostes ac contemptores, usque dum scelestos suos mores studiosè correxerint. *Quemadmodum enim* [ita notanter alicubi Cyprianus] *bona opera profitentur DEUM, ita mala quodammodo loquuntur NON EST DEUS, nec est scientia in excelsis.* Quid interest utrum DEUM neget literatus, aut infamet? Infamat autem maximè DEUM, qui pudenda vitiorum colit idola, ipsoque supremo Numine spreto divinum decus ad nequitias suas transferre non dubitat. Apud veteres unica manu quæ dextera esset ad osculum admota adorabatur Numen ne falsa esset Religio, aut Numen multiplex coleretur; Nos potius DEO vèro nati sacra-

tisque

tique cuncta detestemur factitia numina, caveamusque sollicitè, ne ore solo [ut Apostolus loquitur.] DEUM profiteamur, *factis* abnegantes, & ne nuda duntaxat cognitionis præsuntione fascinati, in solò religionis nomine, solaque christianismi umbra acquiescamus, vera interim pietatis solidæ exercitia omninò negligentes. Falsò equidem literati [atq; Theologi etiam] dicuntur christiani, qui Christi vitam neutiquam imitantur, nisi fortè novo quodam nomenclatore vocetur atheus *Ein Christ/beanus ein Artist* / uti nonnemo belle est jocus. Non solùm igitur cuilibet verè consummatæque felicitatis candidato curâ singulari omnis omninò abneganda est IMPIETAS, verum danda etiam opera, ut primùm piè quidem vivat, tum sobriè, denique prudenter, pungenda & excitanda sæpius ipsi est conscientia, ut summum illud vitiorum & malorum omnium *Impietatem* scil. magis magisque excretur, soli pietati locum relinquat in animo, ejusque sincero captus amore, cunctas inanes profanasque vitilitigationes [impietatem ut plurimum generantes] omni ingenio studioque declinet. In nemine equidem literatorum fides veraque religio reperitur, nisi cujus cor Spiritus Sancti luce illuminatum ejusque virtute regnitum, DEO suo adhæreat unice, & in ipso parta felicitate fruatur.

XIIX. Gemma PIETAS est omni superior æstimatione, auro etiam non fulget, nihil tamen pro-

pterea ei decedit dignitatis, siq; vel ipso literario ornatu careat, non minoris fit à negotioso illo mercatore, qui nihilominus eam cunctis suis facultatibus duxit anteponendâ. Et quanta sit veræ sinceræque pietatis præ sciendi acumine excellentia ac dignitas vel inde apparet, quod rudes sæpè indoctiq; illuc evolarint, unde doctissimi & perspicacissimi scientiarum omnium *Luciferi* excidère. Sempiterno suo & irreparabili damno dæmon didicit sanctæ integritatis, & emunctæ subtilitatis notabile discrimen, postquam de supremæ felicitatis sede illustris ille, scientiæque omnigenæ facibus totus ardens & fulgurans angelus esset deturbatus, atque tenebrarum addictus imperio, qui stulto ambitu cœli dominium affectarat. Nec *Lucifer* solum, verum primus etiam homo ab ipso Orbis exortu expertus est; quantum detrimenti scientia solida virtuti pietatique non sociata afferre possit. Quam primum scil. primævus innocentia nitor occidit, serpentis infernalis lenociniis interemptus, splendidum illud sapientiæ cœlestis habitaculum in vile & rusticanum tentorium transit. Quid quod scientia virtute & probitate destituta nunquam fuerit stabilis & diuturna, sed brevissimam ut plurimum habuerit vitam, in ipsis vivendi exordiis suffocata? Licet quidam indocti habuerint ad literas planè factam, brevi tamen disparuère, cum vitis irrepentibus mentes atque

atque ingenia eorundem corrupta & depravata fuissent. Sæpe autem cā gloria DEUS pietatem literarum expertem decoravit, ut rudi sermone & solacismis (dicente Theodoretō) philosophantium omnium argumenta eliserit. Et cum SS. Numen CAPUT a mortaliū nemine, COR verò ab omnibus requisiverit, eo ipso innuere voluit floccipendendā esse omnem *ingeniosam* terrenamque sapientiam, ni probi cordis integritati ea fuerit sociata. Ut ut igitur indocta etiam pietas summo in pretio sit habenda, multoquē melior literato probus existat; ille tamen omne punctū tulisse videtur, qui JUNCTAM cum DOCTRINA SINCERITATEM possidere omni cura studioque laborat. Terque quaterq; FELICEM ejusmodi LITERATUM alterum quendam dixeris Baptistam, qui ARDERE simul & LUCERE desiderans, cum lucidissimis doctrinæ suæ RADIIS emittit spargitque ardentissimas etiam virtutis pietatisque solidæ FLAMMAS. *Ipsè est LUCERNA ardens & lucens; Non ait Christus* (ita præclare in rem nostram Bernardus) *lucens & ardens, sed quod ante ardebat, dein lucebat cum LUCERE solum videatur olere hypocrisin & vanitatem, verum ardere sit serm. in* *SOLIDÆ & VERÆ VIRTUTIS nota nativis. & indicium.* Hoc autem caractere illi præcæ- *Ioh. Bapt.* teris LITERATI sunt conspicui, qui de socian- *opp. Tom.* da eruditioni Pietate unice sunt solliciti, pri- *II. fol.* mum Ipsi flagrant, vivis divini Amoris flam- 102.

mis accensi, dein nobili sua lucentes doctrinâ,
opeque cœlesti efficientes, ut alii quoque dul-
cibus flammis & suavi sinceræ pietatis igne
accendantur. Ad summa quæque feliciter
aspirabunt excelsi ejusmodi Doctores, cum
non solum PENNAS (scientias scil.) ad vo-
latum extentas, verum etiam MANUS sub
pennis ACTUOSAS habeant. Hi colle-
ctum & conquistum è COELO pariter ac
TERRA favum feliciter adeò distribuent,
ut de illius MELLE pietatis vitæque cœle-
stis suavitatem haurire possint animi, de cerâ
verò LUMEN doctrinarum iisdem sugge-
ratur. Quidni par illud optime compositum,
nimirum *copulata scientia pietas* ARCA
DEI duobus ornata cherubinis posset appel-
lari? Vèrè *osculatur cœlestis sponsus* talem
animam *osculo sui* ORIS, atque genuinum
intimorum amicorum suorum, ipsiusque sem-
piternæ beatitudinis eidem imprimit characterem.

Cum enixè osculum [ut scitè Bernardus]
id est Spiritum Sanctum invocet, accipit
simul per eum quoq. SCIENTIÆ gustum,
& gratia condimentum. Et benè (pergit)
Scientia qua in osculo datur, cum amore re-
cipitur, quia amoris indicium osculum est.
Isti [Beda enunciante] sunt VERILUCIS
FILII; quin imò [ut cum Ambrosio loqua-
mur,]

Ita scitè
Bartol.
in cha-
ract. lit.
part. I.
pag. 84.

Bernard.
Sermon.
VIII. in
Cant.

Beda in
Psalms.
18. Am-
brof. in
2. eund.

mur,) *DE IPSIUS, quibus pater cælestis divinitatis suæ eructat arcanum;* sunt iidem ex Origenis iudicio lilia fragrantissima, quæ veritatis candorem DICENDO præferunt, AGENDO autem purpuram vel aurum exhibent charitatis. Et cum pius quidem, sed literis carens homo oculo veluti altero destituatur, siquidem ad DEUM *cognoscendum* magnum scientiæ præsidium conferre soleat; nihil sanè non ille videbit, atque mentis suæ acie assequetur, qui utroque virtutis doctrinæ- *Bartol.*
que solidæ oculo sit condecoratus. Neq; verò *l. c.*
gemina, aut contraria invicem objecta geminus *p. 87.*
iste oculus respiciet, sed instar unius videbit, multòq; acuti⁹ perspiciet omnia, rerumq; longissimè etiam distantium spatia accurati⁹ multò metietur. Si cognitionis solidioris lumini, FIDEI sinceræ oculus accesserit, literatus utraque luce conspicuus, planè lynceus efficitur, imò effulgebit aliquando ut Stella in perpetuas æternitates, ornabit Civitatem auream veluti inæstimabilis pretii gemma, illisque Doctoribus sociabitur, qui olim sciendi pariter ac vivendi præstantiâ admirabiles extitere, ad beatissimam tandem solisque fidelibus promissam adspirabit immortalitatem, affatimque Vitæ hujus, tot miseriarum turbinibus agitæ brevitatem compensatam reperiet, ubi è seculi

hujus tenebris atque infinitarum vanitatum
abyſſo, in admirabile cœleſtis gloriæ lumen,
optatiſſimumque ſupremæ felicitatis pa-
radium fuerit trans-
latus.



COM-



COMMENTATIO II.

DE

LITERATORUM HOMINUM FASTU

SIVE

SUPERBIA.

I.



ALTER Satanæ Angelus, à quo
ERUDITI HOMINES assiduè impu-
gnantur, & (quod apprimè dolen-
dum) frequentissimè superantur,
SPIRITUS ELATIONIS est, pu-

dendaque SUPERBIA, illa sævissima & imma-
nissima bestia, quam Hipponensis Episcopus
scitè AMOREM PROPRIÆ EXCELLEN-
TIÆ definivit, Salomon verò divino dictante
spiritu omnis peccati initium esse enunciavit,
nec initium solùm, *verum* [ut præclare Pro-
sper addidit,] *finis etiam & causa, quia nullum,*
unquam peccatum potuit, aut potest, aut poterit esse
sine SUPERBIA. Quæ sicut origo omnium est cri-
minum,

*August.
lib. II. de
Gen ad
lit.*

*Prosp. de
vita con-
templ.
lib. 3. c. 2.*

*Ifidor.
lib. II.
de Sum-
mo Bono.*

minum, ita (Ifidoro monente) *Ruina omnium virtutum*; Ipsa enim (pergit) *in peccato prima, ipsa in conflictu postrema, mentem per peccatum prima prosternit, novissimè de virtutibus dejicit, inde & omnium peccatorum est maximum, quia tam per virtutes quam per vitia humanam (præsertim eruditam) mentem exterminat. Cumq; superbiâ nihil sit imanius, hinc radicale illud literatorum hominum vitium. præ cæteris juxta ipsius quidem Bernardi monitum fuit reprehendendum: Primum [ait] vitium incre-*

Bern. To. II. Sermon. praecepit: Increpa feras arundinis, id est

18. *mentes superbas, quæ fera dicuntur quia sunt sylvestres ad DEUM, & fera id est crudeles ad proximum. Talis fera Literatus superb⁹ cû plerunq; sibi spondeat maxima, suas tamen neutiquam respiciat vires, sed vanas imò insanas sæpè cogitationes in ea intendat, quibus est impar, altissima cupiat atque conetur; mirum non est si præcipitem quo constitit, locum neutiquam advertat, sed spissam animi incurrat cæcitatem. Quî enim fieri potest ut quidpiam videat, quamvis in artib⁹ literarum-que studiis lynceos habeat oculos, qui ne UMBRAM quidem suam præ fastus & elationis caligine cernere valet. Si enim videret, non*
tan-

tantam esse adverteret, ut alii sub eâ latere, vel
 cæteros ipse præ se contemnere opus habeat.
 Usque eò enim Superbia propriæque præstan-
 tiæ æstimatio & aliorum contemptus sunt con-
 tubernales, ut nullus unquam superbus turgi-
 dusque literator sit inventus, qui non idem
 hoc cœno, turpi videlicet aliorum contemptu
 fuerit maculatus, vanaque & inani opinione
 sui [quam fatuorum adulatorum sæpè adjuvat
 magniloquentia] tantoperè sufflatus, ut nutus
 annutus, renutusque suos jus quoddam esse si-
 bi persvaserit, quo omnes obligentur; Adeò sc.
 magni & intolerabiles LITERATO SUPERBO
 sunt spiritus, iidemque tam pravi & pertinaces,
 cum tamen si intimè sese excutiat, nil nisi i-
 psam repertur⁹ sit inanitatem. *Quam multos vi-*
dras (ita appositè scriptor perquam eruditus] *Dan.*
hujus farine sapientes, tumidos, superbos, Bartol.
tanquam globos ad perfectam geometriam ex- *charact.*
actos, vix uno terram contingentes puncto, lit. p. 128.
adeò summis duntaxat pedibus eam libant
affectedata quâ carent doctrina specie planè
ridiculi, qui ubi circumspexerint quam præ-
bent sui pompam, Bucephalos putes, ephip-
piario stragulo tam gloriosè fulgurantes, ut *Petrus*
tangi nolint nisi ab Alexandro. Scitè ad- *Blesens.*
modum Petrus Blesensis; Antiquus *Serm. I.*
(ait) ille Ceraſtes duobus maximè cornibus *in Ad-*
cunctos Dom. *ventum*

*cunctos impugnare mortales solet, ELATIO-
NE ANIMI & immunditia carnis.* Vali-
dissimo equidem illo Elationis superbiæque a-
riete nunquam non Viros doctrina eruditione-
que singulari conspicuos est aggressus, summa-
que effecit tyrannide, ut libera aliàs ingenia
miserrimam subierint servitutem, nec bono-
rum solum & donorum, sed vitæ etiam, famæ,
æternæque felicitatis fecerint jacturam. Ut
igitur maximum illud ruinæ literariæ, munda-
næque fallaciæ elementum magis cognosca-
mus, cœlestique gratia adspirante eruditis o-
mnibus persvadeamus, ut omni fastu abdicato,
seriæ demissionis studio invigilent, vel impuro
illo aëre quodammodo infecti, ad meliorem
vitæ, christianæ scil. transmigrent regionem,
initio Comentationis hujus INFELICES quos-
dam, fastuq; turgidos literatos, suis pridem se-
pultos tenebris ad vitam quasi revocabimus.

II. Exitiosa illa SUPERBIÆ peste cun-
cti olim laborarunt Gentilium Philosophi,
solo ferè excepto Epicteto, qui ab omni fastu &
arrogantia alienissimus, maximæ apud omnes
existimationis & famæ extitit, & cum totius
Philosophiæ summam duobus hisce contineri
statuerit, ἀνίχθαι καὶ ἀπέχθαι. i. e. *sustine &
abstine*, quantum sincera animi demissio curæ si-
bi cordiq; fuerit, egregiè comprobavit. Alia
longè mēns cæteris fuit Gentilium Magistris,
quos fastus animique elatio ita inflavit & ex-
cœca-

cœcavit, ut nec se ipsos agnoscere, nec aliis veræ philosophiæ documenta dare potuerint, quinimò prudentiorum sapientiorumque omnium sannis expositi fuerint atque irrisioni. In hunc censum cum primis olim venit PALÆMON Grammaticus, postquam gloriatus esset secum natas esse literas, ac secum quoque morituras, publicas etiam obire vias mundique calamitatem lugere non dubitasset, eò quod post suum è vivis discessum Orbem eadem quæ prius exceptura esset ignorantia. Tumidæ huic prædictioni in tantum respondebat eventus, ut ad epitaphium mortuo scribendum nemo ullam adhibuerit LITERAM. Quo arrogantia morbo summoperè etiam laboravit Menecrates Medicus, amplissimam sibimetipsi statuam sive imaginem poni curans, nec aliam ab ægris mercedem requirens, quam ut servos se Menecratis confiterentur, & JOVEM Menecratem adorarent. Sic Cajus Nævius Comædiographus non solum magnificè ubique ingenii sui monumenta prædicavit, verum tale sepulchro suo inscribi jussit epitaphium: *Immortales si flere fas foret, flerent Dive Camœna Nevium Poëtam, qui postquam orci traditus est thesauro, oblii sunt Romæ Latina loqui lingua.* Meritissimo equidem jure factum tam execrabilem communis excepit derisio, commune opprobrium. Eodem elationis spiritu turgidus Agathocles peripateticus arroganter jactavit sese & solum & poph.

*Ælian.
lib. XII.
de var.
hister.*

primum

Plut. in
Cicer.

primum esse omnium Dialecticorum ; Q. Ennius, qui Homeri animam sibi obtigisse enunciat, ipseque M. Tullius Cicero, *quem, Plutarcho teste, immensa gloria cupiditas perpetuò tenuit, quâ plurima ejus facta praeclara, consiliaq; egregia frequenter sint interpellata.* Cum idem Romæ adolescentes plurimos eosque nobiles, quod se contra disciplinam militarem gessissent, accusatos defendisset ; *claudius* inde, è Siciliâ Romam contendens, in Campania incidit in quendam ex primoribus, ex quo cum quævisset, quid de rebus suis gestis cives Romani sentirent ? illeque nihil de iis sibi constare respondisset, mox animo concidit, eo quod mentio sui in Urbem tanquam in vastum pelagus delapsa, nihilo se ad gloriam reddidisset conspectiorem. Incertum est utrum Heracliti lacrymis an Democriti risu vulgi que fannis dignior fuerit Alexarchus ille sui opinionione Grammaticorum alpha, qui suam cœlum arbitrabatur scholam, auditorium stellas, præceptiones suas lucem ; nomina, verba, pronomina, signa zodiaci totidem ; se verò SOLEM ipsum, quo & dici volebat nomine, & pingi schemate, nec vacabat apud illum culpâ qui fixos in eum mitteret oculos, nec ejus perstringi videretur splendore. Hunc certè Tiberius Mundi cymbalum convenientius nominasset, quam Appionem & ipsum Grammaticum, sui que admiratione ita tumidum, ut sensu planè

vacuus

vacuus evaserit. De Calliphane poëta memorat Athenæus, cum carminum & orationum diversarum initia ad tres tantum aut quatuor versus & conscripssisse, & fastu singulari pronunciasse, quo ab imperitioribus multiscius & eruditus videretur. Ac licet Empedocles non fictæ sed veræ doctrinæ, summæque eruditionis laude conspicuus fuerit, fastus tamen & arrogantæ morbo tantoperè laboravit, ut penè pro Numine se coli voluerit, imò Ætnam insilierit, atque medios sese conjecerit in ignes, ut in numerum Deorum translatus videretur. Quemadmodum & Themison Cyprius Hercules dici volebat, eoque nomine sibi rem divinam fieri patiebatur.

*Athen.
Diosf.
lib. I.*

*Fulgos.
lib. 8.*

c. 15.

*Cal.
Rhod.
lib. XI.*

*Ant.
Leit. 6.
16.*

III. Sed exemplorum ex gentili Orbe al-
latorum sit satis, ne prolixitas fastidium gignat,
tristes potius quorundam Christianorum &
pestilenti superbix fidere afflatorum Doctorum
casus, horrendasque turgidorum Literatorum
& Clericorum tragœdias intuebimur, in ipso
Ecclesiæ doctiq; Orbis proscenio peractas; Lu-
mina quædam eruditionis fulgentissima obser-
vabimus, quæ superbia fastuque procurante de
cœlo lapsa, inque fatuos ignes sunt transmuta-
ta, postquam sc. novorum dogmatum, hæresum
abominandarum, aliorumq; errorū sive autho-
res sive fautores singulares extitere. Triste ruinæ
hujusmodi documentum post Simonem illum
Magum dedit Marcion hæresiarcha, qui [teste

quam Christi gloriam quarere studens, neque ingenuum illum & fructuosum dicendi characterem imitatus, qui hominum animos pascere posset; sed ad popularem auram declinando, & vanum populi applausum aucupando, instabile & abjectum vulgus ad sui desiderium concitavit; imò Socrate addente SE IPSUM OMNIBUS ANTECELLERE existimans, ex fulgentissimo fidere in fatuum ignem est transmutatus, inque pudendam illam erupit hæresin, quâ Mariam vocari vetuit DEIPARAM. Innumeros per omnia secula commemorare possemus doctrinæ christianæ professores, qui singularibus quidem dotibus instructi, ast abominabili illa peste tantoperè fuere corrupti, ut semper ad altiora aspirantes, sibi & aliis temporalia æque ac sempiterna exitia, Ecclesiæ verò gravissima scandala attraxerint. Licet summus ævo suo Philosophus acerrimusque disputator fuerit PETRUS ABÆLARDUS; Superbia tamen ejus fastusque animi immodicus, (quo altiora se semper scrutari, Arianique Nestorii Pelagii & aliorum damnatos errores defendere, ipsumque D. Bernardum inanis philosophiæ captionibus supplantare cogitaverat.) effecit, ut tantum non omnium odio expositus fuerit atque execrationi. Nec ipse quidem in calamitatis suæ historiâ ad amicorum quendam conscripta dif-

Theodor.
epist. ad
Sporad.

fiteri potuit, inde gravio^{rem} se sustinuisse quorun-
 dam indignationem, indeq[ue] [quæ ipsiusmet * A-
 baclardi verba sunt] calamitatum suarum exor-
 dia cæpisse, quod supra vires ætatis de IN-
 GENIO SVO PRÆSUMENS ad schola-
 rum regimen aspiraverit. Et quoniam (no-
 tanter addit) prosperitas stultos (litera-
 tos) semper INFLAT, & mundana tran-
 quillitas vigorem enervat animi, & per car-
 nales illecebras facile resolvit : Cum jam-
 ME SOLUM IN MUNDO SUPERES-
 SE PHILOSOPHUM astimarem, nec ullam
 ulterius inquietationem formidarem, fræna
 libidini cæpi laxare, qui antea vix æram con-
 tinentissimè - Cum igitur totus in SUPER-
 BIA atq[ue] luxuria laborarem, utriusq[ue] morbi
 remedium divina mihi gratia, licet nolenti,
 contulit, ac primo luxuria, dein superbia,
 luxuria quidem, his me privando quibus ex-
 ercebam, SUPERBIAE verò, qua mihi ex
 literarum maximè scientia nascebatur, juxta
 illud Apostoli, SCIENTIA INFLAT, illius
 libri quo maximè gloriabar combustionem me
 humiliando. Etenim quamprimum ejus de u-
 nitate

* Petrus Abaelardus, Epist. I. quæ histor. est
 calam. ejus. extatq[ue] initio opp. Paris. curâ
 Fr. Ambæsis editor, 1616.

nitate & Trinitate divina tractatum, humanis
 & philosophicis rationibus refertum vidissent
 legissentque adversarii, crebris suggestionibus
 Remensem Archiepiscopum commoverunt, ut
 quevdam sub nomine Concili celebraret con-
 ventum, ipsumque compellerent ut propria
 manu librum memoratum in ignem projiceret,
 quo facto IPSE [ut disertè ait] SUPERBIS-
 SIMUS, *nec accepta gratia memor, de subli-
 mitatis sua fastigio fuit dejectus, atq; divi-
 na pietati tandem vindicatus.* Itaque
 tristi suo Abaelerdu exemplo docuit quanti
 ponderis sit gravissima illa D. Augustini sen- *Augusti-*
 tentia, *quod scilicet acutissima & excellen-* *nus epist.*
tissima ingenia tanto in majores ut plurimum *LII.*
errores iverint, quanto praesidentius, (super-
bia fastuq; urgente) tanquam suis viribus
cucurrerunt. Magno suo periculo id ipsum ævo
 superiori didicit Hieronymus Cardanus; Is
 postquam satis temerè alicubi negasset se quic- *Cardan.*
 quam ab aliis inventum sibi adscribere, cum *lib. VII.*
 sufficiant sibi propria, atque de iis conquestus *de rer.*
 fuisset, qui suppresso nomine inventa ipsius sibi *variet.*
 vindicarent, omnes eos AMENTES vocavit, qui *c. 33.*
 nescirent inventa Cardani talia esse, ut A NUL-
 LO INVENIRI potuerint, qui non jam fama egre-
 gia esset cognitus. Hinc jure meritoq; Super-
 biam Cardani & ingenium nominis auctorita-
 tisq; desiderio flagrans perstrinxit Gabr. Nau-
 daus,

*Gabr.
Naud. in
Judicio
de Car-
dano, seu
praf. li-
bro ejus
de vitâ
propriâ
prafixâ.*

daus, in judicio quod libro Cardani de vita propria præmissum est; *Huc tandem* (ait ille) *redeo ut Cardanum ex intemperie quadam animi nusquam æqualis & compositi, absurda multa fecisse, & minime sibi in omnibus consentaneum loquutum fuisse concludam.* Scitum est enim melancholicos omnes, cujusmodi eum fuisse in dubio apud me non est, *SUPERBOS ESSE*, nimirum quæ sibi blandientes, & elatos, quia melancholia cum halituosa sit, flatus illi ventosa faciunt ingenia, & magnarum rerum, ut nominis, honorum, auctoritatis, desiderio flagrantia, &c. Neque verò præter rem hæc de Cardano Naudæum scripsisse argumento est, quod ipse in nono de vita propria capite fassus sit, sese frequentem de nomine perpetuando habuisse cogitationem. *Perpetuandi nominis* (scribit ibi) *rationem & votum tam citò inii, quam serò spectare potui.* - - *Verum revocatus ratione ab hujusmodi desiderio, ut nihil inanius eâ spe, nedum voto solo animadverterem.* Utinam à pestilenti illo desiderio omnes pariter revocati fuissent literati, ut nihil inanius eâ spe votoque esse animadvertissent! Utinam nostræ pariter ac superiorum ætatum homines quidam literati turgidorum antecessorum suorum periculis & casibus edocti rectius sapuissent, & dili-

gen-

gentius perniciosam illam principis tenebrarum evitassent catapultam, ne semetipsos, urgente elationis pudendæ spiritu exaltantes, amplissimamque de se foventes opinionem, turpiter à supremæ felicitatis, honorisque sempiterni fastigio decidissent.

IV. Prodeant è cineribus suis Literati plures, malorumque suorum (quæ fastu procurante incurrerunt) nobis, fide dignis usi interpretibus, Iliadem commemorent. Agmen ducat miser ille Simon Thurvajus Anglus, qui cum dialecticus esset acutissimus, & liberalium artium in Academia Parisiensi magni nominis Professor, ast scientiâ quæ inflat plenior quam eâ quæ ædificat, temereque in scholis jactitare non esset veritus, se totam Christi legem scire, sed improbando annihilare posse universam; ita oblivione subita fuit percussus, ut elementorum literariorum planè ignarus, ne quidem orationem Dominicam amplius pronunciare potuerit. Consimilem planè calamitatem olim quidam subiit cui nomen Colmanela, homo doctrinæ suæ scientiæque profunditate ita inflatus, ut summa quæque sibi de ingenio suo sit pollicitus; subito enim omnem scientiam, ac si nihil unquam didicisset perdidit, spissæque ignorantiae tenebris fuit involutus. Neque ignorantiae solum, verum sempiterni exitii tenebras ob ingentem animi sui fastum (ut quidam memorant) incurrit subiitque famosus ille Do-

*Marti-
nus Del-
rio dis-
quis.
Magic.
l. 6. c. 2.
Sect. 3.*

*Josephus
Acoſta
lib. II.
de tem-
por. no-
viſ. c. II.*

ctor Pariſienſis, qui ex ipſo feretro accuſatum ſe ; judicatum atq; damnatum multis audien-
tibus eſt profeſſus. Memorat ex Antonio Sen.
Martinus Delrio in magicis ſuis diſquiſitioni-
b⁹ circa annum Domini 1370. Neapoli in quo-
dam Cœnobio non paucos comparuiſſe reli-
gioſos, qui uno ore ſint profeſſi ſe ordinis
cujusdam famigeratiſſimi quondam Doctores
fuiſſe, Baccalaureos & Lectores, aſt ob puden-
dam anim ſui elationem atque ſuperbiam ſem-
piternis flammis eſſe mancipatos, quo dicto di-
ductis tunicis ardere viſi, oculis vivorum ſint
ſubducti. Atq; ut evidentiora miſeriæ hujus ſu-
perbis paratæ literatis documenta producam⁹,
memorabilem recenſebimus cujuſdā elati tur-
gidiq; Theologi tragœdiâ quam Joſeph⁹ Acoſta
in ſuo de noviffimis temporib⁹ opere, proli-
xiori ſtylo eſt proſecutus; Vixiſſe eum ſcribit
in ampliſſimo regno Peruenſi, ejusque
penè unicum oraculum habitum fuiſſe,
faſtu verò impellente tandem eò fuiſſe
adactum, ut de ſummis Theologiæ quæ-
ſtionibus feminam à diabolo correptam
conſulere non dubitaverit, miracula
deinceps patrare tentaverit, Angelumque
ſibi divinitus datum jaçtitaverit, cujuſ
ope omnia quæ veller diſceret, imo ad
DEI ipſius familiaritatem, & immédia-
tum

tum colloquium pertingeret. Neque hæc solum superbissimum & insaniissimum illum hominem pertinacissimè asseruisse, verum (satanæ suggerente angelo) enunciaſſe, concessam sibi sanctitatem super omnes angelos & choros cœlestes, cunctosque apostolos, quin etiam (stupeſce qui legis !) oblatam sibi à DEO unionem hypostaticam, sed ab ipso non admissam; datum quoque se redemptorem orbis quoad efficaciam (uti quidem loquebatur stultus,) cò quod Christus solum quoad sufficientiam fuisset. Quinimò illum ad tribunal Ecclesiasticorum vocatū, ea libertate & facundia perditissimam suam causam defendisse, ut omnibus fuerit stupori, horrendumque dederit documentum, quo mentem eruditam adigere posset pestis illa ingeniorum superbia scelestissima, quam ne imminens quidem ignis supplicium minuere potuisset, *cum enim* (ait Acoſta) *ad publicum spectaculum esset deductus, igne ob horrendas blasphemias consumendus, semper in cælum intuebatur, ignem in Judices grassaturum cœlitus expectans, uti quidem ipsi pollicitus*

erat diabolus ; atque ignis quidem nos nullus ex alto corripuit, illum verò redemptorem & novum legislatorem flamma ex immo rapuit atque redegit in cineres. Neque verò hunc solum nequissimum diaboli apostolum, atque superbix detestandæ publicum in Peruensî regno professorem, verum etiam alios quoque eò INSANIÆ devenisse, ut Christo sese pariter ac Mosi palam præposuerint, tragica Davidis Georgii, Henrici cujusdam Nicolai, (qui circa annum 1556. ejusmodi paradoxa Amstelodami disseminavit,) & aliorum fanaticorum exempla, patrum cum primis nostrorum ætate docuerunt. Humanum planè supergressum modum fuit Alphonsi X Castellæ Regis superba mens, & plusquam divina sui confisio, quam horrida tandem confusio excepit. Profitebatur ipse astronomum, ut quædam hinc tabulæ astronomicæ illius nomine dicantur Alphonsinæ. Quâ tamen in arte nec tantus nec tam potens erat, ut ejus humeris Cœlum Atlas auderet credere, absque periculo ruinæ, attamen cerebro suo tantum arrogabat, ut dictitaret si DEO adstitisset cœlum componenti, & suas stellis scribenti periodos, meliori consilio docturum fuisse, quo pacto illum suum laborem ordinatius digereret, & proportionibus mutuis convenientius aptaret. Non potuit non offensum cœlum in eum [qui os suum adversus altissimum posuerat] arcere fulmi-

fulmina, detraxitque DEUS homini coronam de capite, ut ex frontis venâ tanquam stulto sanando sanguis mitteretur. Domo enim pulsus ipsomet à filio & exul in terra aliena vivere desit. Quo ipso Alphonsi ævo etiam vixere hominum literatorum alii fastu animique pudendâ elatione ita excœcati, ut non verbis solùm, sed factis etiam turpissimis ostenderint, quantas sæpe lolium hoc pestilentissimum radices in mentibus eruditorum agere, quantoque contemptui Viros doctrinâ aliàs incomparabili conspicuos exponere queat. Paucissimi novissimis hisce temporibus in doctorum hominum inventi sunt cœtu, qui eandem cum Adriano Turnebo demissionis laudem reportarint. Is [ut Sammarthan⁹ ait] licet totius Gal- *Sam-*
liæ doctissimus fuerit, ad quem audiendum ab *marth.*
ultimis orbis partibus frequentissimi concur- *Elog.*
sus instituti, attamen incredibili adeò modestia *l. b. ii. p.*
conspicius extitit, ut semper vultum virginali *46.*
pudore demissum gesserit, eoque ipso tanto magis singulos in sui rapuerit admirationem. Alium longe animum inflati illi turgidique literatores induerunt, qui fastus elationisque labe toti corrupti, tandem calamitates gravissimas & fulminantes miseriâs aspexere. Cum famosus ille Italus atque doctissimi Sigonii æmulus Franciscus Robortellus (scribente, Johanne Imperiali) INGENITOS FASTUS *Jo. Im-*
deponere neutiquam voluisset, ad hæc alacer *perial. in*
lite-

Musæo
Histor.
fol. 61.
62.

Antonini
Riccob.
Lib. II. de
Gymnas.
Pat. c. 46.
p. 52.

Jo. Im-
per. l. c.
p. 156.

literariæ inhiasset contentioni, tandem graves adeò elationis suæ pœnas dedit, ut Caroli quinti imp. laudes funebri oratione persecuturus, in ipso dicendi exordio collapsus fuerit animo, sensibusque ita turbatus, ut coactam orationis segetem expandere haud amplius potuerit, sed perægris audientium nictubus, obscurisque omnium sermonibus fuerit exceptus. Paremque cum decessore hoc suo Robortello casum subiit doctissimus quidem, ast instantis scientiæ cœno æque conspersus Joh. Faselus Patavinus, utpotè qui [teste Antonio Riccobono] in primis orationis prolusoriæ verbis defecit, ut sine orationis recitatione de cathedra descendere necesse habuerit, præsentibus Præsilibus, Rectore, magnoque auditorum concursu, cum turgidus orator verba protulisset sequentia: *Placuit Serenissimo Venetiarum Principi, placuit excellentissimo Senatui, placuit illustrissimis Gymnasii moderatoribus*; statim obmutuit, ita ut à jocosis juvenibus in multis scholarum locis sit perscriptum: *Per verbum PLACUIT, Faselus DISPLICUIT*: Displicuit non eo quidem, sed immensi poti⁹ fastus nomine plurimis ævi sui hominibus literatis Johannes Baptista Marinus, qui multorum inde sibi intestina undique conflavit odia, plurimaque subiit & rerum & vitæ discrimina, cum sui adeò amans, jacta-

jaſtabundus, procaxq; in cæteros fuerit, ut unā-
quamque ſcriptionis poeticæ formulam, vel
ſelectiorem paulò ſententiam aliorum prognatam ſtudio, ſibi tanquam Caballini fontis vindici protervius arrogare, ac pro novo quodam Muſarum parente geniique datore ſeſe venditare non dubitaverit.

V. Ejusdem farinae inflatos turgidosque literatos plurimos in Pinacotheca ſua Janus Nicius Erythræus atro notavit carbone, vari-
asq; Doctorum ſuperborum ideas Orbis conſpectui expoſuit. Illos inter Johannes qui-

dam Ciampolus Florentinus, qui (teſte Nicio) omnia ſcientiarum ac diſci-
plinarum genera in ſua ſupelleſtili numerarit, philoſophiæ ac poëticiæ fa-
cultatis Dominus ac magiſter ſupremus
haberi voluerit, nec affirmare dubitave-
rit multa in philoſophia ſe reperiffe Ari-
ſtoteli ipſi incognita, doctrinam ac me-

thodum ejus veluti hominis ignariſſimi
prorſus rejecerit, in verſibus autem faci-
endis tantum ſibi tribuerit, ut omnes qui
ante ipſum ſcripſiſſent, tum Etruſco tum
latino ſermone rudes & agreſtes vocarit,
omniq; verborum ac ſententiarum ro-
bore deſtitutos. Virgilium verò ac Fran-
ciſcum Petrarcham eo nomine felices

Thraſo

Jan Nicius
Erythræus
Pinacoth.
Vir. illu-
ſtrium p.
II. num.
XIX. p.
63.

Thraſo ille appellavit, quod tot ſeculis principes poëtarum habiti eſſent, cum nihil in eis niſi humile & vulgare inveniretur, nec comparandi quidem eſſent ad eos, qui ſua ætate flourerent, puta ſe paucosque alios priſcis illis longè eſſe anteponendos. Quo ipſo etiam inſanæ mentis æſtu eodem Erythræo memorante ita abreptus fuit Antonius Maraffa, ut optimè cum iis actum eſſe judicaret, quibus ſive natura, ſive error eam mentem injeceſſet, ut ſe in aliquâ arte eſſe OMNIUM PRIMOS exiſtiment, licet digni non ſint qui in poſtremis numerentur, nam iis ſolis benè eſſe, & quanquam aliis deridiculo ſint, ipſos SIBI plaudere. & ex eo quod didicerint, cum ad id quod eſt in eo ſummum atque perfectum perveniſſe ſe credant, voluptate omnium maxima perfundi; cumque cognati ejus amicique curâ ſingulari iſtum morbum expellere ſtudiſſent, graviter illos incuſavit, quod ſummam ſibi voluptatem extorquere, & gratiſſimum mentis eripere vellent errorem. In pariter abſurda dicta tractus fuit Johannes Franciſcus Carretonius qui multis audientibus ſæpè gloriatus eſt, perfectu-

*Idem E.
rythr.
Pina-
coth. f. II,
n. 45.
p. 145.*

*Idem E.
rythr. d.
l. part.
L. n. 93.*

fecturum se, ut omnes intelligerent, neminem eorum qui viverent majorem quam ipsum eloquentiæ cæterarumque virtutum instructu, apparatuque ornatum, ad scribendam historiam accessisse, *sed tam magnificum dictum* (scribit Nicius) *utpote plenum vanitatis ac spiritus tennes abiit in auras, nec adhuc annalia, quæ nemo unquam est inspecturus apparent.* Alexandrum

Tassonum etiam tam elato turgidoque ingenio fuisse idem perhibuit, ut Virorum *Idem l. c. n. 110. p. 185.*

poeticæ facultatis laude clarorum opera ad suæ censuræ rationem normamque redigere non dubitaverit. Talem in super elatæ vanitatis utrem quendam Dichæum nostro ævo vixisse ex ejusdem scriptoris in-

dicio constat, qui nihil non omiserit, quod *Id l. c. n. 122. p. 117.*

à superbi hominis moribus esset alienum, sive ad lævam sive ad dextram se flecteret,

sive sursum, sive deorsum moveret, sive aliquo accederet sive inde recederet, semper sui similem fuisse inventum. Sed &

ipsum Trajanum Boccalinum istâ Superbia culpâ nequitiam caruisse hominem- *Id. num. 149. p. 271.*

que revera inflatum ac tumidum extitisse, qui plus aliquanto sibi tribuerit quam veritas

tas & ratio concesserit, Nicius collegit ex eo, quod gloriatus sit novam à se viam repertam, quam philosophiæ cupidi sequantur, non salebrosam, & sentibus obsitam, sed placidam voluptuosam, amœnam, floribus herbisque depictam, vel potius SE philosophicarum rerum acorem insuavem ac molestum, lepidis ac prædulcibus inventis tanquam saccaro condiisse, ac bolum conflasse dulcem simul acidumq; qui satietati fastidioque medeatur, gustatuique præter modum jucundus, impura & immunda secernat & depellat, quâ tamen novâ philosophiæ methodo sepositâ spretaque, Bocalinus novam in Parnassi vertice civitatem duxerit instituendam, cui præesset Apollo, apud quem tum literati omnes de suo jure inter se contenderent, tum principum privatorumque astra examinarentur. Et cum librum scripsisset, cui lydiæ lapidis nomen indiderat, quoque ostendere conaretur, Regis tum omnium maximi ac potentissimi opes ac vires non ita magnas esse ut hominum ferret opinio, sed facile deleri posse, si quis alius Rex ad eas infringendas labefactan-

Conf.
Erythr.
pinacoth.
III. n.
59. p.
223.

factandasque accederet; die quodam Venetiis ubi se maximè tutum fore speraverit, ab aliquot militibus circumventum, sacculisque plenis arenâ ita contusum, commitigatumque fuisse, ut ex ea verberatione supremum obierit diem, nec ipsum Apollinem (cui summum rerum omnium arbitrium tribuebat,) ab eo infortunio incolumem illum præstare, nec perficere potuisse, quin styli aculeati pariter ac superbiæ ingentis graves adeò horrendasque pœnas dedisset. Quas si non

hac, tamen alia ratione incurrit Angelus

Angelotius, tanto quondam pollutus fa-

stu, ut pro omnium sapientissimo, communique Magistro ac Domino voluerit, haberi, cæterum ita loquax, ut iis, quibuscum una esset, nullam sermonis partem duxerit relinquendam, quâ ipsâ de causa (sæpè laudato Jano teste) communi omnium odio atque indignationi fuerit expositus. Agmen notatorum ab illo li-

teratorum turgidorum claudat Raphael

Menicuccius, qui fastu immodico urgente,

in extremam adeo mentis insaniam incidit, ut crebris jactare sermonibus solitus

fuerit,

fuerit, nominis sui famam iisdem quibus terra definitur cæli regionibus contineri; nullam esse toto Orbe terrarum gentem, siue humanitate ac literis præditam, siue morum feritate immanem, siue lingvæ nobiscum societate conjunctam, siue ejusdem à nobis varietate dissidentem, quæ esset expers EJUS NOTITIÆ, nullum esse in terris locum, siue propinquum siue remotum, siue celebrem siue solum, quo NOMINIS SUI FAMA non permanasset; nullum esse Regem, nullum Imperatorem, nullum Dynastam, qui incredibili sui videndi cognoscendique cupiditate non flagraret, & Idalianem nescio quem in primis nominabat, quem Regem Maurorum ajebat esse longè potentissimum ipsius amore mirificè captum, sed neminem frequentius in ore habebat, quam Magnum Mogorem, quo nullus esset in toto Japone clarior; iis adjungebat Sinarum Imperatorem aliosque plurimos, qui nominis sui fama permoti certos ad se mitterent homines, qui suis ipsi verbis salutem plurimam dicerent, munera traderent, atque ipsos quoque ad se venturos fuisse,

fuisse, neque itineris longitudinem pericula & incommoda recusaturos, si per bella licuisset. Et ne splendido aliquo titulo ea stultitia careret, spretis ac repudiatis cæteris hominum literatorum appellationibus, Comitris cognomen accepit, seq; ab omnibus Comitem Menicuccium appellari voluit, cum omnibus habens gravissimam de loco honoratiori contentionem, postulans scil. ob tam insignem gloriam apud externos partem anteferri præponiq; omnibus. Advenienti sibi omnes assurgere, deque via cedere jussit, ingredienti ad lævam incedere, multa que adeò inepta adeò ridicula ex insano illo patravimus tumore, ut communi tandem omnium contemptui, communi opprobrio fuerit expositus, fumo tandem miserè excruciatu, cum in loco quodam editiore prandium capere statuisset. Verum longè clariora Cæli Literarii sidera nostra etiam ætate fumoso illo fastu ita fuere obfuscata, ut gravissimam apud prudentiores melioresque meritò incurrerint reprehensionem. *Sic Nobilem illum Claudium S. Virum in omni literarum genere eminentissimum, ac sine con-*

*Octav. Ferrari-
us in li-
teris ad
Lector.
quas po-
steriori
librorum
de Re
Vest. par-
ti præfi-
xit.*

*troverſia hujus avi ſummum fuiſſe Octa-
vianus Ferrarius judicavit, ſed qui qua-
ſita meritis SUPERBIA immodicus ſui
aſtimator extiterit, aliorum contemptor,
omnisq; ſententia, cujus ipſe author non eſ-
ſet, inimicus.* * Richardum etiam Montacu-
tium Anglorum doctiſſimum NON SINE FASTU
contra

* In Cimeliis literariis P. Colomeſii
pag. 99. leguntur ſequentia :
M. Voſſius m'adit, que Meſſieurs Gaul-
min, Saumaſe & Mauſſac ſe recon-
trans un jour à la Bibliothèque Roya-
le; le premier dit aux deux autres, le
penſe que nous pourrions bien tous
trois tenir teſte à tous les ſçavans de l'
Europe. A quoy M. de Saumaſe ré-
pondit, loignez à tout ce qu'il y a de ſa-
vans au monde, & vous & M. de Maus-
ſac, je vous tiendray teſte moy ſeul.

H. c. Voſſius mihi narravit, quum quodam
die in Bibliothecâ Regiâ Gaultmyn. Salm.
& Mauſſacius ſibi invicem occuſſiſſent,
horum priorem ad reliquos duos dixiſſe,
puto nos tres omnibus qui in Europa vi-
vunt Erudiſſis paria facturos; cui Salm.
repoſuit, vos duo jungite vobis quicquid
in univerſo Orbe terrarum Eruditorum
reperitur, & ego non dubito me ſolum op-
ponere omnibus.

contra Bulengerum Baronii defensores in arenam descendisse quidam sunt conqueſti, cumque doctrinæ laudes impotentis animi fervore decoxiſſe judicarunt; *Hypercriticum illum* Confero
(ſcribit nonemo) ferme ſe probaſſe nemini, Tribbeck.
ipſisq; popularibus ſuis bilem moviſſe, eo proleg.
quod mox perſtringere mox defendere Caſan. ad exer.
bonum, *Baronium pari modo nunc in aſtra* cit.
laudibus evehere, nunc projecta vilioſam al. Anti-
ga conculcare non dubitaverit. Baron. Hunc etiam
in cenſum quidam putant eſſe referendū Mo-
ſen Amyraldū quem tanti honoris ſuum feciſſe
Gvil. Rivetus prodidit, ut cum à pio aliquo pa- Guil. Ri-
ſtore admoneretur, ut in poſterum à turgidis vetus e-
contentioſisq; ſuis diſſertationibus abſtine- piſt. A-
ret, ſubinde repetierit. *Quid ergo de meo ho-* p. l. p.
nore fiet? Imò præter Rivetum alii profeſſio- 117.
nis ejusdem ſocii ægrè tulerunt, quod DEO
& ſcriptoribus Sacris tot ſua affinxerint verba,
ſuiſque loquendi formulis propriis, potius in-
genii commenta, quam illuſtrata Sanctorum
Apoſtolorum Theopneuſtorumque hominum
monumenta dederit, ſicq; non levem faſtus cu-
jusdam ſuperbiæque latentis fecerit indicinam.
Deniq; & Joh. Cameron. in eodem luto hæſiſſe
documento eſt, quod laud. Riveto teſte in ſui
amatores & admiratores (qui pronis auribus
dicta ejus excepiſſent) ſe totum infudiſſet, per-
ſuaſumque feciſſet ſtudioſis, haud rectè hacte-

us Theologiam tractatam, ut verò ejus veram haberent medullam, SE EFFECTURUM, ostensurumque ea quæ alii Doctores videre nequissent. Nulli dubitamus literatos quosdam etiamnum reperiri, fastu arrogantiaque imensâ suppres memoratis huc usq; gentiliū pariter ac christianorum pseudo-magistris, quinimò ipso Alexarcho & Palæmone [quorum supra mentio facta] turgidiores, qui velint ut montes reliqui sibi cedant velut Olympo. SOLI scil. ipsi (ad Alexarchi exemplum) Mundi SOLES volunt haberi, illuminandis obscuris nati, & obtenebrandis sua nimia luce splendidis. Flores hujusmodi homines se esse putant omnium tempestatum, nunquam marcescentes. Quorum imaginem qui volet, fumum pingat ingentem, qui quanto se altius ad nubes tollit, tanto inflatur tumidius, & magis se voluminibus diffundit, picturam porro hoc animet lemmate: *Quanto grandior, tanto vanior.* Scipis enim magis pleni dicam an vacui, nunquam minus fideles agent felicesque aliorum instructores, quam dum nimii rerum suarum æstimatores existunt. Tunc potius laudabuntur colenturque ab omnibus, si nihil se posside-

L. Vives de causis corruptarum re fateantur, cuncta animi sui dona bonaque DEO soli ferant accepta, caneque pejus & angue omnem animi fugiant ELATIONEM.

art. 4. 1. VI. Non abs re Ludovicus Vives fastum literatorum sive perniciosum illum animorum

eruditorum tumorem esse statuit palmariam corruptarum artium & disciplinarum causam; *Dum scilicet Philosophi* [ut notanter illi scribit.] *cupidine proferendi nominis nihil veriti sunt absona commentari, & à receptis opinionibus longissimè recedere.* Unde & in historia tot mendacia, quum arbitrarentur occupata esse à prioribus vera, & sibi scribendi materiam praeceptam, seque nullo in pretio futuros si eadem recenserent cognita jam & pervulgata. Ita quo magis legerentur & placerent, & admirabiliore forent in vulgus, fortiter sunt de Aegyptiis, de Assyriis, de Persis, de Gracis, de omnibus nationibus mentiti. Et cum idem morbus olim mirificè Græcorum vexarit ingenia, ut quidam videri voluerint nihil omninò ignorasse, [ut Gorgias, Protagoras, Hippias, Prodichus, Eutydemus, Dionysodorus & alii,] atque cujuscunque quæstionis extemporaneam solutionem promittere non dubitarint; nemini mirum videbitur, quod vitio turgidorum ejusmodi inflatorumque literatorum optima tum loquendi tum scribendi commentandique ratio sit enecata. Utinam verò (addit laudatus Vives) *Idem l. intra Gracia fines vitium hoc constitisset, all. opp. & non ALIAS quoq; invasisset NATIO.* fol. 331.
NES ! Cata est ARROGANTIA

(*literatorum*) & quocunque intendit per confidentiam atque impudentiam temerè grassatur. In *SUPERBIA* hâc alii magna illa & admirabilia tenere ipsi sibi persuadent, vel prava natura vitio, vel quod quum id vident esse spectatoribus persuasum, ipsi iudicio illorum de se acquiescunt. Alii non tam scire se arbitrantur, (neque enim se norunt) quam id aliis creditum esse, ac certam cupiunt. Priores incredibili se progressu in disciplinis fraudant, quum contendere superscedent, quo se jam pervenisse arbitrantur; de quibus gravissimè Seneca : Puto inquit multos ad sapientiam potuisse pervenire, nisi se jam crederent pervenisse : Posteriores quacunque via & ratione queunt ostentare opes suas, augere in majus ac melius fucum denique oculis intuentium facere laborant, nihil tacito conscientia testimonio tribuere. Quae ipsi sciunt. [en expressestissimam *literatorum* superborum imaginem!] *OMNIUM PRIMA* & potissima volunt credi. Quae alii, infima, saepe etiam evitanda, atque averfanda. Nullus est cujusquam artis adeò mediocris aut humilis quoque ac vilis professor, qui si sit *SUPERBUS*, non illam aut precipuam

omnium

omnium censeat, aut non certè existimari petat, ac contendat, illudque ad eò moribus est receptum, ut efferre quemq; artem suam & laudibus cælo æquare, etiam aliis omnibus antepondere, licere, ac pium esse arbitrentur.

GRAMMATICUS se unum putat sapere, desipere reliquos; **PHILOSOPHUS** reliquos miseratur ut pecudes; **JURISCONSULTUS** alios omnes deridet; **THEOLOGUS** despicit, non quod se cæteras artes ignorare dicant, aut præ se ferant, imò nihil cunctantur confirmare, sua illa una disciplina reliquas universas præstantius claudi ac contineri, quam in libris eorum qui de illis nominatim tradiderunt.

L. Crassus apud **Ciceronem** omne disciplinarum atque artium genus cognitione juris contineri asseverat, & quidem si **DII** placet libello XII. tabularum. Hoc idem nostri **Jurisconsulti** habent persuasissimum. **Grammaticus** totam philosophiam quam latè se diffundit, historicorum & poetarum libris contineri autumat, quos cum habeat in manibus, nihil sit quod **Aristotele** aut **Platone** indigeat. Videlicet hoc est **SUPERBIE** ingenium, quantum valeat sibi arrogare, atque ad eum

se modum componere, ut nulla videatur recerere, quæ quidem pulcræ esse & magnificienda videatur. Hinc igitur effusæ illæ pædagogorum lacrymæ, hinc pudenda artium & disciplinarum corruptio, quæ nonnisi Divo illi [h. e. Fastui] cuncta perturbanti suam debet originem. Idcirco videas falsissima ac absurdissima in omnibus artibus asseverari ab iis, qui illas violentè exprimunt ab authoribus, qui aliquid earum obiter & quasi aliud agentes attigerunt, non ad exactam illam censuram, sed ad eam ad quam opus suum aptabant. Ita egregiè Vives, qui eodem loco alium corruptionis pessimæ, fontem indigetare volens, aliud quoq; superbix literariæ fastusq; immodici genus est execratus, quod sc. pestifero velut afflatu suo non artium solùm & literarum bonarum studia, verum nobilissima etiam & præstantissima ingenia vitare, atque maximos quosque impedire soleat profectus; Dum ali (en Vivis sapientissimi verba !) ab aliis **NOLUNT DISCERE**, vel quia se **DOCERE** potius credunt posse, quam debere discere; vel quia dedignantur aut pudet ne se inferiores fateantur, aut alii credant. Pudit (pergit) à superioribus doceri, qui nullos volebant fateri superiores se, qui postulabant credi absoluti in omni sapientie

genc-

genere; Pudit à paribus, multò magis ab inferioribus & vulgò hominum, à quo tamen quæ ad opificia & encyclopædiam pertinent, fuerant roganda - - Si ea SUPERBUS crubescit doceri, quæ erant vel à doctis vel à plebe audienda, qualia oportet exire, quæ is de rebus hujusmodi pariat, quam prava, manca, confusa, perturbata, quam monstrosa, ut magis legentium mentes perturbent ac confundant, quam instituunt & illustrent? At saltem bona spes est, dicet aliquis mutaturum eum sententiam, & deprehenso errore rediturum in viam, admissurum meliora & traditurum. Verum admonitioni cuicunque ferocem se Superbus præbet, & *contra benè monentem consurgit ut rabiosus canis*: vel quia inferri sibi aliunde lucem posse non putat, vel quia si illata credatur, ignominiam esse censet; contradici sibi injuriæ loco deputat. Quem ergò errorem ipse utcunque mutaret abs se deprehensum? Si alius indicet, magis infigitur & pertinacius; Quicquid semel animo collibitum est defendit, ne discedere à sententia existimetur: Quod si ipse errorem suum quandoque deprehendit, ita corrigit, ut majorem habeat rationem estimationis suæ quam VERITATIS: Non omninò se prius falsum, nec prorsum esse in alia opinione; benè se antea sensisse, nunc melius, & tersius. Prætexit ætatem suam, aut occupationem, aut tempus, ne culpa videatur fuisse

NB.

fuisse in ingenio, cujus unius laudem ambit, sed in opportunitate ad benè statuendum. Unus Aurelius Augustinus, Vir tantus, *Retractionum libros* reliquit simpliciter ac bona fide, quem nullus est ad hoc tempus imitatus, videlicet mansueto Vir ingenio & modicè de se ipso sentiente. Isti nostri (literati) fastu & SUPERBIA turgidi, inverti ac corrumpi malunt, quod non ignorant verum esse, quam videri errasse, aut fuisse à quo monstrari illis aliquid potuerit, & tanto admonitionem ferunt acerbius, si quæ dixerint literis consignata evulgarint. Optime autem hinc Vives concludit, artes maximam plagam à fastu accepisse & superbia, quæ non pertinax solùm & obstinata; verum etià præceps esse ut plurimùm soleat. Nec minus præclarè sæpè laudat⁹ Bartol⁹, præcipuas arrogantiae literariæ causas atque rationes redditurus, notisque & characteribus suis Doctorem superbum exhibiturus; Primò (*scribit*) sua cuique quantumvis exigua, nunquam non magna sunt. Privati amoris speculum concavum pro pilo truncum illi reddit & pro culicibus pegasos. Hunc rerum suarum qui cupit iudicem, eas æque magnificè prædicat ut olim se suaque Clientus ille, qui naves Græcorum tres à se depressas ut vidit, perinde efferebat sese ac si fuga-

*Bartol.
in cha-
racter.
Hom. li-
ter. p. II.
p. 268.
seqq.*

*Plut. o-
rat. 2. de
fort. A-
lex.*

fugatus Xerxes esset, injectique Oceano
 compedes; quin etiam se Neptuno po-
 tentia parem existimans, semper exinde
 Neptunus vocari voluit. Quæ causa lu-
 nam terra quadragies minorem Soli no-
 bis æqualem exhibet, terrâ centies qua-
 dragies majori? Nisi quod Luna quo ter-
 ræ propior, hoc major oculis apparet; Sol
 è contra ob longinquitatem immensis ab
 ea spatiis disjunctam ideo minor à nobis
 conspicitur: Similiter quia nemini quic-
 quam vicinius quam suum cuique, hinc
 majus semper & mirabilius alieno se no-
 bis ostentat; alienum verò quod extra
 nos est positum & à nobis longinquum,
 propè oculos fugit. Deinde gryllos quis
 dubitet formicis compositos gigantes pu-
 tare? qui pauxillum id quod scit ex eo
 metitur quod novit is qui nihil didicit, pu-
 tabit se ex ea nimirum comparatione li-
 teratissimum. Qui Athenas petebant stu-
 diorum causa, eos dicebat Menedemus il-
 luc magistros ire, discipulos ibi fieri, inde
 redire imperitos, non modo quod quanto
 severioribus calculis computabant quæ
 scirent, tantò plura esse deprehenderent
 quæ

quæ nescirent ; verum quia in illo Aetæ-
demiarum flore ex Orbis totius ingeniis
delibato, tam multos & tantos audiebant,
ut iis comparati profiterentur se nihil sci-
re. Hâc arte Socrates Alcibiadis sui fa-
stum sapienter depressit, qui hæreditario
turnens censu & immensis præterea au-
ctus fortunæ opibus pro cive monarcham
se ferebat : Geographicam illi objecit ta-
bulam, ubi Europa primum indicata, de-
in Græcia, in hâc Athenas vix tandem re-
perit: in quibus, agesis, & tua mihi osten-
de palatia & tuam illam agrorum infini-
tatem vastam ; hæc si locum in mundo
non habent ; qui possunt tibi spiritus af-
flare hominum omnium contemptoris ?
qui se velut stellam magnitudinis primæ
circumspicit, ne se cum minoribus com-
ponat, obvertat in Solem oculos, suamq;
mox sentiet cum luce ambitionem vane-
scere. Tertiò arrogantia est minimè fe-
renda ubi magnus es inter multos, velle
esse de maioribus unum, & inter maiores
maximum. Quam olim Pompeii super-
biam damnabat odio suo Roma, qui ut

*Vell. l. 2. primum Rempubicam aggressus est, quem-
quam*

quam animo parem non tulit, & in quibus re-
 bus primus esse debebat, solus esse cupiebat.
 Excellas quamlibet in omni genere litera-
 rum, Phoenix non es, nec princeps mobi-
 le, quod suo impetu minores globos cir-
 cumagat. Nemo tam multa scit, ut præ-
 ter ipsum alii nihil sciant, ausitque iis il-
 lud Caiphæ exprobrare: *Vos nescitis quic-
 quam.* Non fuit natura tam sterilis, ut
 cum te fingeret, typum tui aliis non ser-
 varet, nec adeò egens, ut omnes ingenii
 opes in Te conferret unum, mendicitate
 omnes alios damnaret. Ut quid ergò Te
 tantum miraris; ac veluti nemo sit, qui
 possit ex æquo tecum stare, deliras tam
 largiter, ut dicas cum Deucalione, *nos duo
 turba sumus!* Cur Procustes novus ad ju-
 dicii tui staturam & modum alios redigis,
 quasi solam recti & veri mensuram. Sed e-
 sto, sis doctrinarum medulla, & inter sum-
 mos literatorum summus, non pudet tui
 prædicatione deprimere cæteros; & adeò
 vili es animo ut putida tui dilaudatione a-
 liorum luminib⁹ contendas officere? Au-
 din quanto fragore torrentes se saxis al-
 lidant, non dissimiliter ac si forent irata
 maria;

146 COMMENT. II. DE LITERAT. FASTU
maria; cum ægrè secum aquæ palmū ve-
hant, quæ latum alveū sibi sternunt. E con-
tra regii amnes quanto silentio, quam
tranquillo in mare se lapsu reportant?
quam procul strepitu omni; quo vel fos-
sæ profundum quam implent; vel ampli-
tudinem riparum quas occupant; vel a-
quarum nitorem aut rapiditatem signifi-
cent, muti propè ac taciti fluunt? Cui est
angusto in rivo piscatio, & suppellex in-
genii, maximè verò judicij curta; nihil
est eo sonantius in laudum suarum mole-
stissima inculcatione, & æmulorum de-
spicientia. Quibus ille omnium aures
quo importunius obtundit, non animad-
vertit, eo apud illos contemni se largius;
nam (ut certè omninò ait Symmachus) *In*
magnos animos non cadit jactantia. Verum
enim verò flocci habent superba ingenia si
tantum in terris insolescant, nisi appareant
etiam in coelestibus curiosa; nec solum
ambitu injusto primas in hominibus cap-
tant, sed ausu præterea impio DEI natu-
ram & opera ex intelligentiæ suæ mo-
dulo æstimantes, de rebus divinis judicium
sibi arrogant, &c. huc usque Bartolus.

Symm.
lib X.
ep. 2. 1.

VII. Haud

VII. Haud absre quærat aliquis, quid causæ sit, cur pleriq; Literatit antopere in sui estimationem propendeant, ut sibi maxima, quaque tribuant, gloriam rerum bene gestarum frequenter praripiant alijs, & inani superbia tumore distendantur; Imò ut non *Gregor. M. lib. XV. Mor. cap. 16.* facilius libri tineis & blattis apertâ Bibliotheca corrumpantur, quam eruditi homines ex scientia insolescant tumoremq; concipiant? Id verò egregiè edisseruit Magnus ille Præsul Hipponensis adversus inflatum & loquacem quendam Pelagianum, Julianum sc. scribens, causamq; mali illius à prima origine repetens, notanter ibi & verissimè docuit, *August. Tom. VII. lib. 4. c. 3.* quod in hac tanta nobis aspectabili & à DE O createda machina nihil sit rationali mente præstantius, eapropter mens bona doctaque, magis sibi placeat, magisque seipsâ delectetur, quam quâlibet alia creatura, cumque sese maximè amet, ideò sibi varia somnia fingat, proclivisque sit ut aliena mentiatur esse sua, & mala dissimulet quasi non sua, parva & mediocria in immensum extollat, ut divinitus accepta, & quasi suo jure comparata sibi vendicet. Porro cum in rebus humanis nihil virtute doctrinâque præstabilius esse videat, apprimè exambiat, ut eâ instructa esse censeatur, & quia vix laudem justam credat quæ ex alieno proveniat, illam sibi suæque industriæ quam

potest, acceptam ferre nitatur, ita præclarissimè Augustinus. Quis verò hinc dolosum, maximè, periculosumque Satanæ non perspiciat laqueum, quo Literatum, bonâ etiam nobilique mente præditum, tandem in enormem adeo ducit sui admirationem, ut sibi DEUS esse quidam videatur, à quo fas sit ipsas docendi vivendi que accipere leges, imò ad tantam incitet temeritatem, ut quicquid in buccam venerit, effutiat, omissoque diligentiori examine cuncta meletemata sua tanquam oracula pronunciet, & quo confidentiora fundere verba valet, eò præclarius secum agi existimet. Quid quod homo eruditus, turpi superbiâ in ipso aliorum fastu damnando sæpè extollatur; ut accidit Diogeni, qui ut taxaret Platonē, (qui nitidiori supellectili delectari videbatur acilustriori,) ad ipsum accedens pedibus premere cœpit culcitram, atque se Platonis fastum calcare proclamavit, *sed alio majoriq; fastu*, uti Plato festivè reposuit. Sic Seneca de quodam, qui valdè infensus erat iis qui repentè nobilitati in ceteros superbiunt, scitè ait: *At odit eos, qui subita & magnâ potentia insolenter utuntur, IDEM FACIET, cum IDEM POTERIT.* Iste nimirum, qui illos nunc damnat, idem aget quod illi faciunt, cum eandem potentiam nactus fuerit, pergit ibidem Seneca: *Multorum quia imbecillia sunt, latent vitia, non minus ausura, cum illis vi-*

Seneca

epist. 24.

es sua advenerint, quam illa quæ jam feliciter aperuit. Nimirum instrumenta illis explicanda nequitia desunt, quemadmodum serpens etiam tunc tractatur, dum riget frigore, non desunt tunc illi venena sed torpent, mulorum crudelitas, ambitio, (Superbia) ut varia pessimis audeat, fortuna favore deficiatur. Sic Seneca. Quo impietatis denique hæc pudenda animi elatio, & seipsum extolendi cupiditas doctum cum primis hominem impellat, quantaque insolentia confidentiam istam excipiat, quidam oratorum veterum arroganti hæc sententia prodidit: *Judicium hoc omnium mortalium est, fortunam à DEO petendam, A SE IPSO SUMENDAM ESSE SAPIENTIAM*, ideoque (addit) neminem unquam Herculi decumam vovisse ut esset sapiens; cumque iterum præfractè affirmasset: *Neminem unquam DEO acceptam retulisse virtutem*, in hæc planè profana, nefandaque superbiæ fermento fœdata verba erupit: *Nimirum rectè: propter virtutem enim jure laudamur, & in virtute rectè gloriamur; quod non contingeret, nisi id donum A NOBIS, ET NON A DEO HABEREMUS.* At verò aut honoribus aucti, aut re familiari, aut si aliud quidpiam nacti sumus fortuisti bo-

Cicer. III.
de Nat.
Dior.

ni, aut depulimus mali, cum dijs gratias agimus, tum nihil nostra laudi assumptum arbitramur. Num quis, quod BONUS VIR esset GRATIAS Dis egit unquam? En putidam atque foetulentam Superbiæ philosophicæ sentinam! en pessimam malorum literariorum lernam, atque bonorum donorumque alias insignium corruptricem! Quam impiè & insipienter ista pseudosapiens evomuit, imò quā perversè de Deo sentit literatus quilibet, si ita sentit, quam insanus laudis & existimationis propriæ est amor, qui aliàs doctissimos hoc modo insanire cogit! Ideò Animi sui bona DEO accepta ferre non vult turgidus literator, quia propter illa JURE LAUDETUR, inq; iis rectè gloriatur. Quid si verò philodoxos imò paradoxos ejusmodi Doctores verbis compell-

Psal. IV. laremus Davidicis: Filii Hominum, ut quid diligitis vanitatem & queritis mendacium?

Vanissima equidem vanitate occæcati sunt, quicunque bona donaq; suâ sibi met ipsis vendicare non verentur, huc eos adducit immodica & inconsiderata laudis cupiditas, à quâ, si saperent, recederent longius, nec doctrina virtuteque suâ turpiter adeò abuterentur, neque ex hâc vitali radice mortiferos adeò fructus carperent, si donorum bonorumque suorum laudem sibi met ipsis non tantoperè arrogarent, quin potius sua omnia à DEO omnigenæ felicitatis

icitatis fonte provenisse etiam atque etiam sibi
 persuaderent. Quoties bellè & ex voto ipsis
 aliquid cesserit seu in scientiis, seu in scripto-
 rum editione, sive in cæteris vitæ negotiis, aut
 novi cujusdam inventi laudem sint consecuti,
 stius felicitatis causam si verè saperent, neuti-
 quam propriæ tribuerent industriæ, nec cujus-
 dam inde captarent favorem, sed merè pure-
 que ea omnia in DEUM referrent, & ad So-
 phorum cœlestium exemplum procidentes
 & adorantes, coronas suas, h. e. aureæ doctrinæ
 ornamenta ante DEI thronum mitterent, sua-
 vissimè concinentes: *Dignus es Domine*
DEUS noster accipere gloriam & honorem
& virtutem, quia Tu creasti omnia. Sanè si
 ingenio suo, arti, scientiæ, peritiæ, consilio,
 iudicio, industriæ quicquam vendicent, in
 mala quævis, putidamque vitiorum omnium
 sentinam proni ruent & præcipites, quod-
 que alienum, ipsiusque DEI est sacrilegè suf-
 furabuntur, illi Regi similes, qui Regiam do-
 mum, urbem in Orbe maximam in roborem for-
 titudinis SUÆ, inque decoris proprii incre-
 mentum se ædificasse est gloriatus, mox tamen
 de Regiæ Majestatis solio depulsus, infra cun-
 ctos mortales, ad bestias & ferarum pabula fuit
 amandatus, donec malis propriis eruditus so-
 nora voce exclamavit: *Glorifico Cæli Regem,*
cujus opera omnia vera, via ejus & judicia.

Dan. IV.

R:

recta.

recta, qui GRADIENTES in SUPERBIA humiliare potest. Ipse DEUS virtutum, in quo anima mea latabitur.

IIX. Ut verò pestis illius literariæ naturam & indolem paulò accuratius expendamus, doctioraque pectora à turpi fastu & pudendo cæterorum arceamus contemptu, VITIA non minus è pestiferâ superbix radice pullulantia quam DAMNA, suam inde ducentia originem, cunctis eruditis ad animum revocabimus. Ad VITIA, seu labes turgidum & inflatum Literatû concomitantes quod attinet, ipsa rerum magistra experientia hætenus abundè docuit, quemvis superbum Doctorem pro ultimo summoque studiorum actionumque suarum fine PROPRIAM habere Excellentiam, morosum esse & contumacem, obsequii impatientem, contentiosum & invidum, rigidum atque severum acceptarum injuriarum ultorem, improbum simulatorem, exosæ singularitatis novitatisque admiratorem, rixarum odiorumque vel authorem vel fautorem, nec non insignem promotorem, adeoq; omnium ferè dedecorum & flagitiorum stenuum sectatorem. Audiamus D. Bernardum quid scribat ad fratres de monte DEI; *Superba inquit ex usu voluntas in magna sævè cordis inopia sumentem efficit [literati hominis] animum, unde procedunt vana gloria, fiducia sui, negligentia DEI, jactantia, inobediencia, contemptus, presumptio, & cætera ani-*

*Bern. ad
fratr. de
monte
DEI.*

ma pestes, qua ex tumore & usu superbia profluere solent. Hinc alibi radicale peccatum Superbiam vocare non dubitavit, ex quo omnis detractio generetur, iraqué & indignatio crudelissima. Ferrea equidem superbus literatus habet viscera, sævumque & crudelem in omnes animum ostendit, odio habens maleque tractans etiam optimos. *Ubi fuerit superbia* ait Regum sapientissimus, *ibi erit & contumelia*, siquidem arrogantes & corde tumidi semper parata habeant verba injuriōsa, imò ut Climacus notanter addit, *in corde superborum sapè blasphema etiam verba nascuntur.* Admodum sci- tē Demetrius Philosophus dicebat, *supercilium non esse pusillum neglegendumq; membrum,* sub quo videlicet omnis virtus doctrinaque umbrari & obscurari possit. *Superbus & arrogans* [ait rursus Salomon juxta vulg.] *vocatur INDOCTUS, qui in ira operatur superbiam;* Etiam si doctrina eruditioneque singulari polleat, ast solummodo nominis sui quærat celebritatem, omnesque præ se altissimo despiciat supercilio, id plerumque assequi solet, ut indoctus ineptusque vulgò appelletur, & qui cæteris judicio prudentiaque præferri debebat, haud immeritò pro stupidissimo & abjectissimo reputetur. Non solum enim communis hominum ita fert æstimatio, ut hi qui ex superbia magnos sibi spiritus sumunt, ubique vilescant, sed etiam ut insipientes ab omnibus despician-

*Prov. XI.
vers. 2.*

*Prov.
XXI.
Vers. 23.*

tur. Prætet stupiditatem autem *iram* quoque & *furorem* superbiæ [*literatorum*] esse affinem Salomon loco all. est testatus : *Le irâ* (ait) *peratur Superbiam*. Nil certius, siquidem factis exploratum longâque experientia confirmatum sit, literatos superbos vel levissimè læsos ad iram imò furorem concitari, instar pulveris pyrii levicula indignandi scintillâ tactos, totos ardere, crepitare, tonare, furere, comminuere, omnesque indignandi terminos, imò omnem modestiæ justitiæ ac charitatis regulam excedere, & cum instar podagricorum semper metuant, ne vel verbulo vel gestu à quopiam tangantur, hinc omnia sibi indulgere, neminem revereri, nullius parcere famæ, nullam non lædentibus referre ignominiam conantur. Sicuti membra livida & tumentia dolent quantumvis leviter astricta; sic etiam superbi ob levissimas molestias iram concipiunt haud ita facile sopiendam. Isto enim furoris æstro perciti superbi literati ad quascunq; injurias, contumelias, & probra adversariis inferenda maximoperè urgentur, in obvios quosque pus suum evomere, imò optimos & innocentes conspergere luto haudquaquam dubitantes. Quid quod pudendam atque execrabilem ipsius superbiorum principis diaboli præ se ferant imaginem, cum ipsi DEO superbas manus intentare, eumque veluti novi quidam Titanes oppugnare videantur. Magnus ille Hippo-

nensis

nensis Præsul in qualitatem scientiæ quæ dæ-
 mones adeò superbos efficiat, inquirens, *scien-
 tiam esse statuit tantummodo inflantem, omniq;
 destitutam charitate*, ideoque inflatos adeò at-
 que superbos fuisse, ut honores divinos, & re-
 ligionis servitutem, quam vero DEO deberi
 sciebant, sibi sategerint exhiberi, planèq; divi-
 num in homines sibi arrogarint vendicarintq;
 imperium. Quis dubitet itaque animas super-
 borum [præsertim literatorum, quibus inflans
 scientia inest charitate destituta] dæmonibus
 esse simillimas, cum & ipsæ divinum quen-
 dam honorem sibi vindicent, & veluti terrestria
 quædam Numina in Orbe erudito velint ado-
 rari. Istos de se magnificè, contemptim de
 aliis & abjectè fabulantes cum audis, advertas
 illicò quam verè in eos quadret illud Philippi
 Macedonis ad medicum suum: *Philippus Ma-
 necrati SALUTEM!* Quod fuit Medico me-
 dicum fieri, & hoc helleboro ejus curare cere-
 brum! Quo ipso apprimè indigent omnes il-
 li inflati turgidiq; literati, qui jactant nihil ef-
 se in scientiis sublime quod suo pallio ipsi non
 involvant, nullas doctrinæ gemmas, quas sua
 non claudant concha; dictata nusquam ulla,
 quibus in mari literarum navigetur tutius
 quam suis; nulla documenta, quæ ad veri &
 recti ultimas metas pertingant certius; deni-
 que ut de stellis ait Manilius:

*Altius his nihil est, hæc sunt confinia
 mundi.*

Est •

August.
 lib. IX.
 de Civit.
 Dei cap.
 30.

Manlius
 lib. I.

Est illis pariter ac Polyphemo apud Theocritum, verè hirsutum, verè diabolicum supercilium, per totam frontem ab aure altera ad alteram protensum, fastus immensi hieroglyphicum. Mirum est quam citò turgidus ejusmodi literator ex quâvis laude intumescat, si aliqua ejus scriptio exierit in publicum, jam famæ nominisq̃ue sui magnitudinem, longo & alieno metitur pede, nullos alios in universo Orbe erudito nisi de ses uaq̃ue multiplici doctrinâ usquam sermones misceri existimat. Fontes alios scientiarum, & rivos duntaxat esse jactat, se verò oceanum; alios talpas, se lynceum, papiliones alios, & muscas, se aquilam, adeoq̃ue parum est literato superbo quod neminem ferre possit sibi æqualem, SUPRA OMNES esse appetit, cunctisque se doctiorē præstantioremq̃; esse existimat. Aliena plerunq̃ue contemptim ac malignè, sua verò singulari cum admiratione legens, malis Musicis fit similis, qui quantum aliis sunt molesti, tantum sibimetipsis placent ex animo, cumq̃ue sibi frequenter arroget bonum peregrinum, nec habeat quod se habere jactat, despectisque cæteris, summus & præcipuus, ac ut vanus ille turgidusq̃ue homuncio SOLUS SICUT SOL suspici æstimariq̃ue velit; mirum non est quod in profundū vitiorum pariter ac malorum calamitatumq̃ue omnium barathrum dilabatur, & mente quasi rationeq̃ue

cæcus

cæcus in sempiternæ perditionis voraginem
 sese agat præcipitem. *Et verò quis ferat*
(scite ante laudatus ait scriptor) homines aut Bartol.
venditandis suis aut propugnandis alienis sic char. lit.
addictos, ut velint ea pro ORACULIS ha- p. 233.
beri, erroris expertibus, & pro auro omni
suspicionem metalli alterius planè exempto?
S. Ambrosium audiant, qui sua sic deesculan-
tur tanquam filiolos, Patris amore iudicis
animum obturbante & iniquiorem ferente
sententiam, &c.

Optandum apprimè esset, ut DOCTI
 omnes, quod huc pertinet saperent & intelli-
 gerent, non lyram imitarentur, quæ se non au-
 dit, quin potius sibi frequenter ad animum
 VITIÀ revocarent atrocia, quæ è virulenta
 ista pestiferaque radice pullulant, & DAMNA
 etiam ingentia, quæ illis nunc amplius dabi-
 mus expendenda. Ac primò quidem planissimè
 sibi persuadeant, vel solam, quâ labrant animi
 elationem efficere, ut pariori mensura dona
 cœlestia accipiant, quippe quæ alveo quasi an-
 gustiore in eos defluunt, qui propriæ potius
 quam divinæ gloriæ amore studioque sunt oc-
 cupati. Innumera equidem DEUS in erudi-
 tos homines effunderet beneficia, & infunde-
 ret munera, nisi illorum torrentissimam impe-
 tum, objectâ veluti catarracta superbia sisteret.
 Videte obsecro torrentem, objectumque ei o
 lite-

literati considerate obicem ! *Non est mirum*
præclare ait nonnemo , gemebundi literati
personam gerens , quod inopes simus virtutum

Bonav. gratiarumq; cælestium , cum matrem & cu-
lib. II. stodem earum scil. humilitatem tam alie-
de profec. nam à nobis sentiamus , - - Aut desidia no-
Relig. c. stra in causa est , quod non instanter querimus ,

33. *aut superbia , etsi enim quæramus instanter ,*
videt tamen DEUS nos pronos esse ut inde
extollamur , & fieret nobis ipsa donorum ejus
sublimatio altioris causa ruina. Profundi-
ori fundamento altiora adificia indigent , &
arbor excelsa si radicata non fuerit facili-
us ventorum impulsu evertitur. Eadem-
que ratione insignis ille morum magister Gre-

Greg. M. gorius utitur , justiore melioremque in di-
l. XXIV. spensandâ gratiarum donorumque cælestium
Moral. varietate (quod scil. eximia quædam dona non

c. 6. *concedantur laborantibus) causam non repe-*
riens , quam ut tantolongius eruditi a fastu & su-
perbia removeantur , ne tantorum bonorum
ponderi impares , omnibus tandem excidant ,

August. ac turpi deiiciantur elatione. Quod ipsum
lib. II. de disertè etiam docens D. Augustinus ; Nos
Mer. & autem (ait) quantum concessum est sapiamus ,
Remis. & intelligamus DEUM idèd non tribuere
s. 19. vel certam SCIENTIAM , vel victricem

dele-

delectationem ut cognoscant (eruditi) non à se ipsis, sed ab illo sibi esse lucem, quâ illuminentur tenebra illorum, & suavitatem, quâ det fructum suum terra eorum.

Multa sæpè in eandem sententiam repetit insignis ille cœlestis gratiæ vindex & propugnator Augustinus, verum hæc dixisse sit satis, ut vel doctissimi sapiant, & intelligant divinorum donorum gratiarumque rivulos per putidum superbiam cœnum impediri, quo minus copiosè erumpant, atque pectorum eruditorum prata, benignitatis omnigenæ scatebra irrigent atque fœcundent. Hinc appositè notanterque Climacus superbiam STERILITATIS maximum argumentum, divini adjutorii expulsionem, lapsuum ministram, delictorum custodem, denique DEI perpetuam appellavit *adversatricem*.

Jo. Climacus
Grad.
XXI. &
XXII.

IX. En alterum, idque magis horrendum nefandæ SUPERBLÆ DAMNUM, & malorum omnium longè gravissimum! DEUM, utpote potentissimum Cœli Terræque Dominum omnes superbi Doctores habent adversarium, à tergo ijs severus judex & vindex imminet, brachijque sui omnipotentia efficit, ut sedem nusquam stabilem fixamque sortiantur. Audiant hinc & seriò revocent ad animum omnes inflati ac turgidi literatores, geminæ ipsis ad audita tinniant aures; DEUS SUPERBIS RESISTIT! terribilis vox, ipsa potentia superma

præma sese opponit infirmitati, quomodo ea stabit? Fortitudo adversatur imbecillitati, quomodo non ruet? Justitia, impio, quomodo is non plectetur? Immortalitas mortali, quomodo vivet? Quomodo tantillus subsistere poterit homuncio, tanto resistens Domino? Quem conspirante universæ cœlestis curiæ voto benevolum atque beneficium experiri possent, ei nefasto suo fastu reluctantur, fontesque benignitatis inexhaustæ obturant, ne totis alveis in se influant. O quã miserè sic turpiterque imponunt sibimetipsis hominum alias sapientissimi! Non est quod quis inflatis hujusmodi utribus alias optet pœnas, *Esse superbum* ait ille, maxima est *superbia pœna*, *fastus placentis sibi animi est Rex atque Tyrannus*. Nec à veritatis sulco erravit Poëta canens: *Est verum verbum frangit DELLIS omne superbum*, semper equidem ab iis, quibus elatum est superciliū haud longè Nemesein abuisse, cunctaque elata capita tonitru prius conterrita, cœlesti igne deflagasse, sacrarum pariter ac profanarum historiarum monumenta testantur. Imò ipsi Poëtæ veteres, tristes superborum literatorum ruinas respicientes, haud adeò absurdè commenti sunt, Thamyrim, se cantu Musas vincere posse gloriantem, omni canendi facultate ablatâ excœcatam, ei que omnis citharistriæ artis oblivionem injectam fuisse; Bellerophonem res suas gestas pernimum ostentantem, impudentesque oculos cœlo immitten-

mittentem, ac de divinis judicantem operibus,
 à Jove deturbatum & ad tenebras perpetuas ef-
 se damnatum; Ajacem à Neptuno ob solam
 impudentiam adactum ut gladio incumberet.
 Verum ut summam gravissimæ illius tyrannidis
 potentiam luculentiori exemplo quilibet tur-
 gidi literati discant atque intelligant, supre-
 mum illum Angelum sibi frequenter ponant
 ob oculos, qui splendoris ac decoris eximia
 prærogativa Lucifer nuncupatus, non alio
 quam isto superbiæ venenato telo cœlitus de-
 jectus, & ab angelorum tam sede, quam sorte fe-
 lici, ad tenebricosos impietatiq̃ue in æternum
 destinatos carceres miserè fuit detrusus. Tan-
 tum videlicet una potuit fulgentissimi sideris
 elatio! *Si sic actum est in Angelo*, (ait eleganter
 Bernardus) *quid de me fiet, terra & cinere?* ille Bern.
in cœlo intumuit, ego in sterquilinio, quis non tole- hom. 54.
rabiliorem in divite superbiam, quam in paupere du- in Cant.
cat? Nec minus acriter ab alio monemur ve-
 teris Ecclesiæ Doctore: *Consideret homo* (lite-
 ratus) *quid elatus in terra mereatur, si & prela-* Gregor.
tus angelis, Angelus in cœlo prosternitur. lib. 32.
 Viderat Mor.
 nimirum [en superbi Doctoris exactissimum, c. 18.
 exemplar!] Lucifer divinâ se claritate indutū,
 atque præ cæteris angelis splendore sapientiæ,
 virtutum pulcritudine naturæq̃ue perfectione
 præfulgentem; vidit & se mirando suspexit,
 & nimium quantum amavit, exindeq̃ue illa si-
 bi ut naturæ debita arrogare, ut congenita &
 pro-

propria vindicare, ac præcelsum à cæteris honoris gradum postulare aggressus est; puduit id tantum bonum conditoris gratiæ referre acceptum; puduit subditum esse DEO, cumque sibi uni cætera omnia concedere videret, ne quidem uni illi cedere voluit, ab illo ista omnia esse & conservari oportere non sustinuit fateri. Hinc desertus à DEO, quo egere se diffitebatur, instabilis repente & nutabundus effectus, & infirmitatem propriæ naturæ persensit, & beatitudinem, quâ DEI munere fruebatur, amisit. O ruinam ruinarum omnium primam & maximam, quâ filius ille lucis primogenitus, qui veluti Sol inter stellas, ita prope inter angelos lucis ille emicabat, uno superbiæ afflatu fulminatus, princeps tenebrarum, & execratio seculorum factus est. O verissimum effatum: O-

Greg. M.
lib. 34.
Mor. c.
18.

mnis peccati initium esse superbiam! Per hanc enim Lucifer succubuit per hanc sequentem hominem stravit: eoq; telo salutem nostram immortalitatis impetiit, quo vitam suam beatitudinis extinxit. Quæ itaque de summæ felicitatis sede Angelum altiora spirantem deturbavit SUPERBIA, ea homines Angelis proximos, præstantissimis nimirum animi, ingenii, doctrinæque dotibus ornatos LITERATOS damnis afficit innumeris, denique in extremæ miseriæ conjicit barathrum. Nihil etenim (præclare dicente Chryso-
stomo)

stomo) *superbo homine* (literato) *miseri-*
us, nihil insanius, quamvis ditissimus, (do-
ctissimus) sit, quamvis MULTA EX-
TERIORI SAPIENTIA præditus, quam-
vis potens, quamvis omnia quæ homini ex-
optanda videntur in illum congerantur. E-
tiam qui in re vera bonis superbit, & illorum
omnium amittit mercedem. Quod ipsum
probè considerans D. Aurelius; Vicia ca-
tera (præclare scribit) in peccatis, superbia
verò etiam in rectè factis timenda est, ne
illa quæ laudabiliter facta sunt, ipsius lau-
dis cupiditate amittantur. Similiterque
 Bernardus rationem redditurus cur pauci a-
 deò ad perfectionis culmen perveniant, solam
 detestatus est SUPERBIAM, quæ prædo-
 nis instar naves optimis mercibus onustas inva-
 dat, ac summos quosque miserrimè opprimat.
 Quanta Orbis eruditi sidera fastu impellente
 de cælo lapsa inque *fatuos ignes* sunt trans-
 mutata! Quam præcellsa illustra quæ inge-
 nia propter turpem arrogantiam à scopo ve-
 ro exciderunt! Quam præstantes doctrinâ
 Viri, eruditionis quæ abstrusioris cultores, im-
 mensa pervolutantes volumina, sapientiam-
 quæ per latebras & recessus altissimos inqui-
 rentes ceciderunt turpissimè, suisque scien-
 tiis

Chrysost.
hom. 16.
in Job.

August.
epist. 56.

Bern. de
ordin. vit.

tiis immerſi faſtuque turgidi æternum peric-
runt ! Licet mirificè cum Socrate in Athe-
næis ſuis ſint philoſophati, aſt cum Protagora
ſuperbierint tantoperè, ut nihil de Diis, neque
ut ſine, neque ut non ſint dicere voluerint, mi-
ſere ſunt reprobati, & ab *Ignoro DEO* combuſti.
Et quamvis alii cum Marco Craſſo & Tullio Ci-
cerone in pulpitis ſuis ſatis vehementer tonu-
erint, ob immenſam tamen animorum ſuorum
elationem ad *tonantem* ſtygem ſunt ablegati.
Taceo vetuſtioris ac recentioris ævi Philoſo-
phos, taceo mille eruditos alios, qui in ſonoro
veſtigio facilique deſcenſu abivère ad plures,
& jam cum Hannibale, qui Romam expugna-
turus bis imbre denſiſſimo coactus recedere,
cum ſtatim poſt pugnam potuiſſet, clamant æ-
ternum : *Cum potui non volui, cum volui non po-
tui*, ſcilicet ſerò ſapiunt Phryges, & cum jam
urgente faſtu ceciderunt, primum agnovère
periculum, dumque cum Thalete Mileſio Cæ-
li faſtigium animo conſcenderunt, in perpetua
damnationis puteum ſunt prolapſi, atque præ-
clara doctrinæ virtutisque initia turpi fine con-
cluſerunt. Arroganti nimirum conatu cogi-
tationeque eruditionis palæſtram ſunt ingreſſi,
bonaque ſua non DEO donorum ſummo lar-
gitori, ſed ſibi adſcripſere, eaque propter à di-
vina providentiâ dereliſti, omnique præſidio
auxilioque cœleſti privati, mox ab infernali ſu-
per-

perborum principe in fraudes varias ita inducti, ut illecebrosis succubuerint desideriis. Cum teste Plutarcho quondam nonnulli fastu elationeque turgidi se Regibus pares prædicarent, eos Nero convivio adhibuit, ac super *utres* inflatos, & ad similitudinem sellarum conformatos sedere fecit, dum ergò ipsi accumbentes, & quasi utres utribus insidentes, sedibus suis magis intumescerent, quod sic honorarentur ab Imperatore, ministri Neronis jussu utres illos acu perforabant, ita ut inflati turgidi que illi homunciones utribus aëre evaçuatis, humi sese prostratos, non sine Imperatoris aliorumque risu deprehenderint. Idem fermè turgidis frequenter accidit literatis, qui dum *utribus* insidere, seu magni apparere laborant, cum summo rubore ad loca novissima detruduntur.

X. Haud malè Doctrina eruditioque insignis plenæ assimilatur LUNÆ, quæ æmula fiat SOLIS, ast eo lucem ab illâ subtrahente, propriam demum agnoscat vilitatem, quasi dicens: *Tunc cornua perdidisti, quando cornua acquisisti*; Lucem verò tunc acquisisti, quando lumen amisti, quamprimum scil. acceptum perdidisti fulgorem, tum propriæ cognitionis lucem sum consecuta. Hanc Lunæ ideam omnes illi præ se ferre videtur eruditi, qui aliunde accepto scientiæ suæ lumine mirificè intumescunt, doctrinæque PLENI, Patris Luminum

fiunt æmuli, ac velut novi Luciferi SIMILES se jactant ALTISSIMO, eo autem lucem suam ab illis auferente, nil nisi meram inanemque deprehendunt vacuitatem. Licet fastu turgidi in abundantia sua dixerint: *Non movebimur in æternum*; re ipsa tamen mox experti sunt DEUM faciem suam avertisse ut facti sint conturbati: Semper nimirum DEUS avibus hisce altè volantibus accidit alas, & astris minitantes coarquat solo, *Nunquam* [ait ille] *sine noxa est superbia, Deumq; semper experitur hostem capitalem*. Tanquam ignis dona eruditorum præstantissima fastus immodicus consumit, extremumq; Viris etiam maximis accersit exitium. Et cum ea ignis natura sit, ut alienis crescat detrimentis, atque ut SUOS FUMOS efferrat longè lateque flammam excitet, inque pulverem ac cineres redigat omnia; ita quorundam literatorum fastus & superbia aliorum etiam doctiorum & meliorum injuria depressioneque tantoperè alitur & augefcit, ut tantum sibi elati inflati-que illi honoris gloriæque accedere putent, quantum decesserit cæteris, neque se in hominum oculis collucere posse existiment, nisi in-

Salvian. star ignis in cæteros omnes grassentur, eos
de provid. [si fieri possit] prorsus absumant, atque ut præclare Salvianus ait: *Ut pauci illustrentur, Mundus ipse evertatur*, unius honor, Orbis totius

tius sit excidium. Sic Antiquorum quidam Agathon [Dorotheo teste] superbè loquentis eruditi libertatem INCENDIO MAGNO comparavit, *quod cum exandescat, omnes ab aspectu suo procul abire compellat, nihil esse hoc igne molestius, quandoquidem omnium vitiorum sit seminarium & generatrix passio-um.* Sed & FULMINI simillimam esse hominum doctorum superbiam præclare Albertus M. observavit; *Est quasi [ait] quoddam FULMEN vana [eruditorum] gloria superbiæ, excæcans anima oculos, sic ut enim fulmen brevem quandam habet claritatem, sed tamen valdè nocuam; ita qui per elatam in hoc seculo lucere volunt superbiam, gravissima sibi pariter ac aliis damna progenerant, dicit enim Psalmista: Dum superbit impius, INCENDITUR pauper.* Pudeat eruditos hoc tetra igne ardere, obscuraque ostentationis face lucere, ad animum sibi semper revocent, quod fastus sive superbia [instar fulminis] sit ignis DESCENDENS, sive ruens per dejectionem. Licet enim inflatus turgidusque literator per mentis suæ elationem adscendat, mox tamen per turpem dejicitur depressionem, IGNISQUE ILLE [ut in Jobo legitur] CADIT DE COELO idemque illi quod Angelo accidit superbienti:

*Dorotheo.
Doctr.
IV. de
Timore.*

*Alb. M.
Serm. de
Domin.
III. Ad.*

Videbam Satanam SICUT FULGUR cadentem. Sicuti enim vapor fulguris primo adscendit nube inclusus, postea cum impetu descendit à suo contrario depulsus; ita cum satanâ superbiente nulli non elati inflatiq; literati de gloriæ expetitæ cœlo non sine impetu in profundum perditionis extremæ barathrum cecidère. Ad tantam autem perniciem viam erudito turgido parat inordinatus sciendi appetitus, per quem ad propriæ excellentiæ desiderium adscendit, rerumque inutilium cognitionem affectat, sui ipsius obliviscitur, dum aliena inquit errata; *Ast si semetipsos vigilanter attenderent, mirum esset inquit Bernardus, si aliud unquam intenderent.* Miseri hujusmodi eruditi Senibus quibusdam sunt confimiles, quorum acies oculorum sic est affecta, ut cum res à se distantes videant, propè tamen positas haud queant dignoscere. Itaque si inverterent inflatiabile cognoscendi studium, & ab alienis externisque rebus ad proprias magisque necessarias suam transferrent curiositatem, tantam erratorum intra semetipsos reperirent multitudinem, imò & malarum cupiditatum segetem, ut domi quod agant affatim sint habituri, siquæ operâ diligentiori adhibita perpenderent, quantum elatos singulos [qui quasi aquilæ & talpæ, animalia in lege immunda, quorum unum & Solem ipsum acumine

mine sui visus contemplatur, alterum verò neque terram ipsam in qua degit cernere valet.] excretur D E U S, vix ullum amplius pudendæ superbix darent locum, nec tanto studio rerum inutilium affectarent cognitionem. Time-rerent sibi potius ab horrendo isto arrogantix incendio putidæque præsumptionis fulmine, ignem inquam superbix effugerent, omnia consumentem, & summos doctissimosque homines ad æternos ignes destinantem. Non malè Chrysostomus superbos cum stupa flammescente comparavit, quæ post incendium surgit quidem & inflatur, mox tamen in cineres tenuissimos dissolvitur: Tales equidem istorum literatorum sunt animi, quorum inflatos spiritus horrendi plerunque, imò æterni casus comprimunt atque disturbant. *Quemadmodum ve-ò* (ait idem Chrysl.) *flamma que in stupis aridis sursum fertur simul atq; contacta fuerit in cinerem vertitur; solidorum autem lignorum ea natura est, ut neq; faciliè incenduntur, neq; cum accensa fuerint ardentem flammam facile dimittant; ita & illi quidem animi (eruditorum) qui solidi sunt ac firmi, neq; facile incenduntur, neq; facile extinguuntur, isti verò utraq; illa brevi temporis patiuntur momento.*

XII. Ferunt Neantem (cum Uranix filium se esse falsò credidisset,) furtim Orphei

lyram è Templo Apollinis diripuisse , nocte-
 que intempestâ apertum prodijisse in campum ,
 ut ansam haberet per ea silentia suos ad can-
 tus comodiorem. Illic verò ut cœperit infelix
 instrumentum manu hebeti & rusticâ pulsare ,
 nullam chordam fuisse , quæ non HEU MIHI
 occineret , & voce quâ poterat , non vibrari se
 leniter ad numeros , sed acerrimè vexari quere-
 retur , donec ipse Neantes à molossis , ASINUM
 AD LYRAM ex cantu odorantibus , pro asino
 fuerit laniatus. Haud equidem mitius cum
 miseris illis atq; ex fastu arrogantiaq; infelici-
 simis pseud-Urania filiiis justissimo Dei agetur
 iudicio : non unius duntaxat molossi , sed plu-
 rium ore lacerabuntur tandem , ludusque fient
 narrantibus , & falsè inepta eorum ridentibus
 acta ac cogitata , quæ pro sua (animo satis confi-
 denti) statuere autoritate , quæ audacter de-
 fendere , quæ denique impudenter venditavê-
 re , tandem omnium contemptui atque irrisioni
 exponentur. Tertium hinc (neque postre-
 mum tamen) FASTUS immodici dedecus dam-
 numq; sese velut è patentiori quâdam fenestra
 præbet conspiciendum ; Quod sc. ille mancipia
 sua de BONÆ mentis statu miserè deiiciat , at-
 que STOLIDITATIS extremæ caractere in-
 famet. Non sapientissimi tantum Salomonis
 iudicio , sed prudentiorum omnium testimonio
 superbia Stultitiæ seu dementiæ est species , quâ
 fascinati homines etiam literatissimi , plerum-
 que

Prov.
XIV. v.

3.

Conf.

Sap. XV.

v. 14.

que in fatuos imò bruta ipsa omni ratione orbata degenerare soleant. *Natura stultum esse* (verba sunt Chrysostomi) *nihil habet criminis*, *MAGNIFICE* verò de *SE SENTIENDO STULTUM FIERI* venia caret, & majus adferre supplicium. Tales sunt (N.B.) qui in *SAPIENTIA SUPERBIUNT*, inque extremam incidunt arrogantiam, nihil enim adeò stultum facit, quemadmodum arrogantia, unde & Prophetæ barbarum ita vocabat dicens: stultus autem stulta loquitur. Quid quod ipse Stobæus hominis ex scientia inflati turgidique miseram fatuitatem agnoverit, dum omnem insipientem arrogantiam *PLAUSIBUS* capi ac delectari enuntiavit? Non unum sane literatus superbus, sed varium & multiplex dementiæ atque stoliditatis insignioris dat documentum; instar fatui cujusdam hydropici de inflatione suâ gloriatur, existimans eam salubrem & vigorosâ esse pinguedinem, ipsumque *anima sua tumorem* (sic plenum [uti scitè B. Nilus superbiam vocavit] amans & fovens omnem aspernatur medicinam. Num obsecro stultitiæ aut dementiæ notâ caret, quod ille sponte suâ angustias dolores anxietatesque gravissimas incurrat? Non enim (ait Cassianus) unum duntaxat membrum pestifer superbia morbus debilitat, sed totum corpus lethali corrumpit exitio, & in virtutum jam fastigio collocatos gravissimè

Chrysost.
hom. XX.
ad Rom.

Stobæus
Serm.
22.

Nilus de
oſtevit.
cog.

Cassian.
lib. XII.
Inst. 6.3.

Chrysoſt.
hom. 59.
in Mat. ruinâ dejicere ac trucidare conatur. Denique eandem turgidorum dementiam ante laudatus Chryſoſtomus aptâ quâdam ſimilitudine repræſentaturus; *ſi quis* (notanter ait) *cum ſtatura cubitum non ſuperet, inſtar montium imo altiorem ſe putet, ac ideò ſe quaſi* **MONTES EXCESURUS** erigat, nullum aliud argumentum ſue inſania quarimus; ſic cum inflatus videris hominem, qui meliorem ſe cæteris hominibus (eruditis) arbitratur, nullum jam aliud ſignum vecordia hominis exquiras. Tanto quippe ridiculoſior hic eſt ijs qui naturâ inſaniunt, quanto magis ſponte ſuâ hunc ſibi morbum iniecit. Vix alio paſſim quam inſaniæ & phrenæſis titulo illam eruditæ mentium peſtem Chryſoſtomus duxit notandam: Superbia (inquiens) *nihil eſt aliud, quam depravatio animi, & morbus graviffimus, non aliunde quam ex inſania ortum ducens,* **NIHIL ENIM SUPERBOMINE** (Literato) **INSANUS.** *Nihil arrogantia atque ſuperbiâ pejus, quæ metis quoque vires à natura hominibus conceſſas ita dejiciat, ut amentes ex prudentibus & animo ſtolidos efficere videatur.* Quid *Chryſoſt.* **RELIQUA** dixerim (ait alibi, & nos cum ipſo) *homil. de inani glor.* quæ inde MALA emergunt? optarim quibus-
 vis

vis barbaris potius in servitutem dari, quam
semelejus subire JUGUM!

XII. O *FELIEM* itaque, ô terque
quaterque beatum illum *LITERATUM*,
qui tot tantisque turgidorum literatorum ca-
sibus, tot fastûs pestiferi damnis & periculis e-
doctus, huc omne confert studium, ut quantum
potest infra omnes verâ sincerâque animi de-
missione descendat, atque *Cathedram illam pe-*
ssilentia [ut scitè Augustinus Superbiam voca-
vit] longissimo post se relinquat intervallo! *August.*
Neque verò ille humilem se demissumque fin- *in Ps. I.*
gat tantum, ostendatque coram hominibus,
neque labiorum duntaxat superficie, sed affectu
cordis intimo se cunctis inferiorem esse pro-
nunciet, omnemque affectatam gravitatem,
magnificos incessus, primos accubitus, saluta-
tiones honorificas, cuncta verba ampullantia
ex animo despiciendo in nihili sui voraginem
descendat, si mente semper pacatâ, sereno sem-
per cœlo gaudere velit. *Volo descendere quan-*
tum possum, ajebat olim Vir quidam doctrinâ
pariter ac virtute singulari conspicuus, cum
horrendum socii sui Collegæq; ex elatione la-
psû perenneq; exitiû gemebundus intellexisset,
Descendam [sic alta sonoraque ingeminabat vo-
ce, in terram se pronum abjiciens, eamque ve-
luti complexus arctissimè stringens,] *quantum*
possum, quia N. N. cecidit, dum altius quam de-
buisse ascendere conatus est. Ita Literatus qui-
libet

libet secum statuatur perspectis tot elatorum Doctorum ruinis sodaliumque tristissimis casibus: VOLO DESCENDERE QUANTUM POSSUM, meq; omnibus, etiam vilissimis hominum submittam. Cum arrogantes quosvis nunquam non turbatos videt, deque honoris sui incremento apprimè sollicitos, imò hoc unum assiduè in animo volventes: VOLO ADSCENDERE QUANTUM POSSUM [siq; vel levissimum quidpiam existimationi suæ auctoritatiq; decedat, dimidiū cordis sese perdidisse reputantes;] Sinite illos, cogitet *ex demissione felix* literatus, alte scandere, mox altè ruent, hæ feles & sciuri nimis vertiginosi decident ocyus, quam ad speratæ laudis existimationisque culmen pervenient. Idem iis eveniet quod noctambulis, qui dormientes & somniantes tecta conscendunt, subito autem cum inclamantur cadunt miserrimè, pariter alti isti ambulatorum lapsum gravissimum haud effugient, sed ad levissimū impulsu præcipites conterentur, tanto gravior periculosiorque eorum erit ruina, quanto audacior altiorque fuit adscensus. Quisquis eruditus sapit, iter tam lubricum ex animo horreat,

Joh. Rus- & quanta potest circumspectione declinet, præ-
liroschius stabit quietè in imo jacere, quam ex alto in
in l. de imum tam perniciosè cadere. Si superbiam
vera con- depellere non ita faciliè possit (inquit Rusbro-
templat. chius) saltim erubescat, discatque vivere &
e. so. opp. filere. *Qui humilitate* [addit idem notanter]
fol. 473.

CONTRA

contra superbiam decertant, ii SACRÆ THEOLOGIÆ BACCALAUREI sunt, qui si ex certamine palmam referre volunt & DOCTORES effici, superbiam pessum premere & proculcare debebunt. Superbia revera perniciosus serpens est, discipulos suos ac sectatores mittens in tartara.

Quisquis suo in spiritu humilitatem invenit, is vitam agit tranquillam & suavem; vera namq̃ humilitas est supra vel ultra omnem virtutum exercitationem ocium & vacatio, & pax ultra omnem afflictionem.

Hoc autem ut verissimum, ita cuilibet animo erudito contestatissimum & præsentissimum sit oportet, tantumque apud illum possit, ut mendaci superbiæ falsis blanditiis illudenti semper obstruat aditum, ne simul & bono quo gaudet excidat, & superbiæ gravissimum crimen damnumque incurrat. Pro eo quo valet mentis acumine intelligat, quam præter rationem & à naturâ alienum sit ipsâ eruditionis virtutisq; viâ [quâ nihil homo habet præstantius] ad vitium, quod omnium extremum, nempe fastum superbiamq; detestandam pertingere, atque ex vitali illa radice mortiferos adeò carpere fructus, quod semper evenit, quoties præclarissimis animi doctrinæq; bonis docti ad vanam abutuntur ostentationem. Ab hoc au-

tem

Bernard.
de alti-
tud. cor-
dis.

tem fatuo umbratilis gloriolæ igniculo ut tanto longius recedant, mellifluum audiant Bernardum, eos initio laudantem Doctores, qui cum multa præstent, se tamen minus omnibus fecisse conqueruntur, mox istos vituperantem, qui insitæ suæ inopiæ immemores, minima laudis umbra protinus extolluntur, continuoque quasi si vel tantillum bonos esse taderet, fastu turgidi corruunt. : *Quantum putas [ait] illos admiror, quantum veneror in corde meo, quantum amplector charitatis affectu, qui velut nescientes eos, quos inferiores vel infirmiores secum quotidie vident, unum forte aut duos aut etiam plures quos in majore fervore spiritus (majoris eruditionis laude conspicuos) viderint sibi ex omnibus eligunt, & cum ipsi fortè meliores sint, semper tamen illorum sibi præponunt & proponunt in Domino studia, - - - Quid enim (sic superbum notanter compellat Doctorem) tota die super id quod videris habere, insipienti cogitatione versaris? ESTO MAGIS SOLLICITUS QUID DESIT TIBI. Hoc enim melius. Utinam fratres, sic nos essemus cupidi gratiæ spiritualis, quemadmodum seculares homines pecuniæ (gloriæ laudisque) temporalis: Magna enim*

*enim est confusio, magna valde, quod ardentius illi pernicioſa deſiderant, quam nos utilia, citius illi ad mortem properant, quam nos ad vitam, - - De cætero, ea ſemper magis attende qua alius habet, tu non habes; quod hac cogitatio in humilitate te cuſtodiat, à deſcenſu elonget, magis autem proficiendi deſiderio accendat. Nonne immanè quantum ſuperbire vel deſipere potius pannofus ille pauper putaretur, qui ad propendentem laciniam aſſuto purpuræ panniculo ſuperbus incederet, quid de illis boni omnes exiſtiment, qui maximorum doctrinæ virtutiſque theſaurorum indigi minima laudis umbra protinus extolluntur, aſt ipſa ſua quâ elewantur ſuperbia deprimuntur rurfus, & magis ad ima corruunt, dum à vero tramite ſuperbiendo turpiter recedunt. *Ad corruptionem enim* [ſcitè ait Gregorius] *juſtè deſcenderet, ſi ſuis vivibus longè à corruptione (e abeſſe judicaret.* Intenſiſſima itaque eruditio opus eſt vigilia, ſi à lapſu & ruinâ velint eſſe ſecuriores, inque doctrinæ & virtutis perfectione procedere longius, apprimè caveant, ne ſi quando leniorem laudis elogiiſque alicujus ſenſum habuerint, indè ſibi aliquid occultè ſuffurentur, gaudeant oſtentare, eloqui geſtiant, ſuæ diligentia, labori, induſtriæ, acceptum ferant, ſibi intus gratulentur, imò ad tantam rerum cognitionem ſeſe perveniſſe mirentur,*

Gregor.
l. XXIV.
Mor.
cap. 3.

rentur, hoc enim inani jactantiæ turbine longissimè disjicientur, jacturamque longè maximam patientur, tanto magis lugendam, quanto certius ea ex inanissimo laudis amore solet exoriri.

XIII. Durus dicet quispiam hic est sermo; Adeòne inexorabile bellum amoris nostro, laudi & existimationi propriæ est indicendum, ut nunquam nostra nobis placere, nunquam tam suave laborum condimentum expectere possimus? Certè si tuum aliquid compere-ris, quod admiratione, quod amore, quod laude verè dignum fuerit, per me licet, lætare Vir docte, gloriare, triumphos age, quamdiu & quantum libet; sed si nihil nisi putris es vomica, è qua solus fœtor, saniesque erumpunt, quâ fronte, postquam tabum defluens aliena pulcriore tænia emendicata contexeris, tua te sanitate, tua formositate efferes? si detrahetur quod scriptis tuis assutum, si repetetur quod alienum, tuâ iterum infirmitate tuâ fœditate involvêris, ridendus in tuis, quî superbis in alienis. Memineris quid facundus ille quidem, at mirum in modum gloriolæ cupidus Cicero dixerit, jure nos in virtute gloriari non posse, si id donum non à nobis, sed à DEO haberemus, quo in judicio nequaquam esset deceptus, dummodo à DEO virtutem provenire credidisset. At numquid eadem ex ratione colligitur, revera non esse unde gloriari jure possimus,

mus, cum neque doctrinam neque virtutem, neque ullum aliud donum bonumve à nobis habere valeamus, & cum à DEO solo sint omnia, illi soli justam deberi gloriam, hincque omnem nostri laudem boni alieni rapinam, omne existimationis desiderium arrogantiae dicendum esse seminarium. Quid amor excellentiae immodicus? quid ipsa (ut clarissimè dicam) omnium rectè factorum, susceptorum, editorum operum comes individua NOSTRE COMPLACENTIA, quid hanc alit augetque tantoperè, nisi virus quoddam in visceribus latens, & quædã de nobis ipsis elatior imò pestilentior opinatio? Cum nostro vel ingenio, vel judicio, vel solertia quicquam tribuimus, dum nostris innitimur artibus, consilijs, ijsque vijs insistimus, quas aut malas esse, aut à veræ sapientiae semita novimus alienas, annon rerum caducarum nimium memores, vel cœleste minus imploramus subsidium, vel sapientis & suavissimæ providentiæ divinæ vim protinus enervamus. Terque quaterque felices essemus, si merè ut verè, non voce & verbis tantum, sed animo & corde cuncta nobis immeritis SS. Numinis liberalitate concessa fateremur. Crystallum aliquam animatam esse faciamus, quæ lucis avida Solis radijs oportunè se subijciat, his autem commodè susceptis, & circumquaque limpidius expansis, si lucis ejus percussu ista se luce beatam, & non mediocri laudatione

T

dignam

dignam existimet , annon subducente se Sole risum alijs moveat, tenebris involuta , nihilque juris in lucem præteritam vendicans? Sed inquires, id saltem laudi erit, quod & accesserit ad Solem, & natura sua sit pellucida, & re-percutiendi vi polleat, fateor equidem, verum quid si illum ipsum accessum, illud pellucidum, illam re-percutiendi vim à Sole totam acciperet, nec esse nisi per Solem posset, annon tota lucis illius laus in Solem meritissimo jure redundaret? Idem penitus ô Literate in bonis & donis Tibi collatis existima, sic enim à DEO dantur, ut DEI sint, qui utenda tibi tradit, grande olim fœnus exacturus. En ubi tandem nostra superbiendi gloriandi que seges desinat; in timores, in angores, imò severissima judicia, ut cui plura data commissa que sunt animi doctrina que bona, ab eo plura repetantur. Cur obsecro igitur bono quopiam dono que in nobis animadverso tantoperè extollimur, & confestim nos magnos summosque esse reputamus, si dona non esse nostra crederemus, atque nos propter ea rationi severius reddendæ obnoxios profiteremur, tunc tumori occultè inserpenti vel nullum prorsus dāremus locum, vel majori risu hosti tam truculento nos opponeremus, inq; amplissimi Theatri arenam animo alacriori descenderemus, pugnam nobilissimam, solo DEO spectatore & arbitro strenuè decertaturi. Quam appositè belle que B. Hieronymus ad

Eusto-

Eustoch. devotam illam virginem ; *Nolo tibi venire superbiam de proposito, sed timorem.* O Hieron. *nustaincedis auro, latro Tibi vitandus est.* Epist. *&c. Magnis inimicorum circumdamur agminibus, hostium* Eustoch. *plena sunt omnia, caro fragilis, & cinis futura* Virg. *postmodum pugnat sola cum pluribus, quod si*
Te multitudo turbaverit, ad singula tentamenta
vitiorum coeperit astutare, & dixerit Tibi cogitatio
tua quid faciemus? respondebit tibi Eliseus, noli time-
re, quoniam plures nobiscum sunt, quam cum illis.
Hæc sibi dicta quilibet literatus existimet, nec
de victoriâ à tam acerbis inimicis cunctisq; in-
flantibus cogitationibus reportandâ desperet.
Sed & gravissimum D. Fulgentij ad Theodorum Fulgent.
Senatorem monitum frequenter sibi ad animum epist. ad
revocet: Detestabilis est cordis humani super- Theodor.
bia, quâ facit homo quod DEUS in hominibus Sen.
damnat; sed illa detestabilior, quâ sibi tribuit
homo, quod DEUS hominibus donat, &
quæ sequuntur: Damnabilis est, qui sub-
stantia seculi mali malè utitur, sed damnabi-
lior, qui spiritualibus donis superbius effertur.
Audiât & veteres Hebræos tradentes humili-
tatem esse signum genuini Abrahamitæ, factum
verò nothi notam certissimam. Sic enim in Pir-
ke Afot legitur: In quocunque tres ha. pro Pir. A.
prietates inveniuntur, oculus bonus; (h. e. fot sub
אַוֶּלָאָה quavis sorte contenta) spiritus sin. c. 5.

mansuetus, (quidvis pati paratus.) & *ANIMAHUMILIS* (cuius cedere gnara,) *is est è discipulis Abrahami patris nostri*, *contra in quo tria opposita*, *malus oculus* (h. e. invidia,) *SPIRITUS SUBLIMIS*, & *anima curta* (impatiensque) *ille est discipulus Bileami maligni*. Inde est quod in Catechismo suo *Superbum* à Prophetis incircumcisum dici vel pueros doceant, septemq; abominationes animæ recensentes & explicantes, secundum statim locum superbiæ turpique mentis elationi tribuant, quoniam nimirum Ebræo * quodam explicante, *superbia sit regnum absque coronâ*, & *homo cum se extollat*, *auris ejus & oculus & cor sint obturata ad audiendum videndum & intelligendum*. Nam quomodo (pergit notanter) *superbiat homo (eruditus) cujus finis est vermis? qui instar floris cadit, & veluti fumus consumitur?* Et ob hanc causam *superbus vocatur INCIRCUMCISUS*, sicuti scriptum est (Deut. X. 16.) *Et circumcidetis praputium cordis vestri*, porro ex *superbia consequitur odium*,

* Rab. Abraham Jagelin Lekach tobb f. 10. col. 1. laudante Celeb. D. Carpzovio in notis ad Jus Regium Hebr., W. Schikardi pag. 218.

quo talem omnes creatura prosequuntur, si-
quidem res omnes sociabiles sint præter su-
perbiam, constatque insuper quod ex odio
sequatur disjunctio, & ex disjunctio-
ne solatio & perditio, adeoq; superbus destruit
domicilium & mundum, & exosus est tam
inferis quam superis, neq; enim creatura
placet, neque DEO. Pudeat Christianos li-
teratos nequissimo elationis arrogantiaque
spiritui adeò indulgere, à quo ipsi Ebræorum
magistri tantoperè abhorruerunt, fugiant po-
tius fugiant inquam execrabile illud munda-
næ fallaciæ ruinæque inevitabilis elementum,
caveant sibi summo studio à perniciosæ præ-
sumptionis fulmine, isti que infernali elationis
spiritui humilem cœlestemque Christi oppo-
nant, ac se tum demum non Abraham tantum vel
Israelis filios, sed ipsius Salvatoris genuinos di-
scipulos fore existiment, *si Oculo bono, Spiritu*
Mansueto, & ANIMA HUMILI
fuerint præditi, atque pro certissimo ponant
principio, non nisi per humilitatem ad veram
sapientiam ipsamque beatitatem viam pate-
re, ad quam ut nos eveheret filius DEI, servi
habitum non est dedignatus, qui quoscunq; ad
se admittit, omnigenæque felicitatis, ac supre-
mæ gloriæ scatebra recreare constituit, hu-
miles esse desiderat. Quid hanc in rem glo-

rius Martyr Cyprianus, prostratos in Bethle-
hemitico stabulo pastores intuitus ? *Electa*

Cypriano
tract. de simplicitas, ut poneretur regula, & indisso-
primo o- *lubilis daretur forma, quod NON NISI*
pere Car- **PAUPERIBUS SPIRITU** *pateret*
din. *Christi humilitas, nec SUPERBOS ad intui-*

tum sui posset admittere superna sublimi-
tas. Non est confusus se ad formam servi
exinanire, ut qui de fraternitate ejus glo-
riantur, & volunt adscendere, non eru-
bescant descendere, sed eidem scala cum Ja-
cob innitantur, & cantantes canticum gra-
duum ab imis ad superiora conscendant.

Aug.
Ep. 56.

Non aliam Tibi (Magnus ait Aurelius)
ad capeffendam & obtinendam digni-
tatem viam munias, quam quæ mu-
nita est ab illo, qui gressuum nostro-
rum tanquam DEUS videt infirmita-
tem. Ea autem est prima HUMILITAS,
secunda HUMILITAS, tertia HU-
MILITAS, & quoties interrogares
hoc dicerem, non quod alia non sint præ-
cepta quæ dicantur, sed nisi humilitas
omnia quæcunque benefacimus & præ-
cesserit & comitetur, & consecuta fuerit,
totum extorquebit de manu superbia.

Hujus

Hujus hostis (scribit alibi) vires non sentit, nisi qui eî bellum indixerit: Quia etsi cuiquam facile est laude carere dum denegatur, difficile est ea non dele. pist. 64. Et arî cum offertur. Non verbis solum hæc docuit Augustinus, sed re & opere ipso, utpote qui in sublimioribus cunctis se demississimè habuit, se suaque omnia non tantum aliorum judicio libenter subiiciens, sed (licet doctissimus fuerit) infimum tamen sese credens ac postremum, quantoque major in existimatione hominum erat, tanto magis se in omnibus humiliavit. Si Paulus Apostolus (*dicebat*) quanto magis ego, longè infra illius jacens pedes &c.

XIV. Quantumvis verò major & operosior videri possit moderationis observatio in internis sive animæ bonis, quam externis sive corporeis, eò quod summa mentis cæcitas cognitionem nostri summoperè impediat, efficiatque ut minus nobis quoad ipsa rerum internarum viscera simus perspecti; neutiquam tamen justam literati propter ea quoq; bona superbiendi causam habebunt, si quanta sit scientiæ nostræ exilitas probè deprehendant. Miratur haud abs re Theodoretus non pudere philosophos passim gloriari compertam sibi esse aëris ætherisque mensuram, qui maris tamen profunditatem ignorent, quam conto ac summissis funibus & bolide explorare non adeò arduum videretur, qui etiam circa res naturæ tantoperè invicem dissentiant, non exiguo argumentò latentis veritatis & densæ ignorant-

*Theodor.
lib. IV. ad
versus
Græcos
sub init.
Idem latè
versat
Lucianus
in Herm.
sive dial.
de sectis,
& dial.
cui tit. vii
tarum
antiq.*

& demque
 in omni
 scientia
 & disci-
 plina cer-
 ni mon-
 stras Ti-
 raquellus
 cap. 31. d
 nobil. n.
 § 32. seq.
 Arnob.
 lib. II. n.
 50.
 apud
 Theodor.
 l. c. lib. 2.
 Lactant.
 lib. de ira
 DEI cap.
 10.
 tia nostræ circa ea ipsa quæ in oculos incur-
 runt, quanto magis circa res abditas, vel sen-
 sui impervias? uti & Arnobius ex tanta philo-
 sophantium dissensione optimè conclusit; *cum enim* (ita ille) *veritas una sit, & tan-*
ta dissidia pugnantesque sententia inter sa-
pientes de rebus sensum ferientibus effer-
buerint, multos errare necesse est, & igno-
ratione laborare. Cœcum equidem eum esse
 oportet, qui plurimis errantibus se solum à
 labe immunem fore existimaret, ex tanto er-
 roris periculo, tamque densis tenebris neu-
 tiquam elationis superbiæque argumentum,
 sed potius humilitatis & despicientiæ sui uber-
 rimam capiat materiam. Imò quantò quis
 rerum naturæ peritior, tanto de se sentiat
 demissius, quod norit quam parum de intimis
 naturæ recessibus intelligat, ac pro rerum pe-
 netralibus solà vestibula teneat. Socrates
 certè mortalium (ut vulgò creditum) sapien-
 tissimus, cœciorem sese esse agnoscit in pervi-
 dendis naturæ rebus ex quo philosophiæ de-
 disse operam. *Et cum* (Lactantio præclare
 scribente) *esset omnium philosophorum doctissi-*
mus, amen ut cæciorum argueret inscitiam (im-
 mensæ sc. superbiæ sociatam) *qui se aliquid*
tenere arbitrabantur, ait se nihil scire,
nisi unum quod nihil scires. Intellixit enim
 doctrinam illam nihil habere in se certi, ni-
 hil veri, neque ut putabant quidam, dissimu-
 lavit

lavit ipsam doctrinam ut alios refelleret, sed vidit ex parte aliqua veritatem, Testatus est etiam in iudicio (sicut traditur à Platone) quod nulla esset humana sapientia: adeoq. doctrinam quâ tum philosophi gloriabantur contempsit, derisit, abiecit, ut id ipsum pro summa doctrina profiteretur, quod nihil scire didicisset. Pectoris nimirum humani tenebras probè agnovit, & quanto perè ad rerum omniû notitiam cæcutiamus. Quem admodum & Gregorius Nyssenus, increpans *Gregor.* Eunomii (rerum altissimarum, ipsiusque divi- *Nyss. o-* *rat. 9.* *contra* *Eunom.* *næ* *essentiæ* *cognitionem* *jaçantis*) fatuitatem, non malè statuit, naturam animalium etiam minutissimi nempe formicæ à nobis ignorari. Locus est egregius quem idcirco nolo præteritum: Qui gloriatur jactabundus se, eorum quæ sunt scientiam adeptum esse, quod minimum est eorum quæ nobis ante oculos apparent: quæ sit ejus natura, nobis explanet, ut ex eo quod notû est, de eo etiam quod occultum est & incognitum, fidem faciat. Et quanam sit formicæ natura sermone explicet; utrum spiritu & habitu ejus vita contineatur, utrum visceribus dispensetur similiter aliis animalibus, utrum ossibus corpus constructum sit, utrum medulla ossium

cavitates intus plenas sint; an nervis & vinctulis compages sit contenta; an musculorum amictibus, & adenum sive grandularum, nervorum situs contineatur? - - - *Quam-*

Apparet diu vivat, & quis ex sese generationis mo-
Nyssenū dus; & quanto tempore fœtus concipiatur,
ut sepè a- *& quomodo neq. formica omnes pedestres,*
liās ex *neq. volucres omnes, sed alia humi reptent,*
fratre *alia aërea videantur.* Qui igitur se ja-
Basilio *profecisse* *Etat eorum quæ sunt naturam adeptum esse,*
scribit Th. nobis primum formica naturam declaret.

Raynaudus Lib. VI. de Virt. & vitiis Sect. 2. c. 18. Qua ipsa argumentatione præter Eunomium
Conf. Nyss. epist. 108. convinci possent omnes ventosi in Orbe literato
Itē Ori- gen. contra Gels. Xenophon lib. 4. memor. Socr. erat. dist. atque fa-
Etor. Thrasones, quibus frequens est jactare illud ab Origene in Celso Epicureo tantoperè exagitat-
 um : OMNIA NOVIMUS ! Non paucos olim turpissimi fastus æstro percitos id de se
 professos fuisse, ex Dione, Platone & Nazianzeno discimus, eaque propter Euthydemum
 quendam insolentissima vanitate diligentissimè cavisse, ne quidquam ab alio discere vide-
 retur, Xenophon disertè prodidit. Annon nota etiam ævo quidam eâdem labe correpti ac
 corrupti inveniantur dispiciant alii. Non possumus equidem non eorum coarguere insipientiam,
 qui cum cæteros à pernicioso illo animi tumore avocare, mentisque integritati restituere
 debent, ipsi ut plurimum ingentem animi suū

sui elationem per aliorum (etiam si doctiorum ac meliorum) prodant contemptum, tota interea sint in sterili verborum aucupio & orationis flosculis conquirendis, eaque lenocinia sapè in sui & auditorum detrimentum confectentur, licet ipsi gentilium magistri, cum primis Seneca & Macrobius eam orationis castigaverint lasciviam, & tanquam clarissimum corrupti [imò inflati turgidiq̃ue] animi indicem meritò exploserint. Meritò inquam; *Est enim* [scitè dicente Cassiodoro] *quoddam mentis speculum, agentis oratio, nec majus potest esse mentis testimonium quam qualitas inspecta verborum.* Hæc itaque si elatam quandam redoleant vanitatem, haud obscure innuere videntur, quid de ipso proferentis animo sit sentiendum. *Cujuscunq̃ orationem* (appositè ait Seneca) *videris sollicitam & politam, scito animum quoq̃ non minus esse pusillis occupatum.* Magnus ille remissius loquitur & securius. *Quacunque dicit plus habent fiducie quam cura. Nosti complures juvenes barba & comanitidos, de capsula totos. Nihil ab iis speraveris, forte nihil solidum.* Oratio vultus animi est, si circumtonsa est, & fucata, & manufacta, ostendit illum quoque non esse sincerum, sed habere aliquid fracti, non est ornamentum virile concinnitas. Nullum equi-

Seneca e-
pist. 114.

Macro-

II. Satur-
nal c. 4.

Cassiod.
lib. 5. E-

pist. 22.

Seneca e-
pist. 115.

equidem dubium est eruditorum plurimos nimia sua dicendi & loquendi elegantia & cultu ingentem animi fastum proderet squaloremq; variam imò & præposteram laudis ac gloriæ ex inani argumento captationem auditoribus obijcere contuendam, nec non judicii defectum, & puerilem in re seriâ hallucinationem apud cordatos risu & subfannatione dignissimam.

Max.
Tyrius
differt. 15.
n. 89.

Quam absurdum est (inquit Max. Tyrius) *quod pyrum, ut Homerus ait non senescat, nisi novum adveniat, nec malum, nisi aliud accedat, uva uva succrescat, ficus ficui; sermo verò solus simul nascatur & pereat, fructusque orationis nec semen ullum habeat, nec vim nutriendi, neque interiora anima penetret,*

Sed tantum leviter supra natet, instar olivi?

Conf. Lucian. in Alexiphane, & ostentationem, quâ studio singulari quidam in Rhetorum prædeque imperitorum admirationem ac plausum cept. ac querere conantur, saltim prætermisso fructu Gell. lib. I. solam spectantes verborum compositionē. Muc. 10. l. 5. sonium Philosophum (ita egregiè Gellius) c. 2. lib. solitum dicere accepimus: Cum Philosophus
6 c. 15. l. 13. c. 9.

phus hortatur, monet, svadet, objurgat, a- *Gell lib. V. cap. 16*
liudve quid disciplinarum differit, tum
qui audiunt, si de summo & soluto pecto-
re obvias vulgatasque laudes effutiunt, si
clamitant etiam, si vocum ejus festivitati-
bus, si modulis verborum, si quibusdam
quasi frequentamentis orationis moven-
tur, exagitantur, & gestiunt, tum scias &
qui dicit, & qui audivit frustra esse, ne-
que illic philosophiam loqui, sed tibici-
nem canere. *Nec minus præclare Seneca; Seneca*
Audisse Te scribis Serapionem Philoso- *epist. 40.*
phum, cum istuc applicuisset, solere ma-
gno cursu verba convolvere, quæ non ef-
fundit, sed premit & urget. Plura enim
veniunt quam quibus vox una sufficiat.
Hoc non probo in philosopho, cujus pro-
nunciatio quoque sicut vita debet esse
composita. Pluraque addit insignia adver-
sus vanum à rebus [ut ait] ad verba transla-
tum studium, quæ apud ipsum non sine fructu
legi poterunt & emolumento.

XV. Operæ equidem pretium fuerit ea le-
gisse non paucos sub Christianorum oratorum *Mure-*
larva Comædos & circulatores, inflatæ elatæ- *tus com-*
que vanitatis utres, quorum oratio (ut Mure- *ment. in*
tus haud abs re ad istam Senecæ epistolam sto- *Senecæ*
macha-

machatur,) cum non compta ac calamistrata, sed gravitatis, authoritatis, majestatis ac sanctimoniae plena esse deberet, tota papavere ac sesamo sparsa est, & ex mellitis verborum contexta globulis, ita ut ad eos non tanquam ad vitae magistros aut vitiorum correctores, sed tanquam ad Comœdos aut histriones eatur. Stant illi, & cum frontem bis terve confricuerunt, barbamque permulserunt, hiantes & mirificum aliquid ac θεοπέσιον expectante plebe (plebis autem nomine etiam quosdam ex optimè vestitis comprehendendo) laxant habenas lingvæ, & similiter cadentia, similiterque desinentia coacervantes, paria paribus, contraria contrariis opposcentes, multa etiam semel suo ordine dicta, sursum versum, aut aliàs variato ordine repetentes, eaque in re memoriam pueriliter ostentantes, atque hæc saltatricularum in morem gesticulatoriis, neque unquam quietis manibus adjuvantes, argutè multa, multa quibus risum excutiant, dicunt. Nunquam interim aut sibi aut auditoribus respirandi facultate permissa. Quibus omnibus rebus, admi-

admiracionem imperitis, cordatis & intelligentibus nauscam ac stomachum commovent. Hoc scil. elata illius vanitatis est præmium, fastusque indecori adæquatum stipendium. Verum graviora longè mala è cœnosa ac lutulenta ista tumida orationis scaturigine promanare Magnus Chrysostomus observavit, plebem suam notanter hunc in modum compellans : Hoc subvertit Ecclesias, quod & vos non quæritis audire sermonem qui compungere possit, sed qui oblectet tinnulo strepitu & verborum compositione, quasi citharædos & cantores audientes, et nos frigidè ac miserè facimus, nostras affectiones sequentes, quas ejicere oportebat - - - Flosculos verborum & compositionem & harmoniam curiosius sectamur, ut canamus, non ut prosimus, ut simus in admiratione, non ut doceamus, ut oblectemur, non ut compungamus, ut plausu & laudibus obtentis abeamus, non ut mores componamus. Quæ sudorum meorum utilitas, si auditores è verbis meis nullum fructum accipere volunt? Sed & multo ante Chrysostomum tempore Clemens Alex. cum ornatum dissertationis turpem esse & indignum philosopho

*Johan.
Chrysost.
hom. 30.
in Acta.*

*Clem. Alex.
I. Strom.
mat. 6. 4.*

sopho

*Hieron.
epist. ad
Nepotia-
num.*

sopho Christiano diserte judicavit. Coronis loco insignem è quâdam Hieronymi epistola locum adscribamus, cum planè nobilis sit & luculentus: Verba [scribit] volvere & celeritate dicendi apud imperitum vulgus admirationem sui facere indoctorum hominum est - - Nihil tam facilè quam vilem plebeculam & indoctam concionem lingvæ volubilitate decipere, quæ quicquid non intelligit plus miratur. Loquor enim quæ sum ipse nuper expertus: Unus quidam Poëta nominatus homo perliteratus, cujus sunt illa colloquia poëtarum ac philosophorum, cum facit Euripidem & Menandrum inter se; & alio loco Socratem atque Epicurum differentes, quorum ætates non annis, sed seculis scimus esse disjunctas, quantos is plausus & clamores movet? Multos enim condiscipulos habet in theatro, qui simul literas non didicerant. Tale sapientissimus Doctor judicium tulit de inani illa captatione gloriæ & vana eruditionis ostentatione, qua de peculiari commentatione egimus.

XVI. Quàm jejuna autem turpisque ea superbiendi est materia, quæ ex dicendi facultate sublimiori desumitur, tam perniciofa & exitio-

exitiosa ea est elatio, quæ ex ipso VIRTUTUM CHRISTIANARUM STUDIO ATQUE EXERCITIO ducit originem. Hanc labem meritò Nazianzenus *malorum nostrorum miserrimum* appellavit, disertè judicans, id esse supra modum peccans peccatum, per id quod optimum est, homini exitium afferens. Sanè si divinæ bonitatis infinitatem eo nomine suspexit Plotinus (referente Theodoro contra Græcos,) quod ex malis bona eruat, [neque enim peccata permetteret, nisi fructum ex eis longè majorem quam fuerit malitia extitutum prævideret, ut disertè D. Augustinus docuit] infelicitatis summæ ac imbecillitatis cum summa perversitate conjunctæ esse videtur ex bono eruere malum, & ex virtute vitium excudere, quod facit, qui bona sua moralia, virtutes inquam & studiosas actiones elationis habet argumentum. Ideò insignes morum, magistri (ipso Salvatore præeunte) sollicitè monent, caveat qui rectè operatur, ne bona sua opera divulgata velit cum aperto & humilitatis & pietatis discrimine. Quid quod Epictetus apud Arianum expostularit quosdam esse, qui tanquam boni Tragædi nequeant sibi solis canere, sed semper cœtum & theatrum quærant, quo actiones suas honestas prodant, moxque addit: *Si quis aquam bibit, aut molitur quippiam studiosi operis, quamvis capiat occasionem,*

Gregor.
Naz. O-
rat. VII.

Theodor.
lib. 6.
contra
Græcos.

Arian.
lib. III.
cap. 14.

qua ostendet sese omnibus, pradicans se a-
quam bibere, num ideo aquam bibis, quia
aquam bibis? Bone Vir, si prodest tibi eam
bibere, sanè bibas ipsam; sin minus, ridicu-
lè facis. Quod si prodest tibi ac bibis, ta-
cet coram iis, qui ab hujusmodi abhorrent
rebus, quidenim est quamobrem placere his
studeas? Sic idem Epictetus alibi cum qui Ve-
nere abstineant vult id tacitum habere, nec
propalare apud alios, ne dum corporis retinet
integritatem, eam virtutem perdat, quam ele-
ganter Fulgentius *anima integritatem* appella-
vit, i. e. humilitatem. Hâc præditus homo
doctrinâ pariter ac virtute illustris, non modo
tumorem reprimere studet quoad eam elationis
materiam quam ipse habet, sed etiam quoad e-
am, quæ occurrat in aliis, sibi per conjunctio-
nem aliquam sive cognationis sive communi-
tatis sive amicitiae etiam specialis sociatis.
Quemadmodum literatos Principum & Ma-
gnatum amicos ægrè modestiam retinere cum
Cassiodoro quidam observarunt. Non minus
equidem invigilandum est ut moderatio animi
florente superiorum gratia & benevolentia cu-
stodiatur, quam si mens singularibus donis va-
riæque doctrinæ ac virtutis thesauris sit prædi-
ta. Quid multis? Ubique & DEO & homi-
nibus exosa est superbia, & cum DEUM specia-
liter

Epict. in
Enchiri-
dion. 47.

Cassiod.
lib. 4.
epist. 4.

liter impetat hoc vitium, ejusque dignitatem & celsitudinem perversè æmuletur, semper ultrice ejus dextra est expiandum. Audiamus Philonem: *Illos [ait] qui fastu iurgidi volunt se spiscere, lex non ad humanum tribunal mittit, sed divino tradit judicio. Ait enim, quicumq; aggreditur aliquid agere cum superbia DEU Mirritat. Cur ita? Primum quia arrogantia est vitium animæ: Anima autem DEO soli est visibilis. - - De inde quoniam quilibet arrogans insana opinione inflatus, non tam virum quam heroem aut genium quendam se existimat, ut Pindarus inquit, transcendens humana naturæ terminos. Est autem nec animi satis compos nec corporis, toto habitu gestuq; morbum præ se ferens, incedit summis pedum digitis - - arbitratur se omnium ditissimum, nobilissimum pulcherrimum, fortissimum, prudentissimum, temperantissimum, solertissimum, alios verò habet pro pauperibus, obscuris, contemptis, imprudentibus, injustis, insipientibus, piacularibus, nihiliq; homuncionibus. Merito igitur talis ad DEI tribunal puniendus relegatur propheta sententia.*

Philo lib. de charitate.

XVII. Exulet igitur ab animo doctrinae eruditionisque insignioris copiis instructo omnis Elatio, nullum apud ipsum tumor superbiaque locum inveniat. Quod si sereno gaudere velit cœlo, precibus assiduis incomparabile illud sinceræ demissionis charisma efflagitet ab eo, qui Spiritum Sanctum suum, Spiritum veræ humilitatis disertè promisit orantibus. In priscis cœnobitarum mensis memorabilem morem receptum fuisse Damianus perhibet, nimirum ut turpi Lectorum arrogantia sincera opponeretur humilitas, quendam à Cœnobiarchâ subornatū Lectori publico cathedram conscensuro sonorâ voce acclamasse: *Auferat à Te DEUS Spiritum ELATIONIS!* Quandoquidem lectoribus quibusdam arrogantia vitium olim adeò familiare fuerit, ut dum alios per recti itineris tramitem (ut Damianus loquitur) dirigere debuissent, ipsi erronea confusionis periculum incurrerint; Cui præcavendo solemnis illa formula seu apprecatio occentari debuerit: *Auferat à Te DEUS Spiritum Elationis!* Quidnî Vir piè-doctus, si perspexerit quantam labem animæ arrogans scientia inferat, quam foedè succutiat & subruat virtutum ædem impotens iste halitus, (nimirum quod Gregorio dicente dum aliquis XV. Mo. de sacra legis scientia gloriatur, pretium sibi val. c. 16. convertat in veneni poculum, & inde RE-
PRO-

P. Da-
mianus
opuscul.
XI, c. 18.

Gregor.
M. lib.
XV. Mo.
val. c. 16.

PROBUS moriatur, unde ad vitam erudire videbatur alios, inque doctrinâ suâ mortem inveniat:) **DEUM** precibus compellaret assiduus atque ardentissimis, ut impudentissimum illum Satanæ angelum, *Spiritum* sc. **ELATIONIS**, illum ingeniorum optimorum actionumque præstantissimarum nequissimum corruptorem à se auferat abigatque, ne [quod aliis accidit innumeris] ipse quoque ab eo decipiat, supplantetur, extremæque perditionis periculû subire cogatur. **NON VENIAT MIHI** [dicat ad Regii Prophetæ exemplû] * **PES SUPERBIÆ!** Cave obsecro ô **DEUS**, ne communis ille literatorum adversarius, ille turbarum & dissidiorum concitator, spiritus nimirum elationis suis me petat **CALCIBUS**, sed missum potius faciat, nec ullam in me deinceps exerceat potestatem ! Meum gratiâ tua jugiter regge spiritum, ne supra me unquam extollar, neque gravi fastûs pondere gravatus æternum, deprimar, fac ut superbiam frequenter mihi ob oculos ponam ut fumum, primò adscendentem, mox vanescentem, qui quanto fiat su-

V 3

perior,

* *Psalm XXXVI. vers. 12. juxta vulg. Apostolus Thomas Aquin. in b. l. Non veniat mihi [scribit] pes superbie, id est affectus superbiendi removeatur à me. - Quia ex hoc pede est casus, sicut quando quis cedit propter **PEDEM** quem habet malum, &c.*

perior, tanto facilius evanescat atq; depereat. Si mihi quoq; astutissim⁹ ille hostis struat insidias, atque supplantare velit improvidum, Tua effice clementiâ ut tutus à labe consistam, neq; sublatuſ in altum, lapsu ruam graviore, ! Et cum facilius nihil sit quam PEDIBUS INFLATIS & intumescantibus impingendo, extremam corpori universo accelerare miseriam, hinc tanto ferventius DEum literatus invocet, ut perniciosum illum Elationis auferat *tumorem*, nullamq; præsumtuosam ambitionem animo suo dominari permittat. Si alios sui ordinis suæq; facultatis homines videat, non solum inflato illo superbiæ pede miserè supplantatos, verum præ fastu & arrogantia terram PEDIBUS vix amplius contingentes, *alasq;* sibi cum Icaro quærentes quibus in altum evolent, noster Davidica illa eò fottius ingeminet verba : *Non veniat mihi pes superbiæ*, ne forsitan offendam alicubi miserè, extremæque perditionis barathrum incurram. Adhæc consilii Apostolici memor literatus DEOq; sacratuſ homo nequaquam *ALTUM SAPIAT*, sed *TIMEAT* *AT potius*, nihil de semetipſo præsumens, nihil ingenio suo industriæque tribuens, sed fragilitatem pariter ac vilitatem naturæ suæ diligenter assidueque considerando omnem superbiæ (ex literarum artiumque studiis conceptæ) aditum intercludat. Timeat inquam potius, quam suis confidat ingenii doctrinæ-

Roman.
XI, 20.

Arinæque opibus, totus cohorrescat, ubi apertis mentis serenatæ oculis ingentia sua perspexerit pericula, nimirum quod (dicente Eusebio Emisleno) tanti tamque fallaces sibi objiciantur laquei, tam atroces innumerique hostes gressus suos observent, tantæ foveæ, tanta prærupta, tantæ rerum difficultates interjacent inter se & finem suum, h. e. supremā & imperturbatam felicitatem. Ad hæc cogitans quam arcta & ardua sit salutis via, quibus spiritualium latronum insidiis obsideatur, qui scopuli sint transeundi, qui subeundi fluctus, quanto sæpè impetu ab adversariis ad casum concussus sit, & ex casu in præcipitium, quoties Hannibal ante portas, molles nimirum enervatique affectus, hostes innumeri & indomiti se haud quidem invitum nec reluctantem oppresserint; quoties amoris gratiæque cœlestis funiculis tractus nefariè sit reluctatus, & trahentem Dominum neutiquam secutus, totus ille contremiscat, & de fastu omni abdicando extingvendoque seria secum (ope cœlesti fretus) agitet consilia. Porro perpendens lapsorum superborum ab omni ævo historiam, Angelorum, Protoplastorum, omniumque profanè alæque nimis sapientium tragedias, quam graviter perfidi rebellesque illi, qui cœlo bellum indixêre, à supremo tum judice tum vindice fuerint puniti; quam horrendum Gigantomachia ista semper habuerit exitum,

nimirum ut fulmine tacti Jovis impugnatores, jamque pridem suis machinis incinerati, exemplo suo miserabili posteros docuerint, non impune cœlum Numenque bello peti, nec DEUM fastu mortalium irritatum quiescere, donec (ut propheta ait) *grave de inimicis illis suis sumptum sit supplicium.* His inquam calamitatibus

Esa. I.

Eccles. X.

9.

miseriisque probè ac diligenter perpensis, quilibet literatorum hominum de eradicandis extirpandisque damnificæ illius arrogantia zizaniis apprimè sit sollicitus. *Ad quid superbiat terra ac cinis?* quænam arrogans ista esset prætensio, quæ temeraria præsumptio ut cinis superbire velit ac lutum? Num se extollet cœnosus vilisque humuncio, ingenii sui doctrinæque (spreto Creatore) confidens opibus? Indignum potius se reputet aëre, quem respicit, indignum cœlo, quod adspiciat, siquidem superbiendo perire maluerit cum diabolo, quam æternum regnare cum Christo. Subeat animus ejus ingens admiratio, quomodo angeli eousque sustinere potuerint perduellē Creatori, astra benignis observare adspectibus, clementia confovere, boni probique homines consortio suo dignari tantum omnipotentis Domini contemptorem. Planissimè sibi persvadeat non amplius esse quærendi locum QUID FECISSET? Siquidem de latente animi fastu ab interno monitore abunde jam sit convictus; sed tempus potius esse, imò plusquam

quam tempus, ut cum Saulo persecutore in terram prostratus, ob tanta flagitia tremens, ob tot pericula stupens, oculis lacrymantibus, contrito corde & singultiente voce exclamet: DOMINE QUID ME VIS FACERE? Seriam (ita ore respondet Prophetico-Apostolico) *age pœnitentiam!* summa cum reverentia coram læsa procumbe Majestate cœlesti, corque sincerè adaperiendo animi tui statum miserabilem detege, ad divinæ clementiæ Salvatoris beneficio partæ thronum cum fiducia accede, & cane pejus ac angue omnem deinceps fuge mentis elationem.

XVIII. Tanto verò tamque intolerabili jugo, cœlesti ope excusso, pie literatus in veræ sinceræque humilitatis via constanter ambulet, utque ad eam tantò facilius feliciusque pertingat, frequenter mentis oculos in id convertat, quod centum vel quinquaginta ab hinc annis fuerit, quodque tunc fuerit DEUS, equidem deprehendet tunc se nihil, nullaque rei cujusquam curâ tactum; DEUM verò semper fuisse immensum, infinitum, immutatum, Regem summum atque potentissimum, rerum & virium omnium fontem indeficientem, à quo omne suum esse, posse, vigere, perdurare usque eo continenter defluerit, ut si vel momento vigorem instillare intermisisset, illicò in nihili sui voraginem fuisset detrusus. Quod si ignis igni, venenum veneno alteri possit esse

remedium, quidni naturæ nostræ inpulveres
& VERMES resolvendæ consideratio inter-
imere *vermem SUP&RB IÆ* posset, omnem-
que animi expellere fastum? Si diligentiori in-
super mentis trutinâ ponderet literatus partim
ea quæ sibi etiamnum desint, partim in quibus
frequenter deficiat, nullam sibi vel ad illa com-
paranda, vel ad hæc ritè consummanda facul-
tatem inesse reperiet, nisi eam largissimo DE I
munere recipiat. Licet egregia artis scientiæ
ingeniiq; ornamenta possideat, plura semper
præstantioraque sibi deesse persentiscet. Quan-
tæ [bone DEUS!] omnigenæ eruditionis co-
piæ (uti supra monuimus) adhuc sunt abscon-
ditæ, quas nequidem prioribus labris eruditî
attigerunt, vel in quibus minus accuratè sese
exercuerunt! quam multa in rerum divinarum
atq; humanarum præteritarum pariter ac præ-
sentium cognitione ignorant! In tot lingua-
rum, artium, scientiarum, exercitationumque
varietate quam multa ne tenui quidem suspi-
cione percipiunt! Ea verò in quibus plus ali-
quid peritiæ sibi arrogat, magna ad eò medio-
critate & definito limite possident, ut pluri-
marum earumque utilissimarum rerum defectu
laborent, nec doctrinæ scientiæq; opibus ad eò
onusti sint, quam se divites esse mentiantur.
Hinc non solû intelligent, quam exiguâ peri-
tiæ aut eloquentiæ cuiusvis habeant portionē,
sed quam longis parasangis superentur ab aliis,
ut præ istis, tantillū id quod habent, vix aliquo
in

in pretio sit reputandum, hinc suæ eos tenuitatis omnino pudebit, oculis animi potius ad præstantiora quam ad inferiora conversis. Si-que id ipsum divinæ gratiæ radiis collustratus literati hominis animus assiduè consideret, non adeò arduam, nec laboriosam imò nec admodum operosam veræ sinceræque humilitatis exercitationem esse deprehendet. Nunquam sapiet aut spirabit ille altiora, sed AD ALTIORA potius sinceræ pietatis sui-que ABNEGATIONIS *culmina* usque & usque adspirabit, quanto fiet locupletior, tanto sibi pauperior videbitur.

Tantò unusquisque [ait quidam] *capacior tanto avidior erit quanto inde plus hauserit* Siquidem *Inter e-*
virtus dum in processu est, non tam quid pro- *pist. Au-*
fligatum præclareque actum sit reputet, quam *gust. ep.*
quantum profligandum restet atque per- *142. c.*
ficiendum. *Verè pius* (inquit ipse D. Aurelius) *11.*

plus semper intendit in ea in quibus sibi August.
displicet, quam in ea si qua in ipso sunt quæ l. V. de
non tam ipsi quam veritati placent. Neque C. D. c.
id tribuit unde jam potest placere, nisi ejus mi- *20.*

sericordia cui metuit displicere. Si profanus
ille Sexti⁹ die quolibet peracto ad contempla- *apud Sen.*
tionem sui reduxit animum, quidquid gesserat *l. 3. de i-*
dixeratque examinans & ad Pythagoræ exem- *rac. 36.*
plum secum exigens: Quid prætergressus? & 37.

Quid gestum in tempore? quid non? Si idem
ipse fecit Seneca, inquirens in se an ex præce-
ptis se gessisset, cui affectui restitisset, qua parte
fani-

300 COMMENT. II. DE LIT. FASTI SIVE SUP.
 sanior vel sanabilior evasisset ; potius de eo-
 dem officio ritè adimplendo semper cogitet
 literatus christianus , indeque fragilitatis suæ
 capiat documentum. Nec minus ad animum
 sibi revocans quam nihil sit , quam illa ipsa
 quæ aliunde acceperit tenuia atque medio-
 cria sint , T I M O R I S potius quam T U-
 M O R I S ansam atque occasionem arripi-
 at, utque eò magis in præclaro hoc doctrinæ
 profundissimæ genere proficiat, & in cœlestem
 tandem aliquando Academiam cum optimis
 Christi humilimi discipulis tanto certius trans-
 feratur , mirabilem Magni Gregorii sententi-
 am diligenter assidueque perpendat : EVI-
 DENTISSIMUM REBROBORUM
 SIGNUM SUPERBIAM ESSE , siqui-
 dem illi ob nefastum suum FASTUM è FA-
 STIS DIVINIS deleantur , atque expungan-
 tur è libro VITÆ. Quod unicum effatum,
 pro dignitate sua in dies inque momenta sin-
 gula ritè consideratum æstimatumque, ingem-
 em in eis Superbiæ execrationem , mirabiles
 verò humilitatis amores conci-
 tabit.

*Gregor.
 lib. 34.
 Moral.
 in fin.*



COM-



COMMENTATIO III.

DE

LITERATORUM HOMINUM CENODO- XIA,

SIVE PERNICIOSO

INANIS GLORIÆ AMORE AC STUDIO.

I.



Aud abs re Magnus ille Alber-
tus in doctrinis ethicis hominem
usq; adeò sui ipsius deceptorē atq;
illusorem esse judicavit, ut propri-
os sãpè tanquam IDOLA veneretur

affectus. Hoc autem pernicioso mentis
malesanæ excessu præ cæteris mortalibus VIRI
quidam ERUDITISSIMI tantoperè laborant fœ-
danturq; , ut miserrimæ illius deceptionis
fraude irretiti in gravissima propendeant cri-
mina, aramq; virtutis in cordibus suis doctri-
næ beneficio erectam constitutamq; turpiter
diruant atque evertant. Dum enim suos affe-
ctus

ſtus tanquam Numina quædam, vel luto ficta,
 vel ære fuſa, vel auro recocta, vel ligno dolata,
 vel ſculpta lapidibus ſiniſtra quâdam naturæ
 propenſione colunt, iisdem præſtantiffimū im-
 molare ingenium, ſuosq; libare ſudores haud-
 quaquam verentur. Sic multi Iræ, (ſæviſſimo
 illi eruditorum pectorum tortori) plures dolo-
 ri, alii aliis litare ſolent animi ægreditudinibus.
 Nonnulli ſædam ad eò & chriſtiano homine,
 nomineq; proſus indignam amant *εαυτοδυ-
 σίαν*, ut ſtudia cuncta, vitam, tranquillitatem,
 conſcientiam, imò ipſam animam patronis im-
 molare, ſpretoq; creatore thura incendere
 creaturis conſtituant. Atque ut unusquisque
 literatus de optimo mentis ſtatu optionis erro-
 re dejectus, aut perditè concupiſcit, aut impo-
 tenter amat, aut deſperatè metuit, ita ſibi pe-
 culiare in animo idolum fabricat, cui profana
 ſeſe religione devovet, litatq; turpiter.

II. Inter subitaria autem isthæc literato-
rum hominum Numina, ipsorum vel ingenio,
vel errore & hallucinatione procusa, de qui-
bus haud malè dicitur:

- sua cuiq; Deus fit diracupido,
Dum sibi quisq; Deos avido certamine
fingit,

Locum faciliè palmarium INANIS GLORIA
obtinet, turpissima illa superbix species, quam

* B. Augustinus graphicè delineans, nil aliud esse

esse pronunciavit, *nisi secreti conscientiarum desertio-*
tiorem, cujusque finem & scopum palmarium
 Thomas propriæ gloriæ excellentiæque mani-
 festationem esse iudicavit. Ita plerunq; erudi-
 tis Viris inhæret laudis existimationisque suæ
 studium, ut quondam ingenuè fallus sit Demo-
 sthenes, se delectatum susurro aquam ferentis
 mulierculæ alteri in aurem dicentis : *Hic est.*

Cicer.
Tusculan. 3.

Docet Gyraldus veteres Jovem, Saturnum, Gyraldus
 Martem atque alios Deos majores adoratu-
 ros de Diis
 pedibus oscula libasse, at verò Deorum filiis aut
 semidiis, scil. Herculi, Polluci, Castori aliisque
 Gentil.
 manuum oscula obtulisse, ut dispar adoratio
 inæqualitatem divinitatis innueret, sic docto-
 rum hominum plurimi inani gloriâ turgidi
 planè divinos sumere spiritus, ac sibimetipsis
 tanquam Diis superioribus; aliis verò erudi-
 tis, veluti quibusdam semidiis aut Deorum fi-
 liis perversæ opinionis suæ oscula impressere.
 Arrogante ejusmodi & funesta sui persuasione
 olim Crescens ille laborabat, cui S. Justinus
 Martyr in altera ad Senatum Apologia obje-
 cit quod & Φιλόσοφος, ἀλλὰ καὶ Φιλό-
 κωμος καὶ Φιλόδοξος sit, eundemque Cre-
 scentem *plausus popularis & jactantia stu-*
diosum, hominis sapientis appellatione
 mini-

* *Lib. II. de Gen. contra Manich. c. 5. Su-*
perbia (ait) non est aliud nisi deserto decre-
to conscientia foris videri velle quod non est.

minimè dignum esse enuntiavit. Tales pleriq; fuere Gentilium Philosophi, quos non immeritò ANIMALIA GLORIÆ à Tertulliano & Hieronymo appellatos fuisse Heraldus in suo ad Tertulliani apologeticum commentario annotavit. Ac licet multa illi ad speciem fecerint, quæ professioni & nomini sapientiæ satis convenire viderentur, deq; summa hominis felicitate altissimâque animi tranquillitate præclare differuerint, haud quaquam tamen ad veræ summaeque sapientiæ culmen pervenere, eò quod in vanitatem toti intenti nec de aliâ re magis, quam laudis gloriæque sublimioris consecutione, & propriæ existimationis incremento solliciti fuerint. Ipsum cumprimis ARISTOTELEM insana gloriæ cupiditate eò abreptum fuisse quidam asseruerunt, ut cuncta veterum philosophorum monumenta flammis abolere tentaverit. *Uno incendio* (scribit Chrysostomus Magnenus) *congestas triginta sex seculis tot sapientia divitias absumsit, & si qua voluit superesse funeri, ea omnium ludibrio diæteriisque laceffenda tradidit populo, dum in optimorum bona invehit, abscissis perditisque sapientia statuarum capitibus suum imposuit singulis, &c.* Quicquid verò de Aristotele ad hoc scelus quod attinet (quo cum omnino vacasse Viri quidam erudi-

Chrysost.
Magne-
nus De-
mocriti
revivisc.
pag. 33.

ruditissimi judicarunt, existimantes nonnullos in ipsum affectu magis aut ignorantia, quam ratione impulsos ita detonuiffe) sit statuendum; CICERONEM tamen perniciofa illa INANIS GLORIÆ labe graviffimè correptum corruptumq; fuiſſe, & hoc uno flagitio, quod ſe ipſum laudaret & celebraret aſſiduè, multos offendiſſe teſtatus eſt Plutarchus, meritoq; im-
 menſum illum ſuggillavit tumorem ex ſcientiâ *Plutar-*
 & literariis inſignibus conceptum, quem non *chus in*
 ineptè Eunapius AUREAM INSANIAM *Cicer.*
 vocavit. Præcipua hæc nota hominis eſt impudentis, qui ſibi ſoli ita placet, ut præ ſe cunctos contemnat alios, ſibi impenſius ab-
 blanditur, ſe unum admiratur, ſe prædicat, ſeſe cuiſvis venditat. Hujus notæ fuit ille apud *Arriano*
 Arrianum, quem Epictetus ita loquentem in- *lib. II.*
 duxit: *Quando inanis fuero & vacans curis cap. 19.*
praſertim in convivio, admiratione ſuſpen-
ſos habeo convivas praſentes dum numero
ſcriptores. De his rebus mira ſcripſit in
primo περὶ δυνάμιν Chryſippus, & Cleantes.
ſeparatim de his librum edidit, nec non &
Archedemus; quin & Antipater, nec ſolum
in libris περὶ δυνάμιν, ſed peculiariter quoq;
in libris περὶ κριτικῶν; commentarium
non legiſti? non legi; lege igitur. Et quid
utilitatis inde capies? ſubdit de thraſonica

illâ jactantia Epictetus, *nugacior & ineptior erit quam antea fuerat, cum Tu cum legisti non magis in virtute profecisti.* Putida igitur erat hæc hominis [licet reverà eruditi] ostentatio, dum variam suam lectionem intollerantius jactavit assidentibus. In eâdem ostentationis palæstra illi apprimè olim fuère versati, qui astantium auribus nescio quos centones latinos vel græcos hinc inde collectos obtruserunt, plenasque ridiculæ venditationis voces emiserunt: *Memini me legere; Poeta canit, docti in sermonibus dictitant*, & sexcenta id genus, quæ cum apud imperitos magnam habeant admirationem & plausum, insulso literatos tantoperè inflarunt, ut magnificè de se ipsis sentire, suasque passim ostentare opes & dotes prædicare non dubitarint. Audiamus quid scripserit Svetonius de quodam hujus pulveris bambalione: *Palamon Grammaticus arrogantia fuit tantâ, ut Marcum Varonem porcum appellaret, secum & natas & morituras literas; jactaret nomen suum in Bucolicis non temere positum, sed prasagiente Virgilio fore quandoque omnium poematum Palamonem judicem.* Quid arroganti hoc tumore pestilentius? Haud multo modestior Appion Grammaticus, is quem Tiberius Cymbalum Mundi appellavit, cum publicæ famæ

Sveton.
de illustr.
Gramm.

tamæ inanisque gloriæ tympanum videri pos-
 set *immortalitate donari à se scripsit, ad quos*
aliqua componeret. CALLIPHANEM poe-
 tam non immerito Ravisius, Athenæo præun- *Jo. Ra-*
 te reprehendit quod diversorum carminum & *vis. Text.*
 orationum initia conscribere consueverit, ea- *prof. al-*
 que ad tres aut quatuor versus pronunciare & *ser. in o-*
 OSTENTARE, ut commentum ignorantibus *pui epi-*
 multiscius & eruditus videretur. Nimirum *cheter.*
 varios utroque orationis genere libros paucis *Conf. A-*
 ille lineolis tantum inchoaverat, nec ulterius *theneum*
 erat progressus, iisdemque operum imperfe- *l. 1. Dip-*
 ctorum initiis vanam captabat gloriam, quasi *nos. fol. 2.*
 factus illos omnibus numeris absolutos in scri- *& Tho-*
 niis suis asservaret. Nec satis decenter Calvi- *masi*
 sius quidam Sabinus fatuos umbratilis gloriolæ *Diff. de*
 igniculos captavit dum magnis pretiis (Sene- *plag. lit.*
 ca teste) servos comparavit literatos, quorum *§. 375.*
 alter hunc, alter illum Poëtam memoriter nos-
 set, ut iis veluti nomenclatoribus contra do-
 ctos disputans uteretur, non secus ac Aulus ille
 Posthumius, familia quidem nobilis ast garru-
 lus & loquax græcam institutionem & lin-
 guam eo solum fine expetivit, ut doctos exa-
 gitare atque nefando illi Idolo, quod inanem
 gloriam diximus, litare strenuè posset.

III. Jam verò si omnes LITERATOS CHRISTIA-
 nos qui in scdam istam ac tanto nomine indig-
 nissimam idololatriã incidere, quiq; Creatore

spreto thura subitatio illi numini CENODOXIAE scilicet incendere non dubitarunt, siue temporum, siue nationum siue facultatum & disciplinarum ordine observato recensere vellemus, Commentationis hujusce termini longissimè nobis excedendi, molisque vastissimæ opus adornandum esset sub titulo DAMNATAE VANITATIS GLORIOSÆ; verum paucos duntaxat ea labe pollutos Doctores ad VITIUM illius literarii genium ac indolem eo rectius perspicendam notasse commemorasseque sufficiat. Non leve equidem latentis illius morbi malique indicium fecit HIERONYMUS CARDANUS, dum in septimo de rerum varietate libro asserere non dubitavit, *SE VIVENTEM AB OMNIBUS, qui dignum aliquid memoria scribant, ITA COLLI, ut non puduerit illos fateri, quæ AB IPSO fuerint inventa.* AMENTES insuper (ut superiori etiam commentatione notavimus) eos omnes vocans, qui nesciant inventa sua talia esse, quæ à nullo ætatis suæ inveniri potuerint, qui non fama egregia esset cognitus. En jactabundi, & pudendo inanis gloriæ cæno miserè polluti animi evidentissimum characterem! Haud abs re Magno illi WESSELO Gansfortio (quem nonnulli Lucem Mundi vocare non dubitarunt, quod seculi barbari tenebras doctrinæ suæ singularis splen-

*Cardan.
lib. VII.
de rer.
variet.
c. 33. p.
333.*

splendore illustrasset,) vertitur vitio, quod li-
 cet honorificos Doctorum titulos contemserit,
 in solennibus tamen congressibus disputa-
 toriis Thomæ autoritatem objicientibus ad
 hunc plerumque responderit modum: *Thomas*
fuit Doctor, quid tum? Et ego Doctor sum, G. Gel-
Thomas vix latine intellexit, & unilinguis denbaur.
fuit, ego trium principalium linguarum pe- in vita
ritiam sum affecutus, Thomas vix umbram Johan.
Aristotelis vidit, ego Aristotelem græcum in Wesseli.
ipsa Græcia didici &c. cujus jactantiæ fumus
 non parum equidem illam mundi lucem obscu-
 ravit. Festiva etiam sunt nec omnibus nota, quæ
 de Angelo Politiano tradit Francisc⁹ Duarenus, Duar.
 Fr. Balduinum alloquens, narrata sibi ea refert opp. p.
 à Budæo, qui eadem ex Jano Lascare crebrò se 1107.
 audivisse affirmaverit: *Cum Politianus Flo-* Coxf. Co-
rentia interpretationem Homerica Iliados lomes.
cum magna celebritate aggredereetur, non in Cimel.
sine ingenti ostentatione, qua de Homeri liter. &
poemate præscripta sunt ab Herodoto, audi- de plag.
toribus suis è suggesto recitabat, quo tempore liter. Cel.
Herodoti liber græcè scriptus, à nullo adhuc Thomas.
conversus in latinam linguam, nec typogra- §. 5269
phorum formis excusus erat, itaque Lasca-
ris, qui tum honoris ac dicis causa numerum
auditorum augebat cum paucis quibusdam

aliis græcè doctis hominibus, qui ignorarent, unde omnia, quæ pro suis recitaverat, hausisset. Is igitur paulò post ad hominem conversus, cumq; seducens; Dic mihi quæso, inquit, Politiane, quo ore Herodoti opus insigne quod ante tot secula conscriptum est, in tanto cætu ut tuum recitasti? Cui mox subridens Politianus; Nunquam inquit putassem, Jæne, hominem græcum adeò ejus artificii rudem & ignarum esse, quo ad multitudinem existimatio & fama comparari solet. Quasi verò, inquit, non satis intelligam tres, aut summum fortassis quatuor vos hîc adesse, quibus Herodoti libros aliquando inspicere contigerit. Sed quanam hic sit turba **NOBIS ADPLAUDENTIUM, & INCOELUM LAUDIBUS FERENTIUM,** vides. Apud quos si existimationem nostram (quod minimè spero) vel tantillum ladere volueritis, oratio profectò vestra, ut gloria nostra invidentium hominum, non multum fidei ponderisque habitura est.

Jan.

Nic. E-

rythr. pi

nac. S. II.

p. 200. 201.

VI. Hæc ipsa ostentationis maculâ præ cæteris quondam pollutum fuisse **FORTUNATUM SCACHUM**, reconditæ alias doctrinæ hominem, Janus Nicius Erxthraus in pinacotheca sua

disertè

disertè indicavit, *nimirum libris edendis cum operam duntaxat dedisse, ut nomen suum immortalitati commendares, imò secretum semper ac remotum ab arbitris locum quasi-
visse ut scriptioni daret operam, atque eter-
nam sibi gloriam scriptorum fama conficeret.*

Hinc annis jam gravior linguarum sese tradi-
derat cognitioni, nec græcam solum ut M. Cato
senex arripuit, verum etiam hebræam sibi red-
diderat ita familiarem, ut Sacra Biblia duobus
voluminibus comprehensa nono ævi hujus aâo
ediderit, postmodum duo de sacris unctionibus
concinnarit volumina, unum Sacrorum eleo-
chrysmatum, alterum sacrorum arcanorum ti-
tulo inscriptum, utrumque varia atque admi-
rabili eruditione refertum. Nec dubitavit
[gloriæ stimulis incitatus] Scachus in arenam
descendere cum viris etiam doctissimis, eorum-
que contra se differentium validissimas reper-
cutere hastas, majoraque indies eruditionis
profundioris dedisset documenta, ni arcano
DEI (elatis omnibus resistentis) judicio apo-
plexiæ subito morbo correptus, tantam capitis
oculorumque calamitatem incurrisset, ut omnia
in eo tum excogitandi tum cernendi scribendi-
que facultas evanuerit, tandem ipse vitæ & mi-
seriæ suæ splendida colophonem [utinam fe-
licem!] imponere necessum habuerit. Magis
verò stulta ridiculaque de alio inanis gloriæ

Nic. Erythr.

l. c. p. I.

pag. 21.

22.

inter Italos mancipio idem Erythræus commemoravit, cui Belmonits Cagnoli nomen, varique laudis studium curæ cordique tantopere fuerit, ut in heroico carmine laudem primam sibi vindicarit, sibi que homo gloriarum plenissimus persuaferit nomen suum in toto Terrarum Orbe esse celebratum, ac si literatus quispiam ipsi advenienti continuo non assurrexisset, talem irarum plenus compellare non dubitarit: Itane? Abbas Cagnolus, eversæ Aquileæ (rhythmos enim octonis inclusos versibus de Aquileæ capta soloque æquata conscripserat, & cum Tassi versibus ejusdem argumenti edendos curaverat) & tantorum Carminum auctor, tuam potuit notitiam effugere? non fit verisimile: Et cum stultitia suâ quorundam risus excitasset, ira summopere inflammatus; Quid ridetis, inquit, insani? Ego sum ille Abbas Cagnolus, qui ex dirutæ Aquileæ poemate tantam mihi gloriam famamque collegi, ut nullus in terra vivat, cujus nomen sit apud omnes illustrius & clarius. Non defuisse equidem illi ingenium & eruditionem, versus in Juliani Martyris, Laur. Justiniani Alexii que laudem conscripti, nec non Mariæ Magdalænæ lacrymæ ab eo decantatæ testantur, verum insana illa jactantia verè Davus ille fuit, qui cunctas ejus turbavit dotes, omniumque ludibrio hominem exposuit. Quod etiam excepit Cynthii cujusdam Lucarini (hominis ex Erythr. testimonio summa divinarum humana-

rum-

Idem Pi-

nas. II.

n. 30. p.

103.

tumque rerum scientia præditi, ast de mentis statu tandem dejecti) insanum effatum ; *Currum* [aiebat ille] *parari curabo mirabili artificio multisque mysteriis refertum , in quo triumphem , eo quod scientiam rerum omnium complexus, cunctos mortales sapientia vincam.* Socium sibi in hoc stultitiæ curru jungere debuisset Franciscum illum Balducium ; qui cum (eodem Erythræo tradente) viros nobiles & divites suis carminibus laudis & præmii spe extulisset, quendam ex amico adversarium suum non dubitavit hunc in modum compellare: *Vide, aiebat, si pergis odiosus esse, ego Tibi immortalitatem adimam , quam meis parare possum versibus.*

V. Longum nimis atque prolixum foret omnes VANÆ GLORIÆ sectatores LITERATOS in medium producere, suisque coloribus exhibere depictos. Innumeri equidem hodiernum, ut in omniū oculos incurrant, atq; totius Orbis literati pateant conspectui, gravissima vitæ & animæ subire solent pericula, à supremæ felicitatis scopo turpiter ut plurimum aberrantes. Utinam non ipsi Musarum, ipsi Sacrorum Antistites in hujusmodi ineptias prolaberentur, de ingenio suo vel eruditione, vel nescio quibus meritis ubique gloriantes, aut industriam & res gestas vel proprias vel etiam majorum suorum magnificè extollentes ! *Vi-*

dentur equidem qui hoc faciunt (præclare dicente nonnemine) eo ipso indicare, quod cæteris sese opponere cupiant omnibus, præsertim si illi non minus docti, ingeniosi & strenui videantur; vel si loco sint inferiores, illos quasi vi adhibita subigere, iisque suam vilitatem misériasque exprobrare conentur. Ea est demissionis sinceræ (qua homo etiam summè doctus in continua sui despicientia versatur, & immoderatam refugit gloriæ appetitionem) efficacîa, ut apud sapientiores omnes maximo sit in pretio, eamque laus nunquam peritura excipiat. Quam ipsam eruditorum quilibet facilè consequetur, si paulò penitius in se figat obtutum, consideretquè quam sit exiguum quod in se doctrinæ habeat vel virtutis, quamque modicum & tenue, quod ipse de suo contulerit ad impetrandum eruditionis solidioris decus. Si turgidus & inanis gloriæ vento inflatus literator dicente Porphyrio sit.

Ut puer accumulans, multum per litus arena

Unde sibi fingat per multa, sed omnia statim

Confundat manibus ludens, pedibusque repulset;

Potior longè humilis & ex infucata sui notitia verè fulgentis Doctoris laus erit ac gloria. Ab

jectio

jectione (ait quidam) contrahenda sunt vela feliciter radentibus aquor. Et rursus: *Joseph. Maria-*
Qui precariam felicitatem in humana glo- *vigl. in*
ria inanitate constituunt, ii profectò insa- *legibus*
niunt operosè. Collocant aras vanitatis suæ *honestæ*
in aura labente, nec aliter quam Thurii Bo- *vit. f. 52.*
ream adorant ventum. Falluntur astiman- *et 274.*
tes honorem velut bonum proprium, cum sit
alienum; honorari alienum est, honorare
nostrum. Dementia redarguitur Carthagi-
niensium Dux, ubi ex bello pro mercede tan-
tum gloriam quæsit. Melius fuisset vir-
tutem & laudabilitatem affectare quam glo-
riam. Infames declarant inepta Manlii
Capitolini vota qui malunt famam magnam
quam bonam, gloriamur sæpè (nos literati)
in iis, quorum potius pudendum erat. Achil-
lem fingit Homerus arrogantia stimulis velut
alis elatum, atque in summam levitatem con-
citatum.

Huic verò facta sunt alæ, atque levarunt
Pastorem populi.

Ne ejusmodi inanibus alis pueriliter sese effe-
 rant eruditi, ad ima potius quam ab sublimia
 vergant, utque probè discant felicissimæ am-
 plitudinis exordia, strenuè in humilitatis &
 abjectionis propriæ palæstra sese exerceant.

VI. Quod

VI. Quodsi verò primam Vanitatis illius
 sive JACTANTIÆ LITERARIÆ originem
 altius repetamus, ab ejusmodi affectûs præpo-
 steri perturbatione deducendam esse depre-
 hendemus, quâ omnis virtus pietasque præpe-
 ditur, & quâ obsessus literati hominis animus
 tam inordinato flagrat sui ipsius amore, ut se
 unum caput columenque rerum esse existimet.
 Talis alter prorsus est Astudamas aut Narcissus,
 falsa sibi vendicans, & ostentans bona quæ ha-
 bet minimè, demens altè spectat, nec locum in
 quo consistit præcipitem advertit, est ille ipsis-
 simus Cumanus Asinus, cui superjectum spoli-
 um leonis cum vocis asperitatem non ademis-
 set, nec obtusum ingenium acuisset, se tamen
 leonibus additum gloriabatur. Lingva ei est
 procax & ventosa, promptior alienis moribus
 corrodendis, quam suis emendandis, nasus
 is, quo aliena suspenduntur, totum os du-
 rum, imò totus ea cute est contactus quæ nescit
 erubescere. Sed & in gestu, incessu, statu ve-
 stituque universo eminet ostentatrix illa jacta-
 tio sui, eaque tinctus literator continuus est
 maliciarum sutor, & magnorum mendaciorum
 confarcinator, magnidicus, vanidicus, & a-
 marulentus infidelitatis hospes, mordens haud
 secus quàm bellua edentata, aut ut is qui [ut
 antea diximus] M. Varronem ausus est ap-
 pellare porcum, sus ipse aut si quid sue est im-
 mundius, aut certè ut Thestorides ille sola im-
 pu-

pudentia notus, qui Phocaidem Homeri abs se descriptam pro sua venditabat. Nec uno impudentiæ genere contentus, mox transit ad aliud, nunc palàm, nunc latenter lædit, alienam famam semper lacerat, veluti latens viperæ in occulto sua coquit venena, inque iis omnibus, quibus aliqua felicitatis literariæ pars continetur, ferales studet extruere nidos. Versipellis etiam est, sed ita ut in mediis versutiis sit amentia manifestus, nec enim advertit, se flagitiorum suorum dum laudes proprias debuccinat, & alienas deprimit, ineptum esse proditorem. Turpem ejusmodi inflatum & putidum vanitatis utrem Italum extitisse quendam Jacobum Claverium, laudatus Janus Nicius Erythræus in Pinacotheca sua perhibuit, qui adolescentem quemvis ingenio præstantem humanissimis exceperit verbis, laudibus extulerit, suamque illi operam fuerit pollicitus, obsoniis etiam refecerit, ut promitteret SE EJUS LAUDES quas ipse sigillatim enarrabat vel prosa oratione vel carmine celebraturum, quæ ratione à multis egregiis ingeniis non in elegantes versus suam in laudem expressisset, sed & alium ejusmodi literatum fanaticum, sub Zoili Ardelionis imagine in Pinacothecâ laudata exhibuit Janus Nicius Erythræus, atque hisce non malè depinxit coloribus: Ex matris utero animi vitia quibus laborabat, attraxit, perpetuam

vide-

*Janus
Nicius
Erythr.
Pinacoth.
part. I.
p. 8. &
240.*

videlicet arrogantiam; atque elationem animi non ferendam, & quamvis ingenii acumine & celeritate valeret, ac de quacunque re proposita doctè eleganterque differeret; multis rebus cognitis, summoque studio ac diligentia nomen esset consecutus; attamen omnes præ se contemnebat, neminem quicquam scire aut didicisse arbitrabatur, atque interrogatus cur ad certum quendam eruditorum cœtum non veniret, arrogantibus sanè verbis respondit, nunquam se in eum venturum conventum, ubi neminem sui similem ingenio, doctrina & eruditione conspiceret. Neque erat Academiæ cuiquam magnoperè optandum, imò minimè ejus intererat in suorum cum venire numerum, nam homo factiosus, elatus, insolens, aut eam dissolvebat, aut simultatibus discordiisque ferendis perturbabat omnia, atque miscebat, minimum abfuit quin Academiæ cuiquam cum maximè ingeniis hominum floreret, pestem afferret atque exitium - - Neque solum sibi principatum in literis arrogabat, sed capeSSendæ etiam administrandæque Reip. artem à se peti debere affirmabat, ac Regum & Rerump. omnium oratores noctu ad se domum, capite aperto, varia indutos veste, & Vulcanum in cornu conclusum gerentes venire jactabat, ut suorum Regum mandata deferrent, de pace, de bello, de summa imperii consilia communicarent, & quod ipse daret, acciperent - - ne multa, nul-

lum

lum esse tota in Europa Strategum, nullum Dynastam, nullum Tyrannum, quantumvis magno à nobis locorum intervallo disjunctum, quin lectis suis, ut ipse ajebat foliis, non continuo suam per literas amicitiam expeteret, ejus prudentiæ gratularetur, seque totum ipsi habendum possidendumque permetteret, & quosdam etiam Reges ab ipso edoctos, totam Reip. administrandæ rationem commutasse gloriabatur, multaque his similia non magis thrasonicè quam insulsè loquebatur, quæ ne lectorem fatigemus, omittenda duximus. At vero singularem merentur observationem quæ de miserabili Zoili istius exitu author audatus tradidit, nimirum illum pituita largius ad os defluente, suffocatum, vel veneno extinctum, vomitione puris & sanguinis ex apostemate concepta interemptum periisse; sed & reverà damnum quoddā bonas literas ej⁹ interitum accepisse Erythræus tradidit cum ingenio peracri fuerit, & studio flagranti, rem acute viderit, explicarit dilucidè, scripserit ornatè; adeoque Viri eruditi laude promeruerit, nisi elatione animi & vana sui opinione inflatus & corruptus homines ornatissimos omni commendatione ingenii atque virtutis spoliare constituisset. Non longè diverso dementiæ characterè illi notandi sunt gloriæ vanæ sectatores, qui nil magis atque enixius efflagitant quam ut in aliorum monumentis nomen suum gran-

*Mentius
de liter. in
vidia p.
38.*

grandioribus literis expressum lectores inspi-
ciant, & majoris auxilio characteris omnium
conspicui pateat. Tales [ut scitè quidam ait]
exiliunt gaudio, & penè desipiunt, atque eos
tantummodo libros non oderunt, qui ejus-
modi adulationis stigmate notentur; alios
omnes, qui de illis ne verbum quidem fece-
runt, utpote insulsos & illepidos damnandos
prorsus & abjiciendos pronunciant. Quin
imò illa ipsa enormis gloriæcupido quosdam
eò adegit, ut alienis etiam inclarescere labori-
bus non dubitaverint. Naëti scil. quâ sorte ne-

*Confer.
D. Bart.
charact.
lit. p. 139.*

scio excellentium authorum opera posthuma,
sed nondum ultimo doctrina & ingenii co-
nata perfectâ, temeritate ossifraga Aquila,
pulos aquilinos nido excussos levant, & im-
plumes, ac velut abjectos domi alunt, in suos
deniq; adoptant; quamvis ex Synesii sententiâ
magis impium sit mortuorum lucubrationes,

*Synes. e.
pist. 141.*

quam vestes furari, magnamque hoc crimen
cum ipsa sepulchrorum effossione habeat affi-
nitatem. Verum cum illud quod diximus
cacoëthes nullam modestiæ, nullam æquitatis
habeat rationem, hinc temerè etiam manus in
aliorum labores injicere non veretur; haud qui-
dem auctorum nomine absolvendos edendos-
que in lucem, sed sibi tribuendos in solidum,
quæ alienæ industriæ vindicanda fuissent.

Græcos

Græcos pictores laudant nonnulli, quod ad honorandam illorum memoriam, qui ea in arte excelluissent, caverint sollicitè, ne quis penicillum in tabulis duceret, quibus manum auctoris ultimam mors præripuisset, quo significabant, inchoata illa & mutila conceptorum operum rudimenta esse absolutis spectabiliaiora; *Illud Plin. lib. (notante Plinio) perquam rarum, ac memoria 13. c. 11. dignum, etiam suprema opera artificum imperfectasque tabulas, sicut Irim Aristidis, Tyndaridas Nicomachi, & Venerem Apellis in majori admiratione esse quam perfectas.* Tantum verò abest ut inanis gloriæ oestro perciti ab alienorum operum invasione sibi temperent, ut potius illa (non absoluta quidem & ad debitam perducta maturitatem, sed passim interpolata, imò deformata penitus) suæ industriæ ducant asserenda. Quibus ipsis tamen longè deteriores illi existunt, qui integris eruditorum perfectisque commentariis nihil præter suum addunt nomen, sedentesque otiosi ac desides, & nullam unquam manum operi admoventes, nominis impetrare volunt celebritatem. *Nimirum (ut scitè Bartolus) de Leone Bartolus pellem circumferunt solum, & ostentant charact. prima tantum pagina generositatem, cetera l. t. p. 141. omnia sua esse jurant, quasi majoris non sit Conf. negotii auctorem se libri facere quam Tem. Raynaud. de bonis*

ac malis *plum* Deorum cuiquam dicare, *cujus nomen*
libris sit satis fronti præfigere. Quid ausa est tur-
partit. 2. *pium* illa Imperatorem induta bestia princeps
Erotem. Caligula, cum præciso Jovis Olympii capiti
X. §. 4. suum substituit ut pro illo exinde coleretur?
p. 165. seq.

Multo significantius verò, quorsum literato-
 rum hominum pectora illa famæ sacra fames
 abripere soleat peculiari nuper de plagio lite-
 rario opere ostendit D. Jac. Thomafius, Vir
Jac. Tho- sive omnigenæ eruditionis apparatus specte-
mas. Dis- tur, sive virtutis solidæ decus, felicissimis ævi
fert. de hujus Literatis meritissimo jure accensendus.
plag. lite Probèis pro ingenii sui perspicacia deprehen-
rar. id dit fœtulentas plagtorum literariorum palu-
Lips. 1673. des nunquam non è corruptissimo illo INA-
 NIS GLORIÆ fonte puteoque pudendo su-
 am traxisse originem. Audiamus Virum lau-
 datissimum in rem nostram præclare differen-
 tem ad hunc modum: Dubium non est,

Idem l. c. quin ad plagii turpissimum crimen maxi-
cap. I. §. mè pelliceat homines GLORIÆ nimia
8. seqq. CUPIDITAS. Enimverò ut ad paran-
 das divitias mercatura, sic ad nominis a-
 dipiscendam gloriam sua natura magis
 valet eruditio. Nititur autem ista glo-
 ria cumprimis OPINIONE præclara,
 quam de alterius excellenti doctrinâ quis
 habet. Jam gloria sequi eruditos non
 solet,

folet, nisi divitias ingenii suas, rem oculis alioqui non aspectabilem, idoneis atque in sensum incurrentibus signis demonstrent publicè hominum alicui justæ multitudini. Nam uni soli aut alteri innotuisse, pariet hoc quidem existimationem, sed vix tantam pariet, quanta gloriæ titulum mereatur. Demonstrandi vero medium duplex: aut enim RECITANDO congregatæ multitudinis aures, aut SCRIBENDO legentium implentur oculi. Porro cum gloriæ pretium duabus potissimum rebus pendatur, PERENNITATE & AMPLITUDINE; quarum illa se temporum spaciis exæquat, hæc generis humani latitudinem emetitur: ad utramque consequendam, quin recitatione longè sit commodior SCRIPTIO, nemò ambiget facilè. *Ad perennitatem*; Nam quæ quis loquitur, in auras evanescunt subito. Quod si maximè descendant in memoriam audientium, cum his ipsis tamen morientibus excedunt Orbe nostro. Contra quæ scribimus, in chartis aut membranis diutius æ-

tatem ferunt. *Ad Amplitudinem*; Nunquam enim ad cathedram recitantis totus confluit Orbis. Quæ per chartas seminantur, intervallo temporis non maximo pervagari ad extremas usque insulas poterunt, modò iusta præsto sit exemplarium copia. Atque hic Typographicæ artis inventio mirum quantum roboris adjecerit illi, extendendæ in secula pariter & remotissimos terræ sinus famæ, conatui. Notum quippe illud de typographo :

*Imprimit ille die, quantum non scribitur
anno.*

Nec ignotum, levioribus longè impensis Orbem impleri posse Codicibus prelo egressis, quam calamo exaratis. Faciunt autem illæ tot unius libelli myriades, ut & omnes mundi anguli compleri certius possint, & diutius perennet fama. Scio casus esse varios, quibus deleri queant codices. Concedam ergò in tanto numero fieri posse ut plurimi pereant, ut omnes ita disseminati extinguantur, vix unquam eveniet. His opportunitatibus ante chalcographorum repertum artificium

cium destituti veteres, non mirum si RECITATIONIBUS multum sunt oblectati : quas certè si nihil aliud, summa commendabat facilitas. Citius enim perficiam, ut sexcenti me homines recitantes audiant congregati, quam scribentem legant dispersi. Accesserunt his recitationibus certamina, atque in his constitutæ vincentibus loco præmii coronæ. <sup>*Dereci-
tat. hisce
consule
Piccar-*</sup> Quarum pretium cum non aliunde magis quam ex laude victoriæ penderetur : <sup>*tum O-
rat. XI.*</sup> factum sic fuit, ut illius ævi eruditis mirificè cresceret GLORIÆ CUPIDO. <sup>*A. p. 200.
legq.*</sup> Apud nos hodiè qui ad gloriam adspirant, SCRIBENDO eam potius, quam recitando quærere solent, sive quod famam parturientibus obstetricari felicius typographi possunt, (qui, quæ semel exceperunt, sic satis celeriter in Orbem eruditum spargunt,) quam promiscua populi quantumvis copiosi concio ; sive, quod illæ recitantium commissiones atque certamina in desuetudinem abierunt. Hactenus *Ἰαυμασίς* illius Thomasi verba, quibus INANEM gloriam ut pudendam tot abortuum literariorum genitricem meritò incusavit,

quibusq; *dubium nullum esse* sapientissime iudicavit *quin ad plagii crimen nimia GLORIÆ cupiditas plurimos incitaverit* Longè maximum equidem eorum literatorum omni ævo numerum extitisse, qui nimio celebritatis amore ducti, aliorum sibi labores integrosque commentarios vindicare non dubitaverint, ac speratæ gloriæ loco turpem plerunque ignominiam sint consecuti, Vir ille insignis prolixè non minus quam eruditè in laudata dissertatione ostendit, ut actum agere videremur, si literatorum eâ labe fœdatorum exempla, magno numero ab illo collecta * produceremus in medium. Id verò præcipuam meretur observationem, quod omnes ferè ac singuli in laudato Thomasi opere notati Scriptores cæco INANIS GLORIÆ amore eò sint abrepti, ut alienis inclarescere laboribus studuerint. VII.

*Exempla
literato-
rum eo
nomine
infeliciū
vid. in
laudato
Thomasi
opere à
§. 347.
ad 594.
confer.
Rayn. l.
c. p. 165.
seqq.*

* Quo in conatu perficiendo laudatissimus author egregium non minus eruditionis quam prudentiæ candorisque sui dedit documentum: *Cave autem putes* [scribit §. 345.] *cujuscunque nomen in catalogo reperies nostro, eum statim à nobis ut plagiarium sisti. In plerisque non nostras, sed aliorum accusationes leges; quarum pretia per nos erunt libera. Quosdam inculpato aut suspitioni obvios, vel suis, vel aliorum, vel nostris etiam rationibus, detecta ipsorum innocentia errantiumq; hallucinatione defendemus.*

VII. Luctuosam inanis gloriæ faciem intuitus olim Chrysostomus, haud abs re eam *Jo Chry-
sost. hom.* *savam belluam, horrendū Damonem, pestem Orbis* XII. in *II. Cor.* terra vocare non dubitavit. Quis obsecro non horreat potius quam expetat gloriam, si eam consideret ut emissam è cavea indomitam belluam, quid si pestem, quid si dæmonem? Sed aliud est quod literariæ cum primis gloriæ conditionem reddit maximè ingloriam, MISERIMA nempe illa, quam servit SERVITUS; siquidem abjectum ejusmodi inanis gloriæ mancipium ad omnes respicere, nullius non observare vultum, totque habere Dominos cogatur, quot displicere timet. scilicet OMNES. Quæ ergò sors abjectior quam eorum literatorum qui gloriolæ pennis inuecti, fluxis inhiant laudibus, & gloriosi nominis celebritatem aucupantur. Necesse equidem est eos, qui toto ambitu & conatu gloriam prehensant, circumire omnium sententiis obnoxios, unicuique attendere, metuereque, ne quem nolentes aut volentes offendant, imò cuiuscunque ordinis, sexus, fortunæque hominum verba, gestus & nutus veluti quædam captare oracula. O timidam felicitatem, quæ cunctis etiam miserrimis miseres reddidit homines eruditos, atque liberalia ingenia extremæ servitutis subjicit iugo! Cui malorum cumulo accedit quod perniciosissima sit gloriæ fugacitas, advolansque evolet citissimè, ejusque usura auris simillima sit

mobilibus. Nec malè proin à Gregorio vocata fuit *Diaria*, quæ oriente die nascatur, occidente moriatur, à Plauto *solstitialis herba*, repente éxtingvenda, à Luciano *ampulla inaurata*, plena inanitate, quæ suo pte ingenio crepet & evanescat, à Clemente Alexandrino *pictum somnium*. Quis igitur tam levis sit animi, ut isthæc plebis ludibria, popularem jactationem, pictæque lingvæ tentoria sitienter adeò appetat? quis non horreat potius illa popysmata ac lenocinantia auribus verba? Cum illa affectare nihil sit aliud, quam, ut præclarè B. Augustinus loquitur, *linguis humanis ruinosa gaudia construere*. Et quam turpiter illi eruditi hallucinentur, qui nonnisi vanam quærunt gloriam, inaniq; tantoperè inhiant existimationi, quantum inquam illi fallantur, quamque miseram agant vitam, præclarè prolixeq; ostendit Jo. Franciscus Picus Mirandulæ Domin⁹, in erudito de Humanæ pariter ac Divinæ philosophiæ studio tractatu, cedro digna Pici sapientissimi verba: Quantum delirent qui ut sciantur reputenturq; doctrina præstabiles dies & noctes in versandis libris anguntur, nemo est qui nesciat, nisi qui statum ambitionis non considerarit. Nul- lum quippe hominum genus tam infelix quam quod honorum ambitu fervet, & eorum potissimum quos LITERÆ par- unt.

*August.
epist. 56.*

*Jo. Fran-
cis. Pi-
cus Mi-
randul.
lib. 2. de
studio
hum. &
div. Phi-
los. c. 6.*

unt. Qui enim aut ob divitias gloriam quærit, aut sanguinis nobilitate Regum-
que favore se tollit in sublime, facilius percipit non à se sed ab aliis hoc provenire, nec difficulter spoliari posse amatis bonis : At propria industria, proprii ingenii præstantia ad nimium sui amorem hominem stimulat, quo sæpius hallucinatur, judicans id veluti suum & de proprio esse peculio, ut nec profectitium nec Dominicum agnoscat. Decipitur autem non secus ac ii qui phrenesi capti, aliena omnia sua existimant. Quid enim habemus quod nostrum sit ? Nonne cuncta quæ in nobis sunt DEI sunt ? Quid ergò oportet se extollere, magnificare, ostentare ? Glorietur qui gloriatur in Domino, cum bona cuncta DEI sint nobis sua gratia infinitaque bonitate collata. Cæterum quam scientiam tenemus ? Hanc certè si rectè sentimus ; nullam scil. nos adeptos, nec docti cognomentum rectè obtinere, cum multa ignorantia laboremus. Quis enim docti prærogativam absolutè sibi vendicaret ? Cum infinita sint ferè quæ nesciat, & ea quæ novit, partim ab aliis peti-

ta sint, partim an verè sciat sub dubio teneat. Et hæc de rebus corruptibilibus, de eis verò quæ à materia sunt remota, nihil est quod dicam, cum ad ea cognoscenda ita se habeat intellectus noster, Aristotele auctore, sicut vespertilionis oculus, ad Solem contuendum - Sed demus omnem notitiam quæcunque ab homine haberi potest quempiam esse adeptum, in ipsâ verò & retinendâ & augenda quot agones desudandi, quot ineunda prælia; sed quot intus procellæ tempestatum, quot æstus plusquam marini dum audis Terodi, & lacerari modo clam, modo apertè, & à doctis & sæpè etiam ab indoctis, qui tuam existimarionem penitus convellendam ducant. Neque enim si in altum adscenderis hanc luem effugies, sed magis in eam incidēs, cum livor instar ignis petat alta, feriantque summos fulmina montes. Quanto certè magis fastigio propinquas, tanto magis impeteris - Socrates postquam oraculi sententia sapientissimus judicatus est, tantam in se conflagravat calumniam ab eis, qui sapientes se credebant, ut hæc etiam causa morti
addi-

addictus sit, Aristophanes in ipsum in-
xit, Melitus accusavit de impietate, deq;
corruptela adolescentum, & postea adju-
dicatus est morti Zeno scurrā Atticum
vocavit, usus latino verbo. Plato quoti-
es impetitus, quoties non tam in moribus
quam in doctrina morsus & flagellis cæ-
sus, unde Platonomastigum nomen.
Nam ut de Aristotelis in eum rationibus
taceam, quid Epicurus, Metrodorus & a-
lii in ipsum sparserunt? Aristotelem cum
Ebulides Milesius tum alii reprehende-
runt, Epicurus vexavit & quidem contu-
meliosissimè, ut Cicero inquit, qui etiam
nec Pythagoræ nec Empedocli peperc-
rat. Contra Theophrastum admirandæ
eloquentiæ Virum meretricula scribere
ausa est, quod Atticus homo nimis atticis-
faret. Cicero in ipso sermone qui tan-
toperè laudatur & dum viveret à Bruto à
Salustio ab aliis, & post mortem etiam re-
prehensus à multis, qui se Ciceronomasti-
ges nominabant. In vita enim semper
contradictores habent, etiam qui celebri-
ores habentur. Apud veteres usque ad
Platonis successores sua quisque tempe-
sta-

NB.

te famâ præditus habuit æmulum, ut apud Diogenem in Socrate est videre. Nec quantumcunq; simultates dies lenta præscripserit, effugiunt scripta celebrium auctorum vituperationem aut contradictionem, quam vitari non posse nisi ab his qui nihil omninò scribunt fatetur Cicero. Nam de Homero, quem ut Josephus contra Apionem narrat, Græcorum auctorum antiquissimum celebratissimumque constat, multa vitia circumferuntur, cum in oratione tum extra. Nam præter illud vulgatum dormire cum quandoque, præterque Zoili libros ipsum etiam Dion Prusiensis dicato opere persequitur, & strenuissimum fuisse dicit ad mentiendum, nec unquam fuisse à Græcis Trojam captivatam. Quare literis indulgere FAMÆ CELEBRIORIS gloriæque captandæ gratia in vita valdè miserum, ut docuimus, cum semper malè audias, quod his qui se sapientes existimant supplicium est intolerabile, si verò post mortem, miserrimum, nam mitto quantum nihil ad Te pertineat, quid de te homines sentiant cum excefferis è vita, illud non negan-

negandum, quod semper ut vidimus etiam mortuus in cineremque redactus discerperis, sed sæpè etiam tua opera perduntur & nomen obliteratur. In Homeri poemate reparando multi laborarunt. Nam ille suos versus non scripsit, ab aliis postea notati, variè tamen & mendosè. Quod ut in unum redigerentur Pysistratus Atheniensis curavit, proposita mercede ut ad se ferrentur, ascitisque grammaticis alii à familia summoti, alii asterisco notati, alii obelisco confossi sunt, & fortè si ille à mortuis excitaretur, suos non agnosceret. De libris Aristotelis quot penitus amissi, & si qui habentur quomodo interpolati, & quam propè fuerunt ut perderentur cum infossi terræ negligerque sunt habiti, auctore Strabone, priusquam eos Adpellicon teius magna mercede comparasset, & Syllæ temporibus Romam asportati fuissent. Sed de ipso etiam nomine authorum nonne controversia? Celebratur Orpheus, ejusque hymni celebrantur à multis, & nihilominus Cicero in libris de natura Deorum nunquam fuisse Orpheum dicit, auctore Aristote-

le, & qui ejus nomine versus circumferuntur secundum Pythagoricos, cujusdam fuerunt Cerdonis, hæc de gentilibus philosophis. De Christianis verò Theologis quis nescit & inter eos etiam fuisse controversias, veteres dico, atque ut alios mittam, quoties Hieronymus de suorum canum latratibus lamentatur. De neotericis nihil est quod dicam, cum libri eorum pleni sint certaminibus, & præter id quod in his quæ ad sacrarum literarum canonem pertinent omnes conveniunt, in reliquis quot capita tot ferè sententiæ, & qui veritate magis nituntur, magis oppugnantur, tum quod omnia judicia recta non sunt, tum quod falsa interdum probabiliora veris, ut docet Aristoteles, itaque nullus à reprehensione vel justa vel injusta omninò immunis, sed & quæ etiam suapte natura sunt vera, ob intellectus infirmitatem magis creduntur, quam sciuntur, adeò ut de Aristotele, qui quomodo fieri demonstrationes oporteret, duobus libris edocuit, dubitetur à multis an verè ille unquam ullam effecerit, potissimum in naturalibus, à multis scio negari. Laboramus profectò multa ignorantia

rantia caligine, nam quotusquisque reperitur, qui cum cui est addictus auctorem non celebret, sæpè aliis posthabitis, ipsumq; tanquam ex antro Heracliti, aut Democriti puteo veritatem extraxisse non contendat, alio obstinatissimè id inficiante. Johannes Scotus ab ejus sectatoribus plurimum extollitur, & rectè, cum homo vegeti ingenii fuerit & perspicacis, suaque inventa miris laudibus efferantur, distinctionumque pluralitates (quanquam alii ab Henrico Gandaveusi petitas magna ex parte affirmant) celebrentur; Ab eis verò qui Thomæ sunt astricti, parvi: ab illis qui nominales vocantur nihili penduntur, adeò ut ab Alliacense scriptum sit, impossibilius sibi videri ut ostendatur rationibus vera esse quæ de pluralitate ipsâ distinctionum afferuntur, quam quod personarum Trinitas in una essentia, quæ fide tantum tenetur. Mitto quæ celebratissimi Viri in eum effuderint, & alii etiam illius auditores, quare decipitur humanum genus cum gloriam quærit ex LITERIS, celebremq; apud homines de se existimationem, quando

quando tantum abest ut id assequatur, ut sæpè etiam ob ea ipsa inventa quibus nancisci eam credit, apud multos impensissimè castigationem & flagella patiatur. Crediderim ego divinæ hoc providentia permissum, ut id vitium in quod facilimus esset lapsus iis incommodis sepiretur, & detractoribus ipsis quasi molossis latratoribus stiparetur. Qui semper quotiescunque nobis occasio ad incurrendam, decipulam præstatur, nostræ nos infirmitatis admonerent. Baubatus plurimos circumfundentes invitantesque quasi dixeris ex accidenti, ut ex literario negotio adsciscere nobis ea procurem⁹ præcepta, quæ invidiæ morsus effugiant, & falsæ opinionis repugnantiam minimè reformident, hoc est ut cunctas actiones & opera, sicuti & in aliis rebus, ita & in literis perpetrata DEO donemus, ut nos & alios pro virili instruamus, nec quid de nobis sentiatur postea curemus, & tam humanam quam divinam philosophia ad ejus agnitionem capeßendam consequendumq; ejus amorem utamur. Hacten⁹ de gloriæ literariæ inanitate optimus doctissimusq; Mirandulanus, qui

qui clarissimè ostendit quam turpiter hallucinantur gloriam quærentes, quam nemo veram invenerit, qui sollicitè investigaverit, sed potius amiserit diu, multumque quæsitam. Illa commemorata à Pico gloriæ Numina, quæ tota stupuit antiquitas, stupebitque posteritas, quid aliud quam nomina, velut ossa gloriæ reliquerunt? Solum est eorum, *fuisse*, solum noscimus *transisse*. Utinam eorum exemplis edocti ipsi Reipub. Literariæ Antistites, nihil minus curarent, quam inanem minimique faciendam nominis celebritatem, ne vatem experiantur fuisse poetam qui illud cecinit.

Curis plenus eris, si vis ut glorificeris.

Atque ut tantò vilius ab eis pendatur laus existimatioque humana, vel sola ejus brevitates efficiat, locique & temporis quo circumscribitur angustia, punctum est Orbis in quo literati degunt, quid angustius; momentum est quo vivunt, quid contractius? cur in tam modico & loci & temporis spatio immodicè adeò laborarent & nihil non agant pro re nihili? Quot in illo ipso quo vivunt loco sunt qui ignorent, cujusmodi doctrinæ ipsi polleant thesauris, quo munere fungantur, imò quo appellentur nomine? Ast quo longius ab urbe progredientur, tanto obscuriorem famam suam esse intelligent, cumque arcta adeò sint ejus pomœria, (quæ interdum vix patriæ suburbia egrediuntur,) de vitæ integritate potius, quam nominis claritate consequendâ eruditi si modò verè sapiant, apprimè sint solliciti. Z IIX.

II X. Quot verò doctorum hominum myriades virtute neglecta gloriæ hæcenus inhivère inanitati! quot vanæ illius opinionis labeturpiter fuere polluti, quâ veteres CENODOXIAM nuncuparunt, & cui Cassianus haud abs re septimum inter Capitalia vitia locum duxit assignandum; quoniam sc. ut ipse optimè monuit, maximam habeat affinitatem &

Cassian. peculiarem quandam connexionem cum superbia, quæ postremo ponatur loco, ut sævis-
collat. 5. sima & superioribus cunctis immanior bestia.
cap. 12. & *Cenodoxia enim* (notanter scribit Cassianus)
Libr. II. *exuberantia superbia fomitem parit.* Similiterque
Instit. 6. 1. Joh. Climacus suæ scalæ gradu XXI. de Cenodoxia disserens, eam principalibus vitijs veluti propriam superbiæ sobolem, ipso Grego-
Joh. Climacus grad. 21. rio præcunte adnumerandam esse existimavit,
Scal. Gregor. typo sive exemplo quodam insigni id ipsum illustans, atque senem quendam eruditum, inque spiritali conflictu non malè versatum ita loquentem inducens: *Cum sederem*, inquit,
cap. 31. *in cætu quodam advenientes ad me Cenodoxia & Superbia Dæmones juxta me ex utraque parte sederunt, & unus ex his quidem digito suo pulsavit latus meum, hortans ut aliquid quod ad contemplationem pertineret, si-ve opus quoddam in deserto gestum loquerer. Quem cum à me expulisset dicens; Convertantur retrorsum & erubescant qui mala cogitant*

gitant mihi ; protinus is qui à sinistris erat, ad aurem mihi dixit, Eja benè fecisti, magnusq; effectus es; quippe qui impudentissimam matrem meam viceris, ad quem ego sequentes versus assumens: *Avertantur statim erubescences, qui dicunt mihi eja benè fecisti.* Utinam ad viri hujus egregii exemplum omnes Christiani Doctores periculosum illum Diaboli laqueum (gloriæ nimirum inanis pruritum) evitarent, & à veræ Christianæque demissionis via non adeò frequenter turpiterque declinarent! Utinam juxta præclarum Pauli monitum *nihil per contentionem, neq; per inanem gloriam (κενοδοξίαν) agerent, nec (ut alibi loquitur) ejus efficerentur cupidi.* *Phil. II. Gal. V.* Non ipsa quidem gloria, aut insignis virtutum dotumque cœlesti munere ac beneficio concessarum & collatarum æstimatio ipsis verteretur vitio, sed immodicus duntaxat gloriæ appetitus, inanisque de semetipsis opinio culpam habet, Deumque semper experitur hostem capitalem. Atque ut vitij hujus abominabilis natura & ratio penitius cognoscatur, probè notanda est quatuor *bonorum honorariorum* (ut ita loquamur) differentia; licet enim illa inter se multum sint affinia, vulgoque putentur promiscua, diligentius tamen exactiusq; ab invicem sunt distinguenda, FAMAM dico, LAUDEM, HONOREM & GLORIAM: FAMA

Z 2

enim

*Cic. lib.
II. de in-
vent.*

enim est multorum existimatio rumorq; de erudi-
titi alicujus doctrinâ & moribus; HONOR
testificatio quædam est excellentiæ, seu reveren-
tiæ cujusdam in testimoniū virtutis sapientiæ-
que exhibitio: LAUDE fit excellentiæ perfectio-
nisque privata quædam manifestatio: GLO-
RIA denique est CLARA (ut Cicero loqui-
tur) sive publica cum *laude notitia*, vel solen-
nis ac frequens bonorum alicujus donorumque
deprædicatio. Hanc si quis eruditus inordi-
nato flagitet appetitu, tunc à rectæ rationis
ordine fit alienus, & à præscripto verbi divini
tenore devius, quin imò reus tandem criminis
læsæ divinæ sempiternæque majestatis, cum
scil. flagrans illud gloriæ desiderium non in
debitum finem puta DEI honorem proximique
salutem referat, sed propriæ excellentiæ scien-
tiæque apud alios manifestationem, quæ vanæ
gloriæ cupiditas tum à SUPERBIA differt,
tum ab AMBITIONE [vitiis eruditorum ho-
minum decantatissimis] quamvis iisdem val-
de affinis & conjuncta videatur. SUPER-
BIA nimirum ipsam affectat excellentiam;
AMBITIO altiores honorum, officiorum di-
gnitatumque gradus; CENODOXIA verò
de laudis gloriæque apud alios manifestatione
divulgationeque uniccè est sollicita, culpæque
capitalis rationem [ut antea ostendimus] in-
de habet, quod veluti parens materque sit plu-
rimorum vitiorum, quæ ex ipsâ tanquam pe-
stiferâ & virulentâ radice nascuntur.

IX. Singularem insuper meretur observationem, quod hunc pectorum eruditissimorum morbum sive gloriæ excellentiæque propriæ revelationem Veteres non vanam solum & inanem, verum etiam *MULTIFOR. MEM ac variam* dixerint. Et quam varius, quam multiplex sit pestilens ille affectus, haud rectius intelligimus, quam si ejus tum PROPRIETATES, tum tristes horribilesque EFFECTUS nobis ad animum revocemus. Illas quidem egregiè supra laudatus Cassianus *Cassian. recensuit, eleganterque ostendit, quibus potissimum signis & proprietatibus Cenodoxia ab XI. Instit aliis vitiis distinguatur, præque illis peculiam rem habeat malitiæ notam, quas hic compendio collectas (utinam doctorum eo morbo laborantium bono ac emolumento!) proponamus: Primam facileque palmariam Cenodoxiæ proprietatem statuit subtilitatem ejus seu fallaciam, cum virtutibus etiam donisque summis permixta difficulter à perspicacissimis agnoscat & caveatur. *Cap. I. & Septimum (ait) nobis IX. certamen est contra Spiritum Cenodoxia multiformem varium ac subtilem, ita ut quibuslibet perspicacissimis oculis non dicam caveri, sed pervideri, deprehendiq. vix possit.* Secunda, varietas est & multiformis tentatio; utpote in omni genere virtutum, actionum, studiorum, laborum exercitiorum ab erudito*

Cap. III
IV. & V.

homine susceptorum : Undiq; enim, ait Cassianus, & ex omni occurrit parte ; Nam & in habitu & in opere, in lectione, in scientiâ, in humilitate, in longanimitate &c vulnerare conatur, & velut quidam perniciosissimus scopulus tumentibus undis obiectus improvisum ac miserabile naufragium secundo navigantibus vento, dum non cavetur, nec

Cap. VI
& VIII.

prævidetur, importat. Tertio importunitatem hujus mali incusavit, quâ etiam fugientes certantesq; persequatur ; Cum sc. alia interdum vitia etiam locorum beneficio conquiescant, & occasione subtrahâ lentescere soleant & minui ; hoc cum fugiente etiam penetret deserta, nec materia subtrahâ velit marcescere. Quartum ejus dixit procacitatem, quoniam victores suos acrius insectari non du-

Cap. VII.

bitet : Dejectum hoc vitium acrius resurgit ad luctam, & cum putatur extinctum, sua morte vivacius convalescit, cetera genera vitiorum eos tantum impugnare solent, quos in certamine superarint ; hoc verò suos victores acrius insectatur ; quantoq; fuerit validius elisum, tantò vehementius victoria ipsius elatione concreditur. Quinta juxta Cass. Cenodoxia proprietas est longævitas,

Cap.
VIII.

seu

seu perpetuitas, cum nec ætate nec senio defervescat: *Cætera processu temporis sapè molliuntur vitia, atq; evanescent; huic longævitas, nisi fuerit industria solerti ac prudenti discretionem fundata, non solum non officit, verum etiam majora vanitatis fomenta congerere novit.* Sexta denique & ult- Cap. X.
 tima est violentia, qua etiam optimos & in vir- & XI.
 tutis palæstra exercitatissimos viros subinde supplantat atque elidit. *Ita namq; (notanter scribit Cass.) Ezechiam Regem Juda Virum in omnibus consummata justitia & Sanctarum Scripturarum testimonio comprobatum, post innumera virtutum præconia, uno elationis vanaq; gloria telolegimus fuisse dejectum, & qui internecionem centum octoginta quinq; millium de exercitu Assyriorum angelo sub nocte vastante, unâ prece valuit impeirare, vanitatis gloria superatur. Ozias etiam hujus quem commemoravimus Regis Atavus in omnibus scriptura testimonio collaudatus, post ingentia virtutum suarum præconia, post innumeros triumphos, disce qualiter sit vana II. Paral. gloria elatione dejectus. Et egressum est no- 26.*
men Ozia, propter quod auxiliaretur ei Do-

minus, & corroborasset illum, & cum roboratus esset, elevatum est cor ejus in interitum suum, & neglexit Dominum DEUM suum. Cernis aliud ruina gravissima exemplum? Dum enim Ozias ille Sacerdotum sibi usurpare officium voluit, inque Templo odores incendit, confestim leprosus factus est, faciesque ejus leprâ in Templo Domini obducta. *Udè videtis, concludit Cassianus, quam perniciosi rerum secundarum sileant esse successus, ita ut qui non potuerunt adversis frangi; prosperis, si incauti fuerint, acrius elidantur, & qui in conflictu atque acie mortis evaserunt discrimina, trophæis propriis triumphisque, vanæ nimirum & inanis gloriæ gladio violentiaque tandem succumbant.*

X. Alii insuper sunt Cenodoxiæ nefariæ EFFECTUS, longeque periculosiores astutissimi hujus infernalisque serpentis morsus, quorum singuli eruditum quemlibet à vanæ inanisque gloriæ studio ac amore revocare deberent. *Ut enim (ita præclare ad populum Antioch. olim Joh. Chrysostom⁹ dixit) savi quidam venti in tranquillum mare delati totum ab imo subruunt, ut & arena cum undis misceatur; sic excacat mentis impetum gloriæ furor, nam pecunias quidem contemnere volenti satis est facile, honorem autem à mul-*

*Jo. Chry-
sost. Hom.
XLIII.
ad Pop.
Ant,*

tis

tis collatum despicere multi laboris indi-
get. magna sapientia. Non est enim vitium
ita tyrannicum & ubique dominans, &c. Basil. in
 Similiterque Magnus ille Basilius inanis gloriæ constit.
 tristes horrendosque effectus recensere insti-
 tuens, illam vocavit dulcem spiritualium ope-
 rum spoliatricem, jucundum item animarum
 nostrarum hostem, tineam virtutum, blandis-
 simam bonorum nostrorum deprædatricem, &
 mortiferi hominum mentibus poculi porre-
 tricem salutavit. Quibus aptè respondent,
 quæ de iisdem Cenodoxiæ pestiferis fructibus Jo. Cli-
 Jo. Climacus tradidit: *Cenodoxia est opti-*
mac. morum laborum dissipatio, perditio studio-
grad. rum, thesaurorum insidia, in portu naufra-
XXI. gium, in arcâ formica, quæ etsi tenuis est,
laboribus omnibus & fructibus insidiatur:
Expectat formica dum perficiatur triticum;
Cenodoxia verò dum congregentur opes;
gaudet illa ut furetur; hac autem ut dissipet;
gaudet desperationis spiritus, cum videt
multiplicari vitia: Cenodoxia verò cum
virtutes multiplicari videt, ut vanam sc. ex
 iis capiat commendationem, ideoque tanto
 atrocius inopinatos & incautos decipit, quan-
 to callidius in externis actionibus virtutes ipsas
 refert ac imitatur. Executienda igitur Homini

erudito atq; virtutis gloriæque veræ & sinceræ
 cupido omni virium conatu pessima illa animi
 ægrotudo quam Cenodoxiam dixere vete-
 res, nos turpissimæ idololatriæ speciem supra
 nuncupavimus; Hæc inquam à viro docto eo
 planè studio ac heroico ferè expellenda est co-
 natu, quo olim prima Deorum fana cum simu-
 lacris arisque suis quidam supremi Numinis
 amore afflati funditus sustulerunt, atque re-
 jectis fœdissimi cultus inquinamentis ad san-
 ctiora sacra sese traduxerunt. Nimirum scitè
 dicta, doctè scripta, & rectè facta sua eruditi ad
 conscientiam & SS. Numinis honorem, non
 ad inanem referant gloriam, atque supremum
 optimumque non in hæc, sed in illo quærant
 præmiũ. DEUS equidem reverà est unicus
 & æquus virtutis arbiter, cujus unius judicium
 de rectè factis exquiret quisquis sapit, neglecto
 humano tam multipliciter corrupto & depra-
 vato. Optimè Chrysostomus (Homil. 3. de
 verbis Esaïæ sub initium laudato Ozia qui ege-
 rat quòd rectum est in DEI conspectu) *Quid
 facis homo? Alii redditurus es rationem
 factorum tuorum, & alium testem citas eo-
 rum quæ facis? Alium habes judicem, &
 alium adhibes spectatorem? Tu cum videas
 Angelorum Regem tuo cursui agnothetam h. e.
 certaminis judicem & premiatores præsi-
 dere*

*Chrysost.
 hom. III.
 de verbis
 Esaïæ.*

dere, eo prætermisso ad conservorum fugis oculos? At quæ idè sanè post innumeras luctas, incoronatus recedis, post sudores plurimos absque brabeis venis ad agonotheam. Quemadmodum qui sincero intimoque amore puellam deperit, non testes & arbitros complexuum famamque inde desiderat, sed suavissimo amoris fructu contentus gaudet in sinu; sic eruditus multum in veræ virtutis profecit studio, si illam ad DEI solius amorem honoremque potius, quam plausus inanis, famæque fallacis referat acquisitionem. Quantoperè olim amore fluxæ gloriæ laboravit Augustinus, ipse postea divinæ gratiæ radiis collustratus in suis Confess. ad h. m. exposuit. Obtemperabam monentibus ut in hoc seculo florerem, & excellerem linguosis artibus ad honorem hominum & falsas divitias famulantibus. Inde ad Scholas datus sum, ut discerem literas, in quibus quid utilitatis esset, ignorabam miser, & tamen si segnis in discendo essem, vaspulabam. Eandemque miseriam ulterius vehementiusque deploraturus, Horum ergo inquit puer morum in limine jacebam miser & hujus arena palæstra erat illa, ubi magis timebam barbarismum facere, quam cavebam, si facerem, non facientibus hac invidere -- In quo etiam ludo

August.

l. I. Conf.

cap. 9.

Ibid. c. 19.

ludo fraudulentas victorias, ipse vana EXCELLENTIÆ cupiditate victus sapè aucupabar. En ingenuâ felicissimi hujus literati confessionem, en verè pœnitentis Doctoris exemplar fulgentissimum! Languescet facilè in illius pectore gloriæ cupido, qui non sibi, non aliis, sed DEO unicè placere desiderat. *Magna sanè vanitatis est* [ait nonnemo] *aliorum magis testimoniis, quam interno (addimus divino) acquiescere judicio, cæcitatis verò hoc non inspicere, vecordioris autem superbia, meritam quoq; gloriam non ad DEUM referre. Cujus pravitatis verò est ut aliis placeas, conscientia, id est Tibi & virtuti displicere malle? Deniq; insania cujus, summam boni in gloria ponere, id est extra se animumque suum projicere & ut sic dicam spargere in auras? Quid spissis gentilis philosophiæ tenebris obnuptus Seneca? Nihil opinionis, [ajebat] omnia conscientia causâ faciam; populo spectante fieri credam, quidquid me conscio faciam.* Ast de vulgo cruditorum verè & notanter Plinius; *Multi (inquit) famam. pauci conscientiam verentur.* Quod ipsum accuratius paulò perpendens Magnus ille Episcopus Hipponensis, non minus turpiter virtutem servire gloriæ, quam voluptati, egregiè eleganterque demonstravit, quia scil. desinat virtus esse, aut certè

Seneca
de Vita
Beata.

August.
Lib V. de
Civ. DE I
c. 20.

certè à nobilitate suâ degeneret, si non illi militet, à quo inspiratur, ad nobilissimum finem, DEUM nimirum ipsum respiciens atque aspirans cui volens lubensque gloriam omnem ut auctori refundat. Nec minus notanter Augustinus observavit cupidinem gloriæ hoc ipso inumbrare vitium suum, quod fœdiora vitia refrenet sollicitudine promerendi tuendique judicia bonorum; atq; sine hujus societate affectus cupiditatem imperii in omnem flagitiorum licentiam prorumpere, quâ in potiundo illo, quâ in exercendo. Addit, quia ipsos proficientium animos etiam affectus ille laceffit, ab illis hoc saltem fine cohiberi, ut superetur amore officii, nunquam sc. deserendi vel pervertendi ob quorundam adeoque omnium vel perversa judicia vel neglectum; vult deinde ut docti non pro laudantiû affectu vel adulationis impostura se metiantur: sed excitentur aura illa ad industriam, non inflentur ad superbiam, aut eleventur in fastum. Insignem sanè magnus ille Aurelius egerat inanis gloriæ contemptorem, nihil suæ industriæ, nihil ingenio, labori, arbitrio tribuendo, certus omne donum perfectum desursum à Patre luminum esse, & gratiâ DEI sibi obtigisse quicquid undiquaq; boni haberet. Humilimæ hujusmodi confessionis plena sunt scripta illius plurima, maximè libri Confessionum, eaq; opera quibus Pelagianorum superbiam virtute sapientiæ à DEO sibi

*Idem l. c.**Lib. V.**cap. 13.**Cap. 14.*

con-

concreditæ debellavit. Scripserat ad eum aliquando Macedonius Vir in seculo quondam clarissimus; *Miro modo afficior tua sapientia, & in illis quæ edidisti, & in his quæ interveniens pro sollicitis mittere non gravaris: nam & illa tantum habent acuminis, scientia, sanctitatis ut nihil supra sit.*

Conf. E-
pist. Au-
gust. LI.
& LII.

Quid verò adhuc Magnus eruditione, major humilitate Augustinus? Veram (respondit) sapientiam in vero veri DE I cultu sitam esse. Ex ista (pergit) sapientia, quæ una & vera est, si quid habeo, à DEO sumsi, non à me præsumsi, atque ab illo in me perfici fideliter spero, à quo inchoatum esse humiliter gaudeo -- Non enim meo vel ingenio, vel merito, sed ej⁹ dono sum, si quid laudabiliter sum. *Nam quedam acutissima & excellentissima ingenia tanto in majores errores icrunt, quanto præfidentius tanquam suis viribus cucurrerunt.* Hinc etiam ad omne bonum, in omni bono, post omne bonum Augustinus ad DEUM bonorum omnium auctorem, directorem & conservatorem solidissima humilitate confugit;

August. *Ut potui [dixit aliquando] difficillimam questionem, si tamen aliquatenus potui Domino miserante atq^{ue} adiuvante tractavi, quicquid tamen in ejus difficultate apprehendere non valui, non imputetur ipsi veritati, quæ salubriter*

Serm. XI.
de Verb.
Domini.

briter pios, etiam cum occultatur exercet, sed infirmitati meæ, qui vel intelligenda conspiciere, vel intellecta explicare non potui.

En Viri eruditi ex gloriæ inanis contemptu verè felicitis fulgentissimum exemplar! En DEO O. M. sacratì hominis præclaram imaginem! Hanc si probè intueatur ac imitetur literatus, haud facilè inanis gloriæ fucò decipietur, sed laudis potius gloriæque perennis coronâ ornabitur.

XI. Ad tantæ verò felicitatis apicē tendenti Literato non solum probè considerandum, sed supponendū etiam est, quod à noñemine optimè notatū fuit atq; inculcatum; *Argumentum imperfecti in aliquo boni esse, si illud agnoscì ab aliis & commendari cupiat.* Quicumque enim decus aliquod & ornamentum imperfectè obtinent, ardentius & studiosius inde captant laudem, quam qui perfectè eo potiuntur, sicuti mulieres imperfectioribus bonis præditæ, multò magis appetunt commendari; & imperiti, qui vix extimis labris bonas literas degustarunt, nihil non didicisse sibi videntur, proptereaq; volunt ab omnibus scientiæ nomine suspici & in honore esse. Solidè verò docti ac reverà scientes cum inveniant in se ipsis cumulati gaudiì materiam, de alienâ commendatione non sunt solliciti. Hoc inquam supposito, nemo non videt quam futile sit captare alienâ comendationem, eamque ab aliis ultrò delatam magnifacere,

*Egi. de
regim.
Princip.
p I. c. 18.*

re,

re, quandoquidem hoc manifestissimum argumentum indebita est commendationis, nec satis explorata nobis exilitatis nostrae ac tenuitatis, quam si perspectam ritè haberemus, nequaquam efferemur, & ab aliis suspici induceremus in animum. Huc recidit alibi à nobis laudata Dionis Chrysostomi oratio, quâ animi à depravato vulgi judicio pendentis inanitatem & fatuitatem egregiè exagitavit, pariter ac alter Chrysostomus laudes humanas graculorum voces, muscarum & culicum stridores nominavit, & cum pulchrè immensum aperuisset dispendium, quod is subeat, qui gloriam humanam aucupetur, non alio fructu quam quod hominibus placeat, & à populo laudetur; notanter insuper quæsiuisset quid tandem sit populus cujus causa homo tanta sustinere & aggredi deligat? optimè statuit *populum esse quiddam tumultus perturbationisq; plenum, ex stultitia majori ex parte constans atq; compositum, temerè super maris fluctus varia & pugnante sententia saepenumero jactatum*; magis probrosè modo laudatus Dio, multitudinem populi *tanquam finem profundum esse dixit, ex variis sordibus in unum coacervatum*, ejus verò voces corvorum graculorumque garritui comparare non dubitavit: *Si & avium [ait] voces intelligeremus, nempe corvorum, graculorum atq; aliorum animalium, nempe ranarum aut cicadarum, haud dubiè & horum vocibus animum adverteremus, quid*
nam

Dio
Chrys.
Orat. 32.

Idem O-
ras. 66.

nam de nobis diceret graculus volans aut pica, & quam de nobis haberent opinionem? Felicitas ergo quadam est, quod non intelligimus. Quot verò homines vanis sunt insipientiores & graculis? Nec minus egregiè de eadem humanæ vulgarisque laudis despicientia quondam philosophatus est Antoninus, plurima & scitu & observatu dignissima tradens; Uter tibi [inquit] elegantior videtur, is qui plaudentium fugit laudem, an illi qui neq. ubi, neq. qui sint cognoscunt? Laudari cupis ab homine, qui seipsum spatio unius horæ ter execratur: placere vis homini, qui neq. sibi quidem ipse probatur. Nisi is probeatur sibi ipsi, qui ferè omnium eorum quæ egerit pœnitentia corripitur. Et paulo post: Disce præsens tempus tibi ipsi gratificari. Qui commendationem posteritatis magis curant, non reputant eos horum similes futuros, quos nunc agrè ferunt, atque ipsi etiam mortales. Porro quid omninò tua interest, si talibus ii vocibus te cantent, aut ita de Te sentiant? Præclarè rursus idem Antoninus; Hominum opiniones de gloria intueri quales sint, quid propositum habeant, quid fugiant. Utq. in litore maris, arena cumuli alii super alios appulsi, priores occultant, ita in vita quoq. priora à subsequētib. celeriter absconduntur. Denique quanti faciendum sit bonum tam fluxum tamque breve, laus nimirum gloriaque inanis, variis locis idem scriptor indicavit: Sic l. 4. Usitata quon-

Antoninus l. 8.
de vita
sua num.
45.

Ibid. n.
30.

Ib. lib. 7.
num. 30.

Lib. IV.
n. 28.

co sunt : ita & eorum qui fuerint olim celeberrimi nunc quodammodo sunt glossa, ut Camillus, Cajo, Volcesus, Leonatus, tum paulò post Scipio, Cato, inde Augustus, Adrianus, Antoninus. Omnia autem hac evanida sunt, & mox in fabulam abeunt, mox oblivione omnia obruuntur. Atq; hoc dico de iis qui ad miraculum usq; clari erant. Reliqui enim simul atq; animam efflarunt obscuri & ignoti facti sunt. Quanquam quis est omnino, cujus sit memoria sempiterna? omnia sunt inania. - Quam multi quondam fuere celebres, quorum nunc fama est oblivioni tradita? quam multi etiam horum qui istos celebrarunt è medio sunt sublati. Melius alibi : Brevis vita est & laudantis, & ejus qui laudatur, ejus qui mentionem facit, & ejus cujus mentio fit, praterea fit hoc in angulo portionis mundi, ac neq; ibi quidem omnes consentiunt, imò ne sibi quidem ipsi quisquam. Tota verò terra punctum est. Tandem, considera (ait Antoninus) etiam vitam eorum, qui ante Te & post Te vivent : horum etiam, qui hodie apud barbaros vivunt, quam multi eorum ne nomen quidem tuum sciant, multi statim obli-

Lib. 7.
n. 5.

Lib. 8.
n. 19.

Lib. 9.
n. 24.

obliviscentur, multi cum Te nunc laudent, statim sunt culpaturi, deniq; quam res nullius momenti sit memoria aut gloria, aut aliquid tale &c. Hæc aliaq; plura de fluxa mundanæ gloriæ vanitate Antoninus, magnam partem ex ante laudato Dione Chrysostomo (quo magistro gloriatur,) hausta atque derivata, qui oratione peculiari ostendit, quantoperè & illi [literati] desipiant, qui gloriæ tam instabilis firmitatem & perennitatem ex titulis statuisque mox diruendis quærere non dubitant, quamque inconsultè nominis perpetuationi per hujusmodi media prospiciatur. Hinc sapientissimè Epictetus serioque admonuit, eos de statione sua jam jam dejectos esse, qui laudem aliorum bonamque captent existimationem, id unicuique satis esse debere, ut sibi ipsi Vir bonus appareat, neglectis aliorum de se judiciis, omnique inani vanaque posthabita commendatione.

*Dio
Chrysost.
Orat. 37.*

*Epictetus
Enchir.
c. 30.*

XII. Ut verò tantò facilius eruditi egregiam hanc verè feliciū sortem consequantur certā famæ immortalitatem capeffentes, necesse est ut clariorib⁹ virtutis solidæ radiis illustrati, cimmerias inanis gloriæ tenebras refugiant, nec non optima quæque adversus execrabilem illam pestem applicent remedia, Doctorum denique de hoste illo nequissimo bellè triumphantium exempla frequenter sibi revocent ad

*August.
lib. X.
Confess.
c. 37.*

animum, quæ inter clarissimum modo laudati est Augustini, qui de seipso verba alicubi fecit sequentia : *Contristor al quando laudibus meis, cum vel ea laudantur in me, in quibus ipse mihi displiceo, vel etiam bona minora, & levia pluriæ estimantur, quam æstimanda sunt. Et rursus : Tu nosti ô Domine de hac re gemitum cordis mei, & flumina oculorum meorum ; neq; enim facile colligo, quam sim ab ista peste mundatior, & multum timeo occulta mea, quæ norunt oculi tui, mei autem non.*

*August.
l. 5. de C.
D. c 20.*

Est enim qualiscunq; in aliis generibus temptationum mihi facultas explorandi me, in hoc penè nulla est. Unde satis apparet optimû adversus cenodoxiæ pestem remedium seu pharmacû esse christianum sui contemptum, orationi ferventiori serioque cordis examini sociatum. Sane si prudens literator planissimè sibi persuadeat, dicta sua scripta & cogitata non talia plerumque esse qualia videantur hominibus, facile sibi ab inanis gloriæ blandimentis cavebit. Humana etenim [ut insignis ille Ecclesiæ Doctor August. præclare ait] gloria inflata est. & multum inanitatis habet, unde non ei digne servit soliditas quadam firmitasq; virtutum, ut nihil provideat prudentia, nihil distribuat justitia, nihil toleret fortitudo, nihil temperantia moderetur, nisi unde placeatur hominibus

minibus & ventosa gloria serviatur. Nec illi se ab ista defenderint fœditate, qui cum aliena spernant iudicia, velut gloria contemptores sibi sapientes videntur & sibi placent. Nam eorum virtus (si tamen ulla est) alio modo quodam humana subditur laudi, neque enim ipse qui sibi placet homo non est. Qui autem vera pietate in DEUM quem diligit, credit, & sperat, plus intendit in ea in quibus sibi displicet, quam in ea si qua in illo sunt, quæ non tam ipsi, quam veritati placent. Sic optimè Augustinus longam anteriorum, capitum adversus studium humanæ laudis disputationem conclusit. Nec minus præclare magnus ille Cenodoxiæ hostis Cassianus statuit nos huncce nequissimi spiritus laqueum tunc facile evasuros, si in singulis quibus nos profecisse senserimus, illud Apostolicum dixerimus: Non ego sed Gratia DEI mecum, & gratia DEI sum id quod sum &c. Tres insuper alios eosque singulares modos evadendi diabolicos istos laqueos, erudit, præsertim DE O sacratis hominibus Cassianus commendavit, primò videlicet ut submittant se, & quasi subrepant humilitatis sinceræ exercitio, dein ut conculcent ista retia fatanica per abstinentioniam ab officiis atque muneribus magis speciosis, exemplo Apostoli, qui cum possideret donum lingvarum,

*Cassianus
lib XII.
Instit. 6.*

9.

eo tamen non sit usus. *Cur?* [quæsit olim

Jc. Chry. Chrysostomus,] *non quod non haberet, sed quod*
Joſt. Ho. *quæreret quæ sunt utiliora, erat enim liber ab o-*
mil. 35. *mini inani gloria, & unum spectabat ut meliores*
ad pop. *redderet auditores. Quod si verò nec submit-*
Ant. *tendo nec calcando infernales hosce laqueos*

evadere queamus, ut perrumpamus ac dissipe-
 mus eos per verbum DEI Cassianus monuit,
 omnesque perituræ laudis ac gloriæ fugiamus
 occasiones, ipsius quidem Salvatoris exemplo
 edocti, qui toto vitæ genere id est professus,
 quod etiam dixit: *Ego non quero gloriam me-*

Job. IIX. *am.* Vixerat ut fabri filius mundi fabricator,
 ignominiosissimum mortis genus ipse gloriæ
 splendor elegerat, & cum ad eum reversi disci-
 puli cum gaudio renunciarent: *Domine etiam*
dæmonia subjiciuntur nobis, eorum jactantiam
 horribili dicto simul & exemplo compescuit:

Luc. X. *Videbam* [ait] *Satanam sicut fulgur de cælo ca-*
dentem; & indignabundis ex spiritu ambitio-
 nis discipulis vocem hanc memorabilem re-
 gessit. *Qui voluerit inter vos primus esse, erit ve-*
ſter ſervus. Non magnum denique ne dum
 summum in gloria bonum defigant eruditi, ne-
 que fallaci illa præſumptione supremam defini-

Tulde- *ant beatitudinē. Quid nos enim magnoperè* [lau-
nus l. c. *datus ait Tuldenus]* *memoria nostri juvabit, non*
Lib. IV. *conſpirante conſcientia, quid aliorum magnificus*
p. 280. *de nobis ſensus, ſi non conſentimus? an magis quam*
cæcæ ſpectacula, aut ſurdæ ſymphonia dele-
ctant?

stant ? Felicem [hâc in parte] literatum Lipsium fuisse constat, utpote qui ad Amicorum quendam scribere non dubitaverit : Lunam me non solum profiteor, tenui luce, nec pura, imò nec propria lucere; & multa à veteribus, omnia à DEO habere. Et rursus : Ampla illa non agnosco : DEUS ille Delficus veteri monito aurem vellit, & me ad me mittit. Novi me pergit, & impurum illud aut imbecillum in me hominis : & ut Junonia avis, cum plumas adspexi, ad pedes oculos demitto.

Ita Lipsius, longe prudentior atque sapientior Plinio, qui ei duntaxat veram ausus est vindicare beatitudinem, quem blanda nec fallax opinio bonæ & perennaturæ famæ foveat, tanquam hic vivus etiam mortalitatem transcendit; ô fucum, ô fumum, ô vanitatem ! *Sicut enim [scitè & appositè ait Augustinus] non est est à carne, sed supra carnem, quod carnem facit vivere; sic non est ab homine, sed super hominem, quod hominem facit beatè vivere.* Hæc & nobiliorum è veteribus Philosophorum fuit sententia, quâ veræ sapientiæ originem non solum à DEO repetendam, verum finem etiam in DEUM unicè referendam esse statuerunt. Ex quorum etiam placitis Belgicus ille Sophus, *sum homo inquit, sum ab humo, in eam ibo; & fama ipsa mea haud*

J. Lipsius Cent.

V. Epist.

40.

Cent. V.

Epist.

54.

Epist.

49.

Plin. l.

IX. E-

pist. 3.

Aug. l.

XIX. de

C. D. c.

25.

Lips.

Cent. E-

pist. 56.

latè vagata circa hanc peribit. Dum sumus tamen hic, suave est altius & melius aliquid agere, & (quod bonum Stoici propriè censebant,) prodesse. Nemo equidem dubitaverit, melioris indolis specimen esse gloriæ flagrantem cupidinem, quæ ipsa multum industriæ requirat, nec ignavos, degeneres atque effœminatos literatos esse sinat. Verum in hoc qualicunq; felicitatis gradu ne utiquam persistendum, sed potius ad veræ sempiternæque gloriæ apicem assurgendum esse monet sanctior puriorque Philosophia, ac divo Aurelio interprete eam duntaxat veram sapien-

*Lib. xix.
de C. D.
c. 20.*

tiam esse pronunciat, quæ in illum finem dirigatur, ubi DEUS omnia erit in omnibus æternitate certa, atque pace perfectâ; in illum finem, à quo nobis sit principium naturæ & veritas doctrinæ, & felicitas vitæ.

*Id. Lib.
II X. c. 9*

XIII. Quemadmodum verò eruditis omnibus ad veram aspirantibus felicitatem operanda est strenua, ne à fine isto scopoque saluari unquam aberrant; ita cum primis **DEI ET ECCLESIAE MINISTERIO SACRATIS HOMINIBUS** cavendum sedulo, ne vanæ & inanis gloriæ imagine capiantur, nec laudes magnas aut plausus efflagitent inanes, quin potius eos omni declinent ingenio, bona mentis non quidem prorsus abscondant,

dant, sed nec ambitiosè venditent, minimèque propter ea sese præferant cæteris, atque solius DEI gloriam unicè respicientes, sollicitè caveant, ne ulla honoris secularis cupido vel sacra tractantes invadat, vel causam fidei & religionis agentes extimulet. Laudabili exemplo cunctis Ecclesiæ Doctõribus Magnus prævit Chrysostom⁹, miroq; studio illum (etiam sibi insidiantem) satanæ angelum profligavit. Etenim cum is uno omnium ore esset celebratus, ac sæpè inter dicendum honorificis acclamationibus plausibusque ab audiente populo exceptus, tantum abest ut iis unquam fuerit delectatus, ut potius theatricos istos plausus (tunc in Ecclesia receptos) omninò tollere laborarit, & anxie ab aliis expetitas captatasque laudum publicarum formulas ut noxias prohibere constituerit: *Credite mihi* [ad hunc modum donorum suorum ebuccinatores aliquando compellayit] *vera dico, dum mihi applauditur dicenti, per ipsum quidem tempus humanum aliquid patior, (cur enim non verum fatear) postquam domum ingressus, plausores nihil adjutos esse cogitavero, & si quid profecisse debebant, per plausum & laudes amisisse, doleo, gemo & lugeo - - Et frequenter legem ponere cogitavi, quæ plausus prohiberet, & cum silentio congruaque tranquillitate nos audire persuaderet.* Quemadmodum etiam Ma-

Jo. Chry-
sost. ho-
mil. 30.
in Acta
Apost.

August. Serm. V. de verbis Dom. in Evangel. Matth. gnus Augustinus ad suos quondam encomiastis; *Laudastis, dicebat, DEO gratias, Semen accepistis, verba reddidistis. Laudes ista vestra gravant nos potius, & in periculum mittunt, toleramus illas, & tremimus inter illas; tamen fratres mei ista laudes vestra folia sunt arborum, fructus quaeritur.*
 Ast longe alium quibusdam Concionatoribus animum isto etiam seculo infedisse, eosque nil nisi inanes populi acclamationes plaususq; incompositos quaesivisse, ipse Chrysostomus disertè testatus est ad h. m. *Multa*
Chrysost. l. c. *multi faciunt, ut in medio constituti longam extendant orationem, & si plausus quidem à multitudine consequantur, hoc eis regno simile factum est, si verò cum silentio sermonem sinierint, silentii tristitia sit illis gehenna molestior.* Non pauci nimirum Chrysostomi ævo solennes ab auditoribus suis efflagitarunt acclamationes, ad Pauli illius Samolateni exemplum, qui teste Eusebio ab Auditoribus non favorem solum plausumque sperabat, sed theatriali more oraria moveri sibi expectabat, & vocem tanquam de caveis dari. Si quis verò auditorum honestius & veracundius agens, à clamore nimio temperasset, ut velut injuriam faciens patiebatur injuriã.

Longè

Longè rectius atque prudentius D. Bernardus cum inter concionandum tentatus esset, quasi suspiceretur ab omnibus, paululum substitit, flanteq; & infestante illo inanis gloriæ vento in hæc pro concione erupit verba: *Vanitas! propter Te concionem non incepti, propter Te ab ea non desistam.* Utinam omnes Doctores Ecclesiastici pariter saperent, & plausibus sive laudantium vocibus & tumultu neutiquam iis opus esse intelligerent, qui DEI solius gloriam & commissæ Ecclesiæ ædificationem meditantur! Nil magis operi huic saluberrimo remoram injicere solet, quam pudendus inanis gloriæ pruritus, qui impedit quo minus optatū sacram orationum scopum Doctores Ecclesiastici attingere possint. Proh! quam metuenda est inanis gloria turpisque jactantia homini DEO sacratio, atque fidei morumque capita è loco superiori tradenti aliis, quandoquidem ne ipsi quidem Patres sanctissimi tuti semper fuerint à pestilentissimi illius spiritûs insidiis. Si quis exactius paulò nosse desideret quantam is labem inferat verbi divini præconibus, quam fœdè succutiat & subruat virtutum ædem impotens iste halitus, Magnum audiat Gregorium, & ex ipsomet horrenda quæ detestandus ille elationis spiritus creat exitia probè percipiat: *Dum aliquis de Sacra Legis scientia gloriatur (inquit) pretium sibi convertit in*
vene-

*Greg. M. veneni poculum , & inde reprobus moritur ,
lib. 15. unde ad vitam erudiri videbatur , & in do-*

*Mor. c. Etrina sua mortem invenit , quia in verbis
16. vite vitam minimè quasivit.* Quis obsecro

Christi servorum probè perspecta inanis gloriæ pravæque intentionis deformitate non totus horreat , omniq̃ studio formidet mala quæ ex putido isto fonte promanant? Quanto pulchrior Deoq̃ue gravior est animi devoti puritas, tanto detestabilior mens Viri ecclesiastici pravo fine , impotentiq̃ue fluxæ gloriolæ desiderio infecta. Quemadmodum Moysis virga ad terram demissa torta est & retorta , donec versa fuit in tetrum colubrum ; rursus autem elata in propriam restituta est rectitudinem ; ita cordium divino ministerio sacratorum acies in DEUM non rectà tendens , sed ad terrestria demissa , enormiter adeò incurvatur , ut omnem rectitudinis suæ amittat pulchritudinem , & serpentis infernalis imaginem exactissimè referat. Quid quod Divini verbi præconibus inanis gloriæ glaucomate obnuptis , & cum excoecato Samfone hominum dæmonumque risibus ludibriisque expositis , plurima alia accrescant damna , atque fulgentissimi bonorum donorumque radii in horrendam perpetuamque caliginem convertantur , ipsi tanquam ligna fiant arentia , sive [Olympiodoro dicente] nullum humorem boni spiritus habentia , inepti

epti infœcundi & debiles ad omnia reddantur *Hof. viii.*
 pietatis sinceræ munia, nec ad pascua salutis
 oves subditas deducant. Ventum juxta Pro-
 phetæ effatum ejusmodi Doctores *seminantes;*
turbinem metent, hoc est procellas mentisque
 anxietates gravissimas incurrent, inque millē
 curas scissi per mille dilacerabuntur affectus,
 in universis tandem dissipandi actionibus. O
Pastor, ô Idolum [ait per Zachariam ipse DEUS] *Zach. XI.*
 vel ut significantius Septuaginta legunt: O
Pastor vanus! derelinquens gregem, gla-
dium super brachium dextrum ejus, & super
ejus oculum dextrum; suas nimirum pasto-
 res elati vanitates pascentes, & dextræ inten-
 tionis oculo & manu operationis dextræ desti-
 tuentur, atque arefcent tantoperè, ut nihil
 æternâ retributione dignum operentur. Imò
exscindentur æternum ejusmodi Nazarai,
saphiro licet pulchriores ira divina gladio,
 atque sempiternam incurrent dejectionem.

XIV. Formidabilem * Alphonfus de An-
 drada recenset historiam de Hispano quodam
 concionatore eloquente quidem & docto, sed
 vano, magisque auditorum plausum captante
 quam solidum fructum; Hunc ab alio concio-
 natore docto & pio graviter monitum: *Ue*
Chri-

* *Alphonfus de Andrada in Duce Virt. lib. 1. cap.*
35. §. 3. & ex eo Guil. de Wael in Corona. nec non
Joh. Weyer Fil. Adoptiv. Tom. 1. Lib. II. c. 19.

Christum solum prædicet crucifixum, animasq; Salvatoris sanguine redemptas unice querat; amicam adeò fraternamque correptionem profus contempsisse, sed malo suo maximo: Nam paulò post (inquit Andrada) ille inopinato graviq; morbo correptus intra dies paucos vivere desiit, tertium verò post diem circumquaque combustus apparens, inque cœlum brachia jactans, voce lacrymabili enunciavit, *æternam confusionem aperuisse faciem suam*, scil. propter inanem gloriam, quam toties vanis suis quæserit concionibus, verbum adulterarit divinum, semperque magni æstimari petierit. Audiant hæc & ponderent omnes ad concionandi munus assumpti, videantque ut dignè sua ambulent vocatione, ne verbum vitæ ex ore ipsorum emissum, præconibus in mortis æternæ ignem convertatur. *Multi* [ait nonnemo] *apud inferos cruciantur, qui cum suis sermonibus aditum ad cœlestem beatitudinem multis aperuerint, ipsi, quod falsa fallaciq; sui opinione inflati germana animi submissione vacarent, ad sempiternas illas pœnas sunt devoluti.* Habeant itaque prædicatores illud Christi in ore: *Ego non quero gloriam meam, sed ejus qui misit me*, cumque aliqua inanis gloriæ tentatio eos quatiat, eadem cum intimo animi verè christiani sensu repetant verba, addantque: *Sic et Christus, quid ego?* Ad animum quoque sibi frequenter Paulina illa revocent;

Sicut

*Sicut probati sumus à DEO ut crederetur nobis I. Thess. Evangelium, ita loquimur, non quasi hominibus II. placentes, sed DEO qui probat corda nostra. Neque enim aliquando fuimus in sermone adulationis sicut scitis, neq; in occasione avaritia DELLUS testis est. nec quærentes ab hominibus gloriâ, neq; à vobis, neq; ab aliis. Quid tam absurdû, quam vitia insectari per vitia, imitarique eorum Philosophorum vanitatem, qui [ut ait Tullius] de contemnenda gloria libros scripserunt, & in his ipsis proprii nominis gloriam quæsi-
verunt? Caveant ergò sibi tanquâ à pessimo fure à gloriâ inani, laudibus populi que applausu concionatores, pestiferum huncce pulverem de pedibus excutiant, omni que cura dispiciant, ne cum aliis prædicaverint, ipsi fastu elatione que obsessi reprobi fiant. Valde quidem difficile Concionatori esse Chrysostomus judicavit omnem planè laudis superare appetitum, ast longè gravioribus doloribus eos esse obnoxios, qui cum isto desiderio in docendi certamè pro-
dire soleant, notanterque subdit; elegerim potius innumerorum barbarorum servitutem, quam semel unius gloriæ inanis, neque enim captivis illi suis talia præcipiunt, qualia subditis suis ista jubendo mandat: *Omnium (inquit vana gloria) servus esto, animam contem- nito, virtutem negligito, libertatem rideto, salutem tuam destruito, & si bonum quid feceris non ad hoc facito, ut DEO placeas, sed ut multis ostentes, &*
Cicero
orat pro
Arch. &
alibi.
Chrysost.
Homil.
XVII.
in Epist.
ad Rom.*

*coronam qua benefacientes manet, perdas, quid
 quæſo poterit hiſce præceptis crudelius fieri? Ut ita-
 que miſerrimam hanc ſervitutem cuncti præ-
 cones evangeliſi effugiant, ex ejuſdem Docto-
 riſi verè aurei præſcripto illam principio gra-
 viſſimam eſſe ſibi perſvadeant, (ſiquidem æ-
 grotuſi conſeſtim de medico cogitet, quam-
 primum ægrotare ſe cognoverit,) poſthæc
 perpendant auditorum plurimorum iudiciuſi
 ſententiãquæ corruptiſſimam eſſe, nec cor-
 ruptam ſolũ, ſed & ſubito marceſcentem,
 cum frequenter accidat, ut qui ſummis orna-
 ti fuere elogiis, puncto tamen temporis vix præ-
 terito omnium contemptui exponantur;
 Chriſti igitur verbum & parietibus, & januiſi,
 & menti potiſſimũ inſcribant, atque continuè
 ſibi metiſiſiſi dicant: *Ua nobiſi quandoſi noſi lauda-
 verint homineſi,* qui ipſi poſtremo noſi veluti va-
 ni honoris præconiique ſtultè amanteſi merito
 vituperabunt. Et quiſi chriſtianorum quo-
 rundã oratorum (de populi plauſu gloriaquæ
 tumidorum) commiſeratione non tangatur,
 cõ quod alienorum morum magiſtroſi agere,
 attamen longè adeò à veræ humilitatiſi gym-
 naſio recedere non dubitent, ut ſi populi
 (multicipitiſi illiſi beſtiæ) plauſu denſãquæ
 concione ſermones ſuiſi excipi videant, (qui-
 cunque tandem fruſtuſi operæ exiſtat,) toto
 triumphent pectore, è contra yerò mœrore
 ſupra modum ac debitum contrahantur, lin-
 quan-*

Luc. VI.

quanturque animo, si infrequentior adsit concio, & vix qui auditum laudet sermonem compareat.

XV. Sollicitè insuper Orator Ecclesiasticus ad noxiam laudis existimationisquæ propriæ famem retundendâ ea sibi ad animum revocet, quæ tum apud priscos & supra laudatos Doctores, tum ipsos etiam Gentilium magistros cum primis Epictetum, Senecam & Ariannum reperiuntur. *Si invitaveris alios* (egregiè monuit is quem loco ultimo posuimus, Ariannus) *ad Te audiendum, & ut Tibi recitanti aliquid, aures præbeant hortatus fueris, vide primum ne istud facias temerè, deinde utrum illud sit, quo prodesse aliis, an quo tu laudari velis? Aliquis statim erit qui hoc insusurret: Quid mihi opus est applausu multorum? & rectè quidem monebit. Opus enim Musico quia Musicus nihil est laudatione, nec Geometra quia Geometra. Ergò prodesse vis? Sed in quâ re, dic nobis? ut & ipsi ad Te audiendum accurramus. Num potest aliquis prodesse in eo ex quo ipse nullam percipit utilitatem? Non; pluribusque ostendit Arianus nullam percipere ex suis dissertationibus utilitatem eos, qui plausu auditorum detractò tristes abiissent, cove impetrato supra modum exultassent. Nuper (inquit) aliquando tardius dum convenirent auditores, nec acclamarent, humilis & abjectus discessisti. Proximè autem col-*

*laudatus obambulabas, & rogabas singulos:
 Quidnam tibi sum visus? Admirandus
 Domine, dispercam; ac ita affectus nihilo-
 minus affirmas mihi, te in appetendo & ca-
 vendo sequi naturam ducem, abi & alii istud
 persuadeto. Et mox: Sic ergo depravatus
 & inhians laudatoribus, numeransq; audi-
 tores tuos, vis aliis prodesse? Hodie plures
 ne audierunt multò? Equidem per multi, vi-
 dentur enim fuisse quingenti. Nihil dicis,
 Esto fuisse auditores mille: Tot nunquam
 habuit Dion. Qui fit: quia elegantè ora-
 tione capiuntur; ornata enim oratio vel la-
 pidem movere posset. En voces Philosophi,
 en facultatem ejus qui prodesse possit homi-
 nibus, en hominem intelligentem rationum!
 Quas hujusque farinae alias jactationes haud
 abs re subsannans prolixè ostendit Arrianus
 quantoperè ea differendi ratio fuerit à Socrate
 aliena, qui concionem dimissurus, nunquam
 ut ceteri jactare consuevisset gravia recondita-
 que ea fuisse, quæ attulerit in medium. Multò
 magis ab oratore Christiano ista dementia esse
 debet aliena, quam in profanis gentilibusque
 Arianus ex Socratis & Epicteti mente tanto-
 perè reprehendit atq; castigavit, sola apud eos
 DEI gloria esse in pretio, ad scopum huncce
 unicum*

unicum omnes & conciones suas dirigere deberent & actiones, uti prolixè non minus quam egregiè & eleganter maximus Oratorum christianorum nempe Joh. Chrysostomus edisseruit: *Qua sunt* [ait notanter] *qua nos offendunt? multa & varia, maximè autem ad*

Johan.
Chrysost.
Homil. V.

HUMANAM GLORIAM spectare, & in Genes. nescire eam contemnere. Hoc enim mul- circa fi-
torum nobis causa malorum fit, & si quas nem.

spirituales habemus divitias, eas evacuat, & utilitate, quæ ex eis capi potest, nos destituit.

Quid igitur fuerit damno hoc perniciosius, quandoquidem à nobis avolare facit etiam ea qua nos habere putamus - - Dic obsecro mihi, & quare ita laude humana teneris?

Nescis quod sicut umbra, & si quid illa vilius, ita & illorum laus in aerem diffusa evanescit? Alioquin inconstans & instabile est hominum genus; & illi ipsi, quem nunc laudant, non multo post vituperant, quod in sententia DEI nunquam usu evenit. Ne igitur ita desipiamus, ne temerè & absque fructu fallamus nos ipsos. Nam etsi bonum quoddam facimus, non autem propter hoc solum agimus, ut mandatum Domini nostri impleamus, eo solo convincemur laborem nostrum

frustra factum, privabimusque nos fructu quem assequi licuisset. - Et quid miraris, si hoc eveniat his qui SPIRITUALES PHILOSOPHOS (seu Verbi divini præcones) agunt, quum & hi qui hujus Mundi studia sectantur, hos maxime contemnunt & despiciunt, qui ab hominibus quarunt gloriam? inveniesque ab omnibus conviciis incesse eos, qui humana gloria inhiant. Quid igitur miserius nobis QUI SPIRITUALES VIDERI volumus, si similes illis fuerimus, celebrari ab hominibus cupientes, & si non suffecerit nobis laus à Domino, sicut & Paulus dicit, cujus gloria non ex hominibus, sed ex DEO? Non vides dilecte in equorum ludis, quomodo hi qui equos agitant, non advertunt plausum populi assidentis & celebrantis, neque ex eo plausu voluptatem capiunt: Sed & ad unum solum spectant Regem in medio sedentem, & ad nutum illius attendentes, totam multitudinem despiciunt, & tunc solum animo extolluntur, cum ille eos coronaverit? Hos igitur & Trimitris. Non magni momenti facito hominum famam, neque propter eam

exer-

exerceas virtutem, sed à justo Iudice sententiam expecta, & ad illius nutum intentus esto. Hæc à B. Chrysoft. sapientissimè dicta in quos ævo nostro S I R I T U A L E S cadant viderint alii. Utinam reipsa tam infesta illis & exosa esset humana laus ac gloria, quàm multi infestis eam & vocibus & calamis huc usque appetiverunt. Utinam quod de dissertationibus adversus superbiam proditum est à Richardo Victorino, Spirituales etiam Viri sapè dum in prædicationis officio superbiam exagitant disputando, de ipsa dissertatione orationeq; habita non superbirent! Utinā omnes *εικονόμοι τῶν μυστηρίων* Ἰᾶ Σεῖς eodem præditi essent animo, quo insignis ille pietatis doctor, cuius optimus Climacus alicubi honorificam fecit mentionem: *Quendam* (ait ille) *roto animi affectu audiivi dicentem: NON NOBIS Domine non nobis &c. Abs Te, pergebat, ô Domine LAUS mea in Ecclesia magna futura est, scil. TEMPORE; prius enim quam illud adveniat, laudem sine periculo ferre non possum.*

XV. Quid est denique cur Doctores Christiani sive Ecclesiastici sint, sive Academici, Theologi sive Philosophi, quid est inquam, cur optare tantum, ne dicam sollicitè captare velint humanæ inanisque gloriæ auram tam citò

*Richardo
à S. Vict.
in Ben-
jam. mi-
nore c.
46.
Climac:
grad.
xxx.*

evanescentem? Cur ullatenus turbari laude favoreque mundano dispallescente, florèque ejus marcescente multum cruciari? Fugiant potius omnium Ordinum atq; Facultatum viri eruditi summo conatu ac studio istam malorum infinitorum lernam, atque coloris cito pereuntis pigmentum, à fœdissima illa semper abhorreant idololatriâ, ne plusquam cimmeriis involuti tenebris in extremam tandem aliquando cadant sui deceptionem. Si animus quandoque ex laude turgescat, mox cogitent quantum capitibus suis immineat periculum ab eo, qui omnem cervicem elatam deprimat, & colles omnes deducit in plana, propterea nullos inanes vanosque efflagitent plausus, quin potius omni eisdem declinent ingenio, neque animis ipsorum unquam obversetur quantum sciant, sed potius quantum nesciant, sique cristas erigat doctrina, ad eos referant oculos ad quos nihil didicisse videantur. *Non parum est scire quid nescias*, scite quondam ad Vigilantium scripsit Hieronymus, longè equidem fatius esset margitem esse & literarum penitus rudem ac plumbeum, quam turgidè doctum, inanisque gloriæ vento inflatum, siquidem incurabilem ferè labem animæ inferat arrogans scientia, virtutumque ædem impotens iste halitus fœdè subruat atque succutiat. Cum maximis gravissimisque doxosophorum gentilium periculis atque casibus probè edo-

ctus

ctus esset Isidorus PELUSIOTA, quantam
 Doctoribus cunctis damnum inferre soleat ni-
 mius inanis vanæque gloriæ amor, omni viri-
 um nifu Theosophos christianos à pernicioso
 illo studio duxit revocandos, *ne scil. honoris p. u-* *Isid. Pe-*
prii studiosissimos philosophos Græcos Romanosq; hoc lus. Lib.
est prisca Animalia GLORIÆ imitentur, sed potius i. Epist.
assentatorem [ut ipse notanter alicubi scribit] 374.
fastum, siccam atq; inanimam superbiam, INA-
NEM terrenamq; GLORIAM omni virorum
(coelitus concessarum) usu tollant è medio, ad
Christi Salvatoris exemplum gloriam ab homini-
bis minime querentes. Quin imò causam ali-
cubi indagaturus, veramque ostensurus ratio-
nem, cur veterum Theosophorum scripta, li-
cet simpliciora atque verborum respectu impo-
litiora, longissimè tamen præstent politissimis
atque elaboratissimis oratorum ac philosopho-
rum profanorum monumentis? non aliam in-
venit quam quod hi gloriam duntaxat capta-
verint PROPRIAM, illi verò SALUTEM au-
dientium ante oculos habuerint, unde factum
fit ut profani isti scripserint plurima, quæ nec
ullum legentibus commodum, neque ullum ea
respuentibus damnum attulerint. Sæpenume-
rò (ita idem Isidorus ad Theognostum
Diaconum præclare scribit) mihi in men-
tem venit mirari eos, qui Dialogos composu-
erunt, & orationes prolixas conscripserunt,

Isid. Pe-
lusior. Lib
IV. Epist.
140. ad
Harp.
Soph.

Idem Lib.
IV. Epist.
67. ad
Theognost.
Diacon.

quod SUI Æ quidem GLORIÆ n̄mis magnam habuerint curam, dum sublime & grande sophos spirante sermone fuerunt usi; utilitatem verò auditorum neglexerunt, cuius profectò maiorem ducere rationem ipsos decuerat. Quantumlibet enim magnam gloriam consecutis scriptoribus, ad ceteros certè parum inde utilitatis redundare queat: Aliis verò utilitatem percipientibus, magna virtutis accessio sit futura. Verum enim verò quia ad id quod sibi conducere solùm intenti fuerunt, aliorum utilitates insuper habuerunt. Quocirca etiam divinam vituperant scripturam (en nasutorum quorundam nostri quoq; ævi philologistorum expressissimam imaginem!) quod non exquisito & ornato dicendi genere, sed humili atque pedestri usa sit. At nos vice versa ipsorum quidem philautiam atque ambitionem jure accusemus, qui GLORIÆ PROPRIÆ studio ducti, aliorum minimam habuerunt rationem: Scripturam autem verè divinam criminationibus ipsorum liberemus, dicentes, eam non suæ propriæ gloriæ, sed potius audientium salutis studio.

studiosam fuisse. Quod si tanto tenentur amore sublimis dictionis, discant, melius esse, ut ab idiota ac plebeo homine veritatem, quam à Sophista mendacium discamus. Alter enim simpliciter & breviter quod res est dicit, alter verò sæpè obscuritate suâ cum veritatis occultat pulehritudinem, tum sua suaviloquentia ornans mendacium, in aureo vasculo solet miscere venenum. Quod si veritas cum ornata oratione conjungatur, eruditos quidem juvare potest, aliis autem omnibus nulli usui utilitatisque erit. Quæ causa quoque est, quare Scriptura Sacra veritatem pedestri sermone exposuerit, nimirum ut tam idiota quam sapientes, quâ pueri, quâ femina eam cognoscerent. Geminahisce insignis ille Doctor Isidorus scripsit ad Harpocram Sophistam, varia ac multiplicia hominum profanè eruditorum studia dicendique genera examinans, ac inter se quasi committens, divinis tandem litteris earumque scriptoribus pariter ac cultoribus præ omnibus istis doxosophis justissimam tribuens palmam. Alios quidem eorum [Oratorum scil. poëtarum ac philosophorum profanorum] εpopœiâ i. e. heroico carmine fuisse delectatos; alios gravitate Tragœdiæ, alios

Idem Isidorus. Lib. IV. Epist. 91. f. 460.

lios blanditiis ac lenociniis Comœdiæ, alios
 copia Rhetoricæ captos, sed nec hos inter se
 consensisse, cum sint qui sublimitatem Platonis
 sint amplexi, qui Thucydidis gravitatem, qui
 Isocratis tenuitatem, qui Demosthenis vehe-
 mentiam adamarint. Rursum alios Lysæ a-
 pertum dicendi genus laudasse, alios contra
 Isæi orationem utpotè Isocratis dictioni con-
 venientiore; alios denique Æschynis per-
 spicuum & candidum dicendi genus cæteris o-
 mnibus prætulisse. Cum igitur tam variæ
 sint (*pergit Isidorus*) ac dissentientes ho-
 minum (*profanè scil. doctorum*) opiniones,
 equidem non habeo dicere quæ fieri pos-
 sit, ut scriptor aliquis omnibus placeat;
 itaque illi, ut QUI AD GLORIAM re-
 spiciant, scribant ut ipsis lubet. At sacra
 & cœlestia oracula, quoniam ad universi
 generis humani utilitatem pronunciata
 scripta que sunt, perspicuitate sunt tem-
 perata. Ex hâc enim & illi qui aliis vir-
 tutibus orationum delectantur (sunt au-
 tem hi perquam rari) nihil quicquam
 detrimenti patiuntur, semel intelligen-
 tes ea quæ oraculis illis continentur - -
 Quid quæso sunt vel Platonici Dialogi, vel
 Homericæ tabulæ, vel legislatorum co-
 dices,

dices, vel Demosthenis libri, vel Tragœ-
 diæ variatq; inopinati casus, vel Comœ-
 diæ argumenta, si ad hanc virtutem &
 brevitatem perspicuitatemque conferan-
 tur? Quot Dialogos conscripsit eruditis-
 simus Plato dum conatur demonstrare
 quid sit iustitia? nec tamen quicquam
 potuit proferre quod esset perspicuum
 aut persuadere quibusdam: quin etiam
 ipsa libertate cum excidisset, vita exces-
 sit. Quam multa scripsit Aristoteles,
 Platoni se opponens, ejusque dogmata
 traducens velut in Comœdia? Sed nec i-
 pse quicquam utilitatis contulit, nisi quod
 pugnam verborum vitæ humanæ gene-
 ravit. Quam multa Stoici adversus A-
 ristotelem armati conscripserunt? sed
 horum quoque extincta sunt dogmata.
 Comparent igitur cum iis qui sapientes
 perhibentur divinorum oraculorum per-
 spicuitatem, & desinant nugari divinam-
 que oraculorum dictionem amplectan-
 tur, quæ non ad **AMBITIONEM**, sed ad
UTILITATEM audientium respexit.
 Neq; alio fine hæc edisseruit laudatissimus ille
 Isidorus quam ut (sicuti antea notavim⁹) Theo-
 sophos

sophos christianos à vanæ & inanis gloriæ amore ac studio revocaret, ne in parem cum doxosophis istis incidant insaniam, gloriamque humanam nimis sollicitè captando veræ perpetuæq; laudis tristissimam subeant jacturam. Si

Idem Isidor. Lib. V. Epist. 504.

GLORIAM sectaris (*ita notanter Serenum quendam Diaconum compellavit*) eam fac contempnas: sic fiet ut illa potiaris. Contentiosum enim est hominum genus, & de præstantia libenter dimicat. Vincere enim studet eum, qui victoriæ inhiat. Cum

jucunditate autem submittere se illi, qui vincere non desiderat, consuevit. En,

nobilissimum vincendi genus, viamque ad præfulgidæ gloriæ apicem rectissimam pariter

ac tutissimam! *Quid ergò [appositè quærit Augustinus] scientiam fugere debetis? electuri*

estis nihil scire potius, quam inflari? Ut quid vobis loquimur si melior est ignorantia quam

scientia? ut quid vobis disputam? ut quid vobis distinguimus? ut quid, quod nostis admo-

nemus? quod non nostis inferimus? Scientia cavenda est ne inflet? ergò amate

scientiam, sed anteponite charitatem; scientia si sola sit inflat, quia verò charitas adi-

ficat non permittit scientiam inflare: ibi ergò inflat scientia, ubi charitas non adificat,

ubi

August. Serm. xxxv. de Verbis Dom.

ubi autem adificat solidata est. Nimirum probe intellexit Magnus ille Præsul Hipponensis, quantoperè scientia obnoxia sit, turpi ac pernicioso ELATIONIS spiritui, ut non facilius libri tincis & blattis corrumpantur, quam eruditi, nisi diligenter caverint, ex scientia insolescant, pestiferumque tumorem concipiant. A quo si tuti esse velint ipsi etiam Literatorum Principes, & ad optimæ laudis procurrare metam, sæpius cogitent gloriam non inanem, sed veram excipere cunctos doctrinæ & virtutis solidæ cultores, ac professores, nulliq; antiquitus magnum impertitum fuisse honorem, cui virtutis emeritæ specimina non præluxissent; eos præsertim supremi honoris fastigio [ipso suadente oraculo] dignos olim fuisse habitos, qui singulari doctrinæ scientiæq; fulgore rutilantes, cœteros quoque ad virtutem erudire statuissent. Ea de causa ipsum Platonem certatim à sapientissimis Principibus è longinquo advocatum fuisse accepimus, ut rectioris administrationis vitæque ad virtutis solidæ leges instituendæ rationem omnes edoceret, quo etiam sine eum Dionysius Siciliæ Tyrannus aureis quadrigis venientem admodum honorificè excepit, * nec minus Heracli-

* Invasit aliquando (ita Bartolus in charact. hom. liter. p. 100.) Dionysium tyrannum philosophandi seu ardor nobilis, seu cacoëtes, quo festam tractando ferro tyrannidem quam exerce-

bat in corpora , felicius in hominum animos
 exercebat. Utrumque fuerit, Athenis Plato-
 nem accersit Syraculas ; nec par erat futurus
 quilibet alius eruderando illi saxo, ex quo ta-
 men nunquam excudere Mercurium valuit.
 Nempe homines potens in philosophos muta-
 re, feram in hominem vertere non norat. Ve-
 nit Attico melle fluens Plato , sed illam ca-
 sorum sanguine imburam spongiam mellis ejus
 vel una stilla subire non potuit. Mox tamen
 ut audiri cœpit apud Dionysium Plato , en Tibi
 conversione repentinâ scenam tota aula muta-
 re , & quasi virgæ contactu magicæ ab ea quæ
 fuerat, videri penitus alia. Heri Regia cruen-
 tum civium macellum , & Caci spelunca ; he-
 die lyceum & sapientiæ augustal , in quo non
 soli philosophabantur homines, sed & parietes,
 quorum nulla pars erat vel geometricis vacua
 descriptionibus, vel numeris philosophicæ com-
 putationis. Ipse cognomentum carnificis pub-
 lici philosophi nomenclatione veneranda sepe-
 liciat Dionysius, spectabaturque jam inter prin-
 cipes tanquàm semiDeus , & celebrabatur ab
 iisdem quibus paulò ante execrationi fuerat,
 & honori. Tantum valent in Principem literæ !

raclitum Rex Darius literis humanissimis evo-
 catum ad regiam deduxit domum, ac nullâ non
 favoris benevolentiaque suâ scatebra recrea-
 vit. Sic Tito Flaminio quondam in Græcia
 veluti Numini ob egregiam atque superexcel-
 lentem virtutem libatum fuisse, Plutarchus te-
 statur. Taceo honorem Aristoteli Delphis de-
 cretum in supremæ sapientiæ decus , & quem
 Romani Duillio , Athenienses Harmodio &
 Aristo-

Aristogitoni conditis etiam statuis impertire; Nonne Pompejus ex Asia rediens Rhodumque pertransiens Possidonio Philosopho laureatos fasces, ipsaque victricia submisit insignia, nec Viri eruditi januam, quasi Regia sua atque imperio sacrationem à lictore pulsari permisit? Nonne satis abunde constat, primarios in Orbe etiam Christiano pietatis & virtutis solidæ Doctores ac Professores, tandem verum honoris apicem ex solo VIRTUTIS merito attigisse, nec famæ solùm, sed & animæ beatam consecutos fuisse immortalitatem? In medium producere possemus universum priscorum Ecclesiæ Doctorum egregiè splendentium chorum, Ignatium cum primis illum Theophorum, *Videatur* Dionysium Areopagitam, Justinum Marty- *Vetus A-* rem, Irenæum Lugdunensem, Cæcil. Cypria- *cademia* num, Athanasium Alexandrinum, Basilium *J.C. e-* Magnum, Gregorium Nazianzenum, Am- *xemplis* brosium Mediolanensem, Augustinum Hip- *prisco-* ponensem, Hieronymum Stridonensem, Jo- *rum pie-* hannem Chrysostomum, Bernardum Clara- *tatis veræ* vallensem aliosque plurimos, quos non tam e- *Doctoru* ruditionis, quam virtutis & pietatis summæ *à nobis il-* fama per veræ laudis præconia jam olim eve- *lustrata* ctos ad summa honoris sedilia locavit. Tales *& edit.* nimirum sanctis istis Doctoribus mores fue- *1671.* runt, quales sermones, tale exemplum, quale dogma, ut vixisse eos moribus, docuisse exemplo, prævisse ad honesta omnia virtute propria

384. COMMENT. III. DE LIT. CENODOXIA
 pria satis fuerit exploratum. Hinc quoque
 tantoperè eorum crevit gloria, hinc laus atque
 existimatio illorum tanta accepit incrementa,
 ut vivarum legum, & animatarum quasi pic-
 tatis sinceræ formarum ac imaginum loco jam
 pridem habiti fuerint, adeoque ad summæ lau-
 dis metam [vanæ & inanis gloriæ præstigiis
 neutiquam obfascinati] felicissimè pervene-
 rint. Horum vestigiis si insisterent cruditorum
 singuli, ac de veræ potius quam vanæ laudis
 gloriæque veræ thesauris conquirendis essent
 solliciti, planè egregia supremæ illius sa-
 pientiæ ederent specimina, cujus Doctores pa-
 riter ac sectatores strenuos LAUS (non vana
 fallax & peritura, sed solida, ingens &
 fulgentissima) MANEBIT IN
 SECVLUM.



COM-



COMMENTATIONIS III.

A P P E N D I X

De

LIBRORUM FELI-
CIBUS PARITER AC INFE-
LICIBUS CONDITORI-

B U S.

XVII.

Quandoquidem ERUDITORUM homi-
num plurimi fatuos umbratilis glori-
olæ igniculos præprimis LIBRO-
RUM operumq; variorum EDITIO-
NE infectentur, imò tantoperè famæ inhi-
ent inanitati, ut laudari à posteritate (hoc est
ab illis quos viderunt nunquam) impensissi-
mè desiderent, hinc cunctis ad veram felicitatem
aspirantibus eruditis apprimè cavendum,
ne gloriosæ eiusmodi vanitatis fidere afflati,
extremam cum turgidis quibusdam librorum
conditoribus incurrant miseriam, & ne (si

Cc

præ-

præposterè nimis de magnâ potius quam bona famâ, aut vita bonâ solliciti fuerint) post impensas curas usque ad sudorem, post evolutos authores usque ad pallorem, post devoratos labores usque ad nauseam & tædium, post exhaustas ferè omnes animi & corporis vires æternæ infamiæ tradantur. *Quot scriptorum laboribus* (verba sunt Dan. Bartoli) *pressoria tor-*

Bart. charact. lit. pag. 335.

cula gemuerunt, in quos illud Ausonii bellè cadat:

Utilius dormire fuit, quam perdere somnum,

Atque oleum.

Quam multi vigilatas noctes libris sudarunt componendis, quos absq^{ue} somno nullus legat, nisi cui

Confer. pium literati herminis successum p. 141.

somnum excusserit indignatio in auctorem! Quot olim vixere fama gloriâque singulari conspiciui Viri, quorum memoria eodem sepulta est tumulo quo cadavera; quorum aliquando laudata opera, mox æternæ oblivioni data, vel si extent in literarum monumentis eorum nomina, non sunt scripta in cœlis, libroque vitæ inserta; quam multi ex illis solâ infamia famosi; quam innumera periêre doctorum hominum monumenta, qui per ea famam sibi immortalē parare laboraverunt. Quam multi [ita-

Rayn. de bonis & mal. lib. p. 322.

notanter Raynaudus) apud Photium authores ex solo Photii breviculo noti sunt, operibus planè deperditis? Postea etiam quam

multorum opera omnis generis & omnis æ-
tatis,

tatis, nullo licet interposito adverso casu vel
 confixione perierunt. Nec ipsum arbitror
 mundum capacein fore librorum, qui non di-
 co aliquot ante Christum seculis, sed non
 ita multo ante nos editi sunt. Evanuerunt
 quàm plurimi & levarunt Orbem. Eadem
 fors indies plerisq; obtingit. Ac licet quo-
 rundam operum vita tempore diuturna fuerit,
 quid profuit ea authoribus defunctis? annon
 melius illis fuisset omni fama caruisse, quam
 cum magnâ æternum periisse? Quod si quæ-
 dam literatorum hominum volumina aliquam
 nacta sint gratiam, nullam tamen gratiæ par-
 tem in suos transferre potuerunt authores, sed
 iis in re præsentis factum quod Lactantius alibi
 sculptoribus exprobravit, nimirum ut eorum
 adoretur manus & labor in statuis, cæterum
 ipsi spernantur protinus, donis statuæ colan-
 tur, premantur verò earum artifices calcibus,
 suspiciantur pro Diis saxa, pro saxis sculpto-
 res habeantur. *Quid inter se* (ait Lactan-
 tius) *tam contrarium quam statuarium de-*
spicere, statuam adorare, & eum ne in con-
vivium quidem admittere qui Tibi Deos fa-
ciat? Proin parum sæpè emolumenti scripto-
 ribus accedit, etiamsi monumenta eorum ma-
 ximo apud nonnullos in pretio habeantur, va-
 rioque legantur idiomate, nimirum spretis ar-
 tifici-

Lactan-
 tius de o-
 rig.error.
 cap. 2. ex
 Seneca,
 confer
 Bartol.
 charact.
 pag. 5.

tificibus insensatae adorantur statuae, honor-
que authoribus debitus, soli ut plurimum ope-
ri exhibetur. Haud abs re Jacobum Billium
(qui immortalem ex Patrum quorundam edi-
tione gloriam est consecutus) commendavit
Scævola Sammarthanus in illustrium Gallo-
rum elogiis, quod licet totus in scribendi labo-
re semper fuerit, nullum tamen unquam atti-
gerit argumentum, quin ad pietatem illud ac
religionem pertineret, *cetera omnia* [notanter
addit Sammarthanus] *tanquam fluxa & caduca*

*Sammar-
thanus
Elogior.
lib. III.
pag. 76.*

*Idem l. c.
lib. V. f.
105.*

*Idem
lib. IV.
p. 120.*

generoso quodam animi vigore contemnebat. Nec
minus Jacobum Fajum Spessæum Virum lon-
gè doctissimum tam longè ab omni gloriæ fu-
mo abfuisse idem memoravit, ut cum tradere
posteris multa posset ingenii sui documenta,
tamen post absolutissimas tot veterum lucu-
brationes publicare novos libros non modo su-
pervacaneum esse duxerit, sed etiam ineptum.
Claudium Puteanum denique idem Sammar-
thanus posteritati commendavit, quod licet eo
homine ætas nihil doctius tulerit, pro singu-
lari tamen animi sui modestia scriptis nun-
quam inclarescere voluerit. Equidem si do-
ctrinâ virtuteque sublimiori conspicui Viri
gloriosæ illius vanitatis vestigia paulò diligen-
tius observent, vix unquam nominis sui affe-
ctabunt perpetuitatem, sed DEO solum & be-
atæ æternitati (si quæpiam scribendi necessitas
iis incumbat) curas atque meditationes suas

con-

consecrabunt, haud quaquam per eas immortales fieri cupientes, sed immortalī & invisibili seculorum Regi honorem unice tribuentes, non solum aliis (ut Augustinus loquitur) scribendo proficiant, sed ipsi proficiendo optima quaque scribent, studiosè etiam observantes præclarum Petri Venerabilis consilium Gilberto cuidam olim subministratum : *Seratur in chartula verbi divini seminarium, quod maturis segetibus, hoc est libris perfectis, multiplicatis frugibus esurientes lectores repleat, & sic panis cælestis lethalem animæ famem repellat, sic planè, sic verbi divini poteris fieri taciturnus prædicator, & lingua silente in multorum populorum auribus manus tua clamoris vocibus personabit : Clausus tenebris in spelæo tuo & in codicibus tuis, terras & maria peragrabis, in publicis Ecclesiæ conventibus lectoris ore verbum DEI de sublimi loco in clamabis, inq̃ remotis claustrorum & domiciliorum angulis illud idem servis DEI silentibus insusurrabis.*

XVIII. Magnifica est Scriptoris cujusdam ævo nostro clarissimi vox, & digna quæ Literatorum omnium auribus in clametur : *Nihil moror Libros, sed combustos omnes velim, si DOCTIORES tantum, non*

Petr.
Vener.
lib. I. Epist. 20.

Salmas.
Epist. XXXV.
ad Jac.
Cruc.

etiam MELIORES, qui illis dant operam reddere sint idonei. Itaque maximopere *SCRIPTOREM* quemlibet ea cura atque cogitatio versare debet, quâ ratione summè utilia necessaria salutariaque ingenii monumenta parare inq; publicam dare lucem queat. Non frustraneum solum, verum infortunatum etiam, atque damnificum illum laborem esse, qui otiosis & inutilibus libris conscribendis impendatur optimorū & sapientissimorū virorum constat judicio. Sicuti (juxta sacrum effatum) filiorum insensatorum multitudo parenti in opprobrium vergit, non verò in ornamentum, ita librorum (quos haud abs re ingenii liberos veteres nuncuparunt) inutilium noxiorumque copia auctoribus suis maximum dedecus extremamque infamiam conciliat. Cum celebris quidam seculi hujus Scriptor in operis sui fronte illos Literatorum labores *Herculeos* dixisset, qui *fatigati* in *obus immensis commoditates adferant aliis, auctoribus verò suis præter aliquantulum famam, plurimumque invidia, nihil;* non nemo a-

Phil. Lab. cerbè satis rigideque illum tractaturus enunt-
Tom. I. ciavit, *M. LABORES EOS ESSF,*
de Script. qui *fatigationibus immensis, nec commo-*
Eccles. *ditates aliis, nec auctori suo aliquantu-*
pag. 980. *lum famam, sed plurimum infamia adferant.*

Quicquid verò de Scriptoris illius monumen-
 tis

tis sit statuendū, nemo facile inficias ibit effatū
 istud cum primis locum habere in omni libro-
 rum inutilium otiosorumque genere, quorum
 auctores speratae gloriae loco extremam infami-
 am fatigationibus suis consequuntur. Licet
 sapientiam absconditam, *inutilem* (non secus
 ac thesaurum invisum) Siracides pronunciave-
 rit, notanter tamen *hominem qui stultitiam* Sirac.
cap. 41.

*suam abscondat, meliorem esse judicavit eo,
 qui suam sapientiam evulgare recuset.* O

si insensati quidam librorum conditores eam
 quam habere se putarunt abscondissent sapien-
 tiam, nec evulgassent illos suos luce indignis-
 simos foetus, non tantam sibi accivissent apud
 doctiores & meliores infamiam, nec veritatem
 * proverbii illius Talmudici experti fuissent,
*quod homines prodeuntes (temerè scil.) in
 publicum sint quasi tradendi lectoribus, &c.*

Severissimorum equidem judiciorum ac censu-
 rarum aleam ut plurimum illi Scriptores sube-
 unt, qui licet abunde ingenio eruditioneque
 praediti sint, laborem tamen omnem, aetatem ac
 valetudinem in elucubrandis nullius frugis ar-
 gumentis, & libris edendis consumunt, *in qui-
 bus scribendis* (ut scitè Bartolus ait) *VITA, le. Bartol.
 gendis verò tempus infelicitè omninò conteritur. charakt.*

Cc 4

Quod lit. par.

* Proverb. hoc ex Talmudis tract. de Sab-
 batho haud malè Buxtorfius adscripta qua-
 dam seculo hoc evulgata accommodavit, II. pag.
346.

Quod si jure meritissimo Seneca quibusdam ævi sui philosophastris succensuit, qui nocturnas vigilias, & diurnarum velitationum clamores assiduos in puerilia, non risu modo sed ferulis digna conferre neutiquam dubitarunt:

Mus Syllaba est: Syllaba caseum non rodit:

Mus ergò caseum non rodit. O pueriles (exclamat ille) ineptias! in hoc supercilia subduximus? in hoc barbam demisimus? hoc est quod tristes docemus & pallidi; Si inquam Seneca nugaces ejusmodi illiberalium artium magistros meritò reprehendit; quis obsecro piè-doctorum illos laudaret Orbis christiano-literati incolas, qui vitam omnem studiis inanibus nugisque puerilibus impendere neutiquam verentur? *Tantane est (inquit modo laudatus Scriptor) nugarum futilium ubique penuria, ut juvet iis gravi studiorum & notitium, vitæque adeò multa sumptu, numerosas farcire paginas? Si possum animo in selectam prædam cum aquilis & accipitribus assurgere, cur malim cum alaudis uno garriendi desiderio alas explicare? quod illa dum faciunt, tamdiu cantillant, quoad rupta garritu cadant, suo illo cantu adeò læta, ut si canendi magistra cæli Sirenibus fuissent.* Navigatio vitæ hujus quam fermè

in

Idem l.c.

p. 348.

in studiis ponitis (ita post quædam alia Bartolus ævi nostri scriptores eleganter compellavit) felicitas indolis, & scribendi labor quibus potestis rem literariam, auro & unionibus augere, quo tendunt obsecro? quibus amabo vos mercibus locupletamini? fabellis nimirum, altercatione frivola, quæstiuncularum, nugis prope dixi heroicis; amatoriiis inquam nugis; restitutione textuum, aut depravatione potius, emendationibus arbitrariis, conjectaneis, imaginariis, & quid plura? *Quare appenditis argentum Vestrum, & non in manibus* (inquit sacer vates Esaias) quod cum exponat B. Hieronymus de secularibus studiis, quanto verius de vestris, tum planè inanibus, tum sæpè fatuis dici potest? An vivit aliquis Tiberius qui vos matris Hecubæ nomen, qui usurpatum ab Achille inter Lycomedis virgines absconso nomen edere jubeat? - - - An aliquis Domitianus ad quotidianam & diuturnam muscarum venationem vos invitat? Amplitudinem Romanæ urbis ostentaturus Heliogabalus, aranearum telas omnes tota undique de-

cussas & collectas urbe exaggeravit in montem demens, magnitudinem Urbis urbium Reginae stolidè arbitratus hoc documento contineri. Stultum hunc nemo sapiens non videt; est tamen illorum (scriptorum) archetypus, qui experimentum sui publicè præbituri, araneis pluribus quam foliis libros implent argumenti planè inutilis, & tractationis evanidæ ac prorsus inanis. *Utinam tace-*

Job.

XIII. 5. retis, & putaremini esse sapientes. Plaudatiis, si vultis, stultorum amicorum fatuitas celebris; alia propterea non erunt illorum quam quæ in Bachi spectaculis laudavit Diogenes, magna stultorum miracula.

XIX. Sicuti igitur scriptorum ejusmodi inutilium fructuque omni vacuorum ingens est fatuitas, atque pestilentium librorum divulgationem gravissima detrimenta insequuntur, ita satis deprædicari vix potest BONORUM AUCTORUM felicitas, summæ sociata utilitati. Equidem non Scriptoribus solum, verum ipsi etiam Ecclesiæ atque universæ rei literariæ egregia inde accedunt emolumenta. Amplissimam piæ-cruditus scriptor lætitiæ gaudiique segetem habebit, si eas ingenii proles fuderit, quæ pietati pariter ac eruditioni sinceræ plantandæ

tandæ propagandæque inserviant. Dila-
buntur opes, corruunt ædes, numerosissima,
interdum deficit familia, ast præclaris operibus
nobilitata nomina nunquam intereunt. Quin-
imò talis tantaque ea est bonorum piæque do-
ctorum scriptorum felicitas, quæ cum universi
Orbis opibus atque dignitatibus haudqua-
quam comparanda, ne dum permutanda videat-
ur. Non ad vanam illi, sed sanam, non fal-
laciæ sed veracem perennemque adspirant
immortalitatem, imperturbatæ junctam tran-
quillitati. Et cum neutiquam præpostera
eos invadat immortalitatis affectatio, quæ pro-
fana seculi mancipia, Magistros quosdam nu-
givendulos, vanæque gloriæ ANIMALIA
occæcare solet, qui nec ipso Cenodoxorum li-
teratorum exitio à præpostero illo famæ acqui-
rendæ studio sese revocari patiuntur, felicio-
ra sc. sibi fata promittentes; cum inquam fe-
lices illæ Scriptorum nobiliorum animæ ab
omni inanis gloriæ æstu, omni que infano im-
mortalitatis desiderio maximè sint alienæ, cœ-
lesti ut plurimum nutu accidit, ut non in tem-
pore solum laudem gloriamque insignem (li-
cet minimè quæsitam) obtineant, verum per-
ennem etiam atque sempiternam beatitatem
divino beneficio consequantur. Mille vi-
vendi artes huc usque indagavit, nec invenit
tamen impotens nunquam-moriendi deside-
rium, cum primis id ipsum Sinarum philosophos
Primo-

*Nie.
Trig.lib.
I. Expe-
dit. Si-
nic. c. 9.
confer.
Com-
mentar.
nostr. de
Re lic-
rar. Si-
nens. Sect.
XIII. p.
258.*

Primoresque tantoperè olim invasit, ut curas cogitationesque omnes vanissimæ illi immortalitatis affectationi duxerint impendendas. Et quod ea res scientiæ humanæ facultatem atque limites longissimè excedat, nulla prorsus ratione ut credant, induci potuere. Frustra sæpè qui inter illos sapientiores in detergendo isto morbo, atque deprimendo contumaci superiorum suorum affectu fuere occupati. Herbis alii argentoque vivo vitam producere sunt conati, alii nescio quale immortalitatis poculum ab impostoribus quibusdam paratum propinatumque impigrè hausere, oleum simul peridentes ac operam. Scilicet herbis Medæ carebant fatui illi *βίοφιλοι*, & Jovis ambrosiâ, quibus vitam sibi immortalem accerferent. Nuspiam reperti sunt illi quos finxere immortales in montibus errantes, inque ipsum cum libuerit adscendentes cælum. Nec minus præposterè illi quondam immortalitatis iter culmenq; honoris perpetui adierunt, qui mortem subire voluntariam, necemque ultroneam (urgente scil. insana gloriæ cupiditate) suscipere non dubitarunt, veluti Calanus ille magni nominis philosophus Indus, qui diu multumque Magnum secutus Alexandrum tandem ipso vidente sese in ignem conjecit, ratus ea ratione se apud ipsum Alexandrum & posteros fumum immortalitatis adepturum, ad stolidi nimirum Empedoclis [-cujus supra meminimus]

mus] exemplum, qui in Ætnæ craterem infiluit ut pro Numine haberetur. Sic Cleombrotum cum Hegesiyæ discipulis immortalitatis statum tanto ardore concupivisse legimus, ut præ potiundi desiderio præmaturam mortem oppetierint. Et si qui oblatam à superis immortalitatem (uti fabulata est antiquitas) respuerunt, quemadmodum de Chirone perhibetur, illi quoque ex ipso immortalitatis contemptu gloriam venati sunt augustiorem, tantoque illustrius aviditatis illius (scil. famæ in perpetuum producendæ) dedere documentum. Longè felicius veræ immortalitatis metam librorum optimorum scriptores atq; conditores à tot seculorum decurso tempore attingere. Monumenta quæ publico bono ediderunt quovis ære, quibusvis marmoribus, Mausoleis, arcubusque triumphalibus [quibus nonnulli olim affectarunt quidem, non item affectati sunt nominis immortalitatem] perenniora extiterunt. Illi quos studio indefesso peperere filii parentibus suis etiam vitæ functis honori decorique sunt perpetuo. *Mor- Eccles.*
tuus est pater, quasi non sit mortuus, similem c. XXX.
enim post se reliquit. Adcò enim in filios huiusmodi egregios parentum virtus pietasq; sese transfundere solet, ut in iisdem post fata vivere semper spirareque videatur. Si tam procullongeq; à parentum suorum vultibus
& mo-

& moribus naturales filii exerrent, ut [quod prisci finxere Ægyptii] ex patre fulgure boves interdum nascantur; illi quos diximus melioris notæ foetus vivas parentum suorum repræsentare videntur imagines. Est proles illa verè immortalis, cujus ope literati felices cunctis miseriis defuncti, gloriæ perpetuæ vivere incipiunt, incomparabilibus planè laborum suorum præmiis æternum condecorandi. Audiamus de insigni hac Scriptorum optimorum felicitate, * sæpè laudatum. Bartolum egregiè differentem ad h. m. Quibus obsecro firmamenti stabilius magnorum hominum gloriæ, & meritorum nomina fulciuntur, quam **LIBRORUM IMMORTALITATE**? Inspiciamus rerum strages quas agit ubique omnium edax tempus, præcipitando alias, reliquas sensim ac lentè arrodendo. Rupes sub annorum decrepitæ pondere subsidunt, in sepulchrum curvantur, membratim.

*Bart.
char. lit.
p. 365.*

* De quâ etiam legi meretur memorabile Philobiblion, quondam à Richardo de Buri Episcopo Dunelmensi in Angliâ conscriptum, & unâ cum centuriâ Epistolar. philologicarum ex Bibliotheca Goldasti antehac Francofurti, nuper verò Lipsiæ 1674. edit. In cujus capitul. 1. 2. 3. 4. author egregiè ostendit quanta bona per libros proveniant,

diffi-

diffiliunt, ossiculatim disperguntur; & ipsæ quoque mendicare videntur è subjectis vallibus tumulum quo tegantur. Tabeſcunt rubigine quæ sunt ferrea, & lima temporis pulveraſcunt. Altissima quondam Palatia superbis minuta capitibus, nunc ostentant ædium cadavera, è quibus si pars aliqua murorum non tam stare, quam ruinam perpetuo minari videatur, ea videtur à tempore relicta, ut eſſet potius ejus trophæum victoriæ, quam pristinæ magnitudinis aliquod monumentum. Ubi olim Deorum templa, Imperatorum aulæ, Senatorum ſedes, Doctorem exedræ fuerant, nunc cubilia sunt luporum, bubonum nidi, latronum receptus. In hæc ſtrage annorum, in iis ætatum ruinis, quam magnificè inviſta ſeculis attollant capita **VIVACES RELIQUIÆ INGENIORUM PRÆSTANTIUM**; quæ vivant in morte omnium ſecuri, & æterna vireant ſeneſcute **LIBRI ERUDITI**, & in libris ipſorum parentes dicat Stoicus Romanus, & ſileo: Cætera quæ per conſtructionem lapidum & marmoreas moles

les aut terrenos tumulos, in magnam edu-
ctos altitudinem constant, non propaga-
bunt longam diem, quippe & ipsa inter-
eunt : IMMORTALIS EST IN-
GENIORUM MEMORIA! Fortu-
natus Metellus, qui filiis quatuor succol-
lantibus ad sepulchrum elatus, primis
consularibus, tertio tunc, & quarto
post paulum consulibus, Vellejum mo-
vit ut diceret : *Hoc est nimirum magis fe-*
liciter de vitâ migrare quam mori. Utcun-
que sit, tamen *de vitâ migrat*, & à filiis ef-
fertur. Parentes suos non filii quatuor;
sed quam MULTI prodeunt IN LU-
CEM EORUM LIBRI, morti ere-
ptos & cineri, ubique cum pompa circum-
ferunt, deponunt in omnium manibus,
oculis veneratione. Quot suâ patriâ
obscuri, & dote ingenii paucis noti, libro-
rum suorum præconio omnium animos,
omnium sibi existimationem & laudem
huc usque conciliarunt! - - Hi Soles do-
ctrinarum, quorum radiis floret terra, vi-
gent scientiæ, secula illustrantur, illum
honorem videntur promeriti, quem lucis

con-

*Vell. l. i.
Hist.*

conditor lucis attribuit. Primam siquidem illam sua laude, suo inter omnia opera ore dignatur; non tam quod pulchra per sese, quam quod quicquid videt pulchrum efficit & formosum. *Tantum sibi predicatorem* (ait Ambrosius) *posuit invenire à quo jure prima laudetur; quoniam ipsa facit ut etiam cetera mundi membra digna sint laudibus.* Hi sunt quorum animos Seneca ob meritōrū suspicit gloriam, quorum adorat ortum in hanc lucem, quam viventes calcarunt terram osculatur, momentum illud mœrens luget quo vivis ablati sunt, *vocatq; PRÆCEPTORES GENERIS HUMANI, ET DEORUM* ritu colendos. Cum enim (subderet Vitruvius) tanta munera ab SCRIPTORUM PRUDENTIA fuerint hominibus preparata, non solum arbitror palmas & coronas his tribui oportere, sed etiam discerni triumphos, & inter Deorum sedes eos dedicandos.

Ambr. l. hex. 6. 9.

Sen. Epist. 14.

XX. Talis igitur librorum SCRIPTOR, verè FELICIS LITERATI gaudet elogio famâque dignus perenni, qui non vulgari solum doctrina ingenioque præditus,

Dd

verum

verum etiam supra spem, metumque, aut alium perturbati animi affectum est positus, denique extra ostentationem atque ambitionem constitutus uni operatur veritati, uni gloriæ divinæ intentus, viamque sibi per ingenuos labores ad veram & beatam, non vanam & umbraticam illam parat immortalitatem. Satis gloriōse quondam Flaccus, suæ sibi conscius præstantiæ exultavit:

*Exegi monumentum ære perennius,
Regaliq; situ Pyramidum altius;
Quod non imber edax, non Aquilo impo-
tens*

*Possit diruere, aut innumerabilis
Annorum series, & fuga temporum.
Non omnis moriar, multaque pars mei
Vitabit libitinam. Usque ego postera
Crescam laude recens; & quæ sequuntur.*

Nec minus superbè celebris ille Ovidius Naso in Octaviani Cæsaris invidiam suam consolatus est exilium:

*Jamq; opus exegi, quod nec Jovis ira, nec
ignes*

*Nec poterit ferrum nec edax abolere
vetustas,*

*Cum volet illa dies, qua nil nisi corporis
hujus*

*Ius habet, incerti spacium mihi finiat
avi*

*Parte tamen meliore mei super alta per-
ennis*

*Astra ferar, nomenque erit INDELE-
BILE nostrum.*

*Quaque patet domitis Romana potentia
terris,*

*Ore legar populi, perque omnia secula
fama,*

*Si quid habent veri Vatum prasagia,
vivam.*

Quodsi verò tantam profana vanæ gloriæ
mancia de futura sua immortalitate dulcedi-
nem concepere, ut ejus intuitu cuncta despe-
xerint humana, nihiliq̃ue penderint fortunam,
neque labores neque damna, non graves aver-
sata sint ruinas, quibus obsecro elogiis illi or-
nandi sunt Scriptores, qui Christi spiritu affla-
ti, *in operibus suis per ingenii oblationem*,
(ut Chrysostomus loquitur) *DEO soli
sacrificarunt*, per sacrosanctos labores ad ve-
ram beatamq̃ue immortalitatem viam sibi ape-
rientes, atq̃ue longè celsiora pegmata in æter-
nitatis sacrario obtinentes. Nunquam pri-
scos Ecclesiæ Doctores, aliosq̃; sinceræ fidei ac
pietatis christianæ propagatores infelices di-

xerimus, quod vel variis suppliciorum generibus, vel Imperatorum & Præfectorum gentilium tyrannide sint sublati, vel quod exules egentesque aliquandiu vixerint, quodque tot injuriarum & calamitatum turbinibus sint expositi, si doctissima pariter ac sanctissima eorum scripta evolverimus, quibus laudem famamque perennem sunt consecuti. Vivit Martyr ille Justinus, vivetque felicissimus cum Cypriano, Irenæo, Basilio M. Chrysostomo, Augustino, aliisque pluribus qui (ut Horatius exultavit) *Labitinam evitarunt*. Nec ulla unquam tabe corrumpentur veneranda illa Doctorum & Antistitum nomina, qui nostro pariter ac superiori ævo omnes cogitationes suas, studia omnia ad divinarum rerum tum intelligentiam tum propagationem contulerunt. Et si enim laude eximia illi quoque videantur digni, qui vel in lingvarum vel artium & disciplinarum humanarum studio ætatem transegerunt; imò plurimos stilus spectabiliores longè fecerit quam alios ensis, [non secus ac C. J. Cæsarem, qui stylo etiamnum vivit, postquam pridem ense miserrimè occubuisse;] longè majorem tamen beatæ istæ animæ Divinæ tantum litantes gloriæ merentur commendationem. Quanto enim æterna mundanis, immortalia caducis, divina humanis antecellunt, tanto illi reliquos Scriptores longissimo post se relinquunt intervallo. Quorundam profanè doctorum vastos
scri-

scribendi conatus mors subitanea interemit, ut rapidissimo fato abrepti sint eo ipso tempore, quo (sicuti de Bartholomæo Leonico Pierius Valerianus memorat) immortalem sibi gloriam comparare laborarunt ; Alios nimia scribendi assiduitate interemptos fuisse legimus, veluti Paulum Decanalem, qui dum præstanti labore Ptolemæi Geographiam non tam temporum, quam imperitorum hominum injuria passim depravatam incolumitati pristinae reddere contendit, tam utilem & jucundam humanis ingeniis cognitionem brevi exhibiturus, ex nimia scribendi contentione, rupta intra pectus vena ita sanguinem evomere cœpit, ut mox perpetuæ datus sit quieti ; Quinimò quosdam ex mero dolore ob scripta perditam periisse, vel immedicabili contabuisse ægritudine cognovimus, quos inter Avorum nostrorum memoria emicuit Jacob⁹ Constantius, qui (teste laud. Pierio) tristem librorum à se conscriptorum jacturam immoderatus ferens, morbosum animi contraxit æstum, quo in dies horasque crescente miserè est extinctus. Nihil tale novère majori Numinis afflatu perculsi scriptores, qui omni ævo singulari cum industria, pietate, gravitate imò bonorum omnium applausu conscripta volumina edidère in publicum, atque plus cæteris laborantes, Sacro - christianam rem non exiguo locupletarunt augmento. Hi (quicquid ipsorum monumentis olim obvenierit)

*Pier. de
liter. In-
felicis lib.
II. p. 164.
Idem lib.
I. p. 58.*

*Idem
Pier. lib.
II. p. 180.*

de invidiâ, de seelere, de hæresi, mendacio, ipsâ morte denique feliciter adeò triumpharunt, ut non modo post busta sua & cineres sint etiamnum superstites, verum longè diutius perennante scriptionis fructu, quam ipsorum librorum vitâ, fulgeant sicut stellæ firmamenti in perpetuas æternitates. Ac licet quædam forte ipsorum scripta perierint, memoria tamen eorum, hominum doctorum & eloquentium testimonio celebrata, quinimò Solis ipsius radiis inscripta nulli dabitur oblivioni.

XXI. Itaque FELICI ex infeliciū casibus & periculis SCRIPTORI opera præprimis navanda est ut recta gaudeat intentione, h. e. labores suos divinæ gloriæ proximique utilitati consecret prius, quam eos perficiat atque comunicet cum pluribus; dein ut ea quæ ad legentium fructum parare constituit, optimo ordine atque eleganti digestionē conscribat, cum magistrâ experientia constet, ea quæ ordine instituuntur, minore laboris ac temporis impendio perfici, nec solum citius & commodius, verum etiam rectius solere absolvi. Sed & sollicitius ea à literato sunt elaboranda quæ chartis mandantur, quam quæ dicuntur ex tempore, si modo rata atque haud poenitenda illa esse debeant. Curam inquam seriam adhibeat scriptor piè-eruditus, ne illotis quod ajunt manibus tantum suscipiat negotium, Euripides *εὐλαβείαν* quæ hæc ipsa cura est, utilissimam dixit

dixit esse Dearum, cum scientiæ lumen adhibeat operibus, abstrusa penetret, revelet operata, illuminet obscura, cuicunque scriptori hæc adest virtus sinceræ sociata pietati, hoc assequetur, ne animus unquam negotio desit, nec votis successus. Optandum quoque esset ut qui scriptis edendis operam navant, tot frustra editorum librorum causas atque rationes sibi revocarent ad animum, quas Bartolus in sæpe *Bartol. charact. lit. p. 336. figg.* laud. opusculo ad h. m. exposuit: Prima est quod multi nihil se putant egisse, si librum ederint, nisi Bibliothecâ libris suo Marte cufis Orbem ditaverint.

Hinc oblita modi, millesima pagina surgit. Juven. Omnibus, & crescit multâ damnosa papyro. sat. 7.

Volumina centum, mille chartarum singula cum ediderint, iis unius ingenii tot partibus, unius mentis, unius studii & styli tot filiis incedunt tumidi, nec animadvertunt famam & gloriam haud quaquam librorum indigestâ turbâ, sed delectu parari, nec æstimari numero, sed solo pondere. Numeret sanè opus editum centum volumina, cum Ausonii echone de se profiteri hoc poterit:

*Aëris & linguae sum filia, mater inanis
Judicii, linguam qua sine mente gero.*

Quam sensatè & pulchrè libros Domitius Piso
THESAUROS ajebat esse OPORTERE

non libros, verba totidem gemmas, parâ numero paginarum monilia; ut quicumque legerit, decenni authoris labore horâ unâ ditetur. Heu! illa ætas quo abiit? quò mos eximius, scientiarum mel committendi ceris tenacibus? Quo descendebat lentius styli cuspis in tenacem ceram, hoc erat morosior in cogitando mens, hoc maturius quod cogitaverat. Nunc verba digitis calamus præripit, capiti cogitata, utraque tanto leviora, quanto minus perpensa - - - Si dicturus esses in confesso centumvirum sapientissimo, & omni doctrinarum genere exculto, mælles eorum aures indiscriminatim verbis vulgaribus & impolitis, delectu nullo nec ordine nec soliditate profanare? annon gemmas si posses, & aurum loquereris? Et non vides Te libris quidquid ubique Orbe toto doctorum hominû & sagacium est affari, qui legendi tui & audiendi studio tenentur? Quin tu potius Phocionis consilio uteris, qui rogatus, quid tam diu cogitabundus animo versaret; sum inquit dicturus ad Athenienses, & verba retracto singula, ne quid excidat mihi, quod fortè dici minimè deceat. Tu igitur qui scribere, qui scripta in publicum emittere cogitas, juxta prudens poetæ monitum: *Laudato ingentia rura, exiguum colito.* Moles voluminum gigantæas nulli inideas, æmulare si quid in iis est rarum & ævo dignum: scribe aliquid quod solum multorum

& laudem & pretium æquet. Altera origo editionis librorum infaustæ infelicisq; delectus est *INIQUÆ MATERIÆ*, & cui sustinendæ par desit ingenium. Ode, epigramma, simile aliquid typis est datum, & placuit, fingitque mox animus se ad Heroica & Tragica vocari :

*Non idèò debet pelago se credere, si qua
Audet in exiguo ludere cymba lacu.*

Metire humeros de onere quod moliris, post si videbitur par oneri cervix, tolle sis onus, & benè ambula. *Prudentia hominis est, nosse mensuram suam, nec imperitia sua Orbem testem facere.* *Hieron. contra Vigil.* Jungatur Briaræo Argus, nec centum præcipitent ad scribendum manus, nisi centum illis oculi præstò sint. Ne te campus ingens nobilis argumenti sic importunè sollicitet, ut non sinat te alas & vires prius attendere, quam Te aëri credas. Alas remitte, quibus altius quàm decet eniteris; & in hoc ciconiæ pullos à nido recentes imitare; alioqui certius ad casum quam ad volatum impelleris. - Tertia causa frequentiorum in edendis libris abortuum verius quam partuum, *IMPATIENTIA* est foetuum formandorum prius quam eduntur. Frustra illis sed cautè occinit scribendi magister & canendi: *Nonum prematur in annum &c.* *Horat. in art.* Quid igitur mirum si fungus unà hora natus, intra duas marcescat; & nostræ (quod agebat poet.

Plato) lucubrationes in hortos mutantur Adonidis, qui subito & nno dienati, celerrime per-
eunt. Viri docti quò scientiores & sapientius

cordati, hoc semper fuere in censurâ sui ac-
iores. Gnarus quisq; illorum se sua auribus, ocu-
lis & examini credere Virorû sapientum & eru-
ditorû, ita Bartolus. Nec malè Theophilus Ray-
naudus in eleganti sua de bonis & malis libris

*Theoph.
Rayn. de
Bonis &
mal. lib.
p. 319.*

opere observavit, plerosque Scriptores in libris
suis edendis justo esse celeriores, ut mirum non
sit irrepere in eos quod gravi sit dignum censu-
râ ac reprehensione, cum ipso Apuleo animad-
vertente, *nulla res possit eadem esse festinata*

*Apul. lib.
de Deo
Socratis
sub. init.*

*simul, & examinata, nec sit quicquam omni-
um, quod habeat & laudem diligentia si-
mul & gratiam celeritatis;* quinimò ipsa
natura nos edoceat, foetum non statim post
conceptum esse exponendum luci, sed forman-
dum prius quam in apertum exeat, pariter for-
manda & fingenda sensim esse ea quæ ingenii
uterus conceperit, ne foetus abortivi [musteos

*Plinius
lib. VIII.
epist. 21.
Sidonius
lib. VIII.
epist. 3.
L. Vives
lib. 5. de
tradendis
discipl. in
fine*

libros vocat Plinius, eumque æmulatus Sidoni-
us, subventaneos ejusmodi foetus summoperè
improbantes] Orbis eruditi sistantur conspe-
tui. Et quamvis [pergit Raynaudus] in tan-
ta vitæ brevitæ non placeat Ludovico Vivi
ea per Poëtam indicta nonum in annum operis
suppressio, cum partus humanus tantum sit

*Plin. lib. 9.
p. 33.*

nonimestris, nimiamque limam ipse Plinius
impro-

improbet; tamen præstat tarditate quam præ-
 cipitatione peccare, certumque est quod Quin-
 tilianus prudenter monebat, opus jam con-
 scriptum aliquantisper seponendum esse, ut qui
 conscripfit ad illud postmodum refrigerato in-
 ventionis ardore tanquam ad alienum redeat
 ut lector non ut author, siquidem ex ea retarda-
 tione iudicium limetur & expoliatur. Similem
 curam qui prætermiserit, & libros fundere po-
 tius quam edere diu pressos longaue lima
 expolitos laborarit, ac ut est apud Hierony- *Hieron.*
 mum foetus suos evolare de nidulo siverit, & *epist. ad*
 temerario editionis honore vulgaverit, non *Desider.*
 mirabitur, si pro bono libro fungum emittat,
 proque sperata laude & approbatione gravem
 censuram & reprehensionem reportet, quin im-
 mò ab illis ipsis qui ad scribendum & edendum
 adulando perpulerunt, vel coram opus laudi-
 bus ornarunt egregiis, irrisiones sannasq; tan-
 dem consequatur. *Ne ad scribendum cito*
prosilias (ita Rusticum laudatus Hierony- *Hieron.*
 mus prudentissimè admonuit) & *levi du-* *Epist. ad*
caris infania, multo tempore disce, quod do- *Rustic.*
ceas, ne credas laudatoribus tuis. Immo *de forma*
irrisoribus aurem ne libenter accomodes; *vit. mon.*
qui cum Te adulationibus foverint, & quo-
dammmodo impotem mentis effecerint, si subi-
to respexeris, aut ciconiarum deprehendes
post

post te colla curvari, aut manu auriculas agitari asini, aut astuantem canis protendi linguam.

Plin l. b.
VII. ep.
17.

Cogitet (Plinio suggerente) Scriptorum quilibet, quam magni sit dare aliquid in manus hominum, sæpeque tractet, quod placere & semper & omnibus cupiat. Quæcunque igitur scripserit literatus, diutius habeat præ manibus, retractet eadem, iterum ac tertio ad examen revocet, cum libris sæpè idem quod plantis accidere soleat, ut quæ tardè crescunt firmiores sint, eæ verò in quibus præpropera luxuries efflorescit, celerius pereant. Quæ ipsa persuasione imbuti scriptorum prudentis-

D. Bart.
char. lit.
p. 234.

fimi (dicente rursus Bartolo) ex iis quæ elucubraverunt nihil prius iudicio publico committunt, quam intimi cujuscpiam sui censuræ crediderint, sed cordati ac fidi, qui dicat pro imperio REPE TE! at si non ante quam missis in lucem libris deprehendant se reos esse alicujus nævi, manu ipsimet spongiæ admota castigant, retractantq; ut boni pictores opus nondum arte ultimâ perfectum, sed illo adhuc Polycleti & Apellis solenni suspensum lemmate, FACIEBAT, *tanquam inchoata arte & imperfecta, ut contra iudiciorum varietates superesset artificii reditus ad veniam, velut emendaturo quicquid desideraretur, si non esset interceptus.* Hujus prudentiæ clarum præbuit documentum Vir longè clarissimus Hippocrates,

tes,

tes, quem sua quædam de fractura capitis revocare non puduit. Et cum nemo felicis adeo sit limpidique ingenii, quin aliquas in tradenda scientiæ luce emittat ignorantia suæ umbras, hinc dedecori Scriptoribus nemo facile adscribet, nec propterea è doctorum circulo illi excludentur, si in emendandis corrigendisque erratis suis sint faciliores. *Nimis perversè se amat* (inquit Augustinus in Epist. ad Marcellinum) *qui & alios vult errare, ut error suus lateat.* Nihil æquè cordato pioque Scriptori curæ esse debet, quam ut tum ipse, tum alii quos erudire conatur errare desinant. *Non pigebit me*

(ait rursus laudatissimus ille Doctor Hip-^{August.}
ponensis) *sicubi hesito querere, sicubi erro*^{l. 1. de}
discere, proinde quisquis hac legit, ubi par-^{Trinit.}
ter certus est, pergat mecum, ubi pariter ha-^{c. 2. 3.}
sitat, quarat mecum; ubi errorem suum co-
gnoscat redeat ad me; ubi meum, revocet me.

Utinam idem cunctis Scriptoribus christianis esset animus, consimilisq; modestiæ caractere illi essent conspicui, nec injuriosam sibi esse putarent nævorum postliminio deprehensorum sollicitam emendationem, nec adeo facile irascerentur cordatis monitoribus, merito ægrè ferentibus si (quod in veteribus Romanis hodiè ridetur) errores publici pro ipsa veritatis regula habeantur. Utinam [ita optamus insuper] omnes librorum conditores (ne sibi pariter

ac lectoribus suis, quin & seræ posteritati turpiter imponere velint) saluberrimi illius præcepti Delphici essent memores, atque serio *αὐτογνώσιας* studio invigilarent prius, quam de edendis ingenii industriæque suæ monumentis sollicitè cogitarent, præsertim cum sæpè accadat, ut Scriptores etiam ineptiores ob qualemcunque nominis intumescant celebritatem, eamque [licet non habeant,] habere tam men sibi videantur. *Nulli siquidem (præclare dicente Vossio) iis desunt laudatores, & ut adulescentes absint, sibi quilibet adulatur, suosque etiam deformes amat factus.* Ne igitur fucum Scriptor faciat & sibi ipsi, & aliis seculi sui imperitis lectoribus, ingenii doctrinæque suæ vires justa lance ponderet prius, quam argumenti nobilioris tractationem meditetur, cogitet etiam sollicita mente, utrum Scriptorum aliorum inventis quædam adjicere possit majorem spirantia genium, & num post tot tantaque volumina in lucem emissæ operis à se conscripti editio Ecclesiæ vel Orbi erudito adeò sit necessaria? Neque verò sibi soli in tanti momenti fidat negotio, verum aliorum etiam (ut paulò ante monuimus) & doctiorum & candidiorum hominum calculos adhibeat, non contentus scil. secum cuncta, probè perpendisse, ea veterum laudatissimo more communicet quoque cum prudentiori-

bus

G. J.
Voss de
Cognit.
sui pag.
30.

bus aliis, horum judicia exposcat, & rectiora
 haud difficulter sequatur monita, Magni cum-
 primis Ambrosii exemplo & documento illu-
 stri incitatus: Is siquidem librum à se conscri-
 ptum iudicio & censuræ Sabini sui subijciens; *Ambros.*
Nescio (scitè pronuntiavit) quomodo pra- lib. VI.
ter imprudentia caliginem, quæ me circum- Epist. 40.
fundit, unum quemq; fallunt sua scripta, &
aurem pratercunt; atq; ut filii etiam defor-
mes delectant, sic etiam Scriptorem indeco-
res sui sermones palpant. Incautius ple-
runq; aliquid promitur; aliquid accipitur
malevolentius, aliquid exit ambiguum. Tum
quia alieno examinanda iudicio, non prono-
stra debemus magis, quam aliena opinione
trutinare, & discutere omnes scrupulos male-
volentia. Tam severæ hæc in parte diligentie
 Plinium fuisse constat, ut primo secum ipse
 quæ scripserat exactè pensicularit, deinde au-
 ribus duorum aut trium commiserit, ex vultu
 ipsorum pendens, mox aliorum etiam flagita-
 rit notas, easq; si ambigeret, cum uno aut alte-
 ro denuò expenderet, postremò recitatione so-
 lenni auditorii totius judicia voluerit experiri,
 quemadmodū etiam alii Scriptores veteres co-
 ram frequenti auditorio scripta sua relegere, &
 ex singulorum vultibus tum laudes tum culpas
 observare consueverunt. Tutissimè turpis
 phil-

philautiæ noxa vitabitur, & quæ plurimos decipit proprii ingenii fiducia reprimetur, si eruditi scriptores monumenta sua cum aliis lubenti animo comunicent prius, quam ea Orbis eruditi sistant conspectui:

Quippe est mos hominī, quicquid sibi fecerit ipse,

Avien.

fab. 14.

Vile licet maneat, comprobat ipse tamen.

Nolo velis rerum quicquam laudare tuarum,

Alterius nisi sint ore probata prius.

quem obsecro latet sæpè viros eruditos (ut non nemo loquitur) paratragædiare, ac suis ipsorum scriptis nimiū lenocinari, eadem confidenter æque ac audacter in oculos manusq; hominum mittentes, quæ tamē potius in scriniis occultanda aut blattis essent ad corroendum relinquenda. Cum itaq; frequens indulgentia sui nesciat habere delectum, idèd Scriptores doctiorum stare iudicio, atque (ne futilibus ineptiant inventiunculis, quin & toti turpiter imponant seculo,) acrem iudicii non tam sui quam alieni limam etiam atque etiam adhibere deberent; Cavere etiam strenuè ne ab illaudatæ novitatis sive singularitatis, & perniciosæ temeritatis peste corripiantur, nec extra suscepti argumenti limites facilè oberrent, aut copię studio, vel iudicii defectu volumina in immensum crescere

re patiantur, *non quod magnum est id semper bonum esse cogitantes, sed quod bonum, etiam magnum esse mole licet exiguum sit ex Demosthenis sententia statuentes.* Curæ ipsis juxta Sidonii notabile monitum sit, ut causam potius seu argumentum impleant quam paginam, neque id solum agant, ut volumen turgescat & inflatur, verum ut aurea potius & gemmea quædam scriptis inserantur, certo certius sibi persuadentes, nunquam grata lectori acceptaque fore, quæ præter rem intrusaprehenderit. Haud imèritò multis quoque displicet genus illud Scriptorum, qui plura libris suis complectentur quam commodè stringere possint, tam vasta sæpe sæpius argumenta agredientes, ut arbitrentur promissos sibi à divino Numine Nestoreos annos, quibus perficiant, quæ æterni laboris impendio moliuntur, cum vivere plerunque desinant, dum scribere cœperunt, longè melius facturi si illius consilium caperent ductumque sequerentur, qui apud Propertium Mecænatem hunc in modum compellavit :

Quid me scribendi tam vastum mittis in æ-
quor?

Propertius Eleg.
3. ad
Mecan.

Non sunt apta mea grandia vela rati.
Turpe est quod nequeas capiti committere
pondus

Et pressum inflexo prodere terga genu,

Ec

Omnia

*Omnia non pariter rerum sunt omnibus apta
Flamma nec ex aquo ducitur ulla jugo.*

Nec minus strenua Scriptoribus christianis opera navanda est, ut debitam in parandis adornandisque suis monumentis modestiam atque decentem reverentiam adhibeant, ne idem incurrant vituperium, quod operis aliàs famigeratissimi, (sub ROMÆ SUB TERRA-NE Æ titulo editi) authorem Anton. Bosium ex Jani Nicii Erythræi relatione excēpit. En verba ejus singulari digna observatione :

*Janus
Nic. Ery-
thræus
Pinac. 1.
p. 233.*

Antonius Bosius Jacobi fratris ex ancilla Afra filius, paternum genus corporis brevitate, maternum fusco oris colore referebat. - - Ejus non solum adolescentia, sed corroborata etiam ætas, fuit liberior. Amicis utebatur dissolutis, impuris; & simul optimis viris deditus erat : in nocturnis bacchationibus & vigiliis, in comestationibus ac conviviiis, nemo erat qui eum joci, hilaritate amœnitateque antecederet; deinde cum tempus, res & negocia poscerent, nemo illo gravior, nemo prudentior, nemo consilio, diligentia, ac sedulitate superior inveniebatur; libidine sic accensus, ut eam, ubi facultas daretur, expleret, unde ancipites conjectus in

in morbos, vitæ periculum subiret. - -
 Intercedebat illi vetus usus consuetudo-
 que cum fratre meo, homine mirè ad ejus
 mores factò, à quo, cum maxime in eâ
 cogitatione versaretur, perductus est in
 cryptas, seu arenarias, quarum Romæ
 magnus est numerus, contortis, ac laby-
 rinthis inter se flexibus implicatas atque
 connexas: in has, veteres Christiani, pri-
 mis Ecclesiæ recens natæ annis, minacis-
 simis Imperatorum edictis perterriti, ad
 collectas, ut ajebant, celebrandas, ad
 Christi corporis & sanguinis mysteria
 percipienda, & ad sermones de divinis
 rebus audiendos conveniebant: quorum
 ille locorum situm, immensitatem, re-
 rumque in eis contentarum varietatem
 admirans, voluit illuc sæpius reverti, ac
 singula diligentius investigare atque per-
 quirere; & cum magis magisque admira-
 retur, statuit, rem fore dignam, in qua
 omnes nervos ingenii industriæque suæ
 contenderet, si videlicet cryptarum ea-
 rum superficiem, aditus, aulas, aras, ima-
 gines describeret: itaque fratre meo, qui
 erat earum regionum peritissimus, ac
 Ec 2. plu-

pluribus aliis adhibitis, multorum annorum studio, incredibili labore, magnisque sumtibus perfecit illud opus, cui titulus est ROMA SUBTERRANEA. Cujus operis elaborandi gratia, aliqua in speluncis illis sanctissimis non religiosè facta narrantur ab hominibus minimè religiosis. Ibant illuc cum eo semper capita hominum, quinque vel sex, & cum igniariis, unde cereos, si eos contigisset extinguere, rursus accenderent. Et quia nunquam ferè eò se conferebat, ut paucas ibi horas consumeret, sed ut minimum, triduum vel quatrimum contereret, opi paris obsoniis, ac præstantissimi vini amphoris instructus, sese istuc inferebat; adducebatur etiam cocus, qui prandium ac coenam coqueret, cum suis omnibus instrumentis, videlicet cum ollis, mortario ac pistillo, sartagine, abeno, patinis, aliisque ejusmodi vasis; ac postquam multum temporis ei rei, propter quam venerant, datum erat, Cereri jam & Libero, ac solitis bacchationibus reliquum tempus deberi omnium vocibus significabatur; nec mo-

ra, exornatum ibi convivium inibant, quod non silentio, neque ea modestia, quam loci illius sanctitas poscere videbatur, sed cum clamore, joci, facetiisque pluribus, atque effusissimo omnium cum risu celebrabatur; bacchabatur in eo paterabilibris, hoc est, bacchantis more, hac illac volitabat, ac plena & inanis, sine ulla intermissione, fiebat; personabant specus illi convivarum vocibus, madebant pavimenta vino, redolebant fornices nidore culinae, quivis ut severior, cum ex aliquo aditu, quorum aliquot in circumjectis ibi campis vinetisque cernuntur, venientem ex cavernis illis debacchantium strepitum accepisset, non illic versari homines, sed bacchari daemones, non opus religiosum elaborari, sed Baccho sacra fieri, vel evocari ab inferis manes declamasset. Ac per hanc rationem confectus est liber ille eruditissimus atque doctissimus. Hactenus de Anton. Bosio Janus Nicius. Hujus itaque scriptoris periculo omnes librorum conditores discant quantam reverentiam ac circumspeditionem adhibere debeant si consimilis vituperii probum incurrere nolint. Quod agunt pie agant decenterque, quanti que mo-

menti res sit posteritatis negotium suscepisse etiam atque etiam considerent.

XXII. Quandoquidem verò [ut scitè non-nemo ait] magis sit in hominis potestate scribenda facere, quam scribere legenda, hocq; rarissimi ingenii sit ac paucorum, hinc illis præcipuè suscipiendum esset scribendi negotium, qui in eo quod tractare instituunt doctrinæ & eruditionis genere veluti communes quidam [ut antea Seneca dixit] generis humani præceptores esse queant, optimis etiam ad perficienda molimina sua instructi subsidiis, eoque styli seu dictionis charactere gaudeant, qui susceptæ potius tractationis argumento & peritorum menti quam inepto legentium iudicio accomodatior videatur. Non malè etiā Seneca monuit; *Animo semper scribendum esse non auribus*; prout enim Scriptor affectus fuerit, erit ut plurimum & lector. Omnium sapientiorum Virorum oraculo vulgatum est, in severioribus, & ad communem utilitatem magis pertinentibus disciplinis non fucatum adhibendum esse sermonem, sed veritatem puram, ne perstreptentibus tot inanibus verborum lenociniis ribicines potius cecinisse, quam philosophi aut sapientes Viri dixisse aut scripsisse videantur, cumq; rerum varietas & multitudo, varium sapè ac multiformem stylum exposcat à doctioribus hand abs re Scriptores aut Atticum aut

Seneca

Epist. 100.

aut Asiaticum scribendi genus semper exercentes reprehenduntur, pariter ut ii, qui (inanis gloriæ æstro perciti) speciosos adeò atque illustres operibus suis solent præfigere titulos [quos jure Seneca ocaliferia appellavit] ut cum vestibulum libri quispiam inspexerit, credat esse regiam domum, gaza regia instructam, quò intrandum sibi putet etiam cum periculo vadimonii, sed cum intraverit, sperata illa mox exuatur felicitate, cogaturque dicere, quod de inventa hominis larvâ apud Æsopum Simius pronunciavit. *Quam multi libri* (ita notanter Bartolus) *preferunt inscriptiones propter* Bart.
quas vadimonium deferi posset? quarum in- char. lit.
speculo fastu mox occurrat illud Horatii: p. II. n.

333.

*Quid dignum tanto feret hic promissor
hiatu?*

Currunt impatientibus oculis & manu plerique, illis ad legendas, istâ ad versandas chartas, at cum intraveris Dii Dea q! quam nihil in medio invenies? nisi fortè Africam quandam, cujus ora amœna; mediterranea magnam partem arena sunt steriles, deserta, glabretum nudissimum. Prima hujusmodi librorum folia Parrhasii velum esse dixeris, tam artificiosè depictum, ut præ

Ee 4

vero

Seneca
Epist. 65.

vero haberetur velo, & pictura sub eo aliqua latere crederetur. Zeuxis certè eò delusus, flagitavit tandem remotolinteo ostendi picturam; sed aliud nihil invenit præter velum, quo mendax penicillus hominum oculis imponebat. Sic inquit Seneca speciosa & magna contravisentibus, cum ad pondus revocata sunt, fallunt. Sic poma Sodomæ primâ cute blanda & florida, manus & oculos falso colore alliciunt, intus cinis & fumus ubi ea fregeris in auras dissipantur. Si qua illic pomacernantur inquit Tertullianus, oculis tenus, cæterum contracta cinere-scunt. Miseret me planè doctorem hominum, qui sumto avidè in manus librorum ejusmodi aliquo, pro veris rebus fallacem opticer, & inanes colorum prestigias, pro Junone compta & divite, nudam nubem reperiunt; suâq; falsi expectatione plus dolent jacturam temporis in eo legendo, quam pecunia in emendo. Piscantur in eo tam diu donec fastidio victi dicant, nil cepimus. Pervolitant curioso instinctu, quâ se prodit exoticorum sensuum aliquod specimen, aut nova ad dicendum structuræ machina, mox & Zeuxidis pictis vis illusa æves, sic illi
à li-

à librorum avidam sciendi famem specioso
 fuco pellicientium inani lectione, quam fa-
 melici venerant, tam jejuni recedunt. Mo-
 destæ igitur librorum inscriptiones decent.
 Virum piè literatum, nec min⁹ simplices & per-
 spicuæ, ut statim ex eo quod est in limine &
 fronte operis judicare lectores possint quid la-
 teat in recessu. *Magnum vitium* (ait ille)
est in adibus atrii obscuritas, ac nemini in-
gredienti non molesta; ac proinde librum
voce vel sententia tam obscura inscribere
ut lector hæreat, nec nisi consultis inter-
pretibus eam intelligat, est offundere tene-
bras, non lucem affundere. Non nisi planos
 & perspicuos Veteres suis libris titulos
 præfixere, si scripsere de re Medicâ ut Cel-
 sus, si de Agricultura ut Columella, si de re bel-
 lica ut Vegetius, si de animalibus, de Moribus
 de Metaphysica ut Aristoteles, si de beneficiis
 ut Seneca, si de institutione Oratoria ut Quin-
 tilianus, si de Officiis ut Cicero & postea Am-
 brosius, si de Sacerdotio ut Chrysostomus, si
 de Hæresibus ut Irenæus, & Epiphanius, si de
 cura pastorali ut Gregorius Magnus, nullum
 alium titulum præposuere, quam qui prima fa-
 cie & obtutu libri argumentū & authoris con-
 silium lectori indicaret sine ambagibus, tituli
 obscuritatem pariter vitantes ac nimiam peri-
 odorum prolixitatem, cum ea & fastidium le-
 genti

genti afferat, atque à legendo avocet, quem admodum ingentem brevitatis creat voluptatem, & legendi auget desiderium. Verum hæc leviora pervagatioque sunt scriptorum vitia, nec tantam ea committentes incurrunt bonorum censuram, ipsiusque Sacro sancti Numinis indignationem; quantam illi subire coguntur, qui inanis gloriæ (de qua nobis potissimum sermo fuit hætenus) fucis obnupti, non nisi *fama laudis*que inhiant inanity, eamque cæcis etiam viis & improbis captare artibus non dubitant, quemadmodum Andream Thevetum inepta adeo ambitione animum ad scribendos libros applicuisse Thuanus memoravit, ut eos alieno plerunque calamo exaratos, & ex vulgaribus itinerariis sarcinatos librariis miseris pro suis venditaverit. *Nam alioquin* (pergit Thuanus)

Thuanus
Histor.
lib. 16.

literarum, antiquitatis, atque omnis temporum rationis supra omnem fidem fuit imperitus, ut ferè certa pro incertis, falsa pro veris summa fiducia semper scriberet. Equidem memini, cum amici quidam mei Viri docti & emunctæ naris ad eum animi gratiâ ventitarent; me præsentem tam absurda quadam, tam ridicula, quæ pueri vix crederent illi persuasisse, ut ipse risum non tenerem, ut me hodiè misereat multorum, qui cum in literis plurimum videant, agryta tamen illius fucos non solum non pervideant, sed ejus no-
men

men quotidie in libris suis honorificè appellant; mirariq; sapius subiit, qui fieri poterit, ut homo, cui tam faciliè imponeretur, tanti nominis Viris tam turpiter imponat?

Ad eundem ferè modum Scriptores alii complures & sibi imposuere & seculo, conductis nonnunquam aliquibus, à quorum industria interpunctiones stilus accipiat, quique operis rationem & formam melius exponant, licet ipse & liber nihil vel parum habeat proprium ejus, qui author inscribitur, siquidem is nãnas suas, vel ubique decantata præcepta, nec nova dote exulta, novis duntaxat magnificis-

que titulis exornare soleat. Non malè hujus farinae Scriptores Mamertus descripsit ad hunc modum: *Istic ille laudatus, ne infra lau-*

*Mamert
lib. II. de
statu A-
nim. c. 9.*

dantium videatur stare judicium, panniculos quosdam ex diversorum varia lectione concerpit, eosdemq; vilibus suis, veluti quibusdam stuppeis assuit, laceroq; vestitu palliatus incedit. Quid igitur? Nefasne est illustrare suo stilo & ingenio argumentum, in quo jam defudarunt alii? estne id in alienum chorum

(quod dicitur) pedem, vel in alienam messem immittere falcem? Num vile aut ineptum est ex decerptis undique floribus texere coronam?

Vossius An Scriptoribus laboriosis *laudis nihil vel tri-*
buendum vel sperandum (ut cum *Vossio Theol.*
loquar,) *propter ambitiosulos quosdam, ingentilis.*

strenua

*strenua inertia & ingenii & facundia laudem solis sibi vindicantes, aliis relinquentes: duntaxat laboris gloriam, cum Arcadico ut loqui amant pecore communis? Multum interesse (respondebit Seneca,) utrum ad consumptam materiam, an ad subactam accedas. Is demum bono jure ad occupatum ab aliis argumentum stilum applicabit, qui non actum [ut proverbium vetat] agere constituit, sed vel controversa hactenus ad liquidum redigere, vel [Apuleo dicente] *omissa inquirere aut defecta supplere, aut denique eadem ordinatius & cohibilius conscribere conatur.**

Seneca
Epist.
79.

Bart.
charact.
lit. pag.
167.

Is porro alienos labores licitè in suos vertere potest usus, qui [sæpè laudato Bartolo monente] *solerti optimorum scriptorum studet imitationi: Furta lucis de solari curru (quem lubens interpreter ingeniorum præstantium librum, & veritatis triumphalem currum) non sunt omnia rea Caucaſi & Aquila voracis. Fas est multa ex eo tollere impunè, sed quo more crystallus exceptos radios reflectit in Solem cum sænore, tantum abest ut quicquam eis detrahat; non autem ut Luna, qua tam mala fide lumen à Sole accipit, ut cum fuerit Soli propinquior, & lumine plenior, tunc solem à quo illuminata est obscuret. Apes potius ingeniosæ pariter ac prudentes felici sunt imitandæ Scriptori, cuiq; sollicita navanda est opéra*

râ, ut nulla odoris depravatione, nulla venustatis labeculâ, nullâ integritatis iminutione succus ex floribus colligatur. *Tolle ab aliis* (pergit Bart.) *quod lubet, verum à Te de tuo sic per fice, ut esse illorum desinat, tuum fiat.*

Quomodo adamas radium lucis quem fundo excipit, tot multitudine colorum variat, ut Sole faciat pulchriorem. Omnino bonorum authorum industrios imitatores (ita supra laud.

Thomasius) *sive ipsorum verba moderationem debitam adhibentes, diversis accommodent sensibus, sive, quam imitandi rationem alteram proponit Julius Poggianus, sensum ipsorum commutatis reddant verbis, quales culpari non debent, aut cum furibus, nisi laudabilem in sensum comparari.* Sic de

tranquillandi animi præceptis plures scripsere veteribus, eademque post Democritum Seneca, post hunc Plutarchus exposuere; Longo post Vellejum intervallo Rerum Romanarum compendium Florus quoque scripsit, ille profluentius, hic argutius, ille nitidius hic pressius, & tamen in singulorum commentariis posteritas quod probaret invenit. Sic suum adversus gentes Apolegeticum ex Justino Tertullianum, ex isto Octavium suum Minutium, ex hoc denique Cyprianum suam idolorum confutationem expressisse, multa & omisisse, & de suo quemlibet contulisse observarunt alii,

Thomas.
de plag.
liter. S.
142.

III, neque Cypriano vitio vertentes, quod varia Tertulliani volumina solo stili jure in suum nomen ingeniumque adoptarit, cum palam illum Magistrum suum sit contestatus. Nil sanè impedit quo minus hujusmodi Scriptores pronunciemus FELICISSIMOS, qui instar apum ex variis floribus frondibusque tam subtili vi medullam colligunt, eamque suo spiritu ita in unam mellis dulcedinem immutant, ut omnia ipsorum & mente concepta & stilo nata appareant, adeoque ea quæ lectione hauserunt, non sicca & truda expromant, sed potius vim eorum exprimant, & ex variis illis lineamentis ingenio suo aliud unumque corpus vel syntagma forment, omni caventes studio, ne quicquam alteri detraxisse, aut nævis aliorum literariis tanquam flagitiis insultasse, aut vana scientiæ persuasionem ultrò publica maledicentiæ certamina appetiisse videantur. *Quantillum est* [ait scitè Vossius] *benè de aliis mereri, si de nobis malè mereamur*; uti fit, si studia in nobis primò fastum pariant non modestiam, dein ad æmulationem & horrendam animorum provocent commotionem, quâ præstantissimi nonnunquam scientiarum antistites afflati, male de aliis, pessimè de semetipsis sunt meriti, atque extremum tandem & famæ & vitæ [ut nihil de anima dicam] subière periculum. Adcò veræ eruditioni agnata est humanitas atque æquanimitas, ut quiddam habeant insociabile, quod si suavissimæ huic sororum

Voss. de
cognit.
sui pag.
32.

rum bigæ accedat christiana sinceraque demissio, omnisque vanæ & inanis gloriæ sollicita fuga, tot tantisque virtutum radiis collustratus felicissimi & Doctoris & Scriptoris animus sereno semper cœlo, mente semper tranquilla, denique exoptatissima & FAMÆ & ANIMÆ IMMORTALITATE gaudebit. *Alojs. Novar. part. II. Encyclop. Epistolaris, qua ext. Tom. II. operum scul. Verona 1644. editor. pag. 67.*

Rogatus aliquando à Gabriele Naudæo **ALOTSIUS NOVARINUS**, ut operum suorum quæ aut ediderit, aut editioni paraverit syllabum emitteret, cum ista ferè cunctis sint ignota, illa omnia non omnibus nota, pleraque exterorum notitiam huc usque effugerint; Novarinus memorabilem admodum Naudæo rescripsit epistolam, quâ illustre Scriptoris & humanitate & humilitate verè FELICIS dedit documentum, bonosque omnes in sui traxit admirationem. Accedat propius, nobisque apertius loquatur Vir ille eruditissimus, ac simul felicem commentationi huic, ejusque de felicibus Scriptoribus appendici collophonem imponat: Patiar literarium Orbem scire, quid imbecillitas mea DE O in nixa valuerit, & quid voluerit, ut omnes divinum Numen mihi propitium reddant, ne ad pœnam mihi sit, chartaceis opibus operibusque divitem esse, illis verò carere, quæ ab animæ supera gratia gravidæ fecunditate sunt. Quid mihi proderit si plura quam ullus alius effuderim volumina, si librorum multitudinem bonorum operum steri-

„ sterilitate inficiam conficiamque, & tan-
 „ quam cadavera anima vidua quodam-
 „ torporis & otii sepulchro sepeliero? Det mi-
 „ hi DEUS libros in opus vertere, & ita scri-
 „ bere facienda, ut faciam quæ possint scribi.
 „ Multa huc usque volumina Vir doctissime,
 „ Orbi obtuli, plura paro quæ deinceps emit-
 „ tentur, sed quid certi spondeam, incertus an
 „ diem crastinum sim visurus? Ut vitam, ut vi-
 „ res DEUS dederit in DEI GLORIAM, LEGEN-
 „ TIUMQUE PROPECTUM emittā paulatim quæ
 „ promisi. - In libris quos edidi edāq; deinceps
 „ illud cavebo, NE LAUDIS HUMANÆ letha-
 „ lis aura labores meos inficiat, Sancti Hiero-
 „ nymi verba liceat usurpare, nam nec aliam
 „ ab ejus mente mentem circumfero: Nobis
 „ propositum est non plausum legentium, sed
 „ FRUCTUM PROFICIENTIUM QUÆ-
 „ RERE. Qui hunc plausum sequitur, PLAN-
 „ CTU prosequendus est, & incipit laude in-
 „ dignus esse, qui legentium laudem ambit,
 „ non profectum. Denique multa qui scri-
 „ psi, errare in multis potui, ego hīc errorem
 „ omnem ejuro! - Sed jam Vir doctissime,
 „ habe, quæ tu optabas, & ego debeo quia sum
 „ pollicitus. Tantum dum hic sumus ita lite-
 „ ras colamus, ut vitā nostra functi inter eos
 „ esse possimus, qui, quod sanctus Daniel di-
 „ xit, QUASI STELLÆ FULGEBUNT IN
 „ PERPETUAS ÆTERNITATES. O U-
 „ TINAM!

COM-

100



